

BIBLIOTECA NAZ.
Vittorio Emanuele III

XXXIX

A

28


NAPOLI

56.7.


x. A. 28











REINERI NEUHUSI. IC.
EXERCITATIO
ELOQUENTIAE.

Sive

SUADA ALCMARIANA
novissima.

Continens

ORATIONES LXV.

Cum

Fasciculo Poëmatum.



AMSTELODAMI;

Ex officina JOANNIS JANSIONII

WASSERER.

CIO. IO CLXXI.

1. 2. 3. 4. 5.

Nobilissimis, Amplissimis, Prudentissimis
VIRIS,

D. GERARDO à VLADDERACK,

p. t. Senatus Praefidi.

D. ARNOLDO vander GRAEF.

D. CORNELIO vander LYN.

D. JOHANNI STEEN-HUSIO.

Illustris Reip. Alcmarianæ

CONSULIBUS.

Nobilissimi, Amplissimi, Prudentissimi

DOMINI,



Vadæ Alcmarianæ.

Orationes Postero-
riores, LXV. nu-
mero, à proximo

Decennio, publicè in Ve-
stro GYMNASIO ha-
bitas, *Illustri vestro Nomini*
inscribo. Fidei & officii

(*) 2. ergò.

ergò. Quia nulli argumen-
tam hoc jure est debitum ac
proprium , quàm SOLI
ALCMARIÆ, & Pro-
ceribus nostræ Civitatis ;
Qui toties ad hæc Exercitia
probatī testes & Auditores
fuerunt. Jam *Anni sunt*
XXXII , quod tali mo-
do Juventutem exercuerim,
Idque omnium Erudito-
rum applausu & gratuiatio-
ne. Quo etiam fine & pro-
posito omnia sacra nostra
sunt tentanda & commo-
venda : Ut juvenus , à te-
neris , illas inprimis Artes
incipiat imbibere , quibus
aliquando Reip. & Eccle-

fiæ maximè utilem operam
præstare possit. Quæ, præ
cæteris, sunt *Studia Eloquen-*
tia: à quibus ad Ingenuos &
Excellentes viros semper
honos pervenit. Quod ab
omni ætate clarissimorum
hominum testimonia com-
probarunt. Et usus vitæ
communis in ipso Foro, in
Curiâ, in Templis & Aca-
demiis, luce meridianâ cla-
rius ostendit. Quare ob-
nixè Ego hanc semper ope-
ram impendi, ut illis præ-
ceptis ac disciplinis disci-
pulos nostros informarem,
quibus optimè Ingenia sua
perpolirent, & ad commu-

nem utilitatem maximum
semper ornamentum & de-
cus adferrent. Quæ, ut di-
ximus, *Divina est Eloquen-*
tia: De Cujus laude, etiam
ante nos, Viri Sapientissimi
disiectissimè toties disserue-
runt. Materia nobis in
hoc opere varia est & di-
versa. Prout Reip. status
& conditio fuit, ita quo-
que nos, pro re natâ, ver-
ba & sermonem formavi-
mus. Quando Bella, co-
rumque timor animos no-
stros percussit, nos acina-
cem quoque & mucronem
in manum sumpsimus, quo
pro Aris & Focis fortissimè
de-

depugnāvimus. Quando
Pacis tempora divinitus de
Cœlo nos respexerunt ,
mox in lætas gratulationes
& applausus nos effudimus.
Quemadmodum nuper in
turbis *Anglicanis* , & Belli
pacisque illis negotiis faci-
lè videre licet. Aut in alio
argumento amorem no-
strum in Patriam ostendi-
mus. Semper parati opti-
mis quibusque artibus
Remp. juvare & illustrare.
Adeo ut in ingentem nu-
merum ORATIONES
nostræ excurrentes jam plus
quàm totas DUAS CEN-
TURIAS confecerint. Uti-

nam ! FELICITAS Bel-
garum, & inclytæ Civitatis
ALCMARIANÆ Fortu-
na sic porrò prosperè pro-
cedant, ut inceptæ huic co-
ronæ Oratoriæ plures sub-
inde Lauros & Lemniscos
attexere liceat. Quantum-
que incrementi, Gloriæ,
Dignitatis nostræ Reipu-
blicæ, Ejusque PROCE-
RIBUS & PROTECTO-
RIBUS, impofterum attri-
buetur, tantum etiam MU-
SARUM nostrarum,
SCHOLÆ quæ piis fu-
doribus & laboribus orna-
menti accedat !

Quod ut fiat, DEUM
IM-

IMMORTALEM,
ÆTERNUM, ex inti-
mis animi medullis, oro &
rogo. VALETE,

Illustres VIRI,

Nobilissimi, Amplissimi, Prudentissimi

DD. CONSULES.

Ex Museo Alcmariano c13. 1361XXI.

V O B I S

addictissimus

REINERUS NEUHUSIUS.

(*) 5

IN

ORATIONUM PUBLICARUM.

Partis tertiæ & ultimæ.

- I. **D**E Improbâ Honorum, Divitiarum & Voluptatum cupiditate.
- II. De Infanâ Regnorum Imperii-que cupidine.
- III. De Temporum nostrorum fatali calamitate.
- IV. De Vanitate Rerum Humanarum.
- V. De præmiis Bonorum.
- VI. De pænis malorum.
- VII. De Bello Jugurthino præfatio.
- VIII. Sub personâ Micipsæ.
- IX. Jugurthæ.
- X. Continuatio Atherbalis, conquerentis in Senatu de injuriis Jugurthæ.
- XI. Legatus Jugurthinus.
- XII. Bæ-

XII. Bæbius tribunus pleb.

XIII. Memmius contra Iugurtham.

XIV. Memmii continuatio.

XV. Consul Romanus.

XVI. De Præstantiâ & Difficultate
studiorum.

XVII. De Remediis , quibus stu-
diorum difficultas superatur.

XVIII. De concepto gaudio post
promotionem Scholasticam,

XIX. De Auspicio Academico cum
Alloquutione ad promovendos.

XX. Democritus.

XXI. Democriti continuatio.

XXII. Heraclitus.

XXIII. Arbitri persona.

XXIV. De Bivio Herculis, Poëticè.

XXV. Accessus Divarum *Voluptatis*
& *Virtutis* ad Herculem. Poeticè.

XXVI. *Voluptatis*. Poeticè.

XXVII. *Virtutis*. Poeticè,

XXVIII. De Pace.

XXIX. De Bello.

(*) 6

XXX. De

XXX. De Bello Anglicano.
XXXI. De causis Belli Anglicani.

XXXII. De laude Patriæ amantium.
XXXIII. De præsentibus Belli Belgici periculis, cum Britanno.

XXXIV. Præfatio ad materiam Pacis & Belli.

XXXV. De Bello, Poëticè.

XXXVI. De Pace, poëticè.

XXXVII. De Bello alia, privatim scripta, poëticè.

XXXVIII. De Tristi Literarum fato.

XXXIX. De Laudibus Bellicis.

XXXX. Arbiter.

XLI. De læto rumore Pacis, cum Britanno.

XLII. Ad Carolum Britanniarum Regem.

XLIII. In expectationem futuræ Pacis.

XLIV. De Pace Anglicanâ.

XLV. De Pace.

XLVI. De

XLVI. De Pacis commodis.

XLVII. De Eruditione.

XLVIII. De Pietate.

XLIX. De Regibus, eorumque infelicitate.

L. De Laude vitæ privatæ.

LI. Arbiter.

LII. De affectibus malis in Homine.

LIII. De affectibus bonis in Homine.

LIV. De memorabilibus exemplis vitiorum.

LV. Continuatio memorabilium vitiorum.

LVI. Continuatio ejusdem argumenti.

LVII. *De memorabilibus Virtutibus:*
Religione. Patriæ amantibus. Fide publica. Fortitudine. Pudicitia.

LVIII. *Continuatio.* De Sobrietate. Gloriæ Cupiditate. Patientia. Disciplina militari. Justitia.

LIX. *Continuatio.* De Paupertate.

De humili loco natis. De Grati-
tudinē. De Liberalitate.

LX. *Continuatio.* De Doctrinæ a-
mantibus : De Diligentibus. De
Eloquentiæ vi. De præmiis docto-
rum Virorum.

LXI. De Eloquentiæ Laudibus.

LXII. De Historiæ Laudibus, cum
Eloq. conjungendæ.

LXIII. De Romulo & Numa Pom-
pilio.

LXIV. De Tullo Hostilio. Anco
Marcio. Tarquinio prisco.

LXV. De Servio Tullio. De Tar-
quinio superbo.

REGIBUS ROMANIS.

DIS-

DISCIPULI

Qui in ultimâ hac parte

SUADÆ ALCMARIANÆ

perorarunt.

I. **A**nthonius de H O O G H E.
Amstelodamensis.

II. Theotardus Hobma. *Amelando-*
Frisius.

III. Cornelius Schonæus. *Alcma-*
rianus.

IV. Adrianus Byll. *Alcmaria-*
nus.

V. Antonius de Hooghe. *Amstelo-*
damensis.

VI. Theotardus Hobma. *Amel. Fri-*
sius.

VII. Petrus Symms. *Alcmarianus.*

VIII. Joannes Dionysius. *Haerle-*
menfis,

IX. Joannes Suarten. *hencht. Alcma-*
rianus.

X. Edoardus Neuhufius *Alcmaria-*
nus.

XI. Jo-

- xi. Joannes à Nyenburch. *Alcma-
rianus.*
- xii. Joannes Dionysius. *Haerle-
mensis.*
- xiii. Joannes Dionysius. *Haerle-
mensis.*
- xiv. Joannes à Nyenburch. *Alcma-
riensis.*
- xv. Edoardus Neuhufius. *Alcmaria-
nus.*
- xvi. Lucas posthumus. *Alcmaria-
nus.*
- xvii. Guilielmus Bosch. *Alcmaria-
nus.*
- xviii. Joannes à Nyenburch. *Alc-
marianus.*
- xix. Edoardus Neuhufius. *Alcma-
rianus.*
- xx. Cornelius Schagen. *Alcmaria-
nus.*
- xxi. Iohannes Brant. *Alcmaria-
nus.*
- xxii. Lucas posthumus. *Alcma-
rianus.*
- xxiii. Guilielmus Bosch. *Alcma-
rianus.*
- xxiv. Theo-

xxiv. Theotardus ab Aylva. Nob.
Frisius.

xxv. Adrianus Baert. *Alcmaria-*
nus.

xxvi. Guilielmus Moll. à Nyen-
burch. Nob. *Battavus.*

xxvii. Simon Assendelft. *Alcma-*
rianus.

xxviii. Guiel. Moll. à Nienburch.
Nob. Batt. Alcmarianus.

xxix. Simon Assendelft. *Alcma-*
rianus.

xxx. Adrianus Baert. *Alcmaria-*
nus.

xxxi. Johannes Mina. *Alcmaria-*
nus.

xxxii. Guiliel. Moll. à Nyenb.
Alcm. Nob. Battavus.

xxxiii. Samuel vander Laen. *Ro-*
terodamensis.

xxxiv. Joannes Haltermont. *Alc-*
marianus.

xxxv. Epeus ab Aylva. Nob. *Fri-*
sius.

xxxvi. Matthias Rotterdam. *Am-*
stelodamensis.

xxxvii. Idem

- xxxviii. Iacobi, Poëte. *Amstelodamensis.*
- xxxviii. Jacobus Groen. *Alcmarianus.*
- xxxix. Fred. Ludov. Moll à Nyenburch. Nob. Batt. *Alcmarianus.*
- xxxx. Ioannes Pierius. *Alcmarianus.*
- xli. Ioannes Berrien. *Alcmarianus.*
- xlii. Iacobus Bosch. *Alcmarianus.*
- xliii. Fred. Lud. à Moll. Nob. Batt. *Alcmarianus.*
- xliv. Iohannes Atsma. *Leoverdiensis.*
- xlv. Ferdinandus à Keulen. *Amstelodamensis.*
- xlvi. Sebaldus Winninx. *Amstelodamensis.*
- xlvii. Adrianus à Nyenburch. *Alcmarianus.*
- xlviii. Ferdinandus à Keulen. *Amstelodamenses.*
- xl ix. Petrus vander Merct. *Zelandus.*

L. Ioan-

- I. Ioannes Baart. *Alcmarianus.*
- LI. Ferdinandus à Keulen. *Amstelodamensis.*
- LII. Ioannes Baart. *Alcmarianus.*
- LIII. Suffridus Burmania. *Nob. Frisius.*
- LIV. Hieronymus de Haze. *Amstelodamensis.*
- LV. Iohannes Guilielmi, Quaet. *Arenaco Geldrus.*
- LVI. Ioannes Baert. *Alcmarianus.*
- LVII. Iulius vander Moere. *Nob. Batt. Alcmarianus.*
- LVIII. Gellius Wibr. à Iongest. *Nob. Frisius.*
- LIX. Dominicus Feyo à Rhoorda. *Nob. Frisius.*
- LX. Taco à lettema. *Bolsward. Frisius.*
- LXI. Gellius Wibr. à Iongest. *Nob. Frisius.*
- LXII. Iulius vander Moere. *Nob. Bat. Alcmarianus.*

LXIII. Rem-

LXIII. Reimbertus ten Ham. Nob.
Groninganus.


LXIV. Guilielmus ab Egm. à Nien-
burch. Nob. *Alcmarianus.*

LXV. Simon Deim. *Hagiensis.*



REINERI









REINERT NEVENS I. JC.
 EXERCITATIO
 ELOQUENTIÆ
 in

Illustri Gymnasio
 ALCMARIANO
 Constans Orationibus LXV.

O R A T I O I.

*De improba Honorum, Divitiarum
 & Voluptatum Cupiditate.*

Habita ab

ANTONIO de HOOGE.

Amstelod.



Agræ H. H. Audd. admiratio me tenet, quod tam multi mortales reperiuntur, qui, tot tantisque vitiis addicti, turpiter tempus ætatis consumunt; qui pro pudor! in inanum rerum possessione, in perituris honoribus, in caducis divitiis, in fœdissimis voluptatibus

brevis hujus ævi solatium ac salutem reponunt. In hoc uno vere triumphantes, quod, summo bono prorsus relicto, ac fastidito, ad solius fortunæ

A

aram,

aram, tanquam ad rerum humanarum tutissimum asylum se recipiant.

Quam cum ego miserrimam hominum conditionem tacitus mecum expendere, nihil profectò turpius, nihil in terris tetrius, immaniusque ante meos oculos versari censebam. Primo, omnium malorum omen, cretata Ambitio, falsique honoris detestabile nomen mihi occurrit. Quibus ita plerosque mortales deditos esse video, ut nunquam satis indulgere iustissimo dolori possimus. Venenata enim Ambitio, & veræ dignitatis opinio multos homines falsos fieri coëgit: Quibus aliàs animi sui dotes ad omnia præclara decus & ornamentum fuissent. Unde velut ex pleno torrente, infinita scelerum colluvies promanat, & quâ sola, qui homines sumus, penè in brutorum speciem transformamur.

Cùm tamen omnium sapientiũ judicio id pro certo constet, nihil magis instabile esse, quàm potentiam non suâ vi nixam. Et hoc studium nostrum præcipuũ esse debere, ut malas artes, quibus Rempub: invadimus, longe à nobis remotas habeamus. Nec quicquam præter solidam virtutem veramque gloriam, quæ immortales nos esse facit, studiosissime affectemus.

Quæ enim in vitæ existimatio accedere unquam hujusmodi viro potest, qui tramite non legitimo ad honoris fastigia contendit? Qui, nisi pravis artibus, nisi largitionibus, nisi corruptelis ad hæc sacra viam sibi præmunivit. Cum, inquam, navis illa Reipub: quæ communis nostrum est salus, sola ab istis, inter fluctus ac procellas regi debeat, qui rerum peritissimi, & ab omni improbo sensu, & ingenio maximè alieni.

Is verus, teste Oratorum summo, honos videri solet, qui non propter spem futuri beneficii; sed propter magna merita claris Viris defertur. Quod

nec

nec sapiens ille alter in eodem foro ignoravit :
*Multò rectius esse ingenii , quàm virium opibus
 gloriam quarere. Siquidem vera gloria radices
 agit, & etiam propagatur, ficta omnia, tanquam
 flusculi celeriter decidunt. Multoque magnificentius
 est virtute acquirere parva regna, quàm ex regum
 regibus nasci.*

Quod, cerè, olim non latuit illustres ingenio
 & virtute Viros, quorum omnis industria in hoc
 solo fuit posita, ut ad Reipub: tanquam ad Deo-
 rum aras, accederent, quam etiam sanctam, & ab
 omni maculâ illasam conservabant. Hujusmodi
 virorum excellentium nomina ex hoc loco, H. A.
 plurima sæpe audivistis, quorum adhuc recens
 memoria aures, animosque nostros, puto, sensu
 jucundissimo afficit.

Hæc, charissimi Commilitones, nostra illa est
 area & arena, in quâ dies noctesque occupari de-
 bemus. Hoc illud unicum theatrum est, quod sine
 tædio, sine fastidio ingredi semper nos decet.

Et, quod vere è Tripode sit dictum, quis un-
 quam illicitos honores manu sua versavit, nisi
 ille, qui primum opum & divitiarum Avari-
 tiâ turpiter flagravît? Quarum cupiditas adeo
 illi grata acceptaque, ut susque deque ha-
 beat, qua ratione, quibus artibus ad improbas
 dignitates perveniat; modò illud inde aucupium
 habeat, ut solummodò diuescere possit, & supra
 alios, quos infra se videat, verticem suum extol-
 lere. Optime Satyrici sententiam edoctus:

*Unde habeas quarit nemo, sed oportet habere.
 Quos Tartesiâcis nunquam satiaret arenis
 Tempestas pretiosa Tagi, non stagna rubentis
 Aurea Pæloni.*

Qui nullum mortis periculum reformidant, nul-
 lum Oceanum exhorrescunt, Nullam ignomi-
 niam præ in explebili pecuniæ aviditate subter
 A 2 fugiunt.

fugiant. Omni conatu, viribus id solum agunt, ut æraria sua refarciant acervis nummorum; Ut, Euclionum instar, suas illas ollas anlasque altissimè terris defodiant. Ne forte aliorum insidiis artibusque hæc chara animula, pecunias dico, rursus eripiat.

*Quibus nulla unquam satis divitiæ sunt; non
Mida,*

*Non Cræst, non omnis Persarum copia,
Explere illorum tartaream ingluviem po-
test.*

Overè inania, vere ludicra alternantis Fortunæ spolia, quæ tamen miseri homunciones tantisæpe facimus, ut multo facilius placidiusque sit, ex hac ipsâ vitâ demigrare, quam tantillum de opibus suis, & male partis domi thesauris amittere.

Pudeat, Miseri mortales, vulgi hosce mores imitari, apud quod jamdudum Virtutes vera rerum vocabula amiserunt. Quod si nobiscum illi divinam Philosophorum mentem perspectam sibi haberent, nunquam ab hac tali insanjâ in sinistrum abriperentur.

O plus quam belluinam animorum rabiem! O cacas, & inanes hominum cogitationes! Quibus nihil dulcius, nihil gratius est, quàm, quod alios emungant, alios fallant, suorum profusi, alieni appetentes. Qui omnem ingenii conjectionem industriamque in acquirendis divitiis ponunt. Atque utinam? qui divitias appetituri essent, cum divitiis primum deliberarent; Presceto vota sua jamdudum mutassent. Nam plurimis parasse divitias non finis miseriarum, sed mutatio fuit. Et multo securius tunc divites erimus, quando intelleximus, quàm non sit grave pauperes esse. Tunc demum felices erimus, si pecuniis nostris nihil adjiciamus & cupiditatibus detrahamus.

Eant,

Eant, ut volent res humanæ, dum animo composio sua constet.

Cur invidendis postibus, & novo

Sublimeritq; moliar atrium?

Cur valle permutem Sabinæ

Divitias Operosiores?

Licet, non sub Hymettiis columnis ultimâ recisâ Africâ somnum capiam, Nec quicquid de Libycis verritur areis, solus ego possideam; aut opimas Sardinia segetes feracis, vel pinguis Phrygia Mygdonias opes, satis tamen beatus sum, qui omnibus illis bonæ mentis impedimentis carere possum.

Non possidentem multa vocaveris

Recte beatum: Rectius occupat

Nomen beati, qui Deorum

Muneribus sapienter uti,

Duramque callet pauperiem pati,

Ab sit tamen illud ab animo meo prorsus puerile, ut nullo modo divitias ego pati possim. Apud Sapientem virum illa in servitute sunt apud stultum in imperio. Et nemo tam unquam insanus exsistit, ut sapientiam paupertate damnaverit, aut Philosophis pecuniam interdixerit.

Stoici verò omnes illos divites dicunt, qui cælo, & terrâ frui possunt, & Divinus Plato in illâ sententiâ fuit, quod nunquam quisquam in magnis divitiis bonis artibus operam navaverit. Sapiensque Diogenes ausus asserere: Quod neque in domo, neque in civitate opulentâ locus detur virtuti. Ideoque cum aliquando, quid essent divitiæ, interrogaretur Chilon, respondit: illæ thesaurus sunt malorum, & Calamitatis Viaticum.

Anacreon Verò Lyricus, cum auri talentum à Polycrate accepisset, illud paulò post ei restituit, Dicens: odi munus quodcumque vigilare cogit.

Nos, Commilitones Charissimi, nunquam tam à bonâ mente sumus alieni, ut cum tetricis illis Philosophis pecuniis odium indicamus. Pulcherri-
rimæ sunt opes, quas nostro labore, & sudoribus comparamus; quas à Principum liberalitate con-
sequimur; à Legationibus exterarum Gentium,
à Magistratibus nostris, in vitæ gloriose institutæ
memoriam

Tamque divinus aliquis poëta nunc existat, ut
ab Auspicio & inauguratione maximi Regum Ca-
roli aureas per colla sua ludentes catenas pro-
mereatur.

Hoc ante omnia H. A. nunquam satis ego ad-
mirari possum, quod in eodem contubernio no-
stri generis, & familiæ homines reperiamus, qui
solâ voluptatum fruitione, in gula, in ventre
summam felicitatem reponunt. Quorum vita ni-
hil aliud est, quam bibere, pergræcari, belluari, in
scortis, & in popinis pernoctare; inter aleam &
pocula occupari. Verbo dixero: hoc unum agere,
ut ab inferis iterum revocent veteres Bicongios,
Tricongios, Tiberios, Biberios, Amphoras, Bo-
nosos. (A page à sacris Musarum malè ominata hæc
verba, Sardanapalos, Domitianos, Anthonios,
Cleopatras, quorum nemo sine offulâ potuit vi-
vere, aut bene unctâ patellâ. Qui in luxu, in
mollitie, in purpurâ vitæ suæ bonum posuerunt.

Omnes famæ Nominisque boni prorsus securi,
apud quos Sacrorum ipse Antistes,

rarum ac memorabile magni

Gutturis exemplum.

Porro,

*Si damnosa senem juret alea, ludis & hares
Bullatus, paruoque eadem movet arma fri-
tillo.*

Qui radere tubera terræ

Boletum condire & eodem jure natantes

Mergere ficedulas, didicist nebulone parente,

& Cand

Et canā monstrante gulā.

Alia est Vita & Virtus, *Nobiliss: Adolescentes*, quā ad famam, & honorum fastigia feliciter ascendimus: si non sequuti temporum horum barbariem, cum Cyro, cum Platone, cum Socrate ex pari vivamus. Qui vel prope fluentem aquæ rivulum jucundissime cænebant & solo Naturæ desiderio famem suam condiebant.

Parvoque assueti producere vitam

Et quantum Natura pet it.

Tantumque cibi & potus sumentes, ut corporis vires alantur, non opprimantur: Quibus vestis arcebat frigus; domus munimentum erat adversus infesta corpori: Hanc utrum cespes erekerat, an varius lapis gentis alienæ, nihil interrerat.

Sicci terga suis, rarâ pendentia crate,

Moris erat quondam festis servare Diebus,

Et natalitium cognatis popere lardum,

Castrorum imperiis, Et Dictatoris honore

Functus, ad has epulas solito maturius ibas.

Utinam! & nos *Charissimi commilitones*, aliquid à veterum illâ gloriâ hausissemus, ut improbam bonorum cupidinem; ut *divitias malè comparatas*, ut noxias *Voluptates* quàm longissime profugere, animos verò nostros, artesque ingenuas ad solius sapientiæ possessionem componere possimus.

D I X I.

ORATIO II.

De

Insanâ Regnorum Imperiique cupiditate,

Habita à

THEOTARDO HOBMA.

Ameland. Fris.

Nobilissimi, Amplissimi Domini Auditores,

PRÆter illos, qui à caducis Fortunæ opibus toti dependent, vel in gulæ ventrisque sui deliciis, aut vanis honoribus salutem suam reponunt, etiam illi sese offerunt, qui, non privatis domigratulationibus contenti, ad summa tantum imperia, & Regum Principumque fastigia, animos suos adiungunt. Haud cogitantes, quam sit mirabile atque lubricum, tot Regna & nationes suâ solum manu & majestate complecti. Quàm periculosa plenum opus alex, splendor ille regius, unumque hominem sua cura ac industria infinitis populis jura, & leges præscribere; belluamque tot caput, vulgus, sapientiæ suæ gubernaculo feliciter regere ac refrænare. Quantò multò melius multis fuisset, manum à sceptro & corona abstinuisse, superbix suæ poenam & ruinam jam experti, antequam optatâ imperii in sede, & solio jampridem, ut sic dicam, concaluissent. Id omnino ignorantes, qui fluctus in comitiis, quæ tempestates in Republica, quot metus terroresque regium tribunal circumstant: Quod summum imperium summum quoque habeat periculum, & nunquam ab insidiis

insidiis sit tutum : Quod eminentis Fortunæ, assidui comites sint, crebræ vicissitudines & mutationes rerum : Velut iter facientibus per solem, quos necessario comitatur umbra: Utque illi, qui arborum magnarum fructus sectantes, dum altitudinem non metiuntur, & ad cacumina festinant, præproperè cum ipsis, quos comprehenderit, ramis, decedentes, gravi sese ruinâ affligunt.

Nescitis cupidi arcium, Regnum quo jaceat loco?

Regem non faciunt opes, non vestis Tyria color,

Non frontis nota regia, non auro nitida trabes.

Nunquam in aulâ Regum Principumque est tuta & secura quies. Semper simulas, suspicio, perfidia illic dominantur. Sive ingenia subditorum, quibus imperamus, spectemus; Sive illorum affectus animosque cum quibus quotidie conversari necesse est. Nemo tam benè à Natura, ab educatione, instructus, ut adversus insidias dolosque semper sibi caveat satis prudenter. Omni sub lapide hic latet scorpium: Ut neque à propriis satellitibus & ab ipsis à latere purpuratis sit certa cuiquam securitas. Quod ab omni orbe condito, & ab ipsâ hac nostrâ ætate satis cognitum perspectumque habemus: Quando potentissimus Galliarum Rex Henricus quartus; & fundator nostri imperii, Princeps Auriacus, Guilielmus primus, nefaria parricidarum manu de medio sunt sublatis. Quibus addo, horresco referens, Magnum Britanniarum Regem Carolum primum, quem aliqua nuper suorum desperata, puto, colluvies, infelici securi percussit. Cujus regii sanguinis vindicta tandem matura, meritis ab ipsis hominum monstis, ac sceleratis Regicidis, pœnas exegit.

Verum dicente Poëta:

*Ad generum Cereris sine cade & sanguine pauci
Descendunt Reges, & siccâ morte Tyranni.*

Mirum verò, quod nedum id Damoclis aliorum-
que exemplo edoctus fuerit famosissimus Europæ
Tyrannus, Cromvelli, quod summi discriminis
res sit, non tantum regios honores malis artibus
acquirere, sed ipsum regem, regem dico, tot co-
ronis potentissimarum gentium innexum, suo
jussu & imperio de solio disturbare, denique mor-
te ipsa, vix posteris nostris credibili, crudeliter
trucidare.

Speramus id, Belgæ Fœderati, Potentissime
Carole Secunde, ut tu, quod regnum, à Patre ti-
bi legitimum ac debitum, nuper recepisti, illud
ipsum meliore fato, ac Diis semper propitiis,
tibi sis conservaturus. Atque hoc habeas semper,

*Magnificum & ingens nulla quod rapiat
dies,*

Prodesse miseris, supplices fido Lare protegere.

Nam quemadmodum agrotantibus medici sunt
servatores; sic Reges iis, qui injuriam patiuntur;
neque enim specie tenus ac nomine, Fortuna
imperii consideranda est Cogitet secum princeps,
& Tu nunc imprimis, divino servatus auspicio,
Carole potentissime, quod ex omnibus mortali-
bus placueris Deo, electusque sis, qui Deorum vi-
ce in terris fungaris.

Quid ergò est, miseri mortales, quod, tanta vos
animi amentia ad Regum subsellia ac honores
contenditis? Quando videre hic licet, quibus vitæ
anxietatibus, quibus ærumnis ac miseriis sceptrâ
ac coronæ subjaceant? Ad ipsâ demum regna si
pertranscamus, quid, quaeso, in illis perpetuum ac
durabile? Quid de prima Assyriorum Monarchiâ,
quæ olim sub Nimrodo, sub Nino, sub Semiramide
aliisque floruit, nobis reliquum est, præter nudum
Historiæ nomen & fidem? Quid de secunda Per-
sarum,

sarum, sub Cyro, sub Xerxe, sub Dario præter fumum nobis restat? Quid de Græcorum, sub Amynta, sub Philippo, sub Alexandro aliud nobis constat, quam solum id ipsum, quod mendaci, forte, historico ad nos perscribere visum fuit! Nisi quod omnium imperiorum restiterit maximum illud, quod à Trojanis olim Romani acceperunt,

*Quo nihil in terris complectitur altius ather,
Cujus nec spatium visus, nec corda decorem,
Nec laudem vox ulla capit.*

Armorum Legumque parens.

Terrarum Dea gentiumque Roma

Cui par est nihil & nihil secundum.

Quæ primò quidem à pastoribus condita, domina tandem terrarum orbis evasit, & universi mundi compendium, arx nationum, lumen gentium, orbisque miraculum meritò appellata est. Potentissima hæc Resp., cui nunquam, ut diximus, par ulla in tertis fuit, tamen vix sui vestigium amplius reservat. Quid est, vos ô Regnorum capita ac proceres, quod coronas vestras & sceptrâ, tanti facitis! Nonne nostra id ætate vidimus, quantum de imperio suo amiserit Magnus Hispaniarum Rex Philippus? Qui primum à Belgis fatali vulnere impetitus, deinde à Lusitanis, præfectis suis, ac subditis, magnâ parte laceratus.

Multa possemus hoc loco referre exempla de regnorum ortu atque occasu; de clarissimis civitatibus jam dudum everfis; de Rebus publicis planè in fumum & pulverem suum redactis; de illustribus in bello Imperatoribus, nisi sapius ex ipso hoc pulpito de nobili hac materia copiose differuissemus.

Meo ingenio iudicioque A. H. longè melius est, inuà modestæ terminos se continere; nec eo usque ceteris in cœlum penris se extollere, ut nobis aliisque non nisi ludibrium debeamus.

Magis, inquam, laudandi sunt illi, qui nimios honores fugiunt, quam qui anxie illos desiderant; nam immodicæ potestates hominum animos ad fastum extollunt atque corrumpunt. Is mihi videtur amplissimus, qui sua virtute in altiore locum pervenit; non, qui ascendit per alterius incommodum. Affectabat paternos currus Phaëton, sed mundum vota illa incenderunt. Inhibendæ igitur rapidæ cupiditatum rotæ, nec tam alte unquam generosus animus in cursum intendendus, ut prorsus extra se rapi videatur. Nolim tamen tam quemquam esse socordem, ut prorsus ab omni in Republica authoritate ac dictaturâ abstineat, tanquam à sarcinâ aliqua gravi ac onerosa. Respublica, ut dixit aliquis, *terrestriis quidam aether est, in quo, tanquam sidera, defixit nos homines natura. Exequamur in eo munus nostrum, & spargamus lumen, & irradiemus.*

Trahimur enim omnes laudis studio, & optimus quisque maximè gloria ducitur: neque unquam excelsi ingenii virum humilia delectant. Si verò id perpetuo nos ageremus, ut insitos nobis divinæ rationis igniculos, quasi cineribus suis consopiremus; quid, quæso, aliud quam patriæ hostes, quam hujus universi inimicos nos profiteremur? Nam sublatis de foro legibus, justitiæque administris, omnia in suam faciliè perniciem ac interitum properarent.

Vos igitur, potentissimi Reges Principesque, qui Batavis nostris vera fide & fœdere juncti estis, semper felices & invicti in imperio & honoribus vestris agite, ac efflorescite; populo, ne rebelles sint, leges & jura præscribite. Pacem nationibus: Securitatem civibus vestris asserite.

Et, quod caput votorum meorum est, vos, *Illustissimi Alcmariæ procures*, diu quoque secundam

EXERCITATIN ELOQVINTIÆ. 13
dam & prosperam dominationem in urbe vestrà
retinete.

DIXI.

ORATIO III.

De

Temporum nostrorum fatali calamitate.

Habita à

CORNELIO SCHONÆO.

Alcmariano.

GRatum mihi fuit, Charissime Collega, de ve-
terum imperiis, crebrisque regnorum muta-
tionibus te differentem modò audire. Ultra-
que ego manu sententiam tuam divinam complec-
tor. Cui ego argumento porrò insistentes, id ope-
ram obnixè dabo, ut ex fatali temporum nostro-
rum decursu clarissimè appareat, quàm cuncta
mortalium opera suæ sint obnoxia ruinæ.

Ad nostra imprimis tempora si me convertam,
eorumque varios casus ac vicissitudines si tacitus
mecum cogitem, vix putem antiqua sæcula plus
nobis lucis ac luminis ad præsens argumentum
adferre. Hæc enim ætas nostra, tabella & specu-
tum est universi: in quo omnibus intueri fas est,
quàm prorsus nihili sit rebus humanis confidere.
Ut non immeritò & mihi exclamare liceat: Vanitas
vanitatum, & omnia vana! Sub ipsâ tranquil-
læ pacis securitate, maxima bellorum inonstra &
prodigia, velut uno torrente, Europam nuper in-
vaserunt. Quando ne per somnium de armis &
classico cogitavimus. Sæpe tum temporis periculo
viciniores, cum domi nos maximè tutos existi-
maremus.

Docuit hoc, præteritis annis, tristissimus in
Germaniæ

Germania belli apparatus, cujus mala & miseriae, nemo oratione, vix dum cogitatione suâ comprehendere potest. Per omnes Prævincias in florentissimo illo imperio, nihil quàm incendia, & vastationes: quàm crebrae trucidationes, alterna vulnera, enses imbuti sanguine: quàm cadavera florentissimarum urbium, agrorum dirptiones, conjugum liberorumque miseranda strages & interitus. Cum quâ calamitate, valde dubitem, an aliqua è veteris ævi memoria conferri ac componi possit. Quæ, plus totis triginta annis, hosce fidissimos Belgarum socios & amicos fregit ac fatigavit. Donec tandem ipse Bohemæ Rex Fredericus, miserando fato, solio suo deturbatus in exilium conjicitur. Cujus etiamnum Regina, cum omni sua prole, tanquam altera Pelopis domus, ad quas cunque miseriae nata & conservata esse videtur. Quo recente exemplo edocti nos sumus, quàm parum conveniat in humanis viribus, magnisque Regum Imperiis spes & opes suas collocare.

Nec minus proximis quoque diebus, instabilem rerum nostrarum conditionem didicimus, quando ab axe Britannico, sub novo illo Phalaride, fatale & infestissimum, vix nobis de armis cogitantibus, bellum fuit denunciatum: quo adeo vires nostræ sunt attritæ ac debilitatæ, ut cum Hannibale ad Cannas tunc temporis, adversis quasi astris, contendisse videamur. Totâ belli mole, tam formidabili classe instructâ, pœnè intra moenia & portus nostros, exilia nobis ac interitum minitante, quando, post gestum, in tot annos, cum Hispaniarum Rege bellum, vix tutè & quierem nos composuerimus. Sed illa rursus Dei Omnipotentis mitigavit benignitas, quæ singulari providentiæ suæ exemplo exulem terris suis Regem restituit. Pro quo beneficio nunquam satis
amplæ

amplæ gratiæ, tibi, O Æternæ in Cœlis Deus, à nobis posterisque persolvi possunt. Modò non felicitarem præsentem, ut fieri sæpe solet, aut infæustæ disturbent nuptiæ, novâ aliquâ Hecubâ, aut Helenâ in Regnum introductâ, aut pessimi Sinones, tanquam mali angues, per impluvium decidant. Tu divinâ sapientiâ faceque cælesti præviâ, Potentissime Regum, Carole, fortunam tuam pressis manibus teneto, nec facilè ad ista descendædera & amores, unde multo majora incommoda in civem & populum tuum promanare possent.

Ab hoc orbe & insulâ H : A : si ad mare Balticum nos conferamus, Dii boni, quæ inde nobis nuper tempestas oborta fuit ! Iterum nos Belgæ omnium Elementorum injuriis objecti: quibus ex longâ consuetudine jam in naturam & nervum id transiisse videtur, ut in continuis bellorum incendiis, non sponte nostrâ, sed acerbissimis hostium odiis, semper vivere cogamur. Quod, certe, bellum initio tam atrox ac truculentum fuit, ut si male illic rerum nostrarum alea cecidisset, nobis imposterum, cum durissimo necessitatis telo, fame atque inediâ, conficiendum fuisset. Verum Optimus Maximus in cælo Deus, rursus imminentes nobis tempestates benigna sua manu temperavit, scilicet :

*Valet ima summis
Mutare, & insignem attenuat Deus,
Obscura promens. Hinc apicem rapax
Fortuna cum stridore acuto
Sustulit, hinc posuisse gaudet.*

Vix etiam infelices infestasque hæc Hyadas, inita cum Gothorum Rege pace, evita veramus, ecce novum nobis, à majore hoste, Asiæ & Africæ Domitore, Turcarum illo Tyranno, immissum belli metum. Qui hoc unum operosè molitur, ut

omnes

omnes suas vires, Martisque universi rabiem, in Christianum orbem evomere ac eructare videatur. Quod bellum an diri nobis in cælo Cometæ denuncient, an alia multa prodigia, jamdudum eanere videantur, non faciliè nos humanis conjecturis inquirere aut explorare volumus.

Attamen peccatis nostris adeo ad suæ maturitatis perfectionem productis, ut non extra omnem metum & suspensionem sit, temporum horum, quæ vivimus, varia portenta, aliquid nobis tacitè monstri malique præfigurare. Quare vos, o Potentissimi Europæ Reges Principesque, pariter id unum omnes instituere debetis, ut infestissimo huic hosti, qui humani generis Divinique Numinis contemptor est maximus, una nunc agmine animoque obviam procedatis. Vires vestræ, quibus hætenus in mutua, prò pudor! vulnera & exdes, usi fuistis, adeo sunt validæ ac potentes, ut, Deo Duce, Comite ferro, facile omnes illius exercitus profligare possitis. Agite, terrâ marique lectissimas copias conscribite. Inde ultra Pyrenæos & Alpes, recta in Italiam pergite, ut temporis succurrere possitis in ferro flammâque sociis jam versantibus: ne brevi suos limites ac terminos vis illa Barbarorum pertranscat.

Hinc à Rheno & Rhodano ad castra in Hetruriæ faucibus posita, mactis animis armisque properate: ne frustra auxilia nostra expectent Potentissimi Venetorum Patres. Inde à Sequanâ, à Tamesi, à Tiberi virtutem vestram, Bellicosissimi Heroës, pro vetere fortitudine, in campo ac acie ostendite: ne velut ruptis aggeribus, in nostram aliquando urbem, immanissima Turcærum tyrannis se immitat. Periculum est in mora, Christiani Principes: & Hostem, quem, fortasse, spernimus, contemptu nostro faciemus valentior.

Iana

Jamad ultimos Germaniæ fines belli hæc flamma proserpit, & proxima quæque contactu suo adurit. Exercitatissimum militem Hostis non ex urbibus sed agris legit, masculam rusticorum prolem. Opes, com meatu abunde illi suppetunt. Locorum opportunitas, flumina, quibus classes suas devehat, non desunt. Omnia, quæ, in bellis, à bono Imperatore desiderari possunt, ille in promptu habet. Si unquam, Christiani Principes, virtutis memoriam seræ posteritati testatam cupitis, hic amplissimum hujus gloriæ theatrum vobis aperitur. Nunc bellum nobis infertur, post hominum memoriam, atrocissimum: in quo si aliquando victores exstiterimus, quos non triumphos, quas non gratulationes, jure summo, per universam Europam consequemur? At verò si remissi, si languidi nunc simus, illumque ardorem, quo antea in nobismetipsis opprimendis nimis alacres paratique fuimus, remittamus, nihil, præter summas misérias, præter calamitates maximas, à nobis exspectandum. Hoc demum verè bellum erit suscepisse, quod, jure summo, pro Religione, pro Libertate, pro aris & focis feliciter gestum esse videbitur. Quo, fortasse, aliàs prætextu non satis justas & legitimas nobis laudes ac titulos promeriti sumus.

Faxit Omnipotens in Cælo Deus, ut adversum Asiæ Africaque Potentissimum hunc Dominatorem diu prosperè feliciterque subsistere possimus. Ne à Scythico hoc Tyranno, qui totius orientis vires in Europam nunc parat; aliquando sub triste servitutis iugum redigamur.

D I X I.

O R A-

O R A T I O IV.

De

V A N I T A T E R E R U M
H U M A N A R U M.

Habita ab

A D R I A N O B Y L L.

Alcmariano.

A Udivistis H. A. ex Collegis meis, quo suo fato atque ordine res mortalium in hoc mundo administrantur. Quàm vana & ipsa omnia hæc sint opera, quæ nos aut manu aut ingenio nostro in terris molimur. Nihilque à solis ortu ad occasum, existat, quod solidam animis nostris tranquillitatem adferre possit. Qui semper inter præcipitia malorum suspensi, nusquam locorum nostris desideriis tutum aliquod asylum reperimus. Honores & opes, de quibus in principio verba fecimus, hominem plerumque in maxima mala impellunt, & quando ab hisce solatia aliqua expectamus, inde nisi maturam nostri doloris ac miseriarum messem metimus. Verè, natas rosas inter spinas & spicula acerbissima. Semper decumanis fortunæ procellis obiecti, unde eluctari vel ipsi Alcideæ fortissimo, difficile nimis foret.

Ad corporis animique voluptates, si velut ad sacram aliquam anchoram confugiamus, cheu! quàm magnis multisque malis, meritò illæ nos mactant. Quod illorum imprimis facta docent, qui se semel Epicureorum nefariis castris, tanquam sacramento dato, obstrinxerunt. Unde
nemo

nemo sine stigmate dimittitur; nemo sine infamiae notâ tutus unquam evasit. Hæc tamen illa sunt gaudia & Halcyonia, in quibus tam mirificè, pro pudor! multi, hoc seculo, homines, sibi placent. Quorum initia si fortasse paulò latiora se ostendant, illorum finis & exitus, totus tristis ac infelix: quemadmodum, vetus Historia infinita nobis illorum exempla reliquit. De summi honoris fastigio, multi Reges Principesque acre inter se certamen susceperunt; sed vix oratione hæc illorum amentia digna fuit. Quale in Cæsare & Pompeio videmus, in Syllâ, in Antonio, in Alexandro, pluribusque aliis; de quibus antehac verba ex hoc loco fecimus. Quos omnes toto orbe primos vel secundos, ad miserabile postea vitæ suæ ludibrium, ludicra fallaxque Fortuna reservavit. *Dominandi enim cupiditas rarò bonos habet eventus.* -

Ita quoque res se habet cum improbissimis Luperorum sodalibus, quos nimia sæpe voluptas inter proprios suos complexus meritò occidit, ac strangulavit. Quemadmodum tota illa Cynædorum calamistrata cohors quotidie nos docet: quibus, gula & venter, sola subitæ mortis est causa & argumentum. Cujus certissimi testes etiam illi esse possunt, qui, post veteres illos Narras ac Helluones, nostro quoque tempore, nullam nisi in majoribus Scyphis poculisque educendis, voluptatem percipiunt.

Quales verò cruciatus, animique dolores isti quoque homines quotidie persentiscant, qui, in avaritiæ volutati sordibus, solam felicitatē numerorum magnitudine metiuntur, vix verbis, puto, exprimere quisquam posset. Nōrint hoc illi, qui inexplebili divitiarū siti tanquam perpetuò damnati, omnibus modis pecuniam undique corradunt. Ad eò ut prorsus res nihili sit omnis homo,
nisi

nisi supra humana se attollat. Et illud, quodcunq; bonæ mentis impedimento est, longè à se removeat ac depellat.

Reliqua autem vitiorum genera, quibus animus noster est obnoxius, hoc nunc loco referre, totus erubescō. Quorum alios vah pudor! in pessimam Invidiam, alios in odia Vatiniana ac inter-necina; alios in Iracundiam immanissimam propensos invenio. Multos, qui proximi sui famam Calumniæ moribus infestant; nonnullos qui ex adversis vicini rebus, nescio, quod gaudium, quàm hilaritatem percipiunt. Quare, an deslere potius rerum humanarum vanitatem cum Hera-clito debeam; an cum Democrito potius, deridere, id penitus ignoro. Hoc unum ex Collegis meis jam didici, quod Honores, quod Divitiæ, quod Voluptates, ne honesto quidem ore sint nominanda: præter hæc sola atque unica, quæ nisi ingenuis ac generosis animis à virtutis exercitatione contingunt. Et, quod ipsa Regna-Principumque majestas, suis semper molestiis, suisque miseriis tam pacis, quàm belli tempore, sit exposita. Ut vel in communi proverbio videre licet, *omnes bonos Reges in uno annulo describi posse.*

Cæterum. H. A. quando hæc omnia, quæ sub utroque cæli lumine clarissimo continentur, brevi tabellâ complectar, & ad unum me hominem, qui tales tantosque in hac vitâ tamen spiritus sumere sibi solet, orationem convertam; Quid est, amabo, cur in hisce caducis ac mortalibus rebus vel minimam delectationem percipere possis? tanti, quanti, inquam, sumus, à summo vertice ad imos usque talos, si nos & corpora hæc nostra intueamur, ex Philosophi sententiâ: *Lucerna sumus in vento posita, quodlibet quassum vas sumus, & quodlibet fragile.* Ut exclamare merito liceat,

• VANI.

Ô VANITAS VANITATUM ET
OMNIA VANA!

Hoc autem unico nos magni sumus, quod animo, qui incorruptus, & æternus: illâ nostri meliori, inquam, parte, cum Deo nostro in Cœlis conjuncti sumus. Tandemque ex hoc Labyrintho communium miserationum, in portum illum Divinæ tranquillitatis recipiemur.

Quod superest. *Nob: Prud: Dom: Auditores*, ingentes vobis habemus gratias, quod, pro solitâ vestrâ humanitate, tam benignè nos differentes, de rerum humanarum vanitate, audiveritis. qui ut porro Reipub: & Ecclesiæ, feris & plus quam ferreis hisce mundi temporibus superstites esse possitis, Deum Optimum Maximum ex animo precor. *Faxitque idem Sator Statorque rerum humanarum, ut invictissimus Belgarum populus diu in tuto subsistat. Ne aut novâ bellorum rabie impetiti; aut aliis calamitatibus misere oppressi, in tristissimam fati periodum impingamus; sed semper felicia, semper nobis prospera, in Elysiis hisce Belgarum convallibus eveniant.*

D I X I.

Hæ quatuor Antecedentes oratione habite Alcmæaricæ c10. Idclxi. Examine Paschali.

O R A T I O V.

De

PRÆMIIS BONORUM.

Habita ab

ANTONIO DE HOOGHE *Amstelod.**Nobilissimi, Amplissimi viri,**Auditores Humanissimi.*

Quaquam non semper ex æquo virtuti constituta sint præmia, & optimus quisque in debito honore ac æstimatione habeatur; Tamen, Laus Opt. Max. sit Deo, non ita prorsus fera ac ferrea nostra sunt secula, ut virtutem omni suo cultu, ac decore spoliata[m] neglectamque videamus. Habemus in Republicâ, in Rostris, in Templis viros autoritate eminentes, sapientiâ præclaros, qui nunquam impunè id ferent, ut excellentium virorum facta illustria, in obscuro sita, turpi silentio prætereantur; sed totis viribus & sudoribus masculè id agent, ut suæ pietati, virtutumque studiis æterna monumenta actrophaea erigantur.

Licet illa, inquam, tempora aliquando exstiterint, quibus ob regnantium malignitatem, boni viri ipsorumque probitas contempta fuerit; tandem tamen ex luto & tenebris suis semper clarior pulchriorque emerfit. Quæ propria est egregiis ingeniis indoles, ac natura, ut non penitus in occulto detineri possint.

Nos *Nobilissimi, Amplissimi viri, Audd, Humanissimi*, ex Præceptoris nostri consilio & auctoritate, hac horâ, de *Præmiis Bonorum & Pænis malorum* perorare nobis proposuimus. Ipsa
argumenti

argumenti majestas & amplitudo, non dubium, attentissimas nobis aures animosque vestros præbebit.

Profectò, id nimium nobis esset dolendum, si tam infelicia nunc tempora viveremus, ut nulla virtuti dignitas, nulla benemeritis præmia persolverentur. Omniumque industria sine fructu & mercede in situ suo ac squallore compuresceret, et optimus quisque omnes suos labores, curas, conatus in patriæ commodum impenderet; dies noctesque unum hoc sedulo institueret, ut & nostræ ætati & posteris omnia prosperè, omnia feliciter evenirent, idque sine ullo præmio ac emolumento: quis, inquam, ferre ac perferre hanc contumeliam animo unquam modesto tranquilloque posset? Omnia altissimis in tenebris sepulta ac suffocata jacerent, quæcunque divini Homines præclaris suis ingeniis in hac vita moliantur. Nemo tam animo obfirmato ac virili facilè existeret, qui, sine spe Gloriæ ac honesti ambitu, res aliquas difficiles susciperet.

*Quis enim virtutem amplectitur ipsam
Præmia si tollas?*

Priscæ fortitudinis vestigia nullibi existerent, callosas habentem manus, pro muris stantem, pulverulentam, coloratam virtutem nullibi invenires. Domi inilitiæque egregia facinora conquiescerent. Nullum in rogâ, in foro, in tribunali decus; nullus in religione, in templis splendor & gloria, si virtutum præmiis de mediis sublatis, omnia præstantis ingenii monumenta susque deque æstimarentur. De nostrâ vero Pallade, de operoso illo Minervæ studio mente mea augurari quid possim? brevi, inquam, concludendæ omnes Mularum fores, si non aliqua à fama & præmiis illustrior gratia & Gloria illas cohonestet. Inde est quod Clarissimi viri, ab omni ævo tot laboribus

laboribus se defatigarint; in omnibus terris tropæa nominum suorum erexerint; tam laudabili studio ingenia sua vexarint. Quæ nunquam æquis animis perferri potuissent, si non bonæ mentis, ut sic dicam, nutricula ad res magnas perficiendas stimulum suum addidisset.

Mañti animis estote, Adolescentes. Etiamnum virtutum præmia nobis sunt integra. Nemo illa ea toto præ occupavit. Nostro ardori animisque relictæ sunt triumphæ, quibus orbi posterisque innotescere licet. Hastam suam nullus abjiciat. Nos viri fortes in famæ hanc aciem masculè contendamus. Si antiquum, si nostrum hoc adamussim seculum excutiamus videbitis, profectò, nullam virtutem theatro suo destitui. Nullam rem bonis auspiciis susceptam suis unquam muneribus præmiisque indigere. Neminem, qui gloriose semel factorum memoriam exercuit, suo scopo & termino magnitudinis frustrari.

Licet aliqui nonnunquam temerè non ingemiscant, quod ex pari studiorum fructum non consequantur, & vix è laborum suorum Scyllâ & Charybdi eluctentur, nisi misera vitæ jactatione. Tamen parata veræ virtuti est merces, & honeste suas actiones instituentibus digna reservatur gloria atque dignitas.

Et semita, certè,

Tranquilla per Virtutem patet unica via.

Studiorum verò illustrium præmia ac functiones desideratis? Philippos, Alexandros, Augustos habetis, qui doctorum virorum lucubrationes semper maximi fecerunt. Vespasianos, Adrianos, Alphonsos, Carolos, quibus unica fuit cura & voluptas beneficia sua in literas & literatos conferre. Olim in Grammaticos & Rhetoras singulari affectu propenderunt Græci, qui Gorgia Leonino, Demetrio Phalareo, multo numero statuas

aureas

aureas crexerunt. Ita quoque Romani, qui M. Tull. Ciceronem, novum hominem, in principem Senatus locum extulerunt, plurimosque alios, propter sola literarum studia, ad summam dignitatis gradum evexerunt. Qui uni Poëtæ Virgillo, quod carminis maiestate excelleret, plusquam divinos honores concesserunt. Adeo ut vel nemo in aliquo scriptorum genere unquam præclarus, exstiterit, quem non gentium populorumque plausus, tanquam umbra gloriæ certissima, pulcherrimè exceperit. Philosophi Possidonii domum, Quis credat? Magnus olim Pompejus studiosè frequentavit. Platoni in Siciliam venienti vittatam navem obviam misit Dionysius.

Et Philippus Macedo beatum felicemque se de prædicavit, quod filii sui natales in tempora Aristoteles incidissent. Quo verò amore prosequuti sunt Athenienses Polyhistora suum Thycididem? Et, capris Syraculis, quo honore affecit, insignem Mathematicum Archimedem, Marcus Arcellus? Domitium Vlpianum, ac Julium Paulum Alexander Severus? Quibus nec in cenâ, nec in conviviis cedere unquam potuit. Hippocratem Artaxerxes? Cui tantum auri, quantum cuperet, annumerari imperavit.

Certissimum est H. A. rarò aliquem suæ Virtutis teste ac testimonio defraudatum fuisse. Ut neque mechanicis artibus, quas nedum ingenuis studiis annumeramus, suis etiam honor unquam defuerit. Iterum Alexandro magno nobili hoc exemplo comprobante: qui Apellem, qui Lysippum, qui Pyrgotolem, singulos suæ artis præconio commendavit. Quid dicam de illustribus, in tam vario senatu, consiliariis; de missis ad exteras gentes Legatis? Illi à Tiberio; ab Octavio Augusto, à Claudio Cæsare, ab Imperatore Nervâ summis laudum titulis affecti sunt. Prætereo tot

egregios in bello duces, *SCIPIONES*, *MARCELLOS*, *FABIOS*: quos omnes quia populi Romani memoriam omninò immortalem fecerunt, ipsà æternitate donarunt. Inter quos Lacones priuò mihi occurrunt, qui, ob egregia facinora, in patriam exhibita, eximiis & præclaris viris divinos honores decreverunt. Et ipsi Athenienses, qui regem suum Codrum, propter singularem in patriam pietatem, in Deorum numerum retulerunt.

Quare nec immentò sapientissimi olim Poëtæ divinis Hominibus, qui Virtute aliquà excelebant, locum aliquem in ipsiis campis Elysiis designarunt. Illis, inquam,

*Qui manus ob patriam pugnando vulnera passi,
Quique sacerdotes casti, dum vita manebat,
Quique pii vates, & Phæbo digna locuti,
Inventas aut qui vitam excoluere per artes,
Quique sui memores alios fecere merendo.
Omnibus his niveâ cinguntur tempora vittâ.*

Cresceret in immensum Oratio mea H. A. si singula virtutum nomina, earumq; præmia & laudationes, hoc loco, recensere deberem. Nostra quoque secula ab hac laude & gloriâ non prorsus sunt destituta. Quæ quoque suos Epammondas, Phociones, Aristidas in pretio habent, famamque illustrium virorum, quos terra hæc nostra alit, nulla temporum oblivione cupiant extinctam, ac deletam. Adeò, ut in ipso hoc nostro Belgio, verè adhuc gloriari nobis liceat de optimis florentissimisque legibus, quibus sua virtuti præmia & pretia constituuntur. Nondum, hac ipsa ætate, in illustri Nassoviorum domo, exhibitæ in patriam virtutis exemplis ingratâ taciturnitate oppressis. Et in prosperâ ac felici civitate Alemariâ, plenissimis hujus gloriæ ac laudum monumentis, laus Deo, etiamnum pulcher-

pulcherrimè existentibus. Ubi nullius boni viri
sûdor, zelusque divinæ pietatis suo caret plausore
& triumpho.

Quare vos, *Omnatissimi Adolescentes*, id u-
num studiosissimè agite, ut honestissimarum ar-
tium scientiis imbuti, patriam vestram, & in illâ
Urbem hanc Angustissimam, pro virili parte or-
netis, illustretis.

D I X I.

ORATIO VI.

De

POENIS MALORUM.

Habita à

THEOTARDO HOBMA,

Amelando-Frisio.

Nobilissimi, Amplissimi viri Aud. Humanissimi.

Quemadmodum; laus opt. Max. in cœlis Deo;
justissimæ virtuti sunt remunerationes, pau-
cique inveniantur, quibus non suæ laudes,
ob egregia animi decora, tribuantur: Ita etiam
unumquemque meritò scelus suum agitar, Neme-
sinque in tergo is habet, quæ aliqua vitæ turpitu-
dine infamem se fecit. Quæ Regnorum ac Civita-
tum duæ fortissimæ columnæ, quando altissimis
defixæ radicibus subsistunt, est, quòd jure meri-
tòque de Legum integritate civibus subditisque
gratulemur. Tum hoc proprium sit divinæ justiti-
æ officium; *Parcere subjectis & debellare super-
bos.* Neque aliter in unius populi corpus coales-
cere Respublica posset, nisi in eadem Themidos

balance, hinc optimè meritis præmia, inde improbo cuiq; certissimæ suæ poenæ distribuerentur. Quæ recta, sola & regia est via, qua scelera & flagitia removemus, quâ maria frequentamus, & ubique cum securitate tranquillitas dominetur.

Egregie docente hoc nos Boëthio: quod *annus bonus, non tam de magnis fructibus, quam de iuste regnantibus sit existimandus*. Nihilque unquam turpius possit existere, quàm à Legibus Principem eximere. Et, ex Caligulæ sententiâ, omnia ipsi & in omnes licere, regiumque id demum esse; *Impune quodlibet facere*. Quæ, certè, improbissima regnandi est consuetudo. Hæc verò una & optima est ad Rempublicam gubernandam ratio, quando bonis viris ad salutem sui præmia, improbis autem pœnas ac supplicia constituimus. *Virtus sibi ipsi est præmium, omniaque illi bona adsunt, quem penes est virtus*. Nullum igitur Scelus, nullaque vitæ turpitudine impunita esse debet; quoniam ab hoc uno fonte ac fomite derivata clades ad omnium Populorum perniciem facile promanet. Nec minorem, certè, voluptatem nobis id faciat, ut æquè severis legibus animadverti videamus in improbos hominum mores & delicta, quàm erga virtutum functiones, egregiâ beneficiorum memoriâ defungi. Illorum iudicio prorsus pro vili contemptoque habendo, qui molli semper manu, minimaque clementiâ peccati magnitudinem tractandam esse censent. Liberè enim ac impune grassantibus vitiis, quis illam tot caput belluam, intra rectum orbem & orbitam contineret? Non eo tamèn fine, ut in suspicionem vocatam velim Alphonfi & Cæsaris benevolentiam, *qui nescire voluerunt, quid quisque peccasset*. Et amorem civium unum in expugnabile esse munimentum, quo Rex &

Prin-

Princeps in tuto esse possit. Tunc demum severiore remedio ac disciplinâ esse utendum, quando morbi, jam pertinaciores, proximè ad desperationem venerunt. Et vim sceleris pœnarum acerbitate coërcere debemus. Absit ita animum humanum Principi exuerim, ut obvia crudelitate quemcunque laceret, & in minimos errores prolapso, statim in tauro Phalaridis mugire faciat. *Cave homines ferres, cave Scythas magistrâ Medea dignos*, et noli in mite nostrum Belgium novos Thyestas ac Lycaona adducere. Id tantum urgeo vehemens Orator, ut pereat aliquando in partibus quid, ne rerum summa amittatur. Ut in patriâ proditorem, in perduellem, in Repetundarum ac Residuorum reos, acerbissimis pœnis animadvertatur. Et ne in contumeliam adducatur Lex Julia contra adulteros; Lex Cornelia contra Sicarios, Lex Apuleia, Aquilia, Latoria, Licinia; quæ ab improborum injuriis nos tutos præstant. Laudabilem in eo Tiberii morem affecti, qui multa adversum ambitum & potentium preces constituit; cuique suam defensionem tribuit, & non, nisi cognitâ causâ, jus & injuriam decerni voluit. Egregiam ex inde laudem meretur prudens antiquitas. Quæ ut sedula virtutum Nutrix, ita scelerum & flagitiorum vindex fuit acerrima. Adèò ut vix ullum crimen extiterit, cujus aut vestigia non deprehenderit, aut illud in herbâ, antequam ad maturitatem perveniret, falce sua rescârît. Quod, velut in speculo intueri nobis datur, quando sub oculos nostros veterem ac recentem historiarum fidem subjicimus. A mundi exordio auspiciam si sumimus, & inde usque ad nostra hæc tempora descendimus, quis omnium illa, amabò, pœnarum nomina percurrere posset? Quando Opt. Max. Deus. toties de nocentibus supplicia sumpsit; toties sua fulmina, rubente dextrâ, in mise-

ros mortales coniecit; terrâ marique toties populum suum; inmissâ quasi tempestate, ac poenarum poene diluvio, ad debitam sibi pietatem modestiamque revocare voluit. Hæc illa sunt in sacris paginis tonitrua, quæ nostros animos novo indies terrore percellunt. Unde vivo ad oculum exemplo nobis constat, quam merito humanis flagitiis supremum illud Numen succenscat. Tam æquus exactæ in terris virtutis æstimator, quam sceleris ab unoquoque perpetrati iudex severus. Quam sententiam rex vero expressit Menander:

Ὁ γὰρ ἀδίκως καὶ ὁ ἰστέρι ζῆλῶν κακὸν,
 Αὐτὸς προπάχει τὰ κακὰ τῶν ἑκβασιν.
 Ὅταν ἐκ πινυρῶ προγυματῶ Κέρδος λάβῃ,
 Τῶ δυσχερὲς νόμιζε σ' ἀρραβῶν ἔχειν.

Ego A. H. ne aliorum flores delibem, intra nostra pomeria ac limites me continebo. Potissimus enim mihi sermo est cum Adolescentibus, quos mea hac oratione inflammare ad virtutem, & abducere à vitiis proposui. In utramque partem delineatâ vivâ imagine, quò ad meliorem animi habitum componere se possint. Certum est, *commisitones Charissimi*, quod sua quemque fraus, suus error maxime vexet, nosque quotidie magnum illud Numen irrisemus. Et quasi puniendi justæ causæ non sint, horas illi demus. Cum illud præcipue curare deberemus, ut, perspecta impiorum vita, nostram inde vitam à vitiis repurgaremus. Non, puto, minorem vobis delectationem pariet, H. A. oculis mecum introspicere hominum improborum poenas, quàm modò de virtutum præmiis Collegam meum differentem audivisse. Vix ullum ego agnosco criminis genus quod non auctori suo damnum merito attulerit; sive

sive animo & cogitatione meâ vetus, sive nostrum hoc seculum contemplor. Fatalis fuit ruina præscis Gigantibus, quando cælum ipsum peterent stultitiâ, & pennis non homini datis, ire ad ipsa sidera miseri illi phæäntes conarentur. Quam superbix quoq; pœnam experti sunt Domitiani & Caligulæ, qui sibi ipsis divinos honores ascripserunt. Et illis in proximo positi Alexander Dionysius, Cæsar, Jovisque ille amulus Salmonæus, qui currum rotas æneis canthiis obmunitas super pontem æneum agitavit. De quo meritò princeps Poëta:

*Vidi & crudeles dantem Salmoneæ pœnas.
Dñ flammæ jovis & sonitus imitatur olympi.*

Ubi,

Centauri in foribus stabulant, Scyllæque biformes,

*Et centum geminus Briareus, ac bellua Lerna.
Horrendum fridens, flammisque armata
Chimæra,*

*Hic & Aloidas geminos, immania vidi,
Corpora, qui manibus magnum rescindere cælum*

*Aggressi, superisque Jovem detrudere regnis.
Nec non & Tityon, terræ omniparentis
alumnum,*

*Cernere erat: per tota nox cui jugera corpus
Porrigitur, rostroque immanis vultur eburno,
Immortale jecur tendens, sacundæque pinnis
Viscera; rimaturque epulis, habitatque sub
alto,*

*Pectore nec fibris requies datur ulla venatis,
Quid memoriem Lapithas, Ixiona, Peritho-
umque,*

*Quos super atra fœlex jamjam lapsura, ca-
denti,*

Imminet assimilis;

*Hic quibus invisi fratres, dum vita manebat,
Pulsatusque parens, & fraus innexa clienti,
Aut qui divitiis soli incubuere repartis,
Nec partem posuere suis.*

*Saxum ingens volvunt alii, radiisque rota-
rum,*

Districte pendent. Sedet aeternumque sedebit.

*Infelix Theſeus. Phlegyasque miserrimus
omnes,*

*Admonet, & magnâ testatur voce per um-
bram:*

*Discite Justitiam moniti, & non temnere
Divos.*

Hocce omnes propter immania illorum flagitia, merita ad Acherontem poena damnavit. Et non istis inferiores Syllam, Antonium, Marium, Lepidum existimes, qui omnes dignum sua crudelitate mortem obierunt. Tota denique regna, civitates, Principatus, quo alio argumento ad interitum suum sunt prolapsa, quam ob fœdera rescissa, quam ob patriæ prodiones, ob leges malè observatas, ob fidem & amicitiam per scelera violatam? Ut nihil jam dicam de novis seculi nostris Sejanis & Cromvelliis, quibus ob pravas ac nefarias in reges suos molitiones meritò puniendis, vix rotæ ac unci, puto, in Europâ suffecerint. Deque Privatorum poenis ac suppliciis, quæ pro scelere sui magnitudine suo quisque jure commert. Inter quos infausi ominis nominisque homines mihi occurrunt Avari Eucliones, sordidi Adulatores, alienæ famæ fortunæque obtrectatores. Nati denique ex ipso malè volentis sinu pessimi Calumniatores atque invidi, quibus hoc unum in vita est dulce atque jucundum; ut, odio suarum rerum, omnia mutari studeant. Qui secretis criminationibus alios infamant, & quo incautiores decipiantur, palam laudant. O genus homi-

hominum nulla virtute redemptum à vitiis ! Ipsi vobis, pro pudor, Carnifices, Tortores, ac Tormenta existitis ; qui ad omnia fulgura trepidatis ac impallescit. Quibus tacitâ sudant præcordia culpa, cum frigida mens est criminibus. Cuperetis lustrari quidem omnes.

Siqua darentur

*Sulphura cum tadis , & si foret humida
Laurus.*

*Sed , Prima hac est ultio, quod se
Judice nemo nocens absolvitur, improba quamvis
Gratia fallacis pratoris vicerit urnam.*

Quos diri conscia facti

*Mens habet attonitos , & surdo verberere cæ-
dit.*

Iuvenalis Sat. XIII.

Occultum quatiente animum tortore flagello.

Qui,

*Nocte dieque suum gestant in pectore testem.
Perpetua anxietas nec mensa tempore ces-
sat,*

*Faucibus, ut morbo siccis , interque molares
Difficili crescente cibo. Cum vina misellus
Expuit , Albani veteris pretiosa senectus
Nec placet.*

Densissima ruga

*Cogitur in frontem , velut acri ducta Fa-
lerno.*

*Hi sunt, qui trepidant, & ad omnia fulgura
pallent,*

*Cum tonat, exanimis primo quoque murmure
cæli.*

Puto , ignorare vos,

Esse aliquos manes & subterranea regna.

Et contum & stygio ranas in gurgite nigras.

Quod cum latinis scriptoribus, cumulatissime, quoque testantur Græci, quorum si ore loqui hic licet, vere videbimus, quæ olim supplicia in illa gente apud improbos quosque obtinuerint. Egre-

gie *Isocrates* noster ad *Nicocleu*; τῆς ἀρετῆς ἐδὲν τοῖς πονεροῖς μέπει.

Et divinus *Plato*: ὅταν εὐέλῃται θεὸς ἔνι πράττειν πόλιν, ἀνδρας ἀγαθὸς ἐπιήσει, ὅταν ὃ μίλλη κακῶς πράττειν πόλιν, ἰξεῖλε τὸς ἀνδρας τὸς ἀγαθὸς ἐκ ταύτης τῆς πόλεως ὁ θεός. Cui affine est illud *Menandri*:

Σοφοῖς ἐμιλῶν κ' αὐτὸς ἐκβήσῃ σιφός.

Κακοῖς ὁμιλῶν κ' αὐτὸς ἐκβήσῃ κακός.

Adeo, ut nullum vitium reperiat, quod non, divina quasi virgula & vindicta mox parata, ex merito poena sua consequatur. Testante hoc iterum de *Ebriis*. ad *Demonicum Isocrate*: ὅταν ὁ θεὸς ἀπὸ οἴνου διαφραγῇ, πάντα πάγει τοῖς ἄρμασι, τῆς τὸς ἡνώχῃς ἀποβάλλουσι. Et ut paucis multa comprehenderim: ἐδὲς ἀνθρώπων ἀδικῶν τίσις οὐκ ἀπετίθει. Καὶ πμωρία ἀδικίας ἀκόλυθον.

Nihil horum clara aeternaque virtus admittit. Hæc adeo est gratiosa, ut infinitum etiam sit malis probare meliora. Hæc gaudium præstat perpetuum & securum: etiam si quid obstat & nubilum intervenit. Hæc denique nos homines usque in cœlum attollit, & supra cara mortalibus collocat. Huc vos invito, *Generos. Adolescentes*. Illò me sequimini. Viam vobis rectam & regiam designo, quâ ad ipsam aeternitatem contenditur. Maestis, quæso, animis, hoc illustre gloriæ certamen suscipite. Et tu porro felix ac prospera esto, O *Augusta Almaria*! diuque *Virtuti tutissimum Asylum*, *Improbitali inimicissimum Tribunal* oppone.

D I X I.

Hæc duæ Orationes recitata *Almaria*, post *Examen Publicum* c[irca] 1701, xii. Septembris.

O R A -

*Exercitium Oratorium ad imitationem Sallustii
de Bello Jugurthino.*

Præfatio.

O R A T I O VII.

Habita à

P E T R O S Y M S.

Alcmariano.

Dux sunt exitiales Rerump. pestes, Audd: ruina
imperatorum, materies omnium malorum, *pe-*
cunia scilicet & *dominationis libido*. à quibus
occupata Resp. in extremam miseriam devolvun-
tur, tandemque à stirpe intereunt. namque Avari-
tia fidem subvertit, probitatem exterminat, Justi-
tiam ex hominum societate profligat, omnes virtu-
tes, omnesque benè curandæ Reipublicæ artes eli-
minat. Horum in locum perjuria & fraudes sub-
stituit, sacrilegum Dei Religionisque contemp-
tum inducit, parandæ rei rationes & opum aucu-
pia edocer, ad rapinas, ad furta, ad proditiones pa-
trandas facem præfert. *Ambitio* vero mortales ad
detestanda flagitia impellit, amicitias magis ex
commodo, quam fide æstimare, blando verborum
alloquio incautos decipere, aliorumque gratiæ &
benevolentia, quam bono honestoque Reip. stu-
dere, leges perfringere, sacra humanaque permis-
cere, nihil denique pensi nihil sancti habere. Mag-
num olim lateque potens Græciæ fuit Imperium :
quod parvâ sæpe manu delevit, innumerabiles ho-
stium copias, multas gentes armorum vi subegit,
bonis legibus Respublicas administrans, rerum
gestarum & Sapientiæ laude toto orbe decantata
fuit, quoad honoris pecuniaque cupiditatem à se
repulit. At ubi illa sese Principum animis insi-

nuaret, & pro se quisque, ut maxime poterat, ad honores opesque contenderet, tum viriles illi animi, quibus toties Persarum conatus represserant, conciderunt, virtus quasi venenis malis imbuta, elanguit, æqui & iniqui discrimen, nullum habitum fuit. Bonos ex fortunis suis expellere, exitio, carcere, morte mulctare, per pessima flagitia ad opes & honores grassari. *Roma*, augustissimum quondam imperii domicilium fuit, domina orbis terrarum, lumen omnium Gentium, palæstra quædam ac theatrum, in quo pulcherrima virtutum spectacula publice exhiberentur. At quando stetit hoc felicius, quam cum ab aratro Dictatores ad capeffendam Remp. vocarentur, cum Imperatores humi desidentes, raparumque ferculis contenti, hostium aurum repudiarent. Quid tibi difficile arduumque fuit inclyta dominatrix, quis hostis formidolosus, quibus periculis cessisti, cum Dictatores tui, à stivâ atque ab agris ad clavum summi imperii admoventur, cum avaritiam & ambitionem sancitis legibus constringeres? Subversa est felicitas, cum tibi divitiarum bono honestoque potiores factæ. Cum dignitates, tuque ipsa, si modo emptorem nancisci potuisses, venalis reddita; cum potentiores furtim & per latrocinia ad honores niterentur.

Ipsa ubi æmula imperii *Carthago* à Scipionibus everfa est, convulsis Marium & montium claustris nihil amplius restaret, quod victoriæ cursum inhibere posset, tum hoc malum longe grassari cepit, ut nullis amplius legibus coerceri, aut suppliciis constringi potuerit. Maxime verò cum populo Romano cum Jugurthâ Numidiæ Rege bellum esset, hæ corruptæ civitatis mores patuerunt. Quod ut ante cognoscendum illustre magisque in aperto sit, paucis Jugurthæ genus & studia exponemus. *Masinißsæ* Numidarum Rex contra Carthaginen-
ses

ses & Syphacem Regem Populo Romano, sub Scipione Africano militavit, & singulari virtute, quam in hoc bello exercuit, Principis Populi gratiam, Syphace capto, regnum ipsius promeruit. Hic Masinissa tres post sese filios reliquit, Micipsam, Manastabalem, & Gulussam, quibus extremis morbo absumptis, Micipsa solus regnum obtinuit. Manastabalis verò, antequam diem extremum obiret, Jugurtham, ex illegitimo concubitu suscepit, quem Micipsa, ignarus mali sui, cum Atherbale & Hiempsale, filiis suis, domi educavit. Hic ubi primum adolevit, ingenii & fortitudinis documenta de se præbuit, nec se ad inertiam & corporis voluptates pessum dedit, sed arma ita ctavit, venando corpus exercuit, impigre laborando, omnia, unde gloria peti poterat, conando, populi sibi studia & favorem comparavit.

Demum sub Scipione apud Numantiam militans, & consilii dexteritate, & pugnandi strenuitate brevi tantum effecit, ut Imperatori suo acceptus, commilitonibus charus, hostibus terrori fuerit. Hac virtute viri & gratia, quæ apud omnes plurimum valebat, Micipsa patruus permotus, Jugurtham adoptat, & in regni societatem cum filiis suis assumit. Mortuo Micipsa cum Jugurtha altiora animo cogitaret, jamque totam Numidiam spe invasisset, primò Hiempsalem dolo aggreditur eumque per ministros domi suæ incautum opprimat. Inde Atherbalem invadit, copias ejus fundit fugatque, ipsum regno ejicit, fortunis omnibus exuit, denique in oppido Cirta obsessum per summum scelus trucidat, totamque Numidiam per vim occupat. Ad extremam denique miseriam compellit. Atherbal regno ejectus, Romanorum opem implorat, de fratris miserrima cade, de regni spoliatione, de audacia atque superbia Jugurthæ conqueritur, auxilium precatur, poenam

impio parricidæ irrogari postulat. Pauci inter Romanos, quibus bonum & æquum divitiis carius erat, miserabili Adherbalis fortuna movebantur. Maxima pars spe aut præmio inducti, pro Jugurtha steterunt, tantumque singulos Senatores ambiendo effecerunt, ut pro turpissimo parricidio amplissima præmia consequeretur, & divisa inter duos Reges Numida, optima ejus pars, viris opibusque firmior, Jugurthæ traderetur. His non satiatus Jugurtha, At herbalis regnum hostiliter aggredditur, omnia effusis populationibus, rapinis, latrociniiis permiscet, ferro flammaque late grassatur. Copias At herbalis, quibus excursions hostium prohiberet, profligat. Ipsum in oppidum Cirtam compulsus armis obsessum tenet, tandemque deditioe urbis potitus, contra jus gentium datamque fidem miris excruciatum modis necat, & totam Numidiam per vim occupat. Tantum scelus impune fuisset Jugurthæ publico bono privati gratiâ devicto, nisi pauci invictum adversus largitiones animum habentes, senatum ad bellum Numidiæ movendum impellerent. Hujus belli historiam Sallustius, ille rerum Romanarum florentissimus auctor describit. ubi an magis sententiarum gravitatem, an relationes fidem, an verò stylicam elegantiam, & dignam tali Historico & Romanâ magnitudine sublimitatem mireris, nescias. Hunc quia, proximis diebus, nobis hæc à præceptore inculcata, succinctis aliquot Orationibus ex hoc loco exhibebimus. ut inde vos H. A. honestam aliquam delectationem, nos vero repetitæ lectionis fructum uberiores perciperemus. *Primus* nostrum Micipsæ Regis personam sumens Jugurtham à Numantiâ reversum, & rerum gestarum gloriâ inclutum cum filiis Atherbale & Hiempsale Regni hæredem instituet, singulosque ad concordiam,

quæ

quæ unicum regnorum est stabilimentum, hortabitur. *Secundus* Jugurtham repræsentans, habito suorum concilio, quid sibi in animo sit exponet. *Tertius*, sub Atherbalis personâ, Jugurthæ nequitiam, patris eadem, suam fortunam in Senatu Romano proponet, & auxilium implorabit. *Quartus*, pro Jugurthæ Legato se gerens, regem suum defendet, ipsiusque, in Romanos merita ac fortitudinem commemorabit. *Quintus*, L. Bæbium exprimet, fautorem regis, muneribus ipsius corruptum, publico bono privatam gloriam ante ferentem. *Sextus* L. Memmium adumbrabit, & fautores Regis culpabit. Ambitionem & Avaritiam reprehendet, adversus Jugurtham bellum decerni, & sanctè vindicari Adherbalem postulabit, recensitâ factorum Jugurthæ historiâ. *Septimus*, Consul Romanus Jugurtham hostem pronuntiabit, bellum decernet, severè puniendos maleficos docebit, adversus avaritiam, & ambitionem leges sancientdas monebit. *Vos, Viri Nobilissimi, Amplissimi, Doctissimi, Auditores Humanissimi, quæso*, de illustri, hac materiâ, & argumento temporum nostrorum moribus dignissimo, nos dicturos gratiâ & benevolentia Vestra, ut soletis, liberè benigneque prosequimini. Verum enim Poëta dixit :

*Excitat auditor studium, laudatque Virtus
Crescit, & immensum Gloria calcar habet.*

D I X I.

O R A T

ORATIO VIII.

Habita à

IOHANNÉ DIONYSIO,

Haerlemense.

Sub PERSONA MICIPSA,

Qui JUGURTHAM,

à Numantia reversum,

*Cum Filiis Atherbale & Hiempsale Hæredem
adoptat, singulosque ad Concordiam
hortatur.*

Quod aliquando precatus à Jove Opt: Max:
cæterisque Dijs immortalibus sum, ut opum
meorum regnique Numidici hæredes, re-
linquerem, illius me voti compotem esse factum,
maximè lator. Video ante oculos *Atherbalem*
& *Hiempsalem* filios meos, dignos avo *Malinissa*
Nepotes, præsidia senectutis meæ, ornamenta gen-
tis, fulcra Numidiæ, amplissimi regni, gloriæ re-
giæque dignitatis possessionem, præclare tueri, Vos
mei filii, debitum charissimo Parenti amorem &
reverentiam exhibuistis. Vos præceptis monitisque
meis aurem semper præbuiistis. Vos ab incunte æta-
te magnarum virtutum documenta ostendistis.
Non dedit corporis gaudiis per luxum atque igna-
viam ætatem exegistis. Non in magna fortuna
omnia vobis licere existimastis. Ad gloriæ, ad bo-
narum artium studia animum assiduo intendistis.
Nihil mihi in vitâ meâ acerbi obvenire potest,
quod non talium filiorum recordatione mitige-
tur. Non molesta mihi est senectus, non sunt
oneri curæ, non sunt dolori adversitates. Om-
nia

nia mihi in vobis possidere videor, quæ vel ore poscam, aut animo exoptem.

Nec jam mihi mors erit acerba, qui in filiis meis ut corporis, sic virtutis imaginem expressam, sim relicturus, & subditi, me è vivis erepto, non dominum, sed nomen tantum sint mutaturi. Hoc animi gaudium ex tuo, *Fugurtha*, conspectu geminatur. In quem ob virtutem tuam non minus ac in filios meos propendo. Et si enim fortunâ clari sanguinis ortum tibi denegaverit, & mater no genere filiis meis sis impar, tuâ tamen virtute affectus es, ut eodem cum liberis meis honore effulgeas. Veni itaque in potestatem Imperii, qui in virtutis venisti, & cum filiis meis Numidix sceptrâ æquo jure tracta, omnium mearum opum atque gloriæ hæres præstantissime.

Illum ego verè Regio nomine dignum arbitror, qui regnum, quod nascendo à parentibus accepit, virtute simul meretur. Quæ si abfuerit, non magis Regem dicam, quam si asinum diadema insignem in solio viderem. Qui reliquis honoris fastigio eminentior est, virtute etiam, animique dotibus antecellere debet. Ideòque nos fortuna evexit, & in amplissimo solio toti orbi conspicuos reddidit, ut subditis virtutis exemplo præluceremus, & ad omnem honestatem, ad omne decus facem præferremus.

Magnum sane Princeps ad rectè vivendum est momentum. Qui, si virtuti deditus est, cives in studii ipsi commoda protrahit. Sin verò malas hic artes sectatus fuerit, eadem mox labe subditi infitientur. Sequuntur illi itineris monstrati Ducē, nec eunt, quo ire decet, sed quo Principis libido ducit. Non melius legū auctoritate, non suppliciorum gravitate, quam Principis vitâ in officio continentur. Qui, si exorbitaverit, secum regnum univèrsam ad errores abducit.

Ut

Ut tandem ad domestica progrediar. Pater meus Masinissa quantâ gloriâ Numidiæ regnum extulit? quod antea fœdâ sepultum barbarie in vastis Africæ solitudinibus latebat: Quam ardens ille virtutis studium in Numidis excitavit? Eos brutorum instar pecudum per agros pascentes civilis vitæ communionem junxit, à latrocinij & supplicationibus ad justitiæ cultum traduxit: Deorum metum, legum reverentiam, gloriæ honestum desiderium illis iniecit. Nec id tam prænarum formidine, quam vitæ, quâ omnibus præbat, integritate effecit. Nec sanè parvum onus est, quod Principum humeris incumbit.

Reipub: salus ab hoc uno capite dependet. Ab unius animâ populus universus vitam spiritumque trahit. Quo in loco Respublica futura, si illa, quæ ejus gubernaculis assidet, virtute & consilio non sit instructus? Nisi adversum pericula animum firmare, armis hostem fortiter avertere, sceleratorum audaciam legibus & penis coercere, innocentium præsidium præbere, omnia sapiente consilio moderari. Et, sane, corpus omni motu & actione destituitur, si, corde lethaliter sauciato, anima expiraverit: Ut navigium Palinuro suo destitutum in scopulos faciliè impingit: sic Respub: in fatalem sui periodum protinus inclinat, si probo Rectore ac Duce suo destituitur. Scilicet virtuti omnia parent. Hæc rerum humanarum est una moderatrix, hæc regnorum custos, præsidium Reipub: columen populi. Huic ex merito principatus offertur, huic imperii tutela & gubernaculum committi debet. Atque hæc me causa movet, *Fugurtha*, quod te cum duobus filiis meis regni mei hæredem adopto; Nam tuæ virtutes tot illustribus operibus nobis perspectæ, hoc mihi propositum, tanquam Diis in Cælo testibus, confirmârunt.

Nunc

Nunc verò, quoniam mihi natura finem vitæ factura brevè videtur, per hanc dextram, per regni fidem moneo obtestorque vos, ut devinctis in fraterno amicitiam animis Rempub: concorderiter administretis. Regnum vobis trado, filii, copiis firmum, agro divitiisque, imperio amplum, gloriâ inter omnes Africæ ditiones honoratissimum. Vos videte, ne rem hæreditate ad vostram transmissam dissensione vestrà accidatis.

Concordiâ enim res parvæ crescunt, discordiâ maxima dilabuntur.

Non exercitus, non thesauri nec munimenta sic præsidio sunt regnis, quam animorum in imperio consensus & conspiratio. Videtis Romanum imperium, cujus gloria & magnitudo iisdem, quibus solis cursus Regionibus ac terminis continetur. At illud à Romuli casulis & angustis pastorum tuguriis initium sumens Principum concordia amplissimum evasit, terras omnes & maria victoriis suis emensum est. Sed parum absuit, quin nuper civium dissensione florentissimum hoc Imperium penitus fuerit subversum. Nullæ tantæ sunt opes, nullum tam potens est regnum, quod non per discordiam brevissimi temporis spatio planè corruiat ac labefactatur. Non ignoratis, filii, quos in vicino hostes habeatis, qui ad vos opprimendos & delendos omni opæ adniventur. Hinc Mauritanix Rex Bocchus invadendæ Numidiæ cupiditate exardescit. Inde veteres hostes Cartaginenses, à patre Masinissâ illatam injuriam ulcisci studebunt. Quomodo his pares eritis, si dissensione distracti vires vestras immioueritis? Sed vetat corporis mei imbecillitas, viresque meæ defessæ ac invalidæ, pluribus vos alloqui. Fidem mihi facit virtus & sapientia vestra, & in me amor singularis, vos monitis meis cupidissime obtemperaturos. Tu verò, *Jugurtha,*

Jurtha, qui aetate usque rerum es prior, ante omnia providere debes, nè quæ inter vos similitates & odia prognascantur. Ego te parvum, amisso Patre, sine spe, sine opibus in regnum meum accepi; eodem te cultu habui, quo filios ex me genitos. Præstavi tibi tuo Judicio beneficia maxima, quibus non aliam gratiam reddi postulo, quam ut genitos ex me filios, qui tibi genere propinqui, beneficio meo fratres sunt, caros habeas. Ne malis alienos adjungere, quam sanguine conjunctos retinere. Vos autem *Atherbal* & *Hiempsal*, colite, observate hunc virum, qui fraternis consiliis animoque in vos propenso clementeritudinem vestræ vitæ regerit dirigetque. Ego immo mortalibus Diis gratiam habeo, quod mihi ad hunc usque diem vitam prorogarint, ut videre liceat ex *Masinissa* pro sapiâ optatissimos regni hæredes existere. Nunc, quando Superis hoc visum est, tantò tranquillior feliciorque ex hac vitâ emigrabo.

D I X I.

O R A T I O IX.

Habita à

JOHANNE SUARTENHENGST.

Alcmayano.

Sub personâ J U G U R T H Æ.

Qui concilio suorum habito, quid sibi in animum sit, exponit.

T Andem aliquando, *Commilitones*, delirus ille senex luxu atque ignavia confectus, expers omnia

omnis virtutis, opprobrium Numidicæ gentis, in vivis esse desiit. Abiit, excessit, reliquit hoc amabile cæli lumen, & cum stulto Midâ, cum Tantalo in tenebricoso Tartari specu, æternas ignavix suæ & vecordix pœnas luit. Nulla jam pernicies à monstro illo atque prodigio mihi comparabitur. Nulla malevoli hominis invidiâ inceptum gloriæ curriculum remorabitur. Repulsa est sicæ cervicibus nostris intentata. Rejeksi mucrones, qui jugulum nostrum petebant. Omnes insidiæ amotæ sunt. Datus mihi nunc est exercendæ virtutis campus latissimus; ad gloriam sempiternam, ad Imperium amplissimum iter patet. nihil mihi ad plenam felicitatis possessionem deest; videor mihi videre popularium meorum animos in me studio benevolentiaque singulari accensos. Mihi imperium, mihi Magnificæ solium paratum; ipsa Numidia lætari mihi videtur, quod tam stolidum regem evomuerit, & ex amplissimi honoris sede projecerit; me suum servatorem complecti. Mihi copias & exercitum præbere; mihi opes & divitias subministrare; munitiones patefacere; montes submittere, fluminibusque ad vehendam classem, quietem injungere. Quanta est res, Commilitones, quam virtute nostrâ perficiemus? Quantas opes nobis cumelabimus? Quot terras victoriâ peragrabimur? quantagloriâ Numidix regnum attollemus? Nihil minus in me quam animi magnitudinem, fidem, industriam desiderabitis; à vestra virtute mihi auxilium mutuandum est, quæ si obsequens fuerit, nullus labor erit tam asper ac arduus, nulla pericula tam gravia, nulli hostes tam rabidi, quos non feliciter subigemus. Ideoque vos in hunc locum convocavi, ut vobiscum consilia mea communicarem, quibusque in posterum opus sit, tempori admonerem. De illis rebus quando apud vos

sim dicturus, mihi ut libenter attendatis, etiam atque etiam oro rogoque.

Micipsa fatali detentus lecto, cum & sentiret mortem sibi imminere, meque ob virtutem meam vobis carum magnamque haberis filios verò suos luxuriæ & otio deditos tantò impares imperio esse, mecum illis in regni heredem adoptavit. Hoc verò illi egregii filii ægrè ferre, mordere clanculum, insidias parare, hoc agere, ut & regno pariter & viâ meâ exuant. Hoc facto *Commilitones*, quid commodi, quid praesidii ab illis habebitis? quibus hominibus Numidæ regnum administrandum dabitis:

Quod si fiat, infelices sanè Numidos, qui fortissimis viris aut egestis aut extinctis impotentissimæ corruptissimorum hominum dominationi subesse debent. Illinè amplissimi regni gubernaculum tractabunt, qui in Gynæceo irretiti, melius de conviviorum apparatu, & gulæ irritamentis, quam de regendo imperio iudicabunt? illi in castris, in acie contra hostem dimicabunt? ego verò ab omni honore, ab imperio excludar? & qui ab ineunte ætate non pravis captus cupiditatibus, corporis sectatus sum delitias; sed laborem perferre, famem & frigus tolerare, pericula subire, hostem ferire, nullum egregii viri munus prætermittere didici. Sic itaque homines inertes viris fortissimis imperare, stultissimos prudentissimis, ebriosos sobriis dorminentes vigilantibus? qui nisi accubantes in conviviis, completi mulieres impudicas, vino languidi, confecti cibo, regni curam negligent, & vos, liberosque vestros, atque hoc amplissimum imperium hostibus diripiendum permittent. ô tempora, ô mores. Certus itaque sum Numidæ regnū mihi vindicare, ipsosq; indignos tantarum opum possessione conficere, & ex medio auferre. Ego virtutem meam in illis experiar.

Quoad

Quoad egressus puerilis ætatis metam, animum rebus gravioribus intendi, & cogitationem in huius regni statum gubernationemque converti. Semper Micipsamparum animo valuisse, & Reipub: gerendæ ignarus visus mihi fuit. Ut alia omnia præteream, in eo infirmæ mentis debilitatem satis superque detexit, quod nuper tribus sibi successoribus constitutis in tenuissimas portiones Imperium distinxerit. Quid verò eo demeritis ab illo fieri potuit? Quid magis Reipub: damnosum & noxium? nulla æquè res regno exitio est, viresque ejus minuit & accidit, quam si convulsâ totius corporis compage, in plura membra dissipatum fuerit. Vires regni in se collectæ hostium injuriam facile à se propulsare possunt. An non videmus flumina rapidissima si in quàm plures rivulos deducantur, vim omnem amittere, languidiusque fluere? ignis lucem æstusque plurimum imminui, si in multas portiunculas sejungatur: atque hoc est quod peritos hortulanos facere videmus, qui viti luxuriantem lignorum struem, hinc atque inde pullulantes à radice surculos refecant, ut in melioris succi uvæ exuberet; sin secus, vires latius diffusæ debilitantur, & in ligno inutili evaporant.

Quid magis evertit Græcos, quam quod in plures principatus divisi, conjunctis viribus non resisterent Romanis? Stultum verò est existimare veram animorum consensionem in Imperii confortibus esse posse. Scilicet,

Impatiensque loci Fortuna secundi.

Nec quemquam jam ferre potest Casarve priorem,

Pompejusve parem.

Et certè.

Nulla fides regni sociis, omnisque potestas

Impatiens consortis erit, nec gentibus ullis

Credite,

*Credite, nec lingè Fatorum exempla petantur.
Fraterna primi Maduerunt sanguine Muri.*

Dissident consiliis & sententiis pro diverso ingeniorum habitu; & raro idem in Repub. volunt diversi Imperatores. Hic bello studet, ille paci. Hic largitionibus populi gratiam præripit, & blando affectu se immergit subditorum animis. Ille nihil dando, nihil concedendo severitatis laudem quarrit. Diversi mores, diversa ingenia & studia. Hinc inter regni socios similitudines nascuntur, contentiones, dissidia oriuntur. Plebs pro ingenio suo in diversas abit partes. Hinc factiones perpetuo aluntur, unde sæpe cum Reipub. exitio bella intestina nata sunt.

Docet hoc Respub. Atheniensium, Lacedæmoniorum, Romana. Respublicæ laudatissimæ unum habuerunt Regem, ut Macedones, Persæ, Ægyptii, Æthiopes, Assyrii, Scythæ, Medi. Multorum enim potentia sparsa est, ideoque minor; quando alius alium respicere solet, & patrum sibi quisque hunc aut illum comparare. Igitur etiam Assyriorum Imperium mille ducentos quadraginta annos stetit. Medi ducentos fere sexaginta. Et Persæ ad Alexandrum usque Magnum ducentos triginta tres. Quod cum non ignorarent Romani, multorum scilicet Imperia esse periculosa; igitur gravi bello exorto, & peste grassante, unum sine provocatione Imperatorem dederunt. Dictatoris namque edictum pro Numine observabatur. Monstrum enim est, unum Reipub. corpus, capita habere diversa. Unus animus, unus Sol, unus Princeps Deus, & ut Græci ajunt.

Οὐκ ἀγαθόν, πολυκρανίη εἰς κίρην
ἔστω.

Quid itaque melius, quam ut luxu corrupti deleantur? & uni committatur Imperium. Quem itaque

itaque Regno Numidiæ præficietis ? illos luxu corruptos ? nec infelix esset Numidiæ regnum, si, tales Reges haberet ? Ego vobis belli Dux ero: ego in prima acie periculis me objiciam, & pro salute vestra omnem fortunam subibo ; ego vos opibus & honoribus cumulabo ; vos gloriâ & immortalitate apud posteros donabo.

Ipsi sunt imbelles, metuentes magis, quam metuendi ; copiæ illorum ex inermibus togatis constant, nullaque fortitudo in illis examinatis. Quod si adversus eos florem totius Numidiæ eduxerimus, faciliè in fugam præcipitabuntur. Romæ omnia sunt venalia, & avaritia ipsorum sine fine ac termino. Agite, corrumpamus omnes largitionibus, spargamus aurum & argentum, tanquam missilia in vulgus. Habeo ibi in Comitibus Bebium, Calpurnium, illi pro re nostrâ loquentur ; & si parum feliciter dolus & insidiæ nostræ procedunt, ab ipsâ virtute petamus auxilium. Fortibus viris nihil est invictum ; etiam Romani vinci possunt. Nec imo semper loco stat felix fortuna, gloria difficilibus constare solet ; raroque quisquam excelsa aggreditur, nisi ad illa per pericula atque ruinas contendat. Nolo pluribus ad vos loqui, Comitones, ne vestræ virtuti diffidere videar, Agite, itaque, & mecum sumptis armis illos ineptulos regno ejicite. In me Regem habebitis, qui pro vobis, qui pro liberis vestris nullum periculum reformidabit. Vos pariter auxilia vestra adjungite, & spem nostram masculis conatibus promovete. Eximite vos puerorum imperio, quibus viri fortes nunquam subesse possunt. Ita fiet, ut consiliis nostris tanquam felicibus auguriis, omnia nostræ potestati subjiciamus ; ut opes, honores, gloriam denique immortalem nobis felicissime comparemus.

D I X I.

E

P R E.

P R E C A T I O.

TE, *Æterne, & immortalis in Cælo Deus, ex int-*
timis animi medullis etiam atque etiam oramus
precamurque, ut illa vitia, de quibus nos modò,
sacro hoc loco, peroravimus nunquam in nostra Re-
publicâ locum inveniant. Ut ab animis Imperan-
tium longè absit Avaritia, pestis teterrima, quâ
bonæ leges & patriæ salus destrui ac eradicari
solent. Ut denique pessimi mores, ingeniorum cor-
ruptelæ, libido, artesque dolosæ nunquam animum
civium à recto tramite abripiant. Nè Discordiâ
aut Ambitione res Belgarum florentissima conci-
dant, secumque rerum nostrarum sedam aliquando
ruinam trahant. Utinam! nunquam ista tempora
vivamus, quæ improbos nobis Fugurthas aut Ca-
tilinas redonent, quorum consilia Ecclesiæ & Reipu-
blicæ sunt noxia; sed Catones, Lelii, Scipiones,
Nassovij & Auriaci ad clavum imperij admovean-
tur; à quorum pietate & fortitudine domi, forisque
Patria nostra decus, gloriam, famam immortalem
consequatur. Semperque optimi, semper prudentis-
simi Viri in Rostris ac Tribunalibus existant, qui
communem hanc Reipub. navem, quâ omnes vehi-
mur, in tutum aliquando portum deducere possint.
Hoc imprimis periculossimo mundi tempore, quan-
do novas nobis tempestates, hinc indè Europa reges
Principesque minantur. Tu, ô sanctissime in cælis
Deus, pro solitâ tuâ clementiâ, patrio tuo prasidio
nos in Belgio hoc nostro protege ac defende. Contra
omnia illa mala, quæ vel publicus hostis, vel privata
pessimorum hominum injuria nobis machinatur:
Hanc etiam illustrem, quam incolimus, ALC-
MARIAM & in illâ Nobilissimos & Am-
plissimos omnium Ordinum viros, Cives virtute &
doctrinâ eminentes divinis tuis Auspiciis, tuæque
cura & fidei committimus. Denique ô Potentissime
& mise-

EXERCITATIO ELOQVENTIÆ SI

*Et misericors Deus nobis omnibus Et Docentibus Et
Discipulis ad PIETATEM Et virtutes
Christianas clarissimam tuam facem præfer: ne
fortè, in tenebras, aut aliquos errores prolapsi nomi-
nis tui adorandam Majestatem, per injuriam aut
incuriam nostram violemus. Tibi SOLI, ò Omni-
potens DEVS, summa sit laus, Honor Et Gloria pro
omnibus tuis beneficiis, quæ cum animo, tum cor-
pore quotidie percipimus: Per unicum illud meritum
Et mortem Filii tui SERVATORIS nostri, DO-
MINI ICHRISTI: Cui modò pendenti in ma-
ledicto Ligno Crucis ab Orbe Universo, in æternum,
Gratia debentur. A M E N.*

*Hæ tres antecedentes Orationes habita Alcmaria,
Examine Vernali cl. 1691.*

ORATIO X.

Continuatio Historiæ

ATHERBALIS,

Conquerentis in Senatum de injuriâ

JUGURTHÆ.

Habita ab

EDOARDO NEUHUSIO. R. F.

Alcmariano.

Etsi mihi miserrimum sit P. C. vehementerque
doleam, quod vobis oneri esse cogar prius, quàm
usui; malleque deberi mihi à vobis benefi-
cia, quam ea à vobis sollicitare; miseria tamen
mea, in quam Jugurthæ scelere incidi, impellit
me ad vos confugere, & præsidium opemque Po-
puli

puli Romani implorate. Venio ad vos Patriâ extorris; regno fortunisq; omnibus, quæ mihi iustâ hæreditate obvenerunt, expulsus: nudus à propinquis; spoliatus ab ope humana; omnibus denique miseriis: coopertus: quibus ille me involvit, quem Pater meus ex situ tenebrisq; ereptum ad regiam eminentiam subvexit? Heu! instabilis rerum prospere flagitium conditio! O rerum humanarum fors dubia!

Micipsa Pater jam morbo annisque confectus, cum videret me fratremque ob ætatem, injuriæ opportuniores, Jugurtham nobis adjunxit, ut in partem curarum nostrarum veniret, nobis Præsidio, regno ornamento, & decori esset. Unde verò Pater præsidium nobis venturum sperarat, inde perniciës & exitium manavit. Humana mensignara fati difficulter consiliorum eventus casusque proponit. Vix fatis concesserat Pater cum Jugurtha latentem sub vulpe animum detexerit; in nostram regniq; perniciem cum lictoribus suis conspirat; fratrem dolis aggreditur & trucidat; Provinciam ejus sui sceleris prædam facit.

Ego in isto rerum statu cum subditorum meorum vexationes regniq; direptionem videre amplius non possem, nec ipse inter parietes meos à iceleratissimi hominis sic à tutus essem, cessi furori ejus P. C. & ad vos confugi, à vobis in ærumnis meis solatium & præsidium petiturus.

Rogo itaque obtestorque P. C. ut non me vestro auxilio & patrocinio destituatis. Subvenite misero mihi; ferte opem rerum omnium egenti; ne sinite Regum præclarissimorum progeniem, Masinissæ nepotem, vestrum amicum & socium, scelere nequissimi hominis obrui, & Numidix Regnum, rejectis veris hæredibus, in potestatem spurcissimi latronis venire.

Nulla terra est P. C. adeò ab orbe vestro remota & dissita; nulla gens tam barbara, quò

non virtutis vestræ gloria pervenerit. Inter reliqua virtutum ornamenta, quibus effulgetis, nulum est illustrius magisque præclarum, quam *Æquitas & Iustitia*, quâ Fœdera cum aliis inita servata habetis; sociorum injurias severè vindicatis; oppressis injustè auxilium præbetis. Hoc rem Romanam auxit; Populos nationesque vobis multas adjunxit; nominis vestri magnitudinem ad externas gentes divulgavit.

Cæteri Reges nationesque aut armis vestris edomiti, in fidem se vestram dederunt; aut Romanam amicitiam, commodum sibi futuram, contra urgentes hostes, omni ope ac diligentia appetiverunt. Nostra verò Familia necessitudinem vobiscum junxit; cum flagrante Carthaginensium bello, magis fides ejus, quam Fortuna ponderanda. An itaque me his coopertum miseriis deseritis? me ludibrio esse permittetis? me unum vestro auxilio indignum existimabitis? me nullo erectum solatio à pedibus vestris rejicietis? ille itaque sceleratus Parricida, adulterina proles, omnis virtutis & innocentie hostis; opprobrium Numidie, labes nostræ familie; ille turpissimus nebulo superbia sese & audacia efferet? ille in sanguine nostro bacchabitur? ille in perniciem nostram exulabit? ille in Regni ruinam Triumphos eget? ille oculos bonorum intuebitur? ille animum ferocem incendiis, rapinis, vastationibus oblectabit? Non est in vobis tanta inhumanitas P. C. ut ad vestram opem accurrentem, vestram virtutem, vestram fidem implorantem deseratis.

Repetite memoriâ *Masinissæ avi mei virtutem*, pervolvite apud animum, quâ fide, quâ industria Populi Romani majestatem defenderit. Suscepit in se Syphacis odium ut rem Romanam augeret: in acie pro Vobis stetit; Exercitus, copias subministravit ad extremas infirmi corporis reliquias

liquias vestram amicitiam coluit. Hoc testantur nostri Imperatores, quibus ob merita virtutemque fuit acceptus, nec aliam mercedem laborum meritorumque suorum postulavit à vobis; quam ut vos huius regni patrocinium susciperetis, nepotesque ipsius à vi & injuriâ defenderetis. Nunc datur vobis opportunitas, gratiam *Masinissæ* rependendi. Ipsius nepotes regno ejecti, quod ille virtute suâ stabilivit, vos illos reducite. Reciderunt in gravissimas miseras, vos illos eximite: opprimuntur à nefario homine, vos illos defendite.

Quod si vos me à conspectu vestro tristem abire sinatis, quò me conferam P. C. quorum opem & auxilium implorabo? quos Reges, quas nationes, appellabo, & ad mei misericordiam deducam? unde opes, unde auxilia expectem; in quas terras abirem, ubi non hostilia monumenta Familiæ meæ erecta viderim? Ad quos populos confugiam; quos non infensos infestosque mihi habeam propter amicitiam vestram? an quisquam ærumnis meis ingemeret ac condoleret? Populus Romanus est, quem solum colo; cujus societatem, cujus fœdera agnosco. In vestrâ amicitia abundè magna præsidia mihi sunt. Eâ contentus aliorum consilia non requiro; necessitudinem contemno, fœdera aspernor. Sic me *Masinissa* instituit; hæc præcepta Micipsa dedit, ut aliorum societatem fastidirem; vos cognatorum, vos affinium loco ducerem.

Si ad impetrandum nihil causæ haberem, præter miserandam fortunam, quæ me in miserrimo rerum articulo deprehendit; tamen vestri est officii P. C. me indignis modis vexatum, contra vim & injuriam defendere, & humanæ miseriæ condolare: respicite ad meas ærumnas; moveat vos fortuna mea.

Fui

Fui paulò ante Rex & latè diffudi imperiì mei habenas, nunc miser, inops, & à multis ludibrio habitus, res meas despectas video: O fortuna cur placuit tibi in me favire? cur me humanarum rerum spectaculum ac ludibrium præbes? extuleras me in sublime, nunc iterum in profundissimum miseriarum gurgitem prolabor. Sed, absit longè à me, ut te *fortuna* accusem: Jugurthæ scelus in hæc me miserias præcipitavit. Punite itaque sceleratum nebulonem, nec patiamini illius Regnum per scelus crescere; me verò ex avito Regno detrudi: *Masinissa* nepotem, illorum progeniem, qui suorum capitum fortunarumque periculo majestatem Populi Romani defenderunt.

Quod si *SCIPIO ille Africanus* è sepulchro caput erigeret, sic vos alloqueretur: O Romani, vos perferetis nepotem Magni *MASINISSÆ* Regno expelli, & fortunæ suæ orbari? ididè Pater ejus suum corpus pro mea Regnique incolumitate armis subjecit, ut nepotes ejus expellerentur? Ego ne *Carthaginem* subegi *SIPHACEM* devici, ut esset ex Familiâ *MASINISSÆ* spuria aliqua Proles, quæ hoc faceret? O *Masinissa*! quod si tu me in hæc fortunâ videres; quid diceres? ego ne hoc Regnum virtute meâ stabilivi! adversus *Carthaginienses* fortiter depugnavi, ut aliquando nepotes mei expellerentur? ostenderet vobis cicatrices, ostenderet Trophæa à nostris majoribus reportata, & per ea vos obsecraret, ut mei memoriam haberetis.

Heu *Micipiâ* Pater, quo evaserunt beneficia tua, quo me miser vertam? domumne? ut fortunam fratris & propinquorum mæstus adspiciam? ut amicorum inter busta ambutem? ut Regnum misere vastatum, & in eo dominantem *Iugurtham* videam? an aliò, ubi deridear ab omnibus mihi infestis? O Frater! quanquam tuus casus sit acerbis; felix tamen es, qui hisce ærumnis præreptus,

nihil ab istâ calamitate animo tuo oculisque percipis. Utinam in acie mori licuisset, & hostis ferro cadere in prælio: nunc nec vivere, nec mori misero honestè licet. Tu verò, Iugurtha, quamquam ferox sis scelere, non elabêris tamen; nam nemo crimen gerit in prælore, qui non Nemesis habeat à tergo.

*Rarò antecedentem scelestum deseruit pede
pæna claudo.*

Licet omnia jam supplicia Deorum hominumque desint, tuusque furor, & perversitas mortalium tantum in hac Republicâ possit, ut deserar; Ego ex hoc discedens corpore *te pone sequar.*

*Omnibus umbra locis adero, dabis im-
probe pænas.*

DIXI.

O R A T I O X I.

LEGATI IUGURTHINI

*Qui Regem suum defendit, ipsiusque, in Ro-
manos merita commemorat.*

Habita à

IOHANNE NYENBURGIO.

Alcmariano.

Quod Alexandrum illum Magnum aliquando fecisse andivimus, cum alteram aurem accusatori, alteram reo reservaret, hoc unum nunc à vobis P. C. factum esse optarim, ne utrâque mendacibus calumniis adhihitâ, Iugurtham incognitâ causâ condemnetis; nam nul-
lum

lum innocentiae praesidium esset, reoque omnis obtinendae salutis spes praecideretur, si accusatori liberum esset iudicis aures sinistris rumoribus imbueri; ejusque favorem & benevolentiam fictis querimoniis praecipuere: vestra verò aequitas P. C. quae apud omnes gentes laudatur, spem mihi facit, non omnibus adversariorum criminationibus fidem à vobis adhiberi; sed & Jugurthae Regi defendendi sui potestatem benigne concedi: magnum autem innocentiae praesidium praebet conscientiae certitudo, quae athenus quidam murus est, quem nulla improborum obreptiones, nulla criminationum vis, nulla adversariorum malignitas convellere & excidere potest. qui enim integrum est vitam *scelerisque purum*, non eget Mauri jaculis, nec quicquam retormidat fortunae alternantis: *Si fractus illabatur orbis impavidum ferient ruinae*. Et, sane, non parum causae nostrae nunc in Populi Romani favore & benevolentia positum est, quod in Jugurtham Regem merito prepetet. Norunt illi, quam fortiter adversus Romani nominis hostes pugnaverit; norunt quam sanctè semper vixerit; quam Imperatoribus suis sedulo obtemperaverit.

Ille P. C. Rex fortissimus, multorum scelerum, parricidii, crudelitatis, perfidiae obarguitur, à quibus ille, meo iudicio, prorsus est alienus. Hunc ego legatus jure Naturae & ex sincero animi affectu hoc loco defendendum suscipio. Omnibus, amabo, hoc gratum ut sit, etiam atque etiam vos rogo.

Quoties res Numidicas mecum animo percurro, & de Rege Jugurthâ cogitationem suscipio, toties Regno nostro gratulari soleo, cui singulari Deorum benignitate talis Rex datus est; qui Massiniae folium non sine multarum gentium applausu nunc obtinet. Sunt enim divinae in hoc Rege

nostro animi dotes, sunt virtutes eximiae, est animi magnitudo supra humanam conditionem prorsus admiranda, à quo omnes Principes illustrium actionum exempla, quae imitarentur, desumere possent. Quis eo Regum omnium in hostem est fortior, in subditos clementior, in secundis rebus submissior; in adversis animosior; in omni vitâ domi forisque sanctior? eo magis miror Atherbalis impudentiam, quod tantorum criminum culpam Regi nostro impingere sit ausus, idque in hoc confessu orbis terrarum nobilissimo, praesente populo Romano, audientibus Senatoribus, quibus fortitudo & integritas illius jam dudum cognita & perspecta est.

Inspicite, quæso, mecum Jugurtham à puero P. C. & videbitis totum illud ætatis florentioris tempus in virtutis studio collocatum. Non ille luxui sese inertiaeque corrumpendum dedit; sed ad virtutem incumbere; militaribus exercitiis vacare; propositâ clarissimorum Regum imagine ad gloriam omni studio contendere. Non multum loquendo sed præclare agendo virum se præstare. Hinc ille populi studia in se accendit, qui non tanquam suæ naturæ consortem, sed tanquam aliquod de cælo missum numen suspiciebant, & venerabantur. Excollebant singuli in ipso animi indolem regiam; admirabantur agendi strenuitatem & ingenii vim divinam. Et quamquam magnæ hæc virtutes essent, magis tamen splendebant, quod alienus à fastu, dando, sublevando, ignoscendo, Numidarum animos sibi devinceret.

Depositis hisce tyrocinii rudimentis, ad rem gerendam se accinxit, atque hoc unum opravit, ut bellum aliquod novum oriretur, in quo virtus suæ enitesceret Bellum tunc populo Romano cum Numantinis fuit, qui socordiâ Imperatorum no-

fiorum

strorum per multos annos obsidionem toleraverant, & Rom: juventutem exercebant. Ad hoc bellum profectus Jugurtha, quam ille utiliter Reip: operam navavit! quam multa quamque præclara rei militaris facinora fecit, quantam sui nominis famam apud hostes pariter & socios excitavit! quid refram Scipionis erga ipsum propensionem & benevolentiam, cujus ductu auspiciisque res apud Numantiam gerèbatur, quid memorem commilitonum studia? quid hostium formidinem? qui ad conspectum aut nomen Jugurthæ totis animis percellebantur?

Quid verò adhæc dicis, tu Atherbal, nunquid res ita se habent, ut ego eas commemoro? repelle, si potes, verba mea; argue me, si pòtes, mendacii. Habes æquos judices; habes linguā in promptu, quā magis quam virtute excellis: obmutescis tantarum virtutum mentione & Jugurthæ gloriā, cujus splendorem nec capere nec sustinere potes, scio, me in rebus celebratissimis sermone omnium versari, atqui ideo illa ipsa omnibus esse notiora, quā mihi. Loquatur ipse Scipio, columen aliquando hujus Reip. nominis Romani ornamentum, qui hoc ipse, confecto bello, virtutis testimonium dedit. quid, per Deos immortales, dici de quoquam gloriosius potest, quæ laus major cuiquam dari? quid Jugurtha ad testandam animi innocentiam hoc testimonio amplius desideret? quid uberiores commendationem exspectet? maxima equidem laus est à viris laudatis laudari. An vero huic Scipioni P. C. fidem denegatis, cui florem Iuventutis Romanæ, cui Remp. cui aras, cui liberos conjugisque commisistis? an ipsius testimonium rejicitis? cujus à sanctissimo ore tanquam Delphico Apolline responsum petebatur? cujus fidem terrarum orbis sanctam & inviolatam habuit. Hic ille Atherbal,

homo effaminatus Iugurtham sceleris & parricidii accuset? Scipio Africanus cum commendat, utri creditis P. C. illi omnibus sceleribus cooperto, an isti Regi? cujus virtus in orbe Romano tam cognita ac perspecta est.

Quæ verò tanta est tua, Atherbal, vecordia, ut patris tui Micipsæ testimonium de Iugurthâ rejicias? quæ hæc est tua pietas in parentem; ut eum tu accuses & scelerum pessimorum damnes; quem ille laudibus in calum extulit? An verò non habuit genitos ex se filios, quibus imperium relinqueret? Videbat vos regno ineptos, luxu effaminatos, bardos, blennos, stupidos: ideoque Iugurtham vobis adjunxit, eumque ut colatis, pro patriâ auctoritate vos est cohortatus.

Illius merita vos respuistis, fidem fregistis, Jugurtham regio quodam fastu despexistis, spuriam prolem, illegitimum heredem dixistis: deoique vitæ ipsius apertas insidias struxistis. Nec satis hoc erat; populum ipsum exactionibus exacerbastis. Hinc illi in eadem Hiempsalis proruerunt. Quæso, quid mihi ista imputas, quæ ipse in se sua crudelitate accersivit? non potest Numidæ populus duriora imperia perferre, ideoque jure ipsum interfecit, quid verò Iugurthæ, miseras tuas imputas, in quas te ipsum devolvisti? Tu, exercitum contra ipsum comparasti, Tu hostili animo contra ipsum in aciem descendisti, Tu ipsum fortunis expellere, Regno mulctare voluisti; sed non siverunt Dii immortales hominem forrissimum & innocentissimum à turpi Atherbale profligari. Quis igitur ille est, qui Numidarum sanguinem effudit; Atherbal. quis Numidiam vastitate & incendio subvertit? Atherbal. Tibi popularium cades, Tibi subditorum expilationes acceptæ sunt ferendæ. Iussus est Jugurtha, cui
Natura

Natura ferrum in manum dedit, ut se contra vim & injuriam defenderet.

Nolo ulterius fortissimi viri innocentiam P. C. protegere, ne & favori vestro videar diffidere, & causam per se æquissimam inutili verborum præsidio confirmare; multò enim majò est Jugurtha sanctiorque multo quam ut virtus ipsius satis digno à me encomio deprædicari possit: ideoque præstat de illo hoc jam loco silere, quam parum de eo dicere. Vos P. C. defendite Virum, qui injustis malevolorum criminationibus in odium adductus est. Suscipite Eum defendendum, quem virtus sua invidiæ facibus consumendum objecit. Nolite sanctissimum Regem conculcare, vos qui apud Numantiam militæ olim contubernium habuistis. Defendite commilitonem vestrum, vos qui nuper ipsi acclamastis, & laudatum pro Tribunali in honore habuistis. Eripite injuriæ adversariorum. Vos illum perire sinetis, qui ne leges vestræ & Resp: concideret, sui corporis periculo prævidit, qui totam ætatem in bellis vestris contrivit; illum sententiis damnabitis? quem vestri Imperatores testimoniis cohonestarunt; quem laudibus in cælum extulerunt; nonne hunc etiam P. C. vestra æquitas & fortitudo contra odium atque improbitatem malorum defendet?

D I X I.

ORATIO XII.

BEBII TRIBUNI I: L:

pro Iugurtha,

*qui ipsius muneribus corruptus, publico
bono privatam gratiam
antefert.*

habitâ à

JOANNE DIONISIO.

Harlemense:

Magna est in imperitâ multitudine varietas,
& inconstantia, P: C: crebra sententiarum
commutatio, subiti animorum motus, qui
spè momento, quo oriuntur, languescunt, & in
nihilum recidunt. Quod modò probat, interpo-
sita exigui temporis mora, reprobat. Consilium-
que, à quo Reipub: salutem dependere credebat,
interveniente levi rumoris aurâ, tanquam no-
xium, pestiferumque damnat. Audies aliquem
uno die eximia laude ornari, & prædicatione in
celum efferri. Eundem mox imbutis crimina-
tione auribus, omni verborum contumelia de-
formari, fortunis suis expelli, exitio mulctari;
gravissimis suppliciis affici volet. Quanto apud
ipsam in honoris fuit Lyncurgus, cum ob leges sa-
lubriter excogitatas, ob vitæ summam sincerita-
tem, ob constantissimum erga Patriam amorem,
Deorum numero aggregaretur? At quantò po-
stea in odio, cum lapidibus peteretur, cum oculo
privaretur, cum Patria exterminaretur! Quanto
in pretio Theseus, quanto Solon! quibus enco-
miis celebrati, qua gloria honestati! At iidem,
mura-

mutato plebis affectu, Patria expulsi, in externo solo humati sunt. Quibus plausibus, atque acclamationibus, quo concursu, quo studio hominum exceptus est Miltiades, postquam trecenta millia Persarum apud Marathonem, sex millibus? profligasset? Quo filius ipsius, Cimon, post erecta de Persis trophæa, Græciamque sua virtute, & consilio à brutorum impetu liberatam Quibus laudum titulis decorata fuit Themistoclis virtus, post Salaminiam pugnam! Quam benigno populi favore usus Aristides, illud continentis eximium specimen? Qua fuit æstimatione Phocion, illud Justitiæ firmissimum columen? At eosdem paulò post, beneficiorum gratiâ destitutos, alios in vinculis, & carcere mori, alios è Patriâ discedere, alios in eculeo spiritum reddere coëgit. Nihil dico de nostri generis hominibus: Camillis, Scipionibus, Fabiis, quibus non istæ gratiæ sunt habitæ, quas sua virtute, rebusque gestis æternum promeruerant.

Eò minus miror, Jurgurtham Numidicæ Regem fortissimum, nostræque Reipub: studiosissimum, ab irata plebe omni verborum injuria lacerari: Cujus paulò ante propensissimum favorem expertus est. Quàm secundo rumore res ipsius apud Numantiam gestæ? quibus laudum encomiis virtus ejus celebrata! cum populus Romanus ex ore Scipionis præstitum Imperatori obsequium, pugnandique strenuitatem cognovisset? Quis tum Jugurtha fortior? quis populo Romano acceptior? Hanc virtutis æstimationem, meritorumque in Reipublicam memoriam levis transformari rumoris aura abolere potest. Hunc plebis animum unius effæminati viri lachrymulæ inmutare, affectumque extinguere possunt.

Vos verò, P: Conscripti, non ex criminatione Atherbalis, aut plebis temerario affectu Jugurtham

tham affirmare debetis, sed cum ex testimonio Clarissimi Imperatoris ex rebus gestis, ex virtutis actione, repudiata levissimi vulgi opinione, de illo judicare debetis. Perperam igitur ageris, meo judicio, si bellum adversus Regem fortissimum, nostri amantissimum, virtutis cultorem eximium decreveritis.

Fateor, sanè, magnas in Numidico regno, à morte Micipsæ, enatas dissensiones, quæ in gravissima bella exundarunt, quibus regnum opulentissimum vastatum, ædificia diruta, multorum cædes factæ sunt. Ad has dissensiones componendas cum vos P: C: vocemini, ante omnia respicere debetis ad harum dissensionum causas: quis fax & caput horum motuum exstiterit. Stultus Judex, qui fortuna devictarum partium misericordia commotus, superiorem damnat, quem necessitas gladium sumere coegit. Causa horum motuum est ingeniorum, studiorumque in utroque Rege diversitas, quæ aliis aliud volentibus, primò quidem simultates, deinde bella aperta excitare solet. Atherbal luxui, & otio deditus: Jugurtha virtuti incumbit: omnesque horas perdi putat, quas non in honestarum rerum meditatione consumsit. Ille subditos favore tenebat: hic dando, sublevando gratiam sibi conciliat. Ille regio fastu diffluit: Hic modestus est. Ille generi & familiæ diffidere; Hic nobilitatem in virtute ponere, seque sumptum regni heredem meliorem, quam genitum, pronunciare.

Hinc ortæ simultates, & denique bella. Atherbal, quia fastu regio efferebatur, Jugurtham primus invasit. Si hic Jugurtha fortiter se gessit, an est damnandus? Si fortis, ignavum devicit: vigilans, somniantem: sobrius ebrium: an hoc ipsi, culpæ dari debet? Vidisses in alterius castris greges voluptuariorum hominum, meretrices, togatos,

gatos, onera militiæ, luxuriæ instrumenta. In alterius viros, & milites.

Et, licet, fortasse, exorbitasset, & ingenii impetu plusculum usus fuisset, vehementiusque injuriam illatam ultus esset, condonandum tamen aliquid ingeniiis magnis. Adhæret semper aliquid vitii ingeniiis præclaris. At illud connivendum est, nè tota vis supprimatur. Ob hanc maculam non tota res est abjicienda. Quemadmodum in magnis Regibus & Principibus, in Alexandro, in Themistocle, Alcibiade, magni quoque navi, & errores fuerunt. Quis tamen illustria hæc nomina sapè non excuset, à naturæ aliquo defectu, & grandibus aliquando vitiis, cum ipsa virtute sese permiscerentibus.

Non temerè igitur irritari debet virtus Jugurthæ, quod in magnum Reipub: incommodum sic cadere posset. Hic edoctus militiam nostram, amicitia cum multis Romanis conjunctus est, qui nunquam hostiliter ipsum invadent. Hic peritissimus est artis militaris. Hic in fallaciis, in dolis exercitatus. Numidarum ingenia ad fallendum aptissima. Numidia procul à domo, plena solitudinibus, per quam gravi ægmine incedere difficile. Totam denique in nos Africam converteremus. Una Carthago satis nobis multum molestiæ creat. Quid si tota Africa copias suas hostiles in nos commoveat?

An excidit nobis, quomodo Hannibal super Italiam vastaverit? quomodo panè has ipsas portas infederit? Eundem bellandi modum Jugurtha sequitur. Consilio, fortitudine, fortunâ, Imperator strenuus, ac felix. Sunt quidem Romanis opes maximæ, exercitus firmissimi. Non deest consilium domi, forisque: Sed, ut in rebus humanis evenire solet, fortuna faciliè favorem permutare potest.

Quid

Quid verò alienis negotiis nos immisceamus? Nostra primum curemus, ut domi forisque securi simus. Aliis permittamus sua precemurque cum Scipione, ut illa, quæ nunc possidemus, feliciter ad posteros nostros transmittamus. Quid nostrâ refert, quis Numidiæ regnum teneat? Modò Romana Respublica sit salva. Propria sunt imprimis chara habenda: deinde in aliena inquirendum. Nunc Vir militiâ & annis exercitatusissimus, Jugurtha, in aperto est. Hoc uti nunc possumus gloriosis inceptis ac auspiciis. Hic Romano imperio pro munimento erit, barbarisque Africæ gentibus montes aggeresque opponet. Atherbal Homo imbellis est, nullis castris & milite qui robur sibi comparavit. Qui nec modò nobis est inutilis ac contemptui. Vix se ipsum tueri ac defendere potest, ad nullam prorsus rem, & facinus præclare instituendum idoneus. Quare permittite illos inter se digladiari, factiones alere, Remp. pessimis consiliis in interitum adducere. Nos tantò tutiores erimus, majoremque sibi auctoritatem P. Romanus acquirat. Externis gentibus nostram opem & præsidium implorantibus.

Nolite, igitur, P: C: bellum Jugurthæ inferre. Ille illatam injuriam repulit, suumque decus, ac honorem defendit. Ille in Romanos beneficia contulit quam maxima. Illius virtus, & facinora egregia luce meridianâ sunt clariora. Ipso testimonio Scipionis, ac judicio Micipsæ, quod patet. Quid verò in Rempublicam Romanam contulit, Atherbal? ubi illius res gestæ tam illustres, ac in ore omni populo? Hic, certè, qui virtute succumbit, toto Cælo aliorum meritis, rebusque gestis est inferior. Nonne jussus est Atherbal à Micipsâ Patre Jugurtham venerari? illum amore & affectu prosequi? illi se totum ex fide atque amicitia adjungere? cur ille ad regni societatem
admittere

admittere hunc noluit? adeo, ut spreto illius jussu & monitu, bellum ipsi gravissimū intulerit. Quicumque suā pravitatem, & culpā est infelix; ille non in alterius vitæ integritatem turpi flagitio, ac facinore grassari debet.

D I X I.

P R E C E S.

Dixit Tribunus Plebis, Nobilissimi, Amplissimi, Doctissimi. D: Auditores.

Nunc mutatâ personâ, in Theologū me convertito: Deumque Æternum & Immortalem in Cælis, precor, ut diu terrâ marique Principem Belgarum Populum in pace & libertate conservare, velit. Nobis in hâc urbe inclytâ cuncta prospera, cuncta felicia largiri; Gymnasio huic illustri poro Divinis suis dotibus benedicere; Ut inde, tanquam ex equo Trojano innumeriprodeant Adolescentes, qui aliquando Rempublicam hanc suis consiliis, & prudentiâ sapienter regere possint. Ut denique Vobis, Nobilissimi Domini Consules: Vobis, Amplissimi Doctissimi Domini senatores: Prudentissimi, Doctissimi Domini Scholarchæ. Vobis Reverendi, Clarissimi Domini, Pastores; Vobis, Præceptores amantissimi, per Divinam gratiam, & benevolentiam omnia semper fortunata ac salutaria, pro spe, & expectatione vestra eveniant!

D I X I.

Hæ tres antecedentes Orationes habitæ Alcmariæ Examine Autumnati c10.

1661.11. xx. Sept.

O R A -

O R A T I O XIII.

MEMMI contra IUGURTHAM.

Qui fautores Regis culpæ, ambitionem & avaritiam reprehendit. Bellum contra illum suadet.

Habita à

JOHANNE DIONYSIO,

Harlemensi.

ET si sciam, Quirites, quàm grave odium factio-
 forum Hominum in me derivaturus sim, si vos
 ad coërcendam improborum audaciam inci-
 taverò : Studium tamen Reip. & patriæ amor me
 impellit, ipsorum Furori & sceleri obviam ire; Li-
 bertatem nostram contra malevorum dominatio-
 nem defendere Video animum vobis ita ab igna-
 viâ & sôcordiâ corruptum esse, ut mala, quæ vo-
 bis impendent, non capiat; eosque timeatis,
 quibus vos terrori esse debebatis. Hinc improbo-
 rum furor in singulos dies accrescit; Legum au-
 thoritas concidit; Libertas opprimitur; Superbia,
 Avaritia, Ambitio dominantur. Fuerunt fortes
 aliquot Viri, qui malis hisce medicinam adferre
 voluerunt; vosque hortati sunt, ut adversus pu-
 blicæ salutis eversores exurgeretis, nec ferretis
 Remp. paucorum furore & scelere subverti. Vos
 verò, tanquam torpore aliquo & veterno conso-
 piti, otiosi in præclaro opere spectatores sedi-
 stis. Imò, hostes vestros honore gloriaque ex-
 tulistis; defensores publicæ incolumitatis, in ve-
 stro conspectu, fædè ac inulnè perire sustinui-
 stis. Hoc virtutis præmium, similemque fortunam
 cum

eum & ipſus ego exſpectem, privatam tamen utilitatem publico commodo anteferre nolui. Boni enim civis eſt, nullo odio malorum, nullo periculo deterreri à Reipublicæ defenſione. Suſcipiam odium improborum; profitebor me ducem iſti bello, atque omni conatu contra ipſorum furores Remp. defendam.

Quare, ſi communem ſalutem, Quirites, ſarctam teſtamque habere unquam cupitis; ſi populi Principis authoritatem defendi, Iugurtha Rex igne ferroque eſt proſequendus. Et factioſorum civium audacia, avaritia, ambitio omnibus modis comprimenda ac punienda eſt.

Olim in hac Republica, quod dolendum eſt, multò ſanctius, multoque religioſius Majoſes noſtri vixerunt. Qui omni ope & vigilantia id unum fortiter ac glorioſè iſti uerunt, ut bonis legibus authoritate ſua ſtabilire, adverſum vitia & mores improbos acerrimè diimicarent. Nunc verò in peius cuncta ſe inclinant. Ut vix, prò pudor! ulla nobis veſtigia relinquantur Majorum iſtius gloriæ: Quos, tanquam de celo demiſſos Tutelares Deos meritiò vetuſtas omnis venerabitur. Pro animi continentia, pro temperantia, pro virtutibus illo ævo & populo principi dignis, nunc, inquam, peſſima vitia & flagitior inter cives graſſantur. Alius ſordidam avaritiam cum turpi ſcandore exercet; alius ſædâ ambitione & ſuperbia ſupra æquales ſe extollit. Ut pauciſſimos, hoc tempore, pudeat; quod publicas res & rationes conturbent; quod corrupti muneribus, largitionibus, ſacra & profana promiſcuè habeant. Res ſociorum, tanquam hoſtium ſpolia & rapinas ſædè deripiant: quos ab omni læſione ac contumeliâ fas eſt defendere. Hiſce ſcleribus & flagitiis inprimis Iugurtha Rex fuit obnoxius. Quo uno nemo unquam in terris improbior, magiſque imperium

perium Romanum hostis oppugnavit. Cui hoc proprium ac usitatum fuit, ut *Æraria*, quæ sunt anima & nervus civitatis, per malas artes exhauriret; ut bonorum civium fortunas imminueret; hoc unum sedulô ageret, ut foro & Tribunalibus sua ruina & vastitas properaretur. Iustitia, Æquitate, Virtutibus Majorum, velut publico quodam incendio, penitus de medio sublatis. Alio animi proposito, quam prisci illi in Rep. nostrâ Cives: quorum sola studia atque gloria erat ut de virtute invicem certamina haberent, & secundum Honesti normam vitam instituentes, se mutuò ad fortitudinem; ad Patriæ salutem defendendam; ad Modestiam & Probitatem exhortarentur ad sacra denique & Religionem sanctissimis Officiis conservandam acriter se impellerent. Quales, Illustres illæ Animæ, Quintii, Curii, Fabricii existiterunt. Qui dona à Regibus ad se missa magnis animis repudiantes, vitam suam in gloriosa istius ævi paupertate traduxerunt. Magisque se beatos esse prædicarunt, si, ex solius naturæ desiderio, aquâ & pane contenti viverent, quàm si corporis servitio ac libidinibus paterent. Cum quibus hominibus quando horum temporum turpitudinem ac molitiones conferimus, immane quantum res humanæ in deteriore partem sunt immutata. Illi, Proavi nostri, in omni re honestâ laudem ponere; cum finitimis pacem colere, domi forisque probitatem, & egregias animi doctes exercere. Illi, sine metu, hostem ad arma provocare; periculis procellisque omnibus obviam ire; suum sanguinem, corporisque salutem Patriæ bono impendere. Tunc demum de Sociorum Civiumque fortunis præclare meriti, quando, suis rebus neglectis, ne quidem animam ipsam communi securitati præferrent. Hi verò, quos Jugurtha sibi similes habet, posthabita omni Religione,

ligione, fide, concordia, sic se in omne scelus dant præcipientes, ut Majorum virtuti & rebus egregiè gestis veluti bellum ac odiū indixisse videantur. In eo dominationē & imperium collocantes, quando, aliorum jugulis crudelissimè insultantes ipsi per fas & nefas ad Honores & Dignitates evolvuntur, solā Ambitione, quā optima quæque collabi videmus, facti potentiores. Diurnis nocturnisque laboribus id unum agentes, ut turpiter prensando, emendicando, largitionibus, conviviiis animos aliorum ad se trahant. Et, quos virtute, industriā parare non possunt, improbis artibus ac lenociniis sigmentisque verborum propitios sibi reddant. Nihil ex illis phaleris fūcoque intermittentes, quibus ad illam rem ac turpitudinem impudentissimi homines festinare solebant. Et, quando privatis suis studiis parum ad spes suas augendas promovendasque proficere se vident, ad aperta arma & bellum itur. Sive Civile id fuerit, sine ullo jure ac lege; sive hostili animo odiisque nefariis suscipiendum. Quos barbaros vivendi ritus, si nunc majores illorum ante oculos suos viderent, vah! quā illustres illi viri Nepotum suorum facta detestarentur! quā deplorandam, quā miseriam Remp. hanc nostram judicarent! in quā illi olim tam fortiter sua consilia ac sudores adhibuerunt, ne quid detrimenti caperet. Quamque ex ipsis inimicorum faucibus eripiam ad summi honoris fastigium evexerant. Nos vero Quirites, nos impiissima horum studia, improbasque vexationes, quis animis perferemus? nos Jugurthæ, sociorumque illius plusquam tartaream audaciam atque pestem, in imperii nostri finibus, latius grassari sinemus? Non permittit hoc nobis nostri Generis Gentisque sanctissima memoria. Quæ, quantum in nobis est, sine ullâ labe & maculâ, pura integraque conser-

conservari debet. Nec minus, hac nostrâ ætate, in pessimos hominum mores ac facinorosos cives animadvertendum, quàm quondam in Urbe hac æternâ, sanctissimoque orbis domicilio, nostri avi proavique laudabiliter facere consueverunt. Cum ea virtus ac potentia penes optimum quemque erat, ut non minus civem improbum, quam hostem infestum ac apertum poenis coërce-
rent. Nullum enim majus periculum esse potest, quàm si quis patriam suam, laresque proprios, in quibus vitalem hanc auram aliquando accepit, igne ferroque prosequatur. In quo solo natali infantia nostrâ vagiit, pueritia lulsit, adolescentia se exercuit. Sempiternam illi gratiam, honores, statuasque mærentur, qui magnam suam matrem, in quâ quondam lac illud sanctum suxerunt, debito amore prosequuntur. Qui vitas & fortunam suorum civium omni ope & consilio, tam pacis, quàm belli tempore, constantissimè juvant, protegunt defendunt. Quales, Fortunatis illis temporibus, in hac Rep. fortissimi viri exstiterunt, qui vitam suam & sanguinem, pro patriæ salute, summo cum applausu profuderunt. Et in hoc solo verè beatos sese existimarunt, quando, ad communem Libertatem nati educatique, quacunque ratione Patriæ suæ utiles esse possent. At verò cum illâ nefariâ pessimorum hominum multitudine; cum Catilinis, cum Cethegis, Antoniis, Manliis, quis ille Sanctus & Sapiens Arpinas, Consul intrepidus, qui cum ejusmodi Cerdonibus iisdem Civitatis moenibus atque parietibus concludi se denique patiatur? Quis ante oculos suos videre posset naturæ hæc potentia, monstræ operosæ educationis? quibus nos ipsi, quibus Liberi, Conjugesque nostræ jam dudum invisi damnatique sumus. Secedamus, cum Majoribus nostris, aliquò terrarum; vel in ipsum Aventinum montem,

montem, ut ab illorum saltem conspectu, pro tempore, liberati simus. Non servi, puto, non mancipia & ergastula ipsa horum injusta imperia & dominationem tolerare possent. Ingenuus ille, nobilisque Romuli sanguis hæc in oculis suis auribusque unquam inultus perferre queat? O tempora, O mores! Exterminanda sunt à Civium societate tam improba capita. Ejicienda in ultimas terrarum oras, ne aërem hunc nostrum, hæc sacras Capitolii sedes suâ peste ac veneno inficiant. A parte nostrâ sanctissimi stant mores, Probitas, Fides. Ab illorum animis auspiciisque nulla abest turpitudinum nota infamis. Quare nec vita ipsa, quâ fruimur, chara nobis esse potest, quamdiu cum perditis istis ac depravatis hominum moribus, eodem Civitatis jure victique continemur. Mea est sententia, Quirites, ut Atherbalem, Micipsæ nepotem sanctissimo jure ac religione defendatis. Jugurtham verò, belluam hanc immanem, pestemque nefariam, extra anni solisque vias, ad infelices damnatorum insulas relegeris, ne qua tanti Tyranni immanitas in hoc orbe nostro amplius existat; aut quemquam suorum delectare ille unquam possit.

D I X I.

D

O R A -

ORATIO XIV.

MEMMI, *Contra Jugurtham, Personæ
Continuatio.*

Habita à

JOHANNE à NYEN-BURCH,

Alem.

Quid est, Quirites, quod tam lentis consiliis supplicisque contra nefarium hunc hostem, Jugurtham, proceditis? Quod non in scelera perfidiamque ejus acrius, alacriusque advigilatis? quod non everforem Libertatis, defenso-rem improbæ multitudinis tandem communi fo-ciorum, manu oppugnatis, profligatis? Qui si porro ingenii sui virus ac venenum in vulgi ani-mos auresque credulas dispergat, metuendum est, ne latius id malum brevi proserpens, proxi-ma quæque contactu suo comprehendat, talemque in Rep. hac nostrâ flammam propediem accen-dat, unde ad plures, & nondum infecta ab hoc veneno pectora, hoc malum infelicissimè se dif-fundat. Periculum in morâ est. Nec locus aut spatium illi concedendum, quo illam tam imma-nem vim & flagitia ad perfectionem perducere possit. Neminem enim bonorum civium hoc cla-tet, quibus ille artibus, quibus fallaciis innocen-tes circumveniat. Quâ dexteritate & fiduciâ re-rum suarum communem imperii pacem contur-bet. Idque unum omnibus cum animi tum corpo-ris viribus assiduè agat, ut Rempublicam Roma-nam ad summæ egestatis terminos ac miseriâ detrudat. Quine id quidem animo suo tolerare potest,

potest, ut virtutis vestræ fama per finitimas nationes populosque gloriosè concelebreatur. Igitur ut primum civium salutem nervos animamque incidat, atque avaritiam suam frequentibus spoliis & rapinis valeat implere, ad opes & divitias congerendas summo studio sceleribusque contendit. Tunc demum supra ipsam fortunam adscendisse se ratus, nihilque suo furori resistere posse credens, quod à spe & fastigio Honorum ingentem ipsius expectationem amovere possit. Didicerat enim, ab omni ævo, Sceleratissimus Iugurtha, quantum potentia ac virium habeat una, in cumulos suos congesta, Pecunia. Quæ perumpere amat saxa durissima, & per medios armatosque ire satellites, idu fulmineo potentior. Hisce armis atque telis, Quirites, vos ille ex inopinato Homo callidissimus est aggressurus. Perque civium vestrorum cadavera, ni obviam huic monstro maturè eatis, superbè victorem se attollet. Quò enim quisque potentior est, eò plus nocere imparatis potest. Omnisque occasio, cum ingenio & viribus studiosè inquiritur, quàm populum discordiæ & inimicitiiis committat. Quæque paratâ Rep. assequi non potest, illa hac conturbata facillè se assequuturum sperat. Illò jam opum suarum magnitudine productus, ut quemcunque volet, aureis illis machinis, hastisque argentatis expugnet. Quarum tinnitum & splendorem pluris sæpè vulgi facit improbitas, quàm omnes in bello atque acie districtos muctones. Cavete, Quirites, cavete vobis ab impio hoc Rege parricida: nec illum permittite, in venas & viscera vestri imperii tam laxis habenis, spatiisque grassari. Hic ipsa Æraria Reip., censumque Populi Romani flagrantissimo desiderio inhiat. Opes civium, fortunæque omnes intradentes suos conclusas cupiat. Quem si invalescere, majore audacia sibi sumpta, per-

mittatis, periculum est, ne communí quodam incendio, ad ruinam & desperationem prolapsi, sero; de re nostra amissa doleamus ac conqueramur. Nondum vis nostra ac potentia extoto est fracta; Nondum animi bonorum Civium desperatione torpescunt. Domi forisque arma militis sunt strenui: quibus aggredi Perduellem hunc liceat. Nolite præsentem occasionem de manibus vestris turpiter facere elabi. Eo adhuc loco res nostræ positz, ut nec ex timere hunc hostem debeamus, nec de Reip. salute, quæ ut minus prospera nobis succedat, malè unquam ominari. Alacri animo, Quirites, bellum nobis est suscipiendum. Standum in procinctu & acie, ne imparatos nos inveniat atque obruat. Olim contra publicam vim inimicorum, contra clandestinum proditorem feliciter armis nostra expeditimus. Conjuratorum manum & exercitus extra vallum & mœnia projecimus; alios in longinquas regiones & exitium abire fecimus. Urbem & Capitolium Jovis Opt. Maximi ab exteris & domesticis latronibus invictam & intactam conservavimus. Nunc novus ad portam est Hannibal qui omni studio vigilantiaque unum hoc molitur, ut pacem nostram turbet; ut seditiones ac discordiam serat; Cives, adversus Senatum, armis odiisque impellat. Ne sidiæ, Quirites, defensionem hanc vestram & autoritatis aciem hebescere. Majorum vestrorum virtus & res gloriose gestæ ad pristinam laudem decusque vos excitent ac cohortentur. Resurgent, spero, ab Inferis Bellorum nova fulmina, *Scipiada, Catones, Marcelli; Fabii, Pompeii*: qui immanissimo huic Tyranno castra sua & aciem opponent. Remque Romanam publicam à vi & contumeliâ Sociorum promptissimis manibus defendent. Quibus omnes nos ludibrio essemus, principisque Populi

nomen in contemptum adducere mus, si non hoc præsertim tempore, pristino nos robore fortissimos viros ostenderemus. Non patitur Senatus autoritas bellum hoc diutius differri; non Civium salus, non legum sanctitas; non denique pristina disciplinæ morisque majorum integritas. Cum proprium Romano id nomini semper fuerit, ut afflictis succurrerent, ut optimæ & auxilia indigentibus præstarent, sociosque suos fido laze protegerent. Quæ una res ad omnia maxima summum illis honorem apud posteros constituit. Jugurthæ verò scelus in periculosam magnitudinem se dudum jam extulit. Ut nulli extra Romanum orbem Regi Principique id jure factum videri possit, si non totis exercitibus; si non igne ferroque tanta in Remp. injuria vindicetur; Atherbalis probitas, innocentia, calamitas defer datur; Massinissæ denique beneficia virtutesque per Populi Romani ingratitude nulla unquam oblivione silentioque obliterentur. Cujus Parricidæ improbissimi panes & supplicia si non maturè satis ad manum sumpserimus, id imprimis est metuendum, ne finitimarum gentium ac nationum odia merito in nos & posteros nostros provocemus. Qui, hac in communem hostem impunitate conspectâ, suis quoque auxiliis, solitaque benevolentia, qua illi prosequi nos solebant, amicitiam Populi Romani destituent. Nullam nobis imposterum fidem habituri, si non amorem affectumque in patriam, in propinquos, in amicos sociosque imperii sanctissimè probeamus; panas vero & supplicia in hostem nostrum acerbissimè exerceamus.

DIXI.

D;

O R A-

ORATIO XV.

CONSUL ROMANUS.

*Qui Jugurtham Hostem pronunciat: Punien-
dos maleficos docet: adversus Avaritiam &
Ambitionem Leges sanciendas monet.*

Habita ab

EDOARDO NEUHUSIO. R. F.

Alcmariano.

QUOD felix faustumque sit vobis, Quirites,
Reique Publicæ salutare, velitis, jubeatis,
ut Jugurtha Numidiæ Rex, Hostis Rei-
publicæ judicetur. Idque maturè ut fiat, viri de
Rep. meritissimi tacitè exoptant. Sic Senatus de-
crevit; Huc optimus quisque civium voto & preci-
bus contendit. Vestra, Quirites, voluntas ad hoc
sola desideratur. Quam ut cum Patribus conjun-
gatis, imperii nostri Majestas & salus, Hominis-
que nequissimi scelus, temporumque ratio ac ne-
cessitas nunc postulant. Scelera enim quò majora
sunt, hoc acrius in illorum vindictam & pæ-
nas est vigilandum. Hoc enim uno Jugurthæ au-
thore, tanta tamque immania in hac Rep. nostra
facinora improba existunt, ut nullius linguz fa-
cundia, ad illorum turpitudinem enarrandam suf-
ficere unquam possit. Multa Collegæ mei proxi-
mo anno de ingenio hujus parricidæ verba fese-
runt. Etiam mihi hoc loco dicturo infinita ad
illam rem argumenta supersunt. Quid enim in
hujusmodi Hominem aut dici, aut cogitari sa-
tis unquam copiosè potest? Quem non puduit
fraterno sanguine manus suas commaculare, legi-
times

timos hæredes, Liberos regios occidere; regnoque ejicere. Illos ipsos, quorum beneficentiâ ad honores pervenerat, inauditâ contumelia & injuriis afficere. In hoc in primis terræ angulo sanctissimo; in hac legum disciplinâ; his Majorum nostrorum factis & meritis immortalibus. Aliorum vitia & improbitas sæpe in partes eunt: Hic unus cuncta mala flagitiaque pariter commisit: à quo nullum facinus, nulla turpitudine, Libido, qua pissimus quisque bonis odio esse possit, unquam abfuit. Ingenio & corpore juxta depravatus ac perditus. Quasi communi Fatorum suffragio ad omnem; & Hominum & Deorum injuriam ac vexationem infelicitè sit conservatus. Reges nostros ac imperia pro nihilo qui duxit; Pop. Romani jussa & auctoritatem qui contempsit, Legatis qui illudit. Hanc denique Urbem, qui sceleris sui prædam & rapinam destinavit. Quousque tandem, Jugurtha Rex, abutere patientiâ nostrâ? quamdiu nos furor ille tuus illudet? Nihil te mover hoc sanctissimi orbis consilium? nihil magistratus autoritas? nihil populi principis ac comitiorum potentia, majestas? Aliorum scelera justissimis semper pœnis prosequuti sumus. At Tu, qui unus omnium pessimorum Hominum & Princeps & Antesignanus es, impunè hæc feres? Vide, quo jure, quibus olim hi à nobis sint mulctati, qui malis artibus Reip. nostram sunt aggressi. Nullus eorû in judicia, tormenta, quæstiones, aut violentas carnificum manus effugit. *Gracchos* ipsos, quando tyrannidem seditionesque affectarent, nos laudabiliter ad pœnas & supplicia deduximus. *Tarquinius* exegerunt *Brutus* & *Collatinus*. *Romulum*, tantum Regem, ac auctorem hujus Gentis, cum crudeliter agere inciperet, nonne illum in senatu Patres discerpserunt? Sic apud Athenienses *Thrasylbuli*

virtute triginta Tyranni sunt oppressi. Sic *Archias* à *Pelopida*; sic *Alexander Pheræus*, *Nicoles*, *Sicyonius*, *Dionysius*, pluresque alii, quando in cives suos deliquerant, justissima supplicia sunt passi. Nos verò pro jure ac legibus in Te refranando parum diligentes erimus?

Disce porro, quibus odiis fæda tua Ambitio, & insana Honorum cupido sit obnoxia. Quas pœnas mereatur tua insignis Avaritia. Quâ severitate vindicari in te debeant improbissimæ tuæ in patriam molitiones. Quasi tu unus nescias, Magistratum in illos tantum conferri debere, qui, procul ab ambitione sunt remoti, ac verâ virtute nituntur. Jamque dudum latas à nobis esse leges de ambitu coercendo; Legem *Petiliam*, *Cinciam*, *Calphurniam*, *Marianam*, *Æmyliam*: quibus innotatam huic sæculo malitiam comprimere mus. Igitur ut malum hoc, velut objectis aggeribus, quam primum averruncaretur, statuit olim *M. Cato*, ut qui Magistratus designati, quanquam accusatorem haberent nullum, tamen juramento asseverarent, se non muneribus, aut largitionibus ad honores & officia pervenisse. Et *Publius Scipio Nasica*, cum ille Censor factus, omnes statuas, per ambitionem in foro erectas, fortiter sustulit. *Quintus* autem *Cæponius*, quod vini amphoram ei, cujus suffragio magistratum petebat, dono dederat, mox ambitus condemnatus, acerbè pœnas dedit. Quid vero, an indignum sit, Jugurtha, tuam quoque malevolentiam, tuum scelus iisdem pœnis legibusque inhiberi?

Immanè deniq; avaritiam tuam quâ veri, quâ honesti specie pallioque tregere Tu potes: quando nostram in illâ profligandâ curam & vigilantiam animadvertis? Docet Historia, quod illi ipsi, qui in Provinciis avarè ac crudeliter se gesserant, juxta Legem *Juliam*, Capitis pœna sint affecti.

Quod

Quod *Scipio Asiaticum*, postquam Antiochum devicisset, Asiam imperio Populi Romani adiecisset, in carcerem & catenas sit abductus, quando à Chiis & Rhodiis peculatus esset accusatus. Quod *Lucius Posthumius*, quia militum suo rum operâ in suo agro colendo fuisset usus, tanquam criminis reus, sit condemnatus. Quod *Athenienses* quoque Timagoram, quia legatus ad Artaxerxem missus, munera sumpsisset, mortis supplicio affecerint. Alia virtutum trophæa in posterorum animis erigere decet. Cum *Cn. Fabricio*, misso ad Pyrrhum legato, dum aurum & regnum offerretur, hostium dona sunt repudianda. Cum *M. Curio Dentato*, præda ex victoriis parta in militem dividenda. Cum *Lucio Cincinnato Dictatore*, defensa jam patriâ, belloque sopito, ad stivam & aratrum redeundum. Tu autem, Jugurtha, sine metu, sine aliquâ pœnæ formidine hæc cunctâ liberè admittes? rem Sociorum immani tuâ avaritiâ depasces, absumes? Ubi, ubi nos denique gentium nunc vivimus, quod non in nervum te abducimus, &, more majorum, meritis de te pœnas exigimus? Tibi uni permissum erit legatum Romanum injuriis afficere: cum in eo virtus nostra potissimum semper eluxerit, ut missos ad nos fœderum Ministros & Caducatores, velut sanctos ac inviolatos habere-mus? Quod docet suo exemplo *Lucius Munacius*, qui, Romanis legatis à Corinthiis lotio aliquando adsparsis, illorum urbem, parato ingenti exercitu, solo adæquavit. Et *Alexander Macedo*, qui suis legatis à Tyriis in pelagus præcipitatis, ut iracundiam suam leniret, illos arctissimè obsedit, crudeliterque expugnavit. *Senatus* quoque *Romanus* in eam rem locuples est testis. Qui *Quintum Fabium*, & *Lucium Manlium*, quod legatos Carthaginensium pulsassent, per fœcialem, ut sup-

plicium de illis fumeretur. Carthaginem misit. Præterea, Jugurtha, reliquas vitæ tuæ contaminatæ sordes, quibus usque à puero, & primis unguiculis fuisti obnoxius. Quem, credo, cum in cunis & cunabulis ad huc ageres, sinistrum Saturni sidus de cælo oculis suis aspexit.

Quare, ò Regum omnium improbissime, & Divino & humano jure ad hoc exstimulatus, Consul Romanus Bellum tibi indico. Bellum, post hominum memoriam atrox & horrendum. Et cum aliquando, Diis propitiis, sub jugū te nostrum miserimus, non unā simplicique morte scelus tuum vindicabimus. Audiet ultimus orbis, quam Romana virtus in patriæ proditorem pulcherrium pænæ exemplum statuerit. Ne unquam frustra Tu tantum scelus designasse videre in nobiles atque innocuos Masinissæ Nepotes. Quippe boni Principis officium est, socios defendere, miseris & afflictis opē auxiliumq; præbere; domi concordiam, foris metum & formidinem circumferre; à perfidiâ & crudelitate animum longè habere alienum ac remotum; sed amore, beneficiis, liberalitate non minus exteras gentes, quam suos sibi subditos devinctos habere. Bonus inquam, PRINCEPS, imago & umbra est Deorum Cælestina: quem in omni negotio & facto honesto imitari debemus. Qui, velut fatali atque occultâ quadam naturæ vi civium suorum animos ad sui amorem & exemplum trahit. Ab hac Regum Principumque divinâ virtute atque ingenio cum longissimè tu absis, Jugurtha, age, Populi Romani infestas nunc in te Aquilas exspecta. Er, qui alio-
sum hætenus fortunis opibusque tanquam prædo & raptor crudelissimus inhiaisti, in posterum durissima Populi Romani imperia, æternasque iras & odia accipe.

D I X I.

Finis Historiæ Jugurthinae.

Ha

*Hæ antecedentes tres habita Alcmaria*M.D. DCCLXIII. *Examine vernali.*

O R A T I O XVI.

De

Præstantiâ & Difficultate Studiorum.

*Habita à*LUCA PÔSTHUMO *Alcmariano.*

Nobilissimi, Amplissimi DD. CONSULES,

Clariss. Doctiss. Rev. DD. SCHOLARCHÆ,

AUDITORES HUMANISSIMI.

Q Uando, post publicè habitum Gymnasilii nostri exameo, cum divite ac frugifero hoc Autumno, etiam aliquot Condiscipulorum nostrorum studia & labores feliciter maturêscere contingat, non alienum à re & Pallade nostra esse videtur, dignam quoque ipsis Spartam & honores gratulari. Ut, hoc industriæ suæ testimonio magis inflammati, generosos animos spiritusque, in illo, quo maesti nuuc decurrunt, pulvere sibi assumant. Et illi, qui nondum ad sacros hosce Termini limites pervenerunt, ingenti quoque sudore sic pergant, gradumque promoveant. Quo pulchro plausu & acclamatione ad decus & laudem excitati, augustiore impofterum successu fortunas suas illustrent. Nam ad optimum quemque gloriæ stimulis impellendum, magnas in se habet vires honesta ambitio. Quæ adeo in Adolescentum animis altè radices agit, ut non inde, nisi cum morte ipsâ, facile avelli possit. Animus igitur est, H. H. A. A. hoc tempore, de VERA ERUDITIONE vobiscum differere. Ad quam acquirendam, certè, non nisi assiduis asperisque la-

boribus est opus. Quoque hæc est major magisque inaccessa, eo etiam gravioribus undique periculis est obfessa. Meum nunc pensum est de *Literarum præstantiâ, earumque difficultate*, hoc loco, verba facere. Cupiam ex animo quotquot adestis, VIRI LITERATI, ut me & Collegas meos benigna vestra attentione, auribus animisque acribus, prosequamini.

VERÆ ERUDITIONIS præstantia, quam apud ingenuos in Repub. Viros laudem mereatur, omnis ætas, hominumque memoria abundè testari potest. Quæ una si è regno aliquo, aut civitate turpiter ejiciatur, nec in debi à existimatione ac reverentiâ habeatur, jam pridem optima quæque in ruinam suam & perniciem prolabi necesse est. Actum tunc de felicitate humana; de florentissimis regnorum successibus, actum inquam, & conclamatum est. Tolluntur bonæ leges, & Justitia de Tribunalibus, abeunt de foro & Comitibus fas, fides, probitas. Languet in templis & Ecclesiâ pietas, sanctitas, salus ipsa. Fugiant Gymnasia, & Academiæ: quas merus torpor & barbaries modo occupat Ubique locorum, sublatris de medio sapientiæ illis Magistris ac Mysteriis, nihil nobis reliquum est, quam vanitas, quam vastitas, quam rudes & indigesta quædam moles. Verbo dicam, Chaos Antiquum, meraque tenebræ, & nox alia. Quod non ignorabat, divinis-
 ὅταν βούληται θεὸς ἐν πράξει πόλιν ἀνδρῶν ἀγαθῶν ἐνέποιησεν. ὅταν δὲ μέλει κακῶς πράξαι πόλιν, ἐξέλτε τῆς ἀνδρῶν τῆς ἀγαθῆς ἐκ πρώτης τῆς πόλεως ὁ θεός.

Quàm felix, iterumque felix ista est Respublica, in quâ Reges philosophantur, aut Philosophi sunt Reges! ubi bonorum artium scientia semper
 primas

primas tenet, nec Consilia nisi à solis sapientibus in senatu accipiuntur. Nec, ad vulgi, ut solet, morem, suffragia temerè numerantur, sed consulto & cum ratione ponderantur. Ubi solis virtutibus patet locus, nullus vitiis. Ubi nostram Pallada non turpis mendicitas, non egestas, non esuritio, sed honor, sed Equestris Dignitas, sed ostrum & purpura comitantur. Hac felicitate & Fortunâ rerum, per Optimi Maximi D E I gratiam & benignitatem, nobis etiamnum in Belgio hoc nostro perfrui licet. In quo Viri prudentes, et erudita pietas nondum suis honoribus atque præmiis destituuntur. Quæ sola est ratio, quod extra anni siderumque spatia, tam benè generoseque nos Batavi audiamus. Qui, Togâ & Armis inclyti, famam nostri Nominis cum ipsis Cœli regionibus determinamus. Vera Eruditio quippe una est sacra Anchora, quâ omniû Regum regnorumque felicitas firmissimè subsistit: quâ singulæ virtutes, ut earum quædam perfectio existat, quasi ad numeros & in ordinem suum coeunt. De cujus Dignitate, usu, Præstantia, Necessitate, si hoc loco, non perfunctorie dicendum mihi foret, fateor, & temporum angustia facile excluderet, & Vobis, mei Commilitones, vix aliquam dicendi materiam relinquerem. Græci & Romani, quorum facta & fama per literas immortalitati jam dudum sunt consecrata, in hoc imprimis argumento, de Doctrinarum laudibus dicturi, maximè excelluerunt. Qua de causa *Socrates* pulcherrimè in terris animal, Hominem doctrina excultum iudicavit. *Plato* doctos ab indoctis tantum differre dixit, quantum medici à agrotis. Et tanta discendi cupiditate fertur fuisse *Solon*, ut multò felicius moriturum se dixerit, quando ab adstantibus ad fatalem lectum amicis, extrema etiam vitæ hora, aliquid addiscere illi licuisset.

quisset. Tanta quoque ejus amore flagravit *Diogenes*, ut hominem indoctum onus terræ gravissimum dixerit. O verè candidæ Musarum fores ! quas meritò soli hi cupiant intrare, quibus,

De meliore luto finxit præcordiâ Titan.

Sapientem enim esse literisque humanioribus egregie imbutum, cum Coelestibus Diis ex pari est vivere. Quod cum perspectum exploratumque sibi haberent *Mytelenenses*, quos gravissimo supplicio afficere volebant, illis literarum, usum adimebant. Et *Apostata Julianus*, qui ut facilius subjugaret Christianos, Philosophiæ illos exercitio privavit. Hæc doctrinarum amœnitas ita sæpè multorum animos in se pertraxit, tacita quadam vi ac voluptate sensuum suorum, ut illi plus quam Herculeo labore ad hæc studiorum præcipitia sese contulerint. Quemadmodum pulchrè id videre licet in *Phil. Chrysippo*, qui jam jam fame & inedia periisset, si non *Melissa* uxor, Viro, rerum meditationi altissimè defixo, cibum in os ingessisset. In *Cleanthe*, qui solidas noctes in hauriendis aquis impendit, ut diem sapientiæ studiis destina- ret, haberetque unde Præceptoribus suis mercedem persolveret. Nec minus in *Diogene*, qui ab institutione *Antisthenis* nullo modo removeri potuit. Verbera, inquit, quantum potes, nullum tamen baculum reperies tam durum, quo, à te modò aliquid didicero, avertes. Credo, sacram hanc opinionem illustres istæ animæ ab ipsis Diis superis imbiberunt. Unde, proxima oraculo, vox illa divini Philosophi :

Καθ' ἡμέτερον ἐστὶ φυλακτικὸν σώματ' ὕγεια
ἔστω τῆς ψυχῆς φυλακτικόν καθέστηκε παι-
δεία.

Quamobrem nihil prorsus ego demiror H. A. quod veræ Eruditidinis præstantia, de cujus laude hætenus

hactenus dicere incepti, tantis difficultatibus molestiisque undique sit obnoxia ac circumscripta. Tamquam si ipsa Avernii hic ostia aperiantur; ipsæ fauces Tænariæ, Cocytique palus; *quam novies Styx interfusa coercet*. Hoc equidem ipso major est tanti boni possessio, quo ad sacra illa Adyta difficilior, est accessus; pluribusque dumetis ac sentibus via illa sit obsita occlusaque. Quæ una, ad Honoris templum quæ ducit, si molli facili-que labore iniretur, profecto, valde exiguum id foret, nos istis doctorum ordinibus accenseri. Nunc, quia per inaccessa, per prærupta, ardua multa est incedendum, pulcherrima illi palma ac veneratio debetur. Digna quoque Majestas, quæ Prometheus suos, Sisyphos, Ixionas habeat: quorum solis conatibus & sudoribus propiore ad illam gradu acceditur. Quare nec immerito sapiens Antiquitas doctrinam ex ipsis Egeriæ convallibus; ex profundo Democriti puteo hauriendam esse dixit. Non ab ignavis inertibusque fucis unquam comparari illam posse. Non votis puellaribus, non suppliciis muliebribus. Non ab illis, qui totos dies in popinis, in alea, in luxu & libidine agunt. Sed cum *Demosthene* in subterraneis terræ cavernas est descendendum; cum *Alcide*, apud inferos monstra Aetnæa perdomanda; cum Hydriis, cum avibus Stymphalicis, cum ipsâ Lernæ Bellua fortiter dimicandum. [Omni, inquam, vitæ tuæ tempore, O Adolescens, id solum atque unice est agendum, si aliquando in Equestri Eruditorum pulvino, cupias residere, ut ex divina Oraculi voce assiduis domi laboribus vigiliisque impallescas. Totus denique mortuis ut concolor sis factus. Hoc unum pro solatio & præmio habituras, *Quod unus vitæ tuæ dies, plus patebit quàm imperiti longissima ætas*. Eoque nos aliquando felices Musarum alumnos processuros,

ut

ut pro mortalibus, gloria æterni simus, vitæque nostræ, quæ brevis est, memoriam quàm maximè longam efficiamus. Verè enim est dictum:

Σοφία γὰρ μόνη τῶν κληυκῶν ἀθάνατον.

D I X I.

O R A T I O XVII.

De

R E M E D I I S,

Quibus Studiorum difficultas superatur.

Habita à

GUILIELMO BOSH,

Alcmariano.

EX animi sententiâ hoc fuit, *Chariss. Collega*, quod veram Eruditionem vivo quoque præconio sis prosequutus. Et hanc, quasi humeris tuis, à terrâ usque in Cœlum extuleris. Quare nec præsentem hunc diem cum silentio mihi patiar præterire, quin in perpetuum summa animi necessitudine totum Tibi me devinctum addictumque pollicear. Cui prudenter quoque id visum est, non tantùm de studiorû scopulis ac difficultate, tanquam cum gemitu, & fracto animo, voluisse differere, quam quidem ipsam Doctrinam, tuo jure & merito contra vulgus ignorantium strenuè defendere. Perge, ingenuo hoc esse animo, mi *Collega*, in Pallada nostram & Literas, nolique id crimen facinusque in te committere, ut de isto proposito infelicitèr unquam recedas. Studia Literarum, tecum sentio, quò sunt clariora, hoc etiam magis habent difficiles circuitus & ambages.

Quemad,

Quemadmodum non facilè hunc hostem, dejici-
mus ac prosteruimus in suis castris, qui militum
robore pollens potensque est. Habet nostra hæc
quoque Minerva plurimos inimicos, qui ad om-
nes aditus tela ingerunt, qui die nocteque illi in-
sidiuntur, vias infestant; hinc inde pericula &
difficultates quàm plurimas obtendunt. At verè
isti injuriæ malisque avertendis abundè nobis
suppetunt Remedia: quibus triumphare inposse-
rum licebit. Nec necesse sit, pro vulgi opinione,
hanc facerrimam nobis Divam ab amplexibus no-
stris remove. Manet illa, stabili semper loco
posita. Ridetque omnes procellas & æquora, quæ
otium & ignavia illi solet opponere. Per medios
fluctus rupesque generoso spiritu ausa perrum-
pere. Quare nemo nostrum, Commilitones,
tam infelici astro, utinam! sit genitus, ut propter
itinerum asperitates, propter malorum Symple-
gedas in medio quæ sunt posita, à scopo Fortunarū
suarum facile aberret. Qui infami, ut sic dicam,
ore de gravibus impensis sumptibusque, quos ar-
tes nostræ requirunt, imprudens conquæritur:
neq; enim alio modo thesauri illi Divinæ Sapientiæ
comparantur. Quique vitæ accuset brevitetem,
aut laborum arguat magnitudinem. Qui, post tot
annorum rædia & lucubrationes lentas promo-
tionum difficultates prætetendat, Credite cum cen-
tuplo fanore fructuque hæc in agellis nostris se-
mina resurgunt. Unde nec in paucos vitæ dies,
sed in seram usque posteritatem illa ingeniōrum
nobilitas pertransit. Censu & opibus majores,
quàm unquam aliquis de fœce & sènti: à in vul-
go. Omni verò turpitudine ac dedecore is meri-
to est afficiendus, qui ad Divinam istam Pene-
lopem sine labore, sine curis & cruciatibus patere
sibi viam imaginetur. qui in rosis & violis admi-
randa hæc rerum, veram puta sapientiam, posita
esse

esse expectet. Erras, erras toto cælo, mi Corn-
milito Ut excelsam hanc arcem, Pernassi Mon-
tem, invadas, Labore, Vigilantiâ, Virtute multâ
Precibusque apud Deum Religiosis est opus Ad-
versum oria & desidiâ dies noctes depugnân-
dum est acriter Nihil omnium illorum, est inter-
mittendum, quibus ad pulchram hanc Adoream
rectis itineribus pervenitur. Solent, fateor, sale-
brosam hanc viam, nescio, quam infelices Harpyæ;
quæ Siron infamis suis incantationibus ac venefi-
ciis inficere ac infestare. Opponenda hisce mon-
stris est acies firmissima, Vigilæ perpetuæ, quibus
in auxilium advocatis, faciliè per medios ire sa-
tellites, per saxa, per ignes incedere licebit. Ni-
hil enim à naturâ ipsâ tam inaccessum, ad quod
non jugi diligentia, perpetuisque laboribus securè
tandem penetretur. *Exurge modò, & te quoque dig-
num finge Deo.*

Nec quisquam fruitur veris odoribus:

Hyblaos latebris nec spoliât favos.

Si fronti caveat, si timeat rubos.

Verissimumque enim illud, est & ex Tripode di-
cturi:

*Τῆς ἀρετῆς ἰδρῶτι θεοὶ προπύροιθεν ἰδε-
κάν Ἀθάνατοι.*

Et, Profectò, non anicularum somniis, non ne-
gligenter agendo Dei Omnipotentis auxilia pa-
rantur. Ubi ignaviæ & socordix vos tradideritis,
nequicquam Deum imploretis, iratus ille infe-
susque est. Cum *Laconibus* admotâ manu Fortu-
na imploranda est. Et quod Græci, iterum ajunt:
μοχθεῖν δὲ βροτοῖσιν ἀνάγκη, πόνος δὲ ἑυκλείας
πατὴρ. μὲν δὲ ἀναβαλλομένα. Hæ erant illæ tes-
seræ militares, quibus olim sapiens vetustas, tan-
quâ bonis Auspiciis, res suas & negotia perficie-
bat. Illi nunquam fessi aut fatigati; sed sudarunt
sub

sub clypeis Ancilibus. Illi patientes pulveris atque solis, nunquam medio in torrente brachia remiserunt. Semper in aperto: in amico generosos suos Spiritus ad famam gloriamque intenderunt. Priscos illos Philosophos, *Platonem, Socratem, Carneadem, Cleanthem, Chrysippum* imitari oportet: qui indefinente magnarum rerum studio hanc sibi nominis sui Aeternitatem compararunt. *Apelles, Demosthenes, Homerus* pro face & exemplo prælucere debent. Apud quos viros solus labor, solaque industria unicum suarum rerum Præsidium & Palladium fuit. Quibus quoque maximi Græcorum Oratoris divina, hæc sententia placuit:

Δία κακτερίας καὶ φιλοπονίας, οὐδὲν τῶν
ὄντων ἀγαθῶν ἀνάλωτον πέφυκε.

Otium verò, & inertiam legibus suppliciiisque constrinxerunt. Quam & nonnulli vivi hominis sepulturam appellarunt. A quâ, certè, peste ac contagio nihil unquam recti, nihil boni in genere humanum derivatur. Utque non immeritò *Ægyptiis*, homines otiosos, inftar beutorum, sine aliquo sepulchri honore, terræ mandarint. *Lacedæmonii* autem capitalem in illos pœnam constituerint, qui corpus suum otio effæminaverant. Vitanda est igitur *improba Siren Desidia*, situs, torpor, squallor, ignavia. Et omne illud, quod animos vitio aliquo exulcerat. Ad improbum laborem, ad illustris Gloriæ certamen nervi laceratique intendendi. Et, quod omnium est primum & præcipuum, *sanctissimis Precibus apud Immortalem in Cælis Deum assidue est intercedendum.* Ut Ille fortes nobis animos in tanto rerum discrimine suppeditet. Perque medium hoc profundum euntibus benignos faventesque semper Zephyros adspiret. Sic demum fiet, ut *aurea illa Libertas*, quæ *Vera est Eruditio*, sudoribus nostris se
amicam

amicam facilemque præbeat. Nunquam enim in sublimi folio is constitit, quem illiberalis pudor torporque ad terram suam effixit.

Hic animi opus, Aenea est, hic pectore firmo.

D I X I.

O R A T I O XVIII.

De

CONCEPTO GAUDIO,
post promotionem Scholasticam.

Habita à

JOHANNÈ à NYENBURCH.

Alcmariano.

ADmodum me exhilaravit, H. A. præstantissimi mei *Collega* oratio. Qui verè, ut dicitur, rem acutè tetigit. Verèque. Eruditionis Remedia graphice nobis ad oculum proposuit. Quasi uno ictu & impetu in caveam inimiserit omnes illas difficultates, scopulos, hostesque: cum quibus tanquam cum Gorgone aliquo aut Hercule, per totam vitam periculosè est decertandum. Concedo tibi libens mi *Collega*, quod nullo alio pacto & limite ad Sapientia fastigium pervenire possis, quam certè, destinata tuis rebus curâ, & labore intensissimo. Neminemque oculis suis melior Pallas unquam adspexerit, quam solum illos, qui à teneris unguiculis & materno lacte didicerunt, ponere Sudorem ante Honores. Quæ una fuit recta & regia via, quâ omnis ætas & tot sæculorum memoria & mortales, ad maximæ dignitatis fastigium feliciter evaserunt. Sine quibus præsidiiis, frustra spes nostras in longum sæpe mittimus, & anxie illa desideramus: unde in
nomen

nomen & famam, exsurgere aliquando possumus. Hæc cum perspecta & cognita mihi haberem, etiam à prima statim pueritia illorum insistere in-
cepi vestigiis exemploque, qui laborum hac luce
& lampade egregiè nobis præluxerunt. Quare &
Ego, quamdiu vitalem hanc auram animamque
traxero nelatum unguem ab honesto hoc propo-
sito veterumque consuetudine unquam deflectam.

Hoc vero unum & præcipuum illud est, quo soli-
dum mihi gaudium contingit, tandem quod, sub-
actâ hîc loci, severiore Pallade, cum honesta tandē
Manumissione, hinc in publicam Libertatem vin-
dicare me possim. Relictis jam à tergo tot anno-
rum vexationibus, molestiis, cruciatibus, quos
primam illam rudemque ætatem, sub assiduâ do-
centium ferulâ & supercilio tolerare oportet.
Quod vitæ genus quam sit durum, quàm asperum,
quam cum multis molestiis conjunctum, illi jure
mecum testari possunt, qui totum illud ætatis,
quod retrò est, in sordido Scholarum pulvere
contriverunt. Quasi in pistrino & carcere illic
compediti: unde in paucas horas & dies se sub-
ducere, pene capitali supplicio, brevi-
bus Gyris & carcere est dignum. Hoc tamen
unum ad illam ætatem pro solatmine accedit, quod
ipsi potissimum ignoremus mala nostra & ærum-
nas, cum quibus, immane quantum tunc tem-
poris colluctandum fuit. O diem illum sereneum,
& verè felicem! non atro carbone, sed niveo la-
pillo atque unione signandum! quando ex hæc
servitute, depositâ jam Prætextâ, ad togam vi-
rilem componere me possim. Posthabitisque
omnibus nugis & nucibus, aliud vitæ genus, alios-
que vivendi mores assumere. Quanquam, certè,
non ignorem, quam utile nobis fuerit, etiam æta-
tis illud lubricum sub viris præstantibus, eorum-
que disciplinâ & plus quam patrio affectu, non
sine

IMMORTALI in Cœlis DEO ingentes Ego gratias habeo, quod infames hosce scopulos, Acrocerania, tutò ac incolumis tandem evasarim: atque inde in liberio rem vitæ campum, quò nunc zetas & aura Musarum vocat, Divino me instructu monitisque sim recepturus. Ubi alias tunc lauros alia laborum meorum trophæa expecto. In luce tot Gentium ac nationum positus; quando dispersas hinc inde varias Virtutes in unum quasi fasciculum comprehendam, magnorumque Virorum adjutus præsidio, me rectà ad sacram Themidos aram, Justitiæque Tempia recipiam. Ut istis artibus, quibus ingenuos homines imbui oportet, non leviter primum tinctus inde ad inclytam hanc Urbem, ubi ærem spiritumque hunc hausi, post limininiò revertar. Deoque Duce, Comite Fortunâ, id manibus pedibusque conabor, ut non ignobilem me Patriæ Charissimæ, Civium optatæ Saluti Custodem tunc præstem, Urinam! utinam modò BATAVO IMPERIO, rebusque nostris, illa Temporum porrò adspiret felicitas, quâ nos, per Superum benignitatem, non sine totius orbis admiratione, terrâ marique, præsentehoc rerum statu, perfruimur.

Et vos, *Viri Nobilissimi, Viri Ampliss* Honore & Dignitate vivite Felices Florentesque: Quibus, pro acceptâ tam nobili Institutione, pro tot tantisque Beneficiis, atque Præmiis, non uno exemplo gratum meum animum comproberetunc possim.

DIXI.

O R A.

ORATIO XIX.

Pro

AUSPICIO ACADEMICO.

Habita ab

EDOARDO NEUHUSIO. R. F.

Alcmariano.

Triumphalis hic tibi videtur dies, *præstantissime Collega*, cum, sumptis alis pennisque, tanquam rara aliqua Avis, aut Aquila sis in nubibus, terrasque omnes & maria dispiciens, ipsi cœlo caput nunc inferas. Quia, hucusque tandem studiorum limite feliciter producto, ex hac Gymnasii nostri umbrâ, ad publicam ACADEMIÆ te lucem ac libertatem mox recipies. Quasi omnes nunc Scyllas & Charybdes tutò evaseris, quæ in hoc pelago navigantibus fatale aliquod periculum minari possent. Deinceps nihil tibi restare, præter plena rosarum atria, præter lacteam ac facilem Cœli viam, cum ipsis Heroibus ac Semideis calcandam. Ita est, *mi Collega* ad majora nunc animos nostros intendimus, & ab hisce Scholarum umbraculis, ad ipsam Parnassii culmen maesti gradum inferimus. Quæ fortuna, fateor, post primos labores confectos, non ingrata nobis est. Qui sæpè illum diem in votis nostris habuimus, quo tandem ex tenebris tetricisque illis minutiis eluctari liceret. Sed noli putare, eò nos esse profectos, in implexo hoc studiorum Labiryntho, nullo prorsus Theseo, nullo sapientum victorum filo ductuque indigeamus. Si
istam

istam animo tuo opinionem stulte induxeris, ô quam vanam, quam inanem de te ipso expectationem concepisti! Meo judicio, majores tumultus, procellæ, imbres supra caput sunt: quando de propinquâ Academiâ cogitatio mihi subit. Emenſi ſumus aliquot viarum ſpatia, metamque optatam privati laboris ſumus conſequuti, fateor. Quæ res quidem digna eſt ſuo trophæo ac triumpho. At verò ab hiſce Adoleſcentiæ noſtræ ſpoliis optimis, tantò majora nobis bella & certamina adhuc reſtant. Quæ non armis gerenda ludicris ac puerilibus, ſed toris lacertiſque pluſquam virilibus, Herculeiſque. Quando tot monſtra, tot prodigia; unde non ſimplex circa peçtus meritò eſt metus, vias noſtras vitamque infeſtabant. Quando ruruſum cum Ignaviâ, cum Libidine, cum Voluptariis, idque in majore theatro, detertandum eſt. Quando in vitia, & errores publicos, quorum quaſtus eſt uberrimus, cum periculo incidemus. A quorum contactu & contagio ut nihil ad nos prorsus redundet, ô quanto robore, ſapientia, fortitudine eſt opus! Haſtenus ductu alieno uſi ſumus, &, quod dicitur, cortice non noſtro natavimus, ſub ſido recto & lare. Nunc à ſinu & oculis illorum procul remoti, noſtro remigio res fortunasque noſtras regemus & moderabimur. In qua Studiorum orbita quæ ſæpe rapi-næ, quæ naufragia, qua pericula occurrunt! quam horrenda, quam adverſa multa eveniunt! utinam! non plurimorum infelicitas quotidie hoc nos doceat! Quibus longè melius fuiſſet, aut nunquam iſti albo manipuliſque nomen dediffe; aut de Eruditione ſibi comparanda vel per ſomniũ cogitaſſe. Quanquam non literis humanioribus, Muſarumque id ſanctitati ſit imputandum, ſi adoleſcens, parum cautus, in vitæ dedecora nominiſque ſui infamiam; in voluptatum ac libi-

dinum illecebras sese conjiciat. Hoc dico; *mi Collega*: Cum illo Libertatis nostræ Pileo, infinita se mala & monstra conglomerant. Quibus hinc, inde ætatem nostram præcinctam atque obsessam undique videbimus. Nunc demum tempus illud aderit & appropinquat, quo dies noctesque in procinctu ac acie est constitendum. Ne catervæ illæ insidiantes, ne turmæ & turbæ lascivientium Epicureorum ex occulto nos obruant; ne voluptuosorum illi greges, fex maligna Adolescentium desperatorum, etiam partem nobis de suâ peste & veneno affricet. Hic plusquam septemplex Ajax clypeo est opus, contra Medusam hanc & Gorgona. Ipsa fortissimi Græcorum, Achillis, arma hic æquiro, sub divinâ Bellipotentis Minervæ tutela, fabricataque tela Cyclopum.

Tres imbres terti radiis, tres nubes aquosæ

Rutili tres ignis, & alitis Austri.

Ægydæque horrificam, turbata Palladis arma.

Ne in terribili hac Martis palæstra, quam, cum Deo, brevi sumus ingressuri, cum honesti nominis famæque jactura infelicitè succumbam. Tanquam si nondum satis esset nobis laborum malorumque; ab artium præcipitiis ac difficultatibus, ut etiam abunde bellum habeamus, quod vim metumque nobis incutiat. VERA siquidem Eruditio, quæ in hos rivulos se diffundit, à magno illo Sapientiz, Oceano, in patentissimos campos excurrit. Ut unde hic nexus incipiat, quo ve se recondat, penè incertum sit: Gordiumque hunc nodum tandem solvas, cerè, nescio, quem novum tibi indè à Macedonia Alexandrum hic quæram. Video autem oculos hic positum agmen non unum, quod me deterret. Toti, inquam, malorum montes exercitusque vim suam minantur. Universa illa area & arena, inquam nos hodierni Quirites, post paucos dies, descendemus,

demus, plena est insidiarum, plena scopulorum: hinc, indi difficiles inviasque vias aditusque ostendens. Igitur prudenter aliquando fecit Vlysses, quod, cum periculum illi esset à dulci sed venenato Sirenum cantu, hinc aures suas cera obturaverit, se sociosque suos ad prudentiæ malum colligans: ne cum temere præternavigantibus in brutorum speciem transformaretur. Idem penè nobis faciendum est, qui ad novum & ignotum hoc Academix contubernium accedimus. Oculi, aures, manus, cuncta animi corporisque nostri officia & sensus rectæ rationis gubernaculo sunt dirigendi regendique. Ut tandem, sine offensâ, feliciter in studiorum nostrum portum deveniamus. Ideo discamus à sapiente *Seneca*, nulli præclusam esse Virtutem omnibus illam paterè Nudo homine contentam esse; non domum aut censum eligere. Hanc non sordidum amatorem admittere, non falsum, sed perpetuum gaudium præstare. Præterque se ipsam nullo honestamento indigere. Discamus à *Democrito*, *Apelle* omnes labores otio jucundiores esse, nullumque diem sine aliqua ducta linea negligenter transmitti debere. Ab *Historico Romano*, eorum vitam mortemque juxta æstimari, quibus contra naturam, corpus voluptati, anima oneri fuit. Et ab ipso *Patre & Principe Oratorum*, quod consilii magnitudo, fortunæ contempnio, virtus denique ipsa solam unicamque Humanæ vitæ felicitatem constituat. Vel, si libet, *Antisthenem*, *Platonem*, *Diogenem*, *Socratem* nobis proponamus: quorum Oraculo monitisque edocti, jam dudum lacram illam semitam ingressi sumus, quò spes & expectatio Patriæ, pia Parentiû vota, labor & industria Docentium nos vocat. Et, imprimis, verè aurea, verè divina illa Græcorum præcepta animis nostris reponamus inter quæ illud *Plutarchi*.

Μὴ ἀνὴρ σπυδαῖος, ὁ πολὺ ἱμα εὐσία κε-
κρίμενος; ἀλλὰ ἰτὴν ψυχὴν γενναῖον. Et illud
Athanasil: Δεῖ μὴ μόνον ἀπέχεσθαι τῶν κακῶν,
ἀλλὰ καὶ τῆς τοιούτου πράσσειντας ἀποτρέ-
φεσθαι.

Ceterum, quod unum restat, ad opem Divinam
confugimus. Deum Optimum Maximum ex animo
invocantes, ut ille Sancto suo Spiritu quocunque lo-
corum nos comitetur; ut Facem in nobis Sapientie
sua celestis accendat: quâ in omnibus nostris rebus
negotiiisque illustrati, utilem aliquando operam cum
Reip. tum Ecclesia adferre possimus. Ut, servati,
tranquilli in mediis Studiorum undis fluctibus-
que tandem feliciter ad BONÆ SPEI CA-
PUT, Portumque Salutis nostra deveniamus!

DIXI.

Alloquutio ad Promovendas,

JOHANNEM à NYEN-BURCH,

Et

EDOARDUM NEUHUSIUM, FIL.

Nobilissime NEOBURGI,

POst totum exactum Triennium sub meâ disci-
plina & manu, nunc Literarum studiis præ-
clarè te imbutum ad publicæ Academiæ liber-
tatem promoveo. Illâ spe & Fiduciâ, ut, pera-
ctis in majore theatro laboribus officiisque, tan-
dem ALCMARIAM, ad patriam civita-
tem feliciter revertaris Ibique studiorum tuorum
mensem aliquando auream expromens, Magno
Reip.

Reip. honori ac usui esse possis. Iturus per vestigia
 majorum tuorum, illamque sacram orbitam, quam
 Amici tui, viri in familiâ vestra Nobilissimi, quo-
 tidie tantâ virtute ac laudum certamine decurrunt.
 Age igitur, Præstantissime Iuvenis, & illam Spar-
 tam, quam tibi à primâ Adolescentiâ proposuisti,
 tandem egregiè exorna. Et ita virtutem, pietatem
 in omni opere exerce, ut à me haudenus doctus
 es. Cavè in primis, cave tibi ab illis ingeniis, mo-
 ribusque Hominum, qui felicibus tuis inceptis Au-
 spiciisq; damnum adferre possint. Audivisti modò
 à Collegistis, quâ illa sit via, quâ ad veram eru-
 ditionem rectum aditum tibi paret. Illorum Tu
 ductum filumque mactò animo persequere. Ca-
 tera, quæ atalim & fata tua manent à Deo O-
 ptimo Maximo piis votis precibusque exspecta.

EDOARDE fili, per intimas pectoris mei
 medullas, Ego, Paternum te adhortor, ut omnia
 tua consilia & cogitationes ad Omnipotentis
 Dei laudem & gloriam conferas. Neque ullo vitæ
 tuæ tempore à sacrâ amissi pietatis ac virtutis re-
 cedas. Ab isto enim principio feliciter se habent
 omnes res humanæ. Nam *Pietas, sacer textus est,*
ad omnia est utilis, habetque promissionem huius &
futurae vitæ. Sine quâ nec Hominem Hominem
 esse iudicio, nec Ego unquam Te filium meum
 agnoscam. Pietati verò egregiam & excellen-
 tem bonarum artium scientiam adjuuge: quæ &
 Ecclesiæ & foro utilis aliquando esse possis. Illò
 Clarissimus Avus primum te ducit. Qui totos
 XXX annos Literarium hoc saxum volvit. Hunc
 & nos, proximo ex intervallo, non degeneres,
 spero, consequimur. qui pari quoque annorum
 numero hanc Pallada etiamnum exercemus. Ca-
 pe, mi fili, ab istis nostris sudoribus, qui hominis
 penè ætatem conficiunt, exemplum domesticum.
 Sola enim Pietas, cum pulchrâ Doctrinæ laude

conjuncta sacra tua est anchora. Quibus, velut geminis remigiis, te attollere ab hac terrâ in cœlum debes.

Et nunc inprimis, quando meâ manu & disciplinâ ad aliud vitæ genus pertransis. Ad publicum, inquam negotium, & vitæ periculosa forum. Vbi, ut statim coram monuisti, tot Monstra stabulantur, & Feræ immanes. Cautus hîc esto & carus; ne aliqua ex istis Sirenibus suavi suo cantu te fallat ac decipiat. Cum ingenuis Adolescentibus, quorum mores & vitam probe nosti, honestè conversâre. Improbos, inertesque illos fucos, qui pietatis nulla habent rationem, carnè peius & angue, fuge. Verbo dixerim: Perfice, mi fili, optata mea. unumque hoc age, quod Ego, quod Amici, quod Alcmariâ, Cui uni Te filium unicum devovi, pariter à te expectamus. Ceterum, DEVS IMMORTALIS, ad sui Nominis gloriam, diu te sospitem & superstitem conservet. Vale.

Alcmariâ cl. MDCLXIII. Idib. Sept.

*Gratiarum actio Discipulorum in
promotione publicâ.*

Tibi, *Clarissime, Charissime* D. R E C T O R, pro paterno erga me affectu, pro sedulâ pieque institutione omni officio & observantiâ, me totum devincio ac obstringo. Qui me fideli tuâ manu & curâ per Profundum hoc studiorum pelagus euntem fideliter feliciterque duxisti. Tibi Deus O. M. vitam & vires porro largiatur, ut *Illustri huic Gymnasio, cum Doctissimis tuis Collegis* facem felicem ac fructuosam præferre possis. Ut ex hoc loco, velut ex equo Trojano, innumeri prodeant adolescentes, qui *Celeberrimæ huic Civitatis,*

tati, & populis finitimis operam suam præstare possint.

Vobis, *Nob. Amplissimi DD. Consules; Vobis, Prudentissimi, Reverendi DD. SCHOLARCHÆ*, quod variis præmiis & honoribus luculenter me honoraveritis, par gratia nunquam à me referri potest. Semper *inclyti vestri Nominis* fidam memoriam apud me retinebo. De vestra Civitate, de vestra Ecclesia, de vestro Gymnasio omnia sanctissimè testaturus.

Vobis, *amantissimi, Præstantissimi DD. Praeceptores*, æternas quoque gratias pro benevolâ Vestra institutione, habeo. Hoc quoque immortalẽ Deum orans rogansque, ut porro commissum vobis Gregem, quâ soletis, industriâ, ac fidelitate ducatis, doceatis.

Tu, *Nobilissima Corona Batava Juventutis*, sub præsidio divino age semper feliciter, talesque & pietatis & virtutis fructus profer, qui præsentì huic sæculo & posteris nostris utiles esse possint!

Joannes à Nyenburch, Alcmarianus.

Tibi, *Charissime PARENS*, novit Opt. Max. in cælo Deus, quos ex intimo Ego animo gratias & habeam & debeam. Hoc unum ab *Immortali Numine* precor, ut tam diu in hisce rebus superstes esse possis, ut dignum me aliquando videas hac *Illustri Civitate* Civem, ad quam ornandam cohonestandamque omnes animi vires nervosque jugiter intendam:

Vobis, *Nobilissimi Amplissimi DD. Consules; Vobis Prudentissimi, Doctissimi, Reverendi DD. Scholarchæ*, pro infinitis beneficiis, quæ à benignâ vestra manu nuper accepi, in omnem ætatem

ac vitam, singulari affectu me totum devincio ac devoveo. Faxit O. M. DEUS, ut porro *illu-
stri vestro imperio & Reip.* omnia prospera, om-
nia felicia succedant. Ut Sacro-sanctæ hic Ec-
clesiæ; ut *Gymnasio huic nostro* fama suâ, & claritas
quam nunc divinis successibus semel promeruit,
diutissimè constet ac perennet. Nobis denique
omnibus, & DOCENTIBUS & DI-
SCENTIBUS, ea præcipuè sit cura & relli-
gio, ut *inclytam ALCMARIAM* nostra vir-
tute studiisque magis ac magis felicem floren-
temque faciamus!

EDOARDVS NEUVYSIUS.

Alcmarianus.

*Hæ quatuor antecedentes Orationes sunt ha-
bita Alcmaria, Examine autumnali*
— CLO. DCCLXIII.

ORATIO XX.

DEMOCRITUS.

Quod Vanitas rerum Humanarum sit deridenda.

Habita à

CORNELIO SCHAGEN,

Alcmariæno.

NON omnes Homines H. A. eadem æstima-
tione res mortalium metiuntur. Plurimi
capti hujus mundi illecebris, & dementati
caducarum rerum amore, easdem supra verum &
fas ex tollunt. Quibus, meo judicio, contingit,
quod amatoribus, qui deformem amicam rugis &
maculis

maculis deformatam, sæpè ipsam HELENAM corporis pulchritudine exsuperare existimant. Equidem non providet animus verum, si ab amore aut odio occupatus fuerit. Nec enim homo libidini suæ simul & rationi paret. Cupiditatibusque suis obsequitur, & imperium Virtutis audit. Namque ut corpus nullam voluptatem admittit, nisi optimè sit constitutum, & ab omni ægritudine vacuum: Sic nec Animus veritatis gustum percipit, si perversio libidinum succo fuerit, imbutus.

Longè nobis alia mens est H. A. cum res hominum consideramus. Quibus, certè, nihil vanius, nihil vituperio, risuque magis dignum. Sentio itaque res Homiourum ita comparatas, ut meritò ab omnibus pro ludo & ludibus haberi debeant. Solumque illum ex omnibus mortalibus ad sapientix apicem pervenisse, qui despicere res mortalium potest, prorsusque pro nihilo illas ducere. Quod dum probare annitimur, optaremus nobis aut Momi dicacitatem, aut Democriti Cachinnos, aut Diogenis Æsopive nasum, Luciani morsus; aut potius sapientissimam Salomonis vocem, quàm vanissimam rerum Humanarum vanitatem graphicè est prosequutus.

Vos, Cæteri Catones, Heracliti serenate, quæso, paulisper frontem. Demite supercilia, mecumque stultam Hominum insaniam largiter deridete. Si aliàs aures Vestræ Fori circulatoribus, Nugivendulis, ineptientibus comædis, scurris, Morionibus patent, quæ maxima stultitia est, pateant & nobis illæ exiguum nunc tempus. Quando vobis insanientium nugarum spectaculum hic præbebimus. Equidem, universus hic terræ ambitus, nihil aliud est, quam quædam palæstra; & Amphitheatrum, in quo ridiculi homines nugas suas exercent. Videbitis, *principes hic viros,*

omni stultitiæ apparatus insignes, in arēnam procedere, & ingentes Morionum copias post se trahere. Utque eorum insania sit evidentior, sonitus tympanorum, clangor tubarum, procul splendentium signorum fulgor, tormentorum fragor, grassantem latè stultitiam insignant ac comitantur. Illic *ridicula Delitorum Phalanx*, ficto ad gravitatem vultu, superciliis contractis, barbâ promissâ, in theatrum sese infundent, & sub sapientiæ habitu, Stultitiæ fabulam ludent, nugabuntur, disputabunt, linguâ calamoque hostem laceissent, supera inferaque turbabunt. Alibi verò suis moribus ac ingenio *Famina* insaniet, amabit, faciem fucabit, ventosâ in linguâ Martem geret. *Equitabit in arundine longâ Puer*. Dilirabit decrepitus senex. Cæteri, ejusdem materiæ mortales, laxato dementiæ fræno, nihil sancti, nihil pensi habebunt. Tam stultè ac ridiculè se gerent, ut nec ipse sibi Cato à risu temperare possit. Homo vix annum vivendo explevit, cum manifestissima stultitiæ suæ exempla mox præbeat. Quid enim aliud est, puerum esse, quam desipere ac delirare? Odimus namque præcoci sapientiâ Pueros, quibus, ante annos, animus virilis. Nec quicquam stultius est, quam viros ætate maturâ hanc puerorum stultitiam sic fovere, sic amplecti, sic exosculari. Et quis non rideat meritò, tacitoque voluptatis sensu afficiatur, cum puerum baculo insidere, illumque, Equi instar, calcaribus concitare, jam poppyismo excitare, jam in gyrum contorquere videt. At verò felicem hunc Hominem, qui cum puerili prætexta, simul stultitiam illam ridiculam abjiciat. Illa etiam sibi togam virilē indui patitur. Crescit cum annis stultitia. Quoquemagis ad senectutem acceditur, hoc propius ad insipientis Pueri similitudinem pervenitur. Nulla res nisi rugis à puero senex differt.

differt. Os edentulum, corpus accisum, balburies, garrulitas, oblivio, incogitantia. Audite de illa Poëtam Venusinum.

Multa senem circumveniunt incommoda, vel quod

Quærit, & inventis miser abstinet, ac timet uti

Vel, quod res omnes timide, gelideque ministrat.

Dilator, spe longus, iners avidusque futuri:

Difficilis, querulus, Laudator temporis acti

Se puero; Censor Castigatorque minorum.

Audite quoque eodem argumento Satyricum:

Deformem & setrum ante omnia vultum,

Pendentesque genas, & tales adspice rugas,

Quales umbriferos ubi pandit Tabraca sal-
tus,

In vetulâ scalpit jam mater Simia buccâ.

Sed non sum Ego illi peulanti splene Cachinno, qui pro merito & magnitudine stultitiæ humanæ satis dignè Democritum hîc agam. Tu, fortasse, mi Collega, plus oris & pectoris ad præsens argumentum habebis. Vos. H, Audd. admitte proximo hic locop Democritum magis eloquentem, qui meæ inopiæ, suâ, spero, facundiâ feliciter subveniet.

D I X I.

O R A T I O X X I.

habitâ à

JOHANNES BRANDT. *Alcmariano* :

DEMOCRITI Continuatio.

Quid si cum Menippo ex lunâ despiciamus ad hunc terræ globum, in eoque: ad tumultuantium hominum agmina oculos nostros convertamus, nonne vos videre diceretis muscarum, aut culicum turbas, inter se rixantium, pugnantium, ludentium, lascivientium, ridentium, flentium, nascentium, morientium? Nec leve hoc tantum vulgus hisce inneptiis obnoxium est: ipsi etiam sapientes, & mortalium primi Reges, Principes, eodem in luto hærent, iisdem stultitiæ vinculis irretiti. Quis illorum amentiam non videt? Vbi non plena hujus infamiæ exstant vestigia, ac Monumenta? at sapientes ipsos sæpe numero Reipubl. pestem existere, quis non miretur, indigneturque magis? hi, spreto uno Cæli, terræque Satore, *Deos stultos, Deos adulteros, fures, parricidas, omni vitiorum fæditate contaminatissimos*, & quod prorsus improbum est, serpentes, pisces, mures, solem, lunam, ignem divino cultu sunt persecuti: Jupiter Deorum Maximus parricidii scelere infamis est, Jupiter fædo sororis conjugio sese polluit, cubilium omnium adulter qui, inflammatus perversæ libidinis æstu, Principes, fæminas sub formicis specie, aut serpentis, aut Cygni, aut fulminis compressisse dicitur? Venus, prostituto corpore, quæstum infamem fecit, sui que nominis suavem appellationem mortalium animis ingeneravit. His ipsis Diis obscœnis, templa, & delubra & constituerunt: his prosperos victoriæ casus assignarunt, his totos ô pudor, & improbitas! se devoverunt.

Sed

Sed omiſſis iſtis : ad homines ipſos oculos noſtros convertamus quorū omniū facile Princeps *Romanus ille Antiftheſ*, ſtultorum omnium ſtultiſſimus qui Chriſti Vicarius eſt, ac triplici inſignis diademate Regioque ſplendiduſtaſtu Perſicā magnificentiam exſuperat. Hic magnā Satellitum turbā comitatus, aut ſella eburnea, aut equo ſuperbiſſimè inſtrato ſublimis vehitur. Stultus, qui ad Domini ſui vilem aſinum, & contemptum diſcipulorum gregē non reſpiciat. Quid verò de iſtis *Regibus*, *Aulaque purpuratiſ ordinibus* hīc dixerim? illorum in publico laſcivies, ſtultitiaque exempla id quotidie ſatis demonſtrant. Qui infinito Satellitum ſtipati numero, nihil præter fortunæ ſuæ ludibria in obvium quemque oſtendunt. Apud quos nihil pene ſerio agi videas. Semper pompæ, ſpectacula, theatra, Ludi Circenſes, Olympia, Pythia, Cottyia, Bacchanalia: quæ ſpectantium animos ad libidinem, & voluptates irritat. Vbi pro fortiſſimis, optimiſque habentur illi, qui pocula capaciſora ebibere, qui ventri, gulaque plus aliis inſervire poterunt. Vbi vita pars maxima tranſit in ſaltationibus ridiculis, in amoribus obſcænis, in vaga licentia, & petulantia tot rerum inanium. Inter tripudia effæminatorum Sacerdotum, inter ſaltationes impudicarum virginum, inter mille fatuitatis humanæ Argumenta. Ut nihil hoc loco dicam de *aſſiduâ Bellandī conſuetudine*, de cædibus, de rapinis, quas pro ludo, & joco habent. Nihil de iriſ, de odiis, quibus ſola regnandi ambitione flagrantēs improbè illi ardent. Scilicet ut imperia ſua, & limites plus ultra ſemper protendant. Nullo prorsus pietatis affectu leviter moti, licet ſtagnantes humano ſanguine foſſas ante oculos videant; circum tentoria ſua tot cadentium, morientiumvè voces, gemitus, ſuſpiria, ſingultus audiant. At urinam! non

Doctorum virorum quoque Studia, sapientiaque hic vapulet ! quorum tanta sæpe in ingeniis , actionibusque est varietas , & sæpe vanitas , ut nunquam satis dignis illorum temeritatem cachianis excipere possim. Qui adeo nudi nominis famam aucupantur , qui publicas Cathedras , & pulpitra , nescio , quibus rixis , & contentionibus quotidie complent. Nunquam infelices magis , quam , quando nihil argumenti est ad manum , quo provocare adversarium ad lites , & jurgia aspera possunt , inter quos infelicissimas Grammaticorum , & Poëtarum reperiis dissensiones ; de ineptiis suis , de vocola temerè prolatâ , de ordine sententiæ leviter turbato , aut impedito , pro pudor ! certamina plusquam Gigantea. Tanquam si Regna , & Vrbes per inimicorum injuriam infestarentur. Aut proximus nobis Vcalegon gravissimo incendio deflagraret.

Multo minus quare hæc turbas , & turbines miror in superbientium illo *de sua Nobilitate fastigio qui in Generis sui splendore sic sese jactitant*, tanquam Cælum ipsum Manutینگant , aut cum Marte , & Venere de familiæ generositate contendant. Cum nihil pene ab imo Cerdone differant , ad Æneam , ad Brutum natales suos referunt. Ostendunt in atriis fumosas suas imagines , numerant proavos , *stantes in curribus Æmilyanos*, *nasumque minorem Corvini*. Cum ipsi non procul absint , à mutis istis statuis peneque iis ipsis , qui ostentant , signis , stabilisque sint deteriores. Dubito an hoc loco , adolescens , *de inneptiis faminarum* dicere quid auserim. Quæ , præter faciem nihil curant , nihilque oprant , quam ut viris placeant : Unde tot cultus , fuci , balnea , compituz , odores , tot componendi , fingendique vultus artes. Quanti Miser amator , Dominæ suæ auram facit ; quando ad omnem ejus vultum attentius

rentius est; quanto labore in hoc unico se frangit; fatigatque, ut ad illius nutum, & oculos totam servitutem suam impendat? Quare non immeritò Plato dubitavit, utrum Mulierem ad rationalium, an brutorum numerum referret. Tota hæc hominum societas vinculo unius stultitiæ juncta est, quod si dissolutum fuerit ipsa societas desinet, hominesque in ferarum lustra secedent.

Ex hoc suavissimo stultitiæ afflatu, immane quantum se quisquis ultra æquum, & honestum effert! quanto amore, & admiratione se ipsum prosequitur! Sed si umbram tuam metiaris, Philippe, non tamen majorem hanc factam invenies, quam ante victoriam illa fuit. Nec vos Scribæ, Pharisei, nihil nisi inanem gloriam, sititis, quando ita in opere vestro, factisque gloriamini. Nihili prorsus res, sunt hæc mundana, quæ fortunæ instabilitati subjacent, tantâ cum animi flagratione appetere. Sic omnem ætatem libidini ac voluptatibus mancipare; sic aliena agere, se ipsum verò negligere. Pecuniæ curam habere, filiorum suorum educationem posthabere. In magnis, sublimibusque negotiis desidem, ignavem, socordem, esse; in parvis & exiguis sudare manibus, pedibusque ad anhelitum usque, & suspiria, in rebus prosperis efferri supra modum, in adversis animos, hastamque abijcere. Professione sua simulare Christianum, privatâ vitâ ad omnem impietatem se componere. Ad exteras gentes itinera suscipere longissima, multosque orbes & nationes frequentare; se ipsum totum ignorare. Pudet me altius in hoc stultitiæ penetrale Orationis meæ remigio pergere. Hoc tantum superest, ut altissima voce, cum Cicerone exclamem:

STULTORUM PLENA SUNT OMNIA,

DIXI.

ORA-

ORATIO. XXII.

HERACLITI,

*Quod vanitas rerum humanarum merito
sit deploranda.*

Habita à

LUCA POSTHUMO *Alcmariano.*

Marcus Tullius Cicero? H. A. cum pro con-
cione Stoicam disciplinam pluribus modis
insectaretur, risumque Auditoribus di-
ceteriis suis & cavillis moveret, Cato surgens di-
xisse fertur; *quam ridiculum Consulem habemus.*
Vir Censorius perstrinxit graviter hominem, quod
minus dignam personam suam orationem haberet.
Non dubito, mi Collega, quin gravissimi viri
tacitam animorum consensione, eandem in sen-
tentiam, mutato nomine, locuturi sint de te:

Quam ridiculum habemus oratorem.

Quod nunc ipse Democritus alio Democrito o-
pus habeat. Te quidem de te ipso verum esse lo-
cutum haud negaverim, cum etiam stultitiae ima-
ginem, in te ipso, nobis omnibus ad intuendum
proposueris. At verò, placeat illa tua tibi Dione;
quam ut amplectaris molliter, foveas, atque ex-
osculeris liberaliter, ferre nos facile possumus.
Toto tamen erras caelo, si in stultitiae tuae societa-
tem cunctos pertrahere tu studeas. Quod aliquan-
do Vulpecula fecisse legitur, ut convocato concilio,
singulis suaderet, caudam sibi, tanquam inu-
tile pondus, amputari, ne ipsa sola inhonestae
mutilationis infamiam doleret. Id tu imitatus
videris, qui conscientiae tuae testimonio stulti-
tia

tiâ convictus, nos omnes tecum præcipientes in eandem dementiæ navem, protrahere intendis.

Nunquã tamen efficies, ut in risum illum publicum nos effundamus. Talis namque humanæ fortis est conditio, ut eam non ridere, sed effusissimis lachrymis deplorare debemus. Ego itaque in illâ sum opinione, tam miseras humanitatis nostræ esse vices, tamque duras, & sollicitas, ut vel ipsi Hannibali, aut Neroni, meritò lachrymas excutere possint. Facebant itaq; risus, valeant cachinni, absque verborum ludibria, & contumelia. Cum Heraclito potius communem calamitatem fletu gemituque prosequamini.

Historiarum monumentis ad posteritatem transcriptum est, plurimis nationibus in more positum fuisse, ut ad pompas funebres fœminas conducerent, quæ miserabili habitu, lachrymisque & ejulatu, lamentantium personas agerent, mortuosque deflerent. Hoc Caribus, hoc Alexandrinis; hoc Romanis, Hoc Hispanis in usu est. Quasi vero ad testandum animi dolorem, fictas aliunde lachrymas coëmere sit necesse, ipsa calamitatis magnitudo, reique acerbitas illas vel ultro elicere potest. Nunquam enim, ut cum Senecâ loquar, lachrymæ tam turpiter fluunt, quam cum finguntur: eant sponte suâ. Atque verò, qui miserabilem mortalium conditionem apud animum semel posuerit, ille abdicatione Cari natum, Præficarumq; ejulatu, suis facile lachrymis proprii, ut dicitur, fundi calamitatem deplorabit.

Exordium vitæ humanæ nunquid ab ejulatu homines incipimus? Eandem nunquid cum ploratu & lachrymis finimus? tota in curis, in laboribus, in miserijs vita hæc nostra exercetur. Ut nemo tam fero, & ferreo pectore esse possit, qui ridere hic possit, qui horum recordatione lachrymæ conti-

continebit. Hoc corpus, quod ita excolimus, quod tanto in amor, & pretio habemus, ex impuro sanguine ortum trahit; inde infusâ, coelitus vitâ, materno ex sanguine alitur; & donec ad maturitatem adoleverit, inter materni corporis fâtores, tanquam in squalido carcere, naturæ vinculis per longum tempus detineatur. Laxatis inde materni uteri claustris, & liberiolem in ærem protrusus infans, mortalem conditionem deplorans, à ploratu vitam suam, exorditur. Vagit in cunis, ejulat nutricula in gremio, cum materno lacte, & tenerâ pulte salias lachrymas imbibit, tacitoque nature instinctu miseriam suam deplorat porrigit mammulas mater, blanditur nutrix, volvuntur sursum deorsum cunæ, exsuperat tamen doloris sensus, nulloque verborum aut cantus lenocinio lachrymæ cohibentur. Inde ubi im pedes insistere cæperit, & tremulo in cessu vestigia facere, quibus periculis misellus hic infans exponitur, quam facili in terram lapsu aut frontem sauciat, aut pedem luxat, aut alias corporis partes misere affligit! ubi verò incrementum jam ætas cæperit, puer tam tenere ætatis in scholas, tanquam in pistrinum mittitur, præceptoribus suis committitur: qui eum, ut rudem massam, ad Minervæ ingudem expoliant. Tota deinceps vita, per labores molestissimos, per curas assiduas, sic exigitur; ut vix in toto die tranquillum liberumque spiritum ducere possit, sæpè ubi ad maturiorem ætatem annosque ventum est, ac de familiâ, de ducenda uxore consilium suscipiatur, jam dominam in domum induxit, pluribus cum ærumnis, quam olim Hercules ipse, conflietatur. Donec tandem ad extremos carceres, vitæque metam, per tot rerum discrimina, miseriaeque perveniatur. Ubi, cum ex molestissimo itinere requiem jam captare deberet, novis primum malis ex ingruente senectute

tute circumvenitur. Vires tunc fractæ, manus tremulæ, oculi caligantes, os edentulum, ventriculus imbecillis. Nulla corporis pars penè molestia sua caret.

Videmus tamen proh dolor! quam multi mortales corpusculum illum suum in deliciis habeant, quam cuticulam studiosè curent, quam genio suo indulgeant. At verò, quantum illud est, quod tanto amore prosequimur? an quid de formæ pulchritudine gloriamur, desicemus potius ejus vanitatem: quæ quantumque accedat ad annos, fit minor, & *Spatio carpitur ipsa* suo. Unius locis febricula hanc exurit. Teneras genas, & serenam frontem rugæ deformes arabunt: lætas oculorum faces, & lucida sidera, mœsta mox reget nubes.

Hoc dentium ebur scabrities, & squallor obducet totus formæ decor in deformem habitum degenerabit. Deplora potius corporis tui fragilitatem, illam instabilem valetudinis conditionem. Quæ mala & miseriae, sit tacito apud te animo expendas, certè non video, qui vel unam horam in rebus lætis traducere possis. Tota Morborum agmina te circumvallant, ut nescias, an in unum aut unum, quando tot cædes fiunt miserorum mortalium, supervivere tibi detur.

Hinc vero si ad ipsum animum nos conferamus amplissima hic nobis lachrymandi materia occurret. Primo in auspicio & aditu, cæca nostra ignorantia in pudorèm nos dabit. Peccatorum magnitudo nos pondere suo obruet. Nullus Eurypus tot procellis & tempestatibus jactatur; nulla maria tam impacata, nulla flumina tam irrequieta, quam quibus quantisque malis malis hinc inde mens humana compellitur, trahitur, rapitur, deprimitur. adeo ut ne unum ex omnibus mortalibus dare mihi possis, cui vel unus dies, tam in sincera læritia exigatur, quin aliquis illi

illi ab interno iudice. conscientia, merus horro-
que incuriatur. siue in hestem vindicta acriter lo-
nos armet; siue ab odio, ab ira, ab affectu aliquo
tumultuante transvorsum rapiamur nullum nam-
que in hac vita nostra purum purumque est gau-
dium. Voluptati semper dolor & comes: vita hæc
nostra comædia est, & tantum ludus aliquis. In
quo unusquisque breve in tempus personam suam
agit. Vita hæc, quam eripi nobis lugemus, ludi-
briorum est scena & miseriarum mare; per quod
ut maxime ex voto feratur navis, tamen in mul-
tos scopulos inpingas; multis vadis obherescas,
necesse est. Quotidie vitæ nostræ aliquid demit-
tur, & tunc quoque mori incipimus, quando pri-
mum vitalem hunc spiritum de calo accepimus.

Merito igitur ego Heraclitum hic ago, qui cun-
cta hæc hominum negotia, atque studia effusif-
simis lachrymis prosequor nolimque quicquam
in humanis rebus tam esse latum, atque excelsum,
quod non maximo dolore, quod non tristissimis
ploratibus dignum esse iudicem scilicet:

*Flens veni in mundum & flens discedo, fuitque
dum vixi, sletus, vita, dolor, gemitus.*

D I X I.

O R A T I O XXIII.

A R B I T R I.

Habita à

GUILIELMO BOSCH. *Alcmariano.*

Nob. Amplissimi DOMINI AVDD.

CUM cogito Vanitatem humanarum rerum,
stolidamque mortalium dementiam, deliros
mores, stultos conatus, actiones ridiculas,
parum.

parum abest, quin cum *Democrito* in altos Carchinuos effundar, tam insolens mihi, tam ridicula rerum humanarum facies apparet. E contrario vix à lacrymis mihi temperare possum, cum miserabilis humanitatis conditio, & tristissima tot curarum, tot molestiarum imago oculis obijciatur. Tum vero abductus à stultitiae tuae Theatro, ad sapientissimi Gubernatoris curam & providentiam vultus meos converto, & animorum nostrorum solertiam, quibus ad Divinam prudentiam accedimus, jam non video, quid causae ac rationis sit, ut non excellentem illam particulæ Divinae imaginem summo amore cultuque & Veneratione prosequar. Cohibentur lacrymae & in verum gaudium mox erumpo, quando caelestes animi dotes, vimque nobis à supremo Numine insitam, corporum nostrorum fragilitati oppono,

Ego itaque in illâ sum opinione, A : H : non risu Sardónico humanis rebus esse indulgendum, nec perperuis ploratibus, ob praesentem calamitatem diffluendum. Invenio in homine clarissima Divinae benevolentiae testimonia, quae omni deprædicatione encomiisque sunt digna. Neque tanta calamitarum nostrarum est magnitudo ut nulla prorsus solatia suppetant, quae exulceratum doloris censu animum recreent, nubemque illam mæroris dispellant.

Quod olim Eloquentiae Magister Cicero ait : *Modus est optimus*, Illud etiam in re praesente locum tenet. Modus debet poni tum risui, tum fletui, intraque suos cancellos & limites continendi hic gemini affectus humani ingenij, ne aut ab honesti tramite deficiamus, aut ultrâ legitimum spatium insolentius evagemur. Risus jucundis esse debet, sed tamen decorus. Lacrymae ex justis doloris pressu erumpere suâque sponte fluere non irritari debent. Ab illo absit malitia & cavillatio.

Ab istis indignatio & fucus. Ab utroque licentia effrenis. De *Hannibale* ad posteritatem transmissum est, quod cum Romanorum legati à devictis Carthāginensibus primum tributum exigerent, totus populus ob impotentem fortunæ faciem in luctu est maxime versaretur, effuse riserit, patriæque calamitati insultaverit. Etiam *Demonax* tempore Hadriani Philosophos cum egestate suâ ac zruinis colluctantes risu & cachinnis excepisse dicitur. Nec non generis humani hostis *Diabolus*, primos mortales, quando illius ope & auxilio, in fatalem peccandi licentiam, prô dolor! incidissent, pro ludibrio habuisset. De *Nerone* commemorant hist. riæ, quod cum Romanam Urbem vidisset incendio flagrantem, non à summo gaudio & hilaritate sibi temperavit. De *Cassandro* Antipatri filio, quod Barbaros Alexandrum adorantes sibilis ac cachinnis sit persecutus. De *Tyberio*. Imperatore, qui, cum Iliensium Legatos de morte Drusi prapostero officio condolentes intellexeret, sibi quoque dolere respondit: quod Hectorem fortissimum Civem amississent. Sic quoque *Constantinus* Imperator triumphali curru Romanam nunquam antea visam ingressus, populum Rom. ad risum commovit, quod portas Urbis celas & fastigiatas, arcusque triumphales præaltos & latos, homo parvæ staturæ, more Antierum, læsionem veritus, caput incurvaret. Sic *Thales* aliquando in foveam incidens à Thracense Servâ ludibrio acceptus est: quod ea, quæ in Calis essent, curiosè contempleretur eorum, quæ in terrâ, nullam cogitationem haberet: Sic merito ludicrum sui argumentum præbuit *Menecrates*, qui, cum Jovis se filium appellasset, à Philippo ad convivium invitatus, odoribus suffibusque est honoratus. Tandem verò edendi aviditate stimulatus, cum multorum opprobrio hominem se esse didicit.

didicit. Equidem multa sunt in rebus humanis, quæ etiam in Viro sapienti meritò risum excitare valeant. Attamen meminisse quisquis debet, quod multa humano genero Divinitus bona sint concessa, quæ non protervè ridere, sed suo quoque honore ac reverentiâ prosequi debemus. Quis enim tam impudens, tam imprudens, qui mentis humanæ præstantiam unquam deridat, quâ proximè ad Dei immortalis felicitatem accedit? illam vim humanam, prudentiam, sagacitatem, quâ abditos Naturæ recessus, quâ Cælum, terras mariâ penetrare? quâ latentem in Democryti puteo veritatem potest indagare.

Quemadmodum, A : H: momis est mimis istis suos terminos nunc meritò proposuimus: sic etiam volumus, ut semper Hæclyti vos sitis, ut pleno lacrymarum torrente ubiq; locorum res mortalium deploretis. fateor Poetæ nostri verba vera esse, & plus, quam Aurea:

Mollissima corda.

Humano Generi dare se Natura fatetur.

Quæ lacrymas dedit. Hæc nostri pars optima Censuræ.

Sed tamen modus est ponendus istis capitis nostri Cataractis, ne in immensum illæ exspatiantur; quasi novum humano generi Diluvium minitari videamur. Tunc jure nobis flere licet, quando alienas miseras, sive nostras coram intuitumur, quando repub. per arina hostum diripi; quando libertatem, Ecclesiam Eheu! suis injuriis vexari videmus. Quales lacrymæ sæpe ipsis hostibus sunt excussæ, certè non infidum commiserationis humanæ testimonium.

Quemadmodum de *Alexandro Magno* testatur Historicus, qui cum victum Regem Darium, & à Bessâ Satrapâ perfidiosè vulneribus confossum videret,

deret, in acerbissimos fletus prorupit; dempta-
 que sibi ipsi chlamide, illa jacentis corpus con-
 textit. De *Marcello*, quando captæ Seracusæ; de
Scipione Africano, ubi Carthaginem excisam; de
Lucullo bello Mithridatico, cum Urbem Amasin
 extinctam videret. Neque in *Vespasiano* Cæsare
 admirari debemus, quando everfis Hierosolymis à
 lacrymis abstinere non potuerit. In *Julio Cæsa-*
re, cum Pompeji Generi sui mortem; in *Octavio*,
 cum Antonii miserabilem Vitæ exitum intelle-
 xisset. Quam piz, quam religiosæ Christiano-
 rum sunt lacrymæ, quas super Ecclesiæ cladibus &
 calamitatibus hoc tempore profundunt? quando
 superbos, bellorum habere successus, immanem
 Schytæ Tyrannum videmus. Qui nihil quam cla-
 des, quam funera, quam necem eruat, tot Gèn-
 tium ac populorum terra marique. Quando nec
 ipsi hostes crudelissimi, nec sævi miles Ulyssis tem-
 peret à lacrymis. Neque ipsum, ut sacræ literæ
 nos docent, *Servatorem* nostrum fletibus genas
 suas osque sacrarum irrigare puduit. Defuncto
 imprimis *Lazaro*, destructa *Hierosolymâ*, & cum
 in cruce maledicta nobile illud depositum corpus
 suum pro nostris peccatis in speratam Victimam
 offerret. Quem religiosissimus Prophetarum Rex
David imitatus, cum coram omni populo, quan-
 do Abnerex Vivis excesserat, magnum ploratum
 edidit. Cum Ammonem ab Absolono in confli-
 ctu cæsum interfectumque audivisset, postea Abso-
 lonum ipsum magno dolore animi est persecutus,
 adeo ut Victor exercitus non triumphantis, sed
 fugientis specie in Urbem intrare cogeretur. Ita
Hieremias Propheta fecit, everfis à Nabuchodono-
 fore Hierosolymis, cum plena Verborum commi-
 seratione, quis dabit capiti meo aquam, dice-
 ret, & oculis meis fontem lacrymarum? Ita
Nehemias, *Daniel*, *Israhelita*, *Elyseus*, quando
 affligi

affligi opprimique sanctissimum Dei Populum videret.

Revertor ad Historiam profanam, in qua primò occurrit Persarum Rex *Xerxes*, qui in Abydenis campis, cum copias suas, pene innumerabiles, oculis subjiceret, multas lacrymas emisit: scilicet, quod tanta hominum multitudo, ad breve tempus, aut Fato, aut alia vi necessitatis esset interitura. Post illum *Marcus Coriolanus*, qui, matre, conjuge, liberis pro Patriæ liberatione deprecantibus, in uberrimas quoque lacrymas prorupit. Inter quos Heroas, si non nostri temporis illum belgicæ libertatis Atlantem, Patrem patriæ, Principem Auriacum MAURITIUM commorem, ceriè parum pius gratusque in Divina illorum merita existerem. Ille, quando memorabilis illa ad Neoponium in Flandriâ, pugna commissæ esset; victorque Ille parva militum manu, ingentes hostium copias cæcidisset, non sine lacrymis, flexo in Arenas poplite, junctis in Cælium manibus, æterno & immortali Deo sanctissimas gratias habuit, quod Ipse durissimo Necessitatis Articulo, tam paterno amore, dilectum sibi Belgarum populum profecutus esset.

O illum rigidum, & verè ferreum hominem, qui laborante rerum inopia Repub. siccis ea tunc genis inueneri possit, cum vel ipsum obstinati animi Catonem, cæsa Romanorum cadavera, cadentibus uberrim lacrymis mitigarunt. Absit tamen ut fracto & delibato animo res omnes depleamus, cum multa suppetant solatia, quæ spe certissima nos reficere & recreare possint.

Igitur, ne in immensum excrescat mea Oratio, A: H:, quod initio dixi, tandem, pro sententiâ meâ, Arbitrarique persona, decretoria Voce, auribus animisque vestræ insertum volo: Quod nec

risui indecoro, nec lacrymis immoderatis sit obsecundandum.

Caterum, hoc unum à Te petimus, O Æternæ & Omnipotens Deus, ut nobis singulis adesse sanctissimo tuo Spiritu digneris, ut studiorum vastissimum hoc pelagus, quod modò ingredimur, felicibus Auspicijs enavigare. Vt Reip. & Ecclesiæ negotiis aliquando nos utiles; optatam Patria nostra messem fructumque adferre. Et Illustrem hanc denique, quam incolimus, Alcmariam, famâ, Ingenio, industria nostra juvare, ornare, illustrare possimus.

D I X I.

O R A T I O XXIV.

De

B I V I O H E R C U L I S,

Ubi ex Xenophonte describitur Herculis fluctuatio, Exordio sumpto à Virtutis & Voluptatis pugna.

Habita à

THEOTARDO ab AYLUA,

Nob. Frisio.

STat vigil oppositis horrenda in prætia si quis
 V I R T V T V M veneranda cohors, & fortibus ausis
 Luxuriem contra & tot tela adversa Cyclopum
 Intrepidum tentat Martem, pulchrisque sub armis
 Conserit assiduam, dextro conamine, pugnam.
 Nec mora, nec requies. Semper malesuada Vo-
 luptas

Instar,

Instat, & infestas movet in certamina viris.
 Nequitiaque feras acies, Lemurumque Catervas
 Tarrareas in bella vocat. Glomerantur in unum
 Infames scelerum vultus, validoque furore
 Bellum atrox, immane! parant. Jamque impe-
 te cæco

Virtutem pariter cupiant radicibus imis
 Vellere, & à totis longè proscribere Terris.
 Sic fervet Mavortis opus; sic prælia passim
 Vulneraque inter se miscent, Martemque fatigant,
 Dum caput Eois Sol aureus exerit undis
 Purpureum, & clauso dum frontem obducit O-
 lympo.

Interea *Virtus* nullo tremefacta tumultu
 Majus tentat opus. Non circumstantia tela
 Iræque insidiaeque suâ statione movebunt
 Intrepidam, sævis ledet hæc immota periclis
 Interius, stimulisque animos flagrantibus urget,
 In laudum famæque vias, perque ardua rerum
 Tendit iter, seseque ausis illustribus ardet
 Pigrâ tollere humo, pulchreque assurgere ad Astra,
 Et gemino æthereum metiri nomine Olympum.
 Mille edocta modis scelerum depellere formas;
 Et recti servare vices. Compescere inanes
 Illicitosque animi motus, malefanaque mentis
 Gaudia, & illicitos Bacchi sprevisse furores.
 At mala Luxurios, non uno prodiga Censu,
 Virtutis remoratur iter, frænoque remisso,
 Non patiens torpere unquam sua regna veterno,
 Fertur in arma furens, Stygioque afflata veneno
 In rabiem Martemque ruit, ruptoque pudore,
 In commune nefas laxis grassatur habenis.
 Jamque ardet juvenum fædo dissolvere luxu
 Pectora, & immodico mentes hebetare Lyxo;
 Captivosque animos firmâ retinere catena.
 Et nescit furor ille modum, cumulosque malo-
 rum

Congerit, atque suo applaudit scelerata furori
Luxuries, semperque Homini contraria suadet.

Has etiam pugnās atque hæc certamina tanta
Mæximus A L C I D E S , genus alto à sanguine
Divûm

Illa Jovis Magni soboles, cui Gentis avitæ
A Superis se jungit honos, & Stirpis origo,
Expertus quondam, cum primo in flore juventæ,
Hinc virtus generosa, illinc, velut improba Si-
ren,

Heroëm ardebat trahere in sua castra Voluptas.

Nos ergò additi Studiis, Castrisque Minervæ,
Et Phœbo sacrata cohors, quos turbine eodem
Perpetuè Fortuna rotat, casusque per omnes
Versat, & alternis tentat fors cœca periclis,
Herculis has curas, dubiæ & discrimina vitæ,
Et varios casus, variæque incommoda sortis
Mæxonio canimus plectro, dulcique cothurno:
Vt juvenes fædi devitent gaudia Luxus,
Et scelerum prædulce nefas, damnosæque Bacchi
Orgia, & intrepidè virtutis signa sequantur.
Et vitæ melioris iter, pulchrasque per artes
Deducant docilem, pulchro conamine, montem.

Vt satus Alcmenâ florentis prima Juventæ
Tempora, primæque exegit temporis ævum,
Et bullam appendit Laribus, pinxitque virentes
Barba genas, virosque dedit jam firmior ætas,
Multas sollicito versat sub pectore Curas,
Iamque subit, teneros studiis queis destinet an-
nos,

Et robur juvenile suum, florentiaque ævi
Tempora, per quas nunc animum circumferat ar-
tes.

An, pube in primâ, pulchræ vestigia laudis
Festinantem gradu tentet, turpemque perosus
Luxuriem, soli sacret sua tempora Phœbo.

Manc erat, & roseo Titan patefecerat Orbi

Ille-

Illustrem splendore diem, cum Sirius ardens
 Ferveret, & latè siccis exureret agros.
 Fortè viam biferi signat per jugera Penthei,
 Juxta Aëropæos fluctus, ubi leniter undæ,
 Lætaque manantes saliant per gramina Lympha.
 Hic graditur, sylvasque omnes, camposque pe-
 rerrat.

Suspensioque graves curas sub corde volutat.
 Utque venit, partes ubi se via findit in ambas,
 Tales sollicito deprompsit pectore voces:

Heu! quam me dubiis jactant Fortuna pro-
 cellis!

Quàm me fata premunt! Quibus & mea vita pe-
 riclis,

Totque novis premitur curis exercita semper.
 Quo res nostra loco? misero quid denique re-
 stat?

Anne sequar VIRTUTIS iter? perque aspe-
 ra rerum,

Per multas animi curas, per acerba laborum,
 Ad decas & laudem tendam? Num, Criminis
 insons,

Justitiæ sanctum venerer pietate tribunal?

Æternaque mihi captem solatia fama?

An potius Luxum, & generosi munera Bacchi,

Post habitâ Viriute, sequar? ruptoque pudore

Ingluviem dapibus pascam, ventremque Lyzo

Immodico; & pulchram sic mergam in pocula
 mentem?

Dixerat. Ambiguumque animum sententia du-
 plex

In diversa trahit, mentemque per omnia versat.

Sic animi pendet, sic fluctuat, ambigit anceps.

Utque fatigatus per devia rura viator

Tendit iter, variâque errans regione viarum,

Stat dubius; gressus nunc huc, nunc dirigit il-
 luc;

Seu, velut in tumido fertur vaga cimbula Ponto,
 Insurgente maris rabie, dum concita cœlo
 Æquora turgescent, Piceo dum noctis amictu
 Terrent cuncta, nigroque dies absconditur imbre.
 Illa errat scopulos inter, fluctusque furentes,
 Jactaturque noto, & spumosis volvitur undis,
 Incerto volitans cursu, jam carbasa flabris
 Ventorum disrupta fluunt jam puppis, & ipsæ
 Antennæ malusque gemunt, totoque profundo
 Errat, & immiti debet ludibria ponto.
 Haud secus Alcides Heros per opaca viarum,
 Et nemorum ambages rapitur, nunc littera longè
 Respicit, aut fessus celsis in montibus errat;
 Nunc fontes juxta recubat, nunc flumina circum,
 Et nunc in viridi deponit membra salicto.
 Incertus quid agat, quid, dextro Numine, tandem
 Incipiat, Superum jam celsas conspicit Arces;
 Nunc oculos deflectit humi, nunc lumina coram
 Oraque fixa solo retinet. Sic fluctuat Heros,
 Perpetuusq; timor dubio cor lancinat ictu.
 Incertus, quò Fata trahant, quò Numina ducant.

D I X I.

O R A T I O XXV.

Accessus Divarum,

V O L U P T A T I S & V I R T V T I S

*Ad Herculem. Quæ ab ornatu & cultu suo
 describuntur.**Habita ab*A D R I A N O B A A R T. *Alcmariano.*

V O L U P T A S.

P R O g r e d i t u r lasciva Venus, cui forma decora,
 Et facies sic culta satis. Decus eminet ore,
Virgi-

Virgineum, luduntque sui per colla Cylindri.
 Quo splendore queat multos in prætia secum
 Poscere & ingentes palmas sibi sola mereri,
 Arte laboratæ vestes, & purpura totam
 Exornant Nympham. Speciosa per omnia cul-
 tu

Eminet, insignemque sui capit undique plausum;
 Finitimos inter. nulli fas addere quicquam
 Corporis, ingeniique bonis. tota est sine Lecti
 Compare, & egregio cunctas micat inter ho-
 nore.

Argentoque auroque nitens, ostroque superbo
 Provocat Aethiaca Cleopatram in classe moran-
 tem.

Incedit petulans; gressus mollesque levesque
 Moliunt. Nunc huc, nunc illuc splendida vol-
 vens

Lumina. Mixatur sese, qualis generosus
 Pavo solet, quando fulgentes cauda fatigar,
 Auricomi solis radios, ipsa que videntur
 Emicuisse Deæ Charites. Frons emicat alta
 Quæ niveo caudore niter, blandoque colore.
 Splendescunt geminæ malæ. pars maxima pal-
 let,

Pars flammis rutilat. Velut inter Lilia verna
 Emineat Rosa; vel niveo cum purpura lacte
 Mixta fiet. Pulchris fulget redimita smaragdis.
 Ardescunt, sub fronte, faces, quibus arma ma-
 nusque

Ipsa Venus, Venerisque puer sibi commodat: ille
 Cum pharetram quatit, & solitas se vertit ad ax-
 res,

Colle super Pindi, Paphio vel vertice sacro.
 Seu terris delubra mover, seu sidera passim
 Sponte suas capiunt flammæ, & Iuppiter ipse
 Ardentes spargit tædas, ignesque coruscos.
 Sic uno Jove vix minor, inferiorque serenam

Cæsariem ostendit. Coeunt rutilantia labra,
 Quæ longè separant propriis fulgoribus osrum.
 Quando aperit, tenuique suum deducit hiatus
 Os, nitidi dentes fulgent: quibus ipsum ebur al-
 bum

Cedit. Non aliter, quam si circumdaret auri
 Splendentes fulgor baccas. Rorantia fluxam
 Mella nivem, cum jam gelido descendit ab axe.
 Aureus à Collo torques dependet in armos,
 Quem Ganges, vel quem picti misere Gelones.
 Velleris aurati spoliurn, quod Colchide raptum
 Affereres; Vel quod Midæ, vel divitis Indi
 Principibus potuit cultu pretioque placere.
 Quid referam roseos, comptosque ex arte capil-
 los,

Quos natus compsit Veneris? Quid pectora &
 artus

Formosos, mammaeque pares, quæ, fortè, Ca-
 toni

Aut Cynico placuisse queant? Quid cætera pul-
 chri

Corporis admirer? Tota est Venus aurea, pul-
 chra

Tota est, nulloque apparent in corpore navi.

V I R T U S.

At Virtus, cuius species magis æmula Divum,
 Incedit gressu simplex, & Dogmata pandit
 Socraticæ studiosa Scholæ. Cui sacra Minerva,
 Justitiæ incorrupta Soror, probitasque fidesque
 Sola placet. Cui non una est Chariatque Lepo-
 rum

Copia. Centenæ junguntur pectore in uno
 Virtutes. Tanquam cælo demissa potestas
 Tot Venerum, sanctique chori: quam primus in
 orbe.

Tunc

Tunc Phæbus vidit. Pietas, quæ sidera lambit,
 Et superùm celsas arces, huic fida ministra
 Adstitit à latere. Hæc tali stipata catervâ
 Inde incedit ovans. Prorsus non usa venenis
 Assyriis, vulum quibus hæc humectet & ora.
 Singula si pendas animo, pulchra omnia nata
 Sponte suâ, nullusque decor quæsitus ab herbis
 Æsoniis, queis, turpè! superba Semiramis olim
 Tunc Ducibus placuisse suis, potuitque marito.
 Frons, index animi generosi, signa potentis
 Mæjestatis habet. Quâ, forsân, saxa movere:
 Thræicius quondam potuit, cum flumina voce
 Sisteret, & muras animare sensibus Ornos.
 Os Virtus, sublime gerit, faciesque modesta,
 Et sermo blandus, comisque, affabilis omni.
 Qualem optem nobis habitum, speciemque Ju-
 ventæ

Almeriæ, quando Musas intacta vocaret,
 Auspiciumque operum faciens in Apollinis Æde.
 Alma Pudicities, prisca Candoris imago,
 Optima dos, cælo quondam quæ credita Nymphis,
 Huic germana fuit, pulchrisque elucet ocellis.
 Hos quando adspicies, sunt Phœbi lampadis in-
 star,

Qui Genium possent inflectere penè senilem,
 Et multum turbare animos exiguis istis.
 Cætera sunt animi Mentisque insignia tanti,
 Ut non ipsa Venus placeat magis, omnibus horis,
 Vlli dilecto, Idaliâ super arce, suorum.
 Simplicitatis honos manifestâ in luce coruscet,
 Non unâ te laude probans. Generosaque promit
 Musarum cunctos numeros, fidibusque canoris,
 Et testudineo modulatur pectine carmen,
 Quale meos optem Vates tunc scribere posse,
 Mecenas, quando Mavortem & bella ciemus,
 In medio, pacemque domi, & concordia lati
 Fœdera sancimus. Non hæc est unius artis

Dexteritate potens. Quicquid fas dicere pul-
chrum

Virtutis proprium est. Et, quæ Naturæ negavit
Hactenus in multis, illi hæc concesserat uni.

Sic Regina potens V I R T V S, sua Numina
terris

Ostendit, gratamque sui vel sponte relinquit
Materiem Procerum turbæ, totique popello.
Omnibus una modis, supra decora alta parentum,
Quæ tanti faciunt hæc nostri frivola mundi,
Præripiens laudum titulos, & Præmia facti.

D I X I.

O R A T I O XXVI.

V O L U P T A T I S.

Quà Illa Herculem à Virtute ad se pertrahere
studet.

Habita à

GUILIELMO MOLL à NYEN-
BVRCH.

Nobili Batavo.

Magna Jovis magni Soboles, Sate sanguine
Divum,

Stymphalidum victor voluerum. Qui fortis
in ipsos

Inferni invadis Thalamos, Phlegetontaque Diti
Eripis, & miseris præstas nova gaudia terris,
Halcyonumque dies. Toties qui Marte secundo
Busirium, & natos cælum rescindere Fratres,
Titanumque domas rabiem, victisque triumphas
Hostibus, & spolio non unâ ex Gente superbis.
Dulce decus, columenque meum, mea jussa ca-
pesset,

Me

Me sequere, & placidæ juvet indulgere Quietis,
Optatam capere ac requiem. Sat tristibus Iris,
Sat Marti, Furiisque datum est. Nunc pectore
lato,

Nunc liquidis opus est animis. nunc pellerè cu-
ras

Fas est deliciis, & noctem ad vina referre.

Adspice, ut assiduo VIRTUS maestissima
luctu

Ambulat, & nullâ sibi nunc spem fronte serenet.
Ut longè decor omnis abest! ut corpore toto
Stat macies, pallorque genas, Ecu! tristis inum-
brat!

Nullus in ore rubor, totum regit undique cor-
pus

Ægra cutis, turpique exstant rubigine dentes,
Et læsi lacrymis oculi. Sic vultus, & ora,
Sic Hecubæ quondam facies, cum, iudice Pyrrho,
Coram Grajugenis caderet Polyxena castris.
Quidquid adest, foedum. Non illi splendida sur-
gunt

Atria, non Pariis augusta Palatia saxis,
Aurataque domus. Parvi loca sordida tecti
Incolit, & tennes casulus. ubi paupere mensâ
Vivit, & ingrato penitus trahit ære lucem.
Si placidus fessos somnus completur artus,
Et serpit per membra sopor, luulenta parantur
Stramina, & in duris, fas est, vigilare catenis.
Nulla ubi de Serûm pretioto veilere vestis,
Quæ corpus decoret. Sunt viles undique panni.
Par Dominæ infamî, par tectis ipsâ supellex.
Illa quidem pulchram pulchrâ sub imagine men-
tem

Assimulat, vultuque fidem mentitur amico,
Insidiisque Dolisque potens. Sed tristitia toto
Secum corde agitât, variis obnoxia Fatîs.
Mille modos, mortisque vias, per acerba laborum,

Hic patitur. tanquam toti ludibria mundo
Debeat, & nulli quæ sit dilecta per avum.
Nunquam epulas mensæ dulces, non splendor
cernit

Atria, ubi lætis fervent Convivia testis.
Perpetua anxietas animi, quæ nocte laborat
Atque die, Cessant omnes in Carmine Musæ,
Et nunquam hæc Risus faciles, facilesque Joci-
que,

Et salibus recreata suis mens ipsa. Perenni
Vivitur hic luctu, &, nisi mors, vita ipsa vide-
tur,

Quare age, VIRTUTIS tandem discedito
Castris,

Indocilis graviora pati. Si molliter avum
Exigere, & placidæ cupis indulgere quieti,
Hanc refuge, & nostris, fac, sis bellator in ar-
mis,

Vexilli pars magna mei. Me amplectere solam,
Meque adamesque unam. Sic nobis tempora sur-
gent

Aurea, sic alio ducetur vita paratu.

Quid juvat adversis Martem exercere sub armis,
Et miscere manus, manibus? jam cogere in ar-
ctum

Agmina, jam Letho decurrere proxima ferro?
Aut aperire vias, aut Mortem querere in ipsis
Funeribus, Stygiisque animam damnare sepul-
chris?

An gelidas tolerare hyemes; cupis aspera brumæ
Frigora, Caucasasque nives, Scythicumque A qui-
lonem,

Ventorumque pati rabiem? seu fervida Cancræ
Lumina, & æstivo flagrant Sole Leones!

An potius longa gradens Venator arenâ,
Insidias ponens avibus, vel figere damas.

Auritosque sequi lepores? aut lustra ferarum

Scrutari,

Scrutari, mollesque oculis secludere somnos?
 Desipis, & stultis hinc, inde erroribus actus
 Niteris in vetitum, Pudor est, mea gaudia, me-
 que

Despicare. Heu, regni, rerumque oblite mearum!
 Tu mea iussa sequi renues; Tu Numina nostra
 Vana putas, nullaque poli ratione teneri?
 Sum Dea, sum victrix Regum, Regina Voluptas.
 Diis Hominique placens. magnum quàm Phœbus
 Olympum

Circuit, atque oriens nigris se tollit ab Indis,
 Illic suspliciter mea Numina quisquis adorat,
 Et vult esse minor nostris inglorius armis.

Vix Deus Oceani laxum sinuaverat arcum
 Principiò, medioque orbem suspenderat axe,
 Ecce, mali longam seriem, junctosque catervas
 Ægrorum, mortesque ipsas in limine primo,
 Cum nondum herbarum vires, & nomina nota
 Nondum Diva Ceres flavis se ostenderat agris,
 Et graciles pingui glandes mutaret aris.
 Vultibus hærebant lachrymæ, populosque per
 omnes

Pallida Lethifero squallebant corpora morbo,
 Omniaque assiduis torquebant pectora Curis,
 Et Nemesis sua cuique fuit. Frigus, sitis, æstas,
 Dura Fames, duri series immensa laboris
 Pone sequebantur miseros. Laxabat Avernum
 Cerberus, immites lassabant Stamida Parcas.

Hoc ubi terrarum & summi moderator Olym-
 pi

Viderat, in multam & duci mortalia noctem,
 Lethæisque primi nebulis, stetit altus in altâ
 Arce poli, & tandem his dictis profatur amicis:
 Huc ades, ô magni proles Augusta Tonantis,
 Grande VOLUPTATIS Numen, pars ma-
 xima cœli.

Tu sanctum penetrale fœli, sanctosque recessus

Musarum, & miseris mortalibus addito honorem,

In Thalami vitæque fidem: ne stirpis origo
Humanæ ad paucos iterum labefacta recurrat.
Affer opem afflictis, & spes sit, Numine nostro,
In manibus, toties ne mors exultet Avernis.

Dixerat Omnipotens, cum Cœlo Diva Voluptas

Profilio, & magni perago mandata Parentis.
Muratur mox scena fori Languescere cernis
Languidulos animos, est, me veniente, salutem,
Et vitæ acceptum reddi melioris honorem.
Diffugit malesuada Fames, luctusque Laborque,
Et conjurata terras evertere Curæ,
Ad Stygias, sine sole, domos. Simul invida Virtus

Exulat, &, quidquid cuiquam ferale, recedit.
Scilicet ille dies oritur, Quo, Numine læto,
Omnia lata manent populis. Ceu turbida quando
Æquora se ponunt, & prodit lætior aura
Oceanus, Zephyrique leves in regna recedunt.
At tamen abjectâ videor tibi vilior algâ,
Diva potens, meque usque fugis? Davela retrorsum

Si sapias, & felix à nostris partibus adsta.
Adspice, quam paucos decurrit vita per annos,
Circumscripta brevi Spatio! Semel omnibus idem
Terminus, & cunctis pariter movet Æacus urnam.

Non Doctrina movet Lachesis, probitasque Pudorque

Aut virtutis amor. nihil est, nihil inclyta stirpis
Gloria, nobilitasque Fori. Quanquam love magno

Descendis Deus, & patrium veneraris Olympum.
Imperis spoliisque potens, tamen improba Clotho

Te promer, & duris semel exercebere Fatis,
Si mens vera agitat. Non semper, Numine dex-
tro,

Luxuriabis ovans, nec dulci afflaberis aurâ,
Aut aderit fors læta comes. Mutabitur omne
Quod pulchrum, & breviter rerum sic transit
imago.

Quare age, te nostræ jam nunc concede cohorti,
Dum vires annique sinunt. Quod si mea miles
Arma capis, recteque voles parere Monenti,
Discedet fera tempestas. Non Martius horror,
Non Bellona furens placido tibi somnia rumpent
Non tristes Hyadas metues, non turgida ventis
Vela dabis, Neræique feres discrimina. Non te
Transvehet infidâ fallax Fortuna carinâ,
Per Ponti pelagique minas. Sed nec tate vivo
Inter Nyctelias traduces tempora Nymphas.
Quod si meos tranquilla parum, si maxima quon-
dam

Monstra tuæ tulerint fastidia tristia vitæ,
Hic Fati limes, locus hic, portusque Quietis.
Huc ades, hic, curarum expers, sperata tenēbis
Gaudia, gaudebisque meo consuescere amor.
Sin autem à virtute paras discedere, teque
Thyrsgigeri recreant jam dulcia munera Bacchi,
Cecropiique sales, & desidis otia vitæ,
Hic plura invenies, Alcidas; Hic tota bonorum
Scena patet, nostrisque iuvat consistere regnis.

Ergo age, festines tanti pars esse Theatri,
Et sequere hæc meliora Deū vestigia Quò te
Nunc pariter Superi invitant, vocitantque Poten-
tes.

DIXI.

○ R A.

ORATIO XXVII.

VIRTUTIS.

Quâ illa Herculem à Voluptate ad se pertrahere conatur.

Habita à

SIMONE ASSENDELFT.

Alem.

MAGNAMINE ALCIDE, magni Jovis inclya proles,

Qui Proavum clarus titulis, sed clarior ipse

Laude tuâ; Quo non armis præstantior alter.

Si Te mens agitet sapiens, & provida rerum,

Virtutisque capax sacra; prudentia constans

Si factis insit; probitas, pia regula vitæ,

Et Recti cognatus amor, non fronte Voluptas

Te blandâ fallat, vetitos nec flectat in actus

Luxuriosa Fames. nec Te male sana Libido,

Fasque nefasque unâ doceat meririer umbrâ.

Tu Verum rectumque jube, tu facta nefandæ

Sperne Voluptatis. prima est quæ causa malorum

Cunctorum; scelerumque parens. Quæ vertit honores

In pejus pestemque suam; quæ rumpere mores

Ingenuos, Superumque audet dissolvere leges.

Illa Fidem violat, certissima pacta resolvit,

Mortalesque studet fastu exarcare superbo,

Infami & vitio sacris inducere noctem,

Et

Et verbis, linguâque potens, & munere fandi,
 Hyblæos latices pleno de pectore promit.
 Sed data verba fidem fallunt, & tetrius illam
 Intus alit monstrum, rabidas & colligit iras.
 Auceps dulce melos blandâ ceu ludit avenâ,
 Infidias avibus tendens modulamine docto,
 Dum cæli convexa tenent, perque æthera librant
 Se pennis, Sirenque suæ poppyismate linguæ
 Impulsos homines studia in contraria ducit:
 Sic etiam potis est, alienum sumere vultum,
 Et faciem fucare suam malefana Voluptas.
 At mihi longè aliud studium. Rationis & æqui
 Nos documenta damus. Per me non fama fidesq;
 Exuitur. Verum factis extendere laudem
 Hoc virtutis opus; nostri hæc est Sparta laboris.

Maeste animo ALCIDE, Virtutis iussa cape
 pesse

Meque sequâre comes tandem terrâque marique.
 Non tibi Tartareæ placeant perjuria Linguæ,
 Luxuriæ non crescat amor, nec gratia turpis.
 Tunc tibi non facili ridebunt sidera vultu,
 Nec tunc mella fluent cælestia, prima salutis
 Gaudia; sed fatum vitæ, & discrimina tanta
 Hic plorare tuum est. Melior, Sapiëntia, vitæ
 Thesaurus, qui nos terræ de sordibus imis
 In superum attollit, sublimia nomina, cœtus,
 Ingenioque facit longum super æthera ferri.
 Unde saluiferæ fas est exordia vitæ
 Sumere & æternos latices gustare Tonantis.
 At brutas pecudes facies non ulla pudoris
 Arguit. Hæ dapibus solitis & sanguine vivo
 Gaudent, & ventri nimium parere cœtæ.
 Sic spreto pecorum ritu tibi proderit altum
 Erexisse caput. Mundi & melioris origo
 Sic meritò fueris, mentisque capacior altæ.
 Cunctorum scelerum causas obscœna voluptas
 Parturit, à vitiis nullâ virtute redempta.

Hæc

Hæc suadet prædulce nefas, hominiquæ ruinam
Ingentem properat. Nihil est, quod linguat in-
ausum

Atque intentatum. Fertur moderamine nullo
Præceptis in scelus omne. Ruit per fasque nefasque,
Quò ducit mala materies, mentisque Cupido.
Hæc urbes, hæc regna ruunt; hæc magna fatiscunt
Imperia, & nulli fas huic obsistere Monstro.
Virtus, clara Deum soboles, quæ clarior exit
Gentibus, & mundum factis illustribus ornat.
Ipse Deus, Pater Omnipotens, quo fonte beatas
Orbis opes, Hominemque ipsum, Oceanumque
creavit.

Hæc felix, hæc tota sui fulgore coruscat
Divino, Superumque habitat convallibus ipsis.
Hæc magnis accepta Diis, partemque sereni
Ætheris, in Censum meritò tibi vendicat uni.
Hæc nunquam visos nobis promittit honores,
Nunquam audita canit. Donat sine finibus annos,
Perpetuosque dies; & Vix sine nubibus ipsum.

Ergo fidem præsta. Nocet emptæ dolore Vo-
luptas.

Extra terrarum metas non mollis ad Astra
Est via. Difficiles aditus nec tristis Avernæ.
Obsita præruptis faxis, & montibus altis
Ista domus, quam Styx novies circumfluit undis.
Unde gradum revocare, labor Quà tristitia surgunt
Atria, & invisæ Custodis janua pandit
Terribiles facies, quas Indignatio tota
Ipsa tremat, nolitque suis spectare Cavernis
Thiisiphone, mater tenebrarum, Acheronte sub imo.
Magnanime Alcide, captis ingentibus instæ,
Virtutemque meam placeat, per devia multa,
Per spinas tentesque sequi, totque ardua rerum.
Do faciles cursus, & sunt vestigia Præsto,
Tu quibus ad famæ possis, & Nominis arcem
Scaudere sublimem. Da dextram, da mihi nunquam
Quæ

Quæ fallat, Pater alme, fidem. Sic vivere pulchrum est.

Egrediere orbis sic oras denique, & ultra
Auroram & Gangem tibi debita præmia pones.
Ne tu cede malis, Heros. Dare lintea retrò,
Oceano pudor est. Tu contra audentior ito;
Rumpe moras omnes, & vires laudibus adde.

Dixerat hæc paucis Dea. Mox Tiryntheus Heros.
Virtutis se lege probat; Mandata capeffit,
Et per præruptos montes, per saxa, per ignem
Impavidus ruit, & captis felicibus addit
Fortem animum, turpi mortis terrore carentem.
Virtutem sequitur, quocunque it, passibus æquis.
Per præceps, per prona viz, per Tartara, perque
Terrarum spatia, & mundi confinia tandem
Extremi, totidemque domos Telluris iniquæ.
Donec mortali viâ hæc, & carcere liber,
Victis tot vitiis, tandem caput inserit alto
Ætheri, & æternis Deus & Decus additur Astris.

D I X I.

P R Æ C A T I O

ad

D E U M.

TU nos, magne Deus, Dux in Capitolia Vera
VIRTUTIS; Dux nos ad pulchra exempla
laborum

HERCULIS, & semper famæ incumbamus Ho-
nestæ,

Plus ultra rapti spatii, malisque relictis
Infamis vitæ strepitus. Sic Nomina seris
Nostra suis addet Tabulis non immemor Ætas,
Posteritate noxa. Tandemque adscripta juventutis
Ordinibus jam, Phæbe, tuis, pulsabit Olympum
Vertice, & in Mundi fines illustrius ibit.

Per

*Per terras, tractusque Maris, per nubila Cæli
Æternum ALCMARIAE victuro Nomine in
Ævum.*

Hæ Quatuor Orationes metricæ habitæ sunt
Alcmariz cl. D. DCCXIV. Examine
Autumnali.

O R A T I O. XXVIII.

De

P A C E.

Habita à

GUILIELMO MOLL à NYENBURGH.

Nobili Batavo.

Quod ab omnibus mortalibus H : A : votis,
precibusque maxime exoptandum, imprimis aurea *Pacis* sunt tempora. Sub cuius læto præsidio florent elementa omnia *Terræque : tractusque maris calumque profundum.* Quâ semel placido vultu cuncta hæc humana collustrante, extra nos ipsos rapi necesse est. Tantâ enim rerum amœnitate tunc undique afficimur, ut unde felicitatem nostram exordiri debeamus, planè incertum sit. Domi, forisque nihil nisi prospera, nisi auspicata tunc nobis occurrunt. Ipsi agrî atque recta latari videntur. Maria & terras sine periculo frequentamus. Cum externis gentibus merces nostras distrahimus. Ipsa studia sapientiæ longis itineribus feliciter tunc consequimur. Adeo ut nihil prorsus sit comparandum cum otio hîc publico, *Pace tranquillâ.* à quo fonte tanta nobis perpetuo promanavit felicitâs, ut difficulter verba sum inventurus, quibus circa magnitudinem istarum

istarum rerum occupari oratione meâ debeam. Quo *angusta pacis nomine* ac beneficio nos in Belgio hoc nostro per divinam gratiam hætenus usi sumus, resque nostræ terrâ marique feliciter subsisterunt. *Pacis* namque tempore omnia in tuto sunt, nec umbra quidem humanæ infelicitatis à quoquam tunc jure extimescenda. Omni malorum agmine à nostro tunc, orbe longissime proscripto. Quod satis edocuit ab aliquot retrò annis suo exemplo fortuna Belgarum. Qui adeo rebus secundis prosperisque elati fuimus, ut vix nubecula illud purum ac serenum nostræ prosperitatis involverit. Qui supra ipsa vota, supra pene desideria nostra beati felicesque evasimus. Hæc fortunæ factorumque benignitas si apud animum bene expendatur, quibus non beneficiis tibi, ô omnipotens in Coelis Deus, devincimur? Quibus in Belgio hoc nostro à tot anorum spatiis tam liberaliter favorem tuum indulisti, atque ita benignitate tuâ nos es complexus, ut seræ aliquando posteritati inde merito admirationi esse possimus. Nulla gente populisque tam beatis, quam par divinam benedictionem, nos Belgæ. Qui ab humili rerum nostrarum initio ad ipsum blandientis fortunæ prope fastigium pervenimus. Qui armis nostris & virtute bellica trans ultimos Europæ terminos longe sumus progressi. Quibus, post Pelæum Juvenem, neque unus orbis ad voluptatem & delicias satisfuit. Extra anni Solisque vias velorum nostrorum remigiis toties expatiati sumus. Adeo ad omnes artes callidi atque instructi, ut hinc ab Oriente, inde ab Occidente universi mundi gazas in unum hunc Belgicæ salutis portū advexerimus. Ut de Jasone atque Colchide non amplius necesse sit veterum fabulas nobis proponere, jam diu in Batavis aureum illud vellus possidemus. vicinis Regibus & principibus non exigua.

prop-

propterea erga nos invidiâ laborantibus. Quod hoc præsertim tempore plusquam nefario exemplo Britannorum docet perfidia & crudelitas. Qui æquis oculis fortunam hanc nostram ferre amplius non possunt. Quibus hoc unum est propositum, ut soli maris libertatem possidentes, nos ab omni gentium commercio excludant. Jacto in vulgus superbo hoc elogio. PENE S NOS IMPERIUM, Ut olim Alexander, uno orbe perdomito, PLUS ULTRA exclamabat. Agant illi quod in animo est, omnemque à Cocyto eruant arenam. Nos meliore causâ innixi, auxiliares de coelo copias expectamus. Ut, qui alias victores existimus tot gentium ac populorum, nunc etiam, relligioso nobis argumento proposito, feliciter tandem triumphemus. Nondum Batavorum virtus & fortitudo elanguit, aut à veterum factis & sanguine degeneres facti sumus. Sunt integra nobis lintea, nec adhuc malus celeri saucius Africo, antennaque gemunt. Est nobis sylvæ filia nobilis, & ab Hyperboreo orbe in fracta robora. Prisca Majorum pietas, probitas, fides tandem in præcordia recurrent, nec pigri aut segnes erimus in illis honoribus conservandis, quos semel cum laude atque gloriâ feliciter æquisivimus. Ut pene nesciam, an bellorum an pacis tempore plus sibi famæ nominisque inclytus Belgarum populus comparaverit: *Pacem tamen, pacem; illud venerabile Pacis nomen longe Præferimus illis castrorum armorumque immanibus furis. Quam si feliciter retinere potuissimus, absit unquam tentassemus ancipitem Mavortis aleam.*

D I X I.

O A A.

ORATIO. XXIX.

DE BELLO.

Habita à

SIMONE ASSENDELT.

Alcmariano.

Profecto, mi *Collega*, multum me exhilarasti divinâ tuâ, de *Pace*, oratione. Quæ ad eò animum auresque obletavit, ut nesciam, quid præ illâ nobili materiâ unquam mihi gratius extiterit; aut Belgio huic nostro, hoc præsertim tempore felicius evenire potuisset. Pax enim una omnibus sub sole rebus palmam præripit: quæ suâ benignitate, velut aureo quodam imbre, civium desideria metesque perfundit. Pax sola solidaque est causa, quare de hac ipsâ vitâ, quam in terris agimus, merito sibi gratulentur mortales. Quæ omnia secum bona apportat, quæ mens nostra avidissimè unquâ expetere possit. Pax salus & anima est hujus mundi, quâ qui securè perfruitur, ille inter ipsos, puto, cælicolas versari videtur. Vrinam, utinam! in Belgio hoc nostro, Quirites, sperata hæc Halcyonia nobis existerent. Quanto velò tunc gaudio exsultare nobis liceret? quantam amœnitatem pectoribus nostris combiberemus? tunc tuto sub lare, sub tegmine læto consistere permitteretur. Bellorum metu ac formidine longè depulsâ à Patriæ nostræ finibus. Sed nunc proci! Deum atque hominum fidem! divina Astra ad superos recessit? nunc bonæ leges sub armis silent, & cuncta terribili tumultu miscentur. Nunc, aperto Iani templo, Mavors ipse, immixtis habenis, terra marique latissime dominatur. Nunc pretium humanæ car-

ni

ni ponitur, cuius nunc prodolor! annona est vilissima. Nunc virtus habetur, multo sanguine manus polluere. Atque id demum est crudelitatis edere exempla, quæ nisi Turcæ, & Barbari immatissimi hostes exercere deberent. Quodque merito pudeat, bellum nunc geritur inter ipsos Christianos, securitas quorum pace & tranquillitate stabiliri necesse erat. Ad ludibrium eorum, qui inde nisi triste argumentum sumunt violatæ religionis, temeratæ stupratæque pietatis; pollutæ fidei, extincti pudoris, amicitiz, concordiz.

Quid tædius, quid detestabilius, unquā luminū ille Pater, sol, aspicere potest, quam illos homines invicem jurgia & lites gerere, quibus proprium esse debebat erigere paci Trophæa; omnibus mortalibus exemplum ostendere, publicæ quietis ac securitatis. Heu sortem infelicem ac miseram! quā modo in Belgio nos vivimus in quo nuper adeo res prosperæ ac secundæ fluxerunt, ut orbi universo penè terror horrorque extiterimus. Et fortunā nostrā rerumque successu tam famam nostram promoverimus, ut non tantum ipsis Finitimis grati acceptique fuerimus, Cum Reges Principesque hoc ex re ipsa esse ducerent, amicitia & affinitatibus una cum Batavis coalescere; illorum societatem, velut sacram aliquam anchoram complecti. Opes jam nostræ divitiæque Cælo adæquatæ, omnes orbis angulos impleverant. Hæc verò bella, quæ nunc cum proximis Britannis gerimus; immane quantum! malorum secum trahunt; quæ cum sint tristicissima, eo imprimis nomine sunt acerbiora, quod in proximo, & cum vicinis gerantur. Quando in dies Hannibal ad portas est, & pene in limine nostro hæc hydra consistat, tot furiarum ac caputum. Unde illæ calamitates & miseriæ expectandæ, quas nec cogitando, nec mente nostrā niquam emetiri licebit.

bit. In singulas, inquam, horas malum hoc virus sumit, semper incremento erit locus, quando finem eorum anxie expectamus. Bellum enim res adeo est immanis, ut feras potius non homines deceat. Bellum adeo insanum, ut Poëtz non nisi ab infernalibus hoc furis immissum fabulentur. Adeo pestilens, ut universam morum luem simul invehat. Adeo injustum, ut à pessimis latronibus administretur. Quare non immerito Orator: non solum adventus belli, sed etiam illius metus adfert calamitatem. Incipere quoque bellum cui vis ignavo licet, deponere cum victores velint. Belli enim tempore

non nullus aratro

Dignus honos. Squalent abductis arva colonis.

Stat trux in templis multa quærentia cade

Lubrica saxa madent. Nulli sua proficit arat.

E contrario melior tutiorque certa pax, quam sperata victoria. Neque aliquo modo est admittendum, cum victoriam in manibus habeas, pacem abnueri. Ad pacem ite omnes, tam quibus salus, quam quibus gloria est carissima. Et quavis tutâ conditione pacem accipere malis, quam viribus cum valentiore contendere. Pacis enim nomen est dulcissimum. Pax tam jucunda quam salutaris. Eaque conditione suscipienda sunt bella, ut in pace sine injuria vivatur. Quare longissime à Patriæ nostræ finibus abesse deberent terribissima bellorum nomina. Illa excidia urbium, illæ vastitates Regionum, hæ Scyllæ & Charybdes publicæ calamitatis. Tu pax aurea salve, - & tandem de Cælo interras revertere; salve pax beata,

Pax optima verum

*Quas homini novisse datum est. Pax una triumphia
Innumeris potior.*

D I X I.

G

O R A T.

ORATIO XXX.

de

BELLO ANGLICANO.

Habita ab

ADRIANO BAART, *Alcmariano.*

OMne bellum quod malis artibus suscipitur, H. H. A. A. inhonestum & detestabile est. Nec tempore illud convalescere potest, quod à prima sui origine turpe ac fœdum est. Hoc omnis ævi docet memoria & magnitudo malorum, quam strictus ensis miseris mortalibus semper solet inducere. De quâ calamitate optimè illi testari possunt, qui olim & nunc sub tristi illo Phalaridis flagello ingemiscunt. Cujus atrocitas est tanta, tamque extimescenda omnibus terrarum incolis, ut longe melius sis cum ANTÆO & HERCULE colluctari, quam cum omnium monstrorum primo ac Principe, *Mavorte Indomito*. Unde veluti à fomite & fonte suo omnia mala in genus Humanum redundant: unde agrorum vastationes, provinciarum direptiones, REGNORUM ruinae atque eversiones, Fortunarum terrarumque miserrimæ dilacerationes. Quod olim experti in suo solo & finibus, ROMANI, GRÆCI, BARBARI. Et nostro ævo, GERMANI, BATAVI, BELGÆ omnes. Quando aut cum HISPANIS aut cum aliis terra marique hostibus, arma nostra expeditimus. Quæ bella semper communi Reipublicæ cladem maximam attulerunt. Semperque in causâ fuerunt: Quod fossa & flumina humano sanguine redundarint. Quod cæcis cadaveribus, ossibusque albenibus agri campi-que conspersi fuerint. Ut non necesse sit ab antiquis Historiis veteres CANNAS aut ad TREBIAM

BIAM & TRASIMENUM lacum pugnas inimicissimas hoc loco recensere. Scilicet

Notum quid cade calentibus armis,

Quantum ira liceat metuque quid audeat ensis.

Sed bellum hoc HH: A A: quod modo cum BRITANNIS suscipimus, proh dolor! toto orbe CHRISTIANO est periculosissimum. Ad quod nisi coacti nos BELGÆ nunc nos accingimus. Quando nulla virtute, nulla pietate nostrâ hanc infesti REGIS iram declinare potuimus. Nunquam dato illi argumento, quare ad hanc crudelitatem exercendam tam animo improbo effera-
toque esse possit. Omnem hætenus lapidem movimus, ut ponere se tempestas illa potuisset: non tam dira & ferrea rursus tempora incidere-
mus, quæ finitimis omnibus, totique EUROPÆ
tustissimam doloris materiam præbebunt. Nihil
verò valuit potuitque ad Sedandum hunc Furo-
rem, divina Legatorum vox, nihil desideria ci-
vium, nihil vota PROCERUM, nihil utriusque
populi salus, REGNORUMQUE MAIESTAS.
Et quod maxime dolendum est, cum veteribus
nostris amicis, cum vicinis & propinquis, cum
ipsis BELGARVM Sociis, qui fide, qui Religio-
ne, commerciis nobis conjuncti sunt, proh pu-
lor! in aciem descendimus. Cumque illa gente,
quæ contra ipsum HISPANIARVM REGEM,
quando in Libertatem nostram ungues suos di-
ringeret, olim tam fortiter, quam feliciter nos
defendit. Ex animo nos BATAVI, ex animo in-
nam, de hoc Sacræ amicitie naufragio nunc fa-
cto illachrymamus. Et meritò apud immortalem
cælis DEVM de mutuâ hac calamitate odiisque
impiis conquerimur. Alia longe res A A: quando
cum immanissimo Tyranno *Cromwellio*, cum illo
a læse majestatis turpissimo perduelle, ad arma
ita profecti sumus. Ut in pæcctiviveremus,

& nos ab illius injuriâ sceleribusque liberaremus. ipsa necessitas, jure divino & Humano tunc tela nobis subministravit. vim vi repellere, ipsa natura nos docuerat. *Que non est scripta, sed nata lex, quam non didicimus, accepimus, legimus, verum ex ipsâ natura arripimus, hausimus, expressimus, ad quam non docti, sed facti, non instituti, sed imbuti sumus, ut si vita nostra in aliquas insidias, si in vim, si in tela aut latronum, aut inimicorum incidisset, omnis honesta ratio esset expediendæ salutis. nisi culpa & temeritate, nos & nostra omnia infelicitèr tunc perditâ voluissemus, ò tempora! ò mores! ò bella infelicissima! quorum ipsa tacita recordatio multorum adhuc animos lædit & vulnerat. Sed, ut solet, post graves aliquot conflictus & suscepta mari prælia, posuit se tandem hic furor. credo, quando utrimque partes & pericula ad pacem ire monebant: licet satis iniquis conditionibus & maximo Patriæ nostræ detrimento. Qui magis necessitate & partium studiis, quam nostrâ bonâ voluntate tunc ad fœderum illas passionibus adducti fuimus. Nunc vero cum integris R E G N I viribus, cum infestissima trium Sceptorum R E G E, cum elementis omnibus, terra mari est decertandum. Ut universo nunc orbi, quo tandem tanti belli moles devergat, prospectaculo simus, Et nisi antiqua majorum virtus tandem reviviscere B A T A V O R V M animos fecerit, hostibus nostris ludibrium debemus. Nuper non infelicitèr quidèr cum H I S P A N I S belli aleam tentavimus, & quo tannis victores exitimus, in domandis aut populis, aut subiugandis civitatibus. apud omnes exterâs gentes cum navali, tum terrestri prælio plusquam formidabiles. Quando vix castra æstiva aut Hyberna habuimus, quin nobili aliqua victoria *Illustrißimis Principes Auriaci & Nassovii* communem B E L G A -*

R V M

RVM libertatem condecoraverint. Hæc autem bella quæ modo dubiis auspicijs tanto cum hoste suscepimus, quo tandem se verrant, Optimus Maximus in cœlis DEVS videt, & intelligit. nobis isti eventus hæstenus incerti & incogniti sunt, scrusque vesper quid tandem sit nobis allaturus, nedum lynceis nos oculis prospicimus. Vitia & errores nostros quando nobiscum bene perpendimus, certè, supplicia & pœnas uliro merentur, nec indigni sumus, in quos aliquando detonet iræ divinæ pto cella. Si verò cum aliis populis longè à nobis diffitis bella essent administranda absque dubio, multorum præsidio ac manu defenderemur. Quæmadmodum olim nobis evenit, quando, ut dixi cum Tago & Pactolo armata manu esset congregiendum tunc finitimi omnes, omnes Reges & Principes pari consilio auxiliisque res nostras protegebant. Aurea, milite, annonâ, stipendiis nos juvebant. Nunc nullæ nobis aliunde sunt opes, nulla castra, nulli comatus aliunde miles nullus externus, nullæ fidelitates propinquorum, nulla solatia amicorum. A heu! derelicti ab omnibus, soli magno Oceano conatamus, inter tot Cyclades & Ceraunia, inter quas & ignes mortiferos, infestissimos generis humani hostes. *unicum autem quod nobis Solatium superest, divina est Providentia, cujus gubernaculo confidentes, post immania hæc bella, quæ non minus quam civilia sunt pertimescenda, tandem de cœlo pacem benignissimam expectamus.*

DIXI.

G 3

O R A -

ORATIO XXXI.

De Causis

BELLI ANGLICANI.

Habita à

JOHANNE MINA.

Quæ potissima est ratio & origo H : A : belli tam nefarii , tam formidolosi ! quæ causa tantorum motuum ac tempestatis , cui modò, nos, proh dolor ! obnoxii sumus ! quare sic immaniter in nos furit efferus ille leo Britannicus, jam latebris & Tamesi suo, velut specu Tartareo, emissus ! ni fallor , prospera Batavorum Fortuna & felicitas hanc Regi Anglicano invidiam peperit. Quas ille de Cælo datas nobis divitias in oculis & animo ferre non potest. Quibus dotibus ac fortunis cum Regni sui Majestas vix sit comparanda, res nostras florentes ac secundas, non nisi odiis ac inimiciâ prosequitur.

Nos Optimi & immortalis Dei gratiâ à parvis humillimisque initiis ad illustrem hunc dignitatis gradum macti feliciterque pervenimus. Et virtute armisque gloriosis, eo in decus nostrum assurreximus, ut magnam nunc Europæ partem faciamus. Nec istis tantum finibus inclusi, etiam altero in orbe pedem ac imperium nostrum extendimus. A Gadibus usque auroram & Gangem, sub ipsum Solis ortum & occasum, est, quo nostræ jam dudum classes pervenerunt. Undè universi orbis opes ad nostros hic penates ac horrea promovimus. Hosce nunc nostrarum rerum prosperos successus ferre vicini nostri non potuerunt.

Eoque

Et quæ fortasse minus, quod ipsi magis otio & voluptatibus dediti, nobis laborum nostrorum fructus haud facile concedant. Nos Batavi eo sumus ingenio, ut bene parta, ne male dilabantur, probe curemus: corpora nostra frigoris, inedia patientia, modo Rempublicani & familiarem præmiis honestis fortunæque nostræ incremento magnifice amplificemus. Hæc virtutumstrarum trophæa tolerare inimicos non posse, quis non vir sapiens merito indignetur!

At turpissimum est, Reges Principesque ita male sibi ominari de aliorum gloriosis successibus: quorum vigilias artesque ex industriâ paratas, magno æstimare deberent, subditis suis ad imitationem & exemplar. Illi vero, cum suas opes & divitias, forsan, per luxum & ignaviam perdiderint, quid propterea alienis inhient? quid Batavo eripiant sua? quid extra fines & terminos, quos natura ipsa præscripsit, se proripiunt? illi si vivant inter nugas & illecebras, inter ventris gurguliesque gaudia, inter saltus, tripudia, commestationes, convivia, luxum, inertiam, quid nostra, quæso, turbent negotia? quid non ab alieno abstineant? quod profecto, nunquam boni Principis fuit officium. Hoc factum si quis ex vero interpretetur, H: A: vereor, hoc loco, in ipsam Avaritiam, & proxima ejus castra, Perfidiam ac Superbiam nunc pertranseam. Suâ enim sorte non esse contentum, & apertis faucibus aliena deglutire, aut per vim & malas artes ea alteri eripere, quid aliud esse judicem, quàm aliis injuriam inferre? quam per crudelitatem, per illegitimos ramites aliorum possessiones invadere?

Tales, hoc tempore, pro pudor! vicini nostri, harpyæ & vultures, Angli sunt. Qui classes nostras imbelles sine armis & præsidio, armis expugnant; in portus suos ac navalia deducunt,

merces distrahunt, miseros nautas & remiges denudant, exspoliant, in carcerem detrudunt. Crescet indies hoc malum; postque hæc folia, quæ nunc cadunt, vereor, ne ingentes denique omni, & roborâ concidant. Docuit hoc nuper, vivo exemplo, illorum impietas, quando totâ nos Africâ & Americâ exuere studebant: in illos fines ingentium navium numero destinato, ut nostra illic commercia planè extinguerent. Et si potuissent, hoc & alieno nos orbe ejicerent, & planè de medio sublatos, velut ad pulvisculum everterent. Hæc illa sunt præmia H: A: quæ à magnæ Britannia Regè Carolo, quem proximis diebus, in comitiis nostris tam Regio & magnifico apparatu excepimus, nunc tandem recipimus. Cujus Patrem, Regem tunc, si nostrâ ope & consilio retinere in vivis potuissemus, quam plena gaudiorum ea nobis res fuisset! Cujus amicos, cognatos, affines, ipsam Bohemia Regina, Amitam suam tam venerabili humanitate ac beneficio dignati sumus. Tancquam de nostrâ illi domo & proximo sanguine fuissent. O dolorem inexhaustum! quem exinde pii nos Batavi, nos unanimis per Belgium Populi nunc percipimus. Hoccine est Regio Insigni, & potente Sceptro divinitus esse donatum? hi illi mores & ingenium, tali Theatro & Principe dignum? vix tantâ crudelitate in Christianos uteretur Barbarus aut Turca. Nec ipse, puto, Rex Hispaniarum tam improbo erga Belgas unquam animo existeret: qui fidem semel datâ pertinaciter servat; non dissolvit, non fragit, non violat.

Agite, vos Reges Principesq; vicini, & justissimam Belgarum causam vestris præsidiiis, ope, milite, annonâ, pecuniis, juvate, protegit. Nec unquam patiamini fæderatis Provinciis hanc injuriam & contumeliam fieri: quæ simul vestra
tunc

tunc erit, quando res suas pro libitu Britannii promoverint. Aliorum calamitati dubiisque rebus succurrere, ea demum firma est amicitia. Cum ipsi nos illi in Belgio simus, qui laborantibus præsidio propinquis, manus nostras & auxilium toties accommodavimus. Agite igitur Viri fortes, Viri Principes, nec patiamini illam Rempublicam in contemptum & pericula adduci, quæ hætenus rerum gestarum gloriâ utriusque Orbis terminos adæquavit. Pudeat te sædisfrage Britanne, pudeat inita nobiscum fœdera tam brevi intervallo temporis frangere, violare.

Veteres amicitia, quas cum Majoribus vestris habuimus, à tali flagitio detertere te deberent. Cogitate sacras istas necessitudines, quas semper cum Regiâ hæc stirpe, & sanguine coluimus. Moveat vos ad ineundam firmam amicitiam, memoria tot factorum illustrium, quæ vestris auspiciis domi forisque feliciter semper gessimus. Imprimis jus illud Gentium naturale, eadem Elementorum conditio & communio, vitæ humanæ societas, & quod omnium est maximum, permoveat vos, ad honestæ pacis reconciliationem, sanctissima Religio, quâ vobiscum sub uno sacro Vexillo, Capite & Antesignano, Servatore nostro, JESU CHRISTO, æternum coalescimus. Sinite posthac libera esse terrâ marique commercia, nec istam nobis naturæ benignitatem intercludite, quam Optimus Maximus Deus omnibus ex æquo mortalibus præscripsit. Nobis Batavis nihil aliud est propositum, quam titulis honestis & actionibus legitimis rem fortunâsqûe nostras defendere ac tueri. Nulli suum detrahere & eripere studemus, per malas artes, aut per vim & arma in aliorum fortunas ac messem, falcem nostram immittere. Satis beati, satis florentes, si angusto hoc Belgii nostri pomario, exiguis finibus cir-

cumscripto, tranquille secureque vitam producamus.

Hac in tuâ, ô Omnipotens & potentissime Deus, manu sunt posita. Tu tristissimo hoc mundi seculo, quando omnia nobis sidera tempestatem & pericula minantur, speratam nobis salutem & felicitatem redonare potes; Tu brachio tuâ potentia improbas hostium molitiones tacite profligare; Tu è densissimâ nocte atque tenebris Lucem nobis clarissimam, Pacemque amænissimam reducere potes.

Igitur ad Te, Omnipotens in Cælis Pater, suppliciter confugimus. Et per intimi cordis viscera & penetralia te rogamus, ut sistere tandem dignêre immanem hanc hostium tyrannidem, quâ illi fœderatî Belgii limitem penitus extinguere conantur. Non patere, ô misericors Deus, & Pater, ut vinea hac Populi Christiani, per Vultures illos Britannicos everteatur, & in nôstra hac Batavia illud fanum & augustum Ecclesiæ hospitium fœdis armorum maculis pollnatur.

Fac, ô Benignissime Deus, ut hostes illi nôstri, qui terra marique Libertatem, tantò Majorum sanguine partam & paratam, crudelissimè infestant, tandem sub glorioso Tui Nominis auspicio in fugam se convertant. Nobisque ut olim, Victoribus, Religio & Libertas antiquo suo splendori restituantur.

Domus forisque, Pax lata, Pax beata, Pax perpetua Belgium hoc nostrum de Cælo respiciat. Et nos in illustri hac Alcmaria diu potentes, diu florentes, diu felices existere possimus. Quod ut ex voto nostro quam maximè contingat, iterum supinis manibus, & genibus flexis, Te Optimum Maximum in Cælis Deum ex animo rogamus: Cui Soli in æternum sit laus, Honor, gloria & gratia à nobis & posteris nostris.

D I X I.

Quatuor antecedentes Orationes sunt habitæ
Alcmariæ c10. 1621. X11. Apr.

O R A -

ORATIO XXXII.

De

LAUDE PATRIÆ AMANTIUM.

Habita à

GUILIELMO MOLL à NYENBURGH.

Nobili Batavo.

Illi homines summâ laude sunt condecorandi meritoque inter omnes mortales maximâ estimatione digni, qui ad communem Patriæ salutem ac libertatem defendendam omnia sua studia ac industriam conferunt. Qui pro aris & focis, pro fanis ac delubris Deorum proprium suum sanguinem & vitam interponunt. Pro hisce omnibus, qui assiduis laboribus se exercent, curis macerant, noctes diesque vigiliis & lucubrationibus frangunt & fatigant. Nec aliam mentis animæque suæ requiem inveniunt, quam solam hanc, quam pro civium salute, patriæque incolumitate gloriosè susceperunt. Hæc enim una benigna nostra est mater pro quâ non tantum vivere feliciter, sed mori quoque fortiter debemus. Hæc illa est Helena & Penelope, cujus æternum amorem in intimis nostris penezalibus circumferre debemus.

*Quantus honos belli Ducibus! quæ gloria surgis
Emeritis! cum tuta manet, Fortisque triumphas
Libertas asserta manu. defensusque ferro
Erigit intrepidos vultus! cum vindice dextra
Latior Imperii facies clarusque resulget*

*Majestatis apex, debellatosque feroces
 Ostentat domitosque hostes! cum fartibus armis
 Inconcussa salus Patriæ; cum pressa resurgit,
 Extollitque immunecaput: cum numine dextro
 Arcetur grave Martis opus, proscribitur omnis*

Bellona rabies, & vis effrana nocendi.

Nunquam enim satis digno laudum præconio Heroas istos efferre possim, qui fortunas suas animamque ipsam pro communi bono in periculum dederunt. Non mihi si fontes suos ipse recludat Apollo, & Phœbus pater ipse sit author: horum virtutem incredibilem, fortitudinem, constanciam pari verborum oratione exornare ac describere valeam. Quippe hi sunt verè patriæ Atlantes, novi Alcidae qui suis humeris & cervicibus communem nostrum omnium salutem suffulciunt, Remp. contra injurias hostium, contra fracturam ac tyrannidem factam rectamque conservent. Aeterna illorum est virtus, quam omnis posteritas semper alet, ac intuebitur, dum solem dies noctem sequuntur astra. Quare debito nunquam honore depradicare possum divitum illum Themistoclem, Pausaniam, Phocionem, Thrasylum, Alcibiadem, qui propter singularem animi affectum, quem in Patriam suam exhibuerunt, nominis sui memoriam apud omnem posteritatem quàm maximè longam reliquerunt. Hanc quoque virtutum suarum admirationem promeruerunt Phileni Fratres, Marcus Curtius, Quintius Cincinnatus, Catones, Decii, Cicerones, Reguli, Marcelli, Pompeji, tot bellorum animæ illustres.

Quæ laurea quondam

*Victrices cinxit frontes? cum vincitur excors
 Hannibal, & dirum Marcelli dextera Pœnum
 Pollit, & Ausoniis arcetur finibus hostis.*

Cum

*Cum Patriam affernit victor demitumque Ju-
guriham*

Ostentat Latio Marium; cum fracta fatiscit

Africa, Romanis devictaque concidit armis.

Scipiadas hac fama vehit, veneranda Camillos.

*Gloria Fabritiumque Ducem, fortesque Me-
tellos*

Erigit. Ingentes tollunt Capitolia Drusos,

Illustres Fabios, Paulosque &, magna Lucullos

*Nomina, qui tot tela inter, flammisque facef-
que*

Virtutem ostendere viri. Duxere triumphos

Militiades, clarusque truci Mavorte Seleucus,

Insignisque Ducum spoliis, bellique sarrisis

Impavidue Lysander, & audax Conon in armis.

Non hoc loco, H. H. Audd: de illustrissimâ
Auriacorum & Nassoviorum familiâ factisque
plus quam immortalibus nisi summo cum pudore,
tacere possem. Quorum nomina & virtutes
dum mecum recogito, videor in illam cogitationem
tacite abripi, quæ non sine cœlesti quâ-
dam flammâ pectus meum animumque incendit.
Qui si hodierno die existerent & revocari à tene-
bris in lucem possent, Dii immortales! quam fe-
licem, quam beatam Remp. haberemus! Quod
solum Guilielmi, Mauriti, Frederici nomen, so-
lum inquam, nomen satis esset, aut ad hostem no-
strum proterendum; aut firmam cum ille pacem
conciliandam. Hi illi Hercules & Atlantes, qui
se piacula & victimas obtulerunt pro Libertate,
pro Religione, pro salute populi Belgarum. Vos
egregii belli Duces, vos nunc in medium proce-
dite, vos spoliis hostium induti opimis frontes
victrices attollite; triumphos, victorias immune-
rabiles ostendite, tot oppida devicta, tot popu-
los domitos in solennis pompæ apparatum pro-
ducite. Vobis hunc Belgæ honorem debemus,

quod assertâ & assertata libertate, tam feliciter hoc pomarium nostrum extendimus Vobis hæc sparta & laurus æternum conceditur, quod per vestrum sanguinem & gloriosæ virtutis vestigia, ad tantæ Majestatis apicem pridem conscendimus. Nulla unquam tam sera posteritas, quæ de stupendis & miraculo proximis rebus terra marique conticescet.

Si Roma antiqua superbit

*Bellorum claris Ducibus. Si Gracia tollit
Illustres Mavorte viros. Nec degener adsit
Posteritas, jactetque suas Batavia laudes,
Pragrandesque Heroum animas. In sanguine
visa est*

*Nassovio veterum virtus, quin gloria Martis
Extollit non una Duces, terræque marique
Occurrit Bellona favens. Victoria ubique
Auriacos præclara beat. Nunc ostia Mosæ
Nunc Vahalem, Rhenumque domant; nunc sub
bruta ferro*

*Mænia concussasque armis audacibus urbes.
Nunc Morinum calcantur agri, nunc Flandria
bellis,*

*Atque Aransiacis trepidat Brabantia castris.
Nunc & ab Eois terris nunc vespere ab ipso
Surgit honos; Gangemq; ultra fixere Trophæum.
Partagones fregero truces, scripsere Moluccis
Jussa prœcul, totisque potens apparuit orbi
Dextra Ducum, & terris stat formidabile no-
men.*

Cum illis nostræ libertatis Atlantibus merito se conjungunt immortalis famæ nominisque viri, illustres Heemskerckii, Heinius, Trompii. Quorum bellica virtus & fortitudo animorum incredibilis nunquam in Belgio hâc nostro turpi silentio intermorietur. Quos singulos unus in Patriam amor ferro flammisque hostilibus objecit. Adeo,
ut

ut nihil honestæ illorum ambitioni jucundius fuerit, quam vitam, quam à naturâ acceperunt, tanquam sacram aliquam victimam Patriæ suæ consecrare. Vos, egregia belli fulmina, Vos verè Mavortis alumni extra anni solisque vias jam dudum nominis vestri immortalitatem extenditis. A Gadibus usque Auroram & Gangem præclarissimarum laudum patet area. Vestra ergà Patriam mèrita, vestra Trophæa omnis ætas mirabitur, posteritas colet ac suspiciet. Quibus, pro dolor! augustis Patriæ nostræ liberatoribus, nuper, post habitam cum Britannis infelicitè nimis pugnam, illustrissimi *OPDAMI*, Summi maris tunc Præfecti, mors fatalis & gloriosa accedit. Cujus, & reliquorum pro Patriâ cadentium amor & honor sempiternis æonialium monumentis jure meritoque exstabunt.

*His Fama patet amplus honor. Melioribus ausis
Gloria succrescit major geminosque per axes
Heros jam fama vehit. Per Memnonis oras,
Sauromatasque Indosque ultra Phabumque cadentem
Fixit honor. Nec jam tantis quoque sufficit orbis
Laudibus æris virtus absconditur astris,
Et superum sedes, cognataque sidera lambit.*

Pergerem Humm. Aud. longe plura in generosas illas animas, hòc loco nunc dicere. Sed, Patriæ penè funebre carmen, quod per luctuosos hosce dies tanquam communi busto inscripsi, pro coronide hic addam:

*Belgica, cui toties pronis Victoria fatis
Annuet, illustrem quam tot fecere Trophæa:
Qua bellis infracta stetit, contraque Philippum
Arma tulit, spreuitque jugum, Dominumque potentem*

*Contudit, & rabiem pugnacis fregit Iberi.
Nunc, cheu! languescit iners. Imbellis habetur
Gens Batavum, & toti debes ludibria Mundo.*

Insulæ

*Infelix sit sorte minor, stat degener, excors
 Torpet, & indecori gliscit formidine virtus,
 Et laudum subsidit apex, ipsique pudorem
 Incutunt tuiuli. Vix nunc inglorius arma
 Sustinet, atque animis sponte exarmata labascit.
 Heu! rerum fatigue vices! inimicaque Belgis
 Numina! qui quondam spoliisque armisque superbi,
 Terribiles fuimus populis, multisque triumphis
 Erecti, totum fama complevimus orbem.
 Ludibrium sumus, Angle, tibi, contemptaque mundi
 Fabula. Degeneres animos, & inertia corda
 Eludis. Turpique fugâ trepidare Bataros.
 Eheu! quo prisca vires! an robur & arma
 Perdidimus? Martis nec perfert BELGA laborem,
 Assuetus graviora pati? quo concidit illa
 Martia Majorum virtus? quo dextera pugnae,
 Victricesque manus, venerandaque nomina laudum?
 Ferro omnis reparandus honos, & fortibus ausis
 Belgarum quarendæ salus. Tu capta secunda,
 Mars Pater, & tantum Bataavorum aboleto pundo-
 rem;
 Huc converte minas, stimulis audentibus adde
 Inarum, simul arma fremat, rapiatque Juventus.*

DIXI.

ORATIO XXXIII.

De

*Præsentibus Belli Belgici, cum Britanno
 PERICULIS.*

Habita à

SAMUELE vander LAEN. Rotterod.

U Traque manu, dilectissime Collega, in Sen-
 tentiam tuam nunc eo. Qui de Patriæ nostræ
 rebus,

rebus, & publicæ salutis negotiis prudentem orationem instituisti. Nam, fateor, hoc ipso tempore, & loco nihil utilius, nihil convenientius, dici hîc posse. Multa enim hinc, inde ex veterum Annalibus & Historiis velle enarrare, prorsus alienum à periculis præsentibus, in quibus nunc vivimus esse judico. Valeant pro tempore, Romana & Græca: quæ toties in hisce Rostris, sub incude nostrâ fuerunt. Valeant quæ de Persis, de Assyriis, de Babyloniiis, de remotis olim gentibus populisque externis pleno iunc ore differuimus. Alius nunc Hannibal ad portas, qui aurem nobis vellit. Alius à Britannia Alexander, qui pulcherrimas hæc Provincias, armatâ manu obsessas tenet. Tot mari, & in proximis littoribus, infestæ natant classes, cum quibus in singulos dies est decertandum. Omnium gentium & nationum pene furor in penates nostros debacchatur. Et, ni Optimus Maximus è Coelo Deus gravissimas istas tempestates, quæ libertati nostræ excidium minantur, feliciter avertat, vix sperandum est, quod à tanta hostium violentia atque rabie illæsi amplius esse possimus. Hoc unum H: A: in adversis dubiisque rebus nos consolatur, quod hætenus super sint viri illustres, qui generosis animis, vitam suam fortunæque pro Patriæ salute offerre nunquam dubitarunt. De quorum laudibus tu modo, mi *Collega* honorifice mentionem fecisti. Illis scilicet luculenta semper præmia persolvi debere, monumenta, statuas, Mausolea, Pyramides, pompas funebres institui, qui invicto in hostem animo depræliantes, vitam, sanguinemque suum protegendæ Patriæ saluti impenderunt. Hos autem poenis, infamia, suppliciisque æternis cœercendos, quicumque animo degeneres, florentissimas Patriæ fortunas, in prædam flammamque exitialem coniecerunt.

Vobis,

Vobis, *Viri illustres*, qui pro patriæ salute generose mortui estis, vobis inquam, merito in lætæ Cœli viâ, cum cæteris Heroibus augustissimus hic locus debetur. Et nunquam, profectò, paria pro exemplo fortitudinis editæ; in perenni ære; aut marmore poni monumenta possunt. Qui vitam vestram, quæ, cum nullo alio prætio est æstimanda, etiam vel ultrò Patriæ charissimæ jam pridem impendistis. Quod factum quam illustri atque excellens sit, norunt isti omnes, qui hodie Remp, in summis angustiis & calamitaribus positam esse vident. Non ingrati unquam erimus divinis vestris beneficiis, O Animæ excellentissimæ! quæ in commune nuper bonum ostendistis: sacra & sancta, vestrum semper erit memoria, quam diu honor huic Belgio, & fides særæ posteritati.

*Vos fama æternos prævexit ad usque nepotes
Et nomen super astra poli, super alta tenetis
Stidra vos titulis ingentibus Oceanum ultra,
Auroram, Gangemque ipsum nunc itis, & omnes,*

*Quæ populos serus vesper, quæ respicit ortus,
Nunc vestris meritis terras, & numine fausto
Redditis attonitas. Vobis procul ultima Thula,
Extremisque hominum morem gessere Moluccæ.
Quodque olim invicti, victi docuere Philippi
Exemplo: quando non inferiora sicuti.*

*Tunc Batavi, spatio insignes, sceptrisque potiti.
Erexere etiam gemino sub sole trophæa.*

Tales nos olim existimus, Illustres quondam Batavi, cum remotissimæ nationes bellicis nostris laudibus & victoriis obstupescæ, vel solam nominis nostri umbram extimescerent. Latissime per omnes terrarum angulos, insigni Belgarum gloria tunc diffusâ.

At nunc pro pudor! ludibrium nos sumus facti Europæ universæ. Et quo nuper fama nos tulit pro-

prosperis fortunæ auspiciis, illo nostræ miseriæ magnitudo & ignominia jam dudum pervenit. Perdidimus antiquæ gloriæ titulos. Illam animi vim & virtutem terra marique celebrem, heu! perdidimus. Illam belli gerendi felicitatem, illam Ducum nostrorum fortitudinem; cum nullo aliàs populo aut gente componendam fœdè inquam, perdidimus. Si paulò extra Batavi orbis limitem progrediamur; si vel proximos Flandros & Brabantos adeamus, iminane quantum, de pristinâ, illic gloria & majestate amisimus. Sola vel Batavi, nominis umbra hic vapulat. Nosque tanta Majorum laude inclyti, penè pro conclamatis, & malè auspicatis populis habemur. Ad remotiores verò gentes, si classibus nostris penetremus, vah! quam illic, contemptissimi de nobis sermones instituuntur! quam mascula nostra, heu! quondam virtus male audit! quantum mutati ab illo Hectore, & Nassoviis, qui quondam.

Excessit fortuna modum cum Marte secundo

Belgica se virtus, mundi per climata, & eruem

Extulerat geminum. Sed nunc se Pergama nostra,

Majorumque animi fortes, visque illa virilis

E heu! sub tenebris spissis, & nocte recondunt.

Adeò hostibus nostris, per proximam victoriam insolescentibus, ut nihil prorsus de ipso Batavorum nomine ac fortunis, quando ad nova iterum prælia recurrant, superfuturum stolidissime jactitent. Tanquam communi ruina, omnia, quæ terra marique Belgæ possidemus, brevi occupaturi. Et quasi nulla sint nobis aliundè amplius auxilia, fortunæ; opes; solatia nulla; quibus feliciter eniti possimus. Quæ pro magnâ parte cum à veritate nec sint aliena, nondum tamen laus Deo Optimo Maximo, eò malorum addacti sumus: ut tot nobis adhuc Patriæ Atlantibus in vivis, & ad imperii

clavum

clavum sedentibus, turpiter desperare debeamus. In magnis difficultatibus & rerum discrimine, fateor vivimus, terrâ marique maximis periculis expositi, atque ad ultimas angustias terminosque deducti. Superest ingens amen nobis solatium, in bonæ causæ fiduciâ; in Dei Omnipotentis manu; in fidissimis patriæ Rectoribus. Qui, absque dubio, juxta animam suam, hanc sacram Belgicæ Libertatis custodiam sartam tectamque humeris suis sustinēbunt.

*Nec semper Batavi adversis pugnabimus astris,
Et cæcos contra stimulos contraque Charibdes
Ibimus; aut dubio referemus prælia Marte.*

*Quondam etiam victis redit, in præcordia vir-
tu,*

*Nec noluit tentare iterum, quo cymba profundo
Hæserat, eventus varias fortuna ministrat.*

Modò promptioribus & paratioribus animis, in aciem denuò à nobis eatur. Nec iam panico metu milites nostri, sociique navales prostrati, iterum eandem nobis contumeliâ, quam passi sumus, scædè intulerint. Aciem hanc secundam, nisi magnus ille de Cælo Dictator sua ope & præsidio sospitet, ac secundet, dicite, amabo, Quirites, quam tristis, quam infanda per Patriam nostram nubes diffunderetur! quam meritò nos omnes metus, terror, pallorque ac penè fatalis rerum periodus involveret! Igitur adhibenda est omnis cura, omnisque industria, ut priori illi maculæ ac vitio non novissima denique macula accedat. Pœnæ, supplicia male merentibus, benè meritis ex æquo præmia sunt persolvenda. Ne aut per indulgentiam disciplina militaris evilescat; aut omisâ in malos damnatione, illecebra illa peccandi, licentia, majores sibi vires assumat. Periclitati sumus statum publicum; nescio quâ nuper agendi temeritate; quibusve consiliis aut
prodi-

proditionibus iniquis. Ad quæ mala monstra expianda, novo, sane, opus est Hercule, novisque auctoribus; qui contra Britannorum istas Hydras septemplex Vulcani clypeo armati, res Belgarum fractas & dissipatas sanctiore iterum animo in integrum restituent. Ad quæ negotia feliciter tandem componenda, spero Opt. Max. è Cælo Deus manum suam salutarem conferet. Qui nunquam patietur, sacram suam hanc vineam, à feris istis belluis, & plus quam avibus stymphalicis diripi ac devastari. Vbi hæctenus tam luculenta pace & tranquillitate frui sumus; terra marique tam gloriosos rerum nostrarum successus habuimus. Et quasi in mediis convallibus verè viximus vitam fortunatam; pene dixerim sine ullo interveni malorum, & ægritudine obviâ.

Vos, illustres Patriæ Proceres, Assertores Libertatis, Religionis, Pacis publicæ: domi atque foris, agite, divinis vestris consiliis, contra juratos, nobis hostes, Etrianos, opem & auxilium feratis. Nec patiamini, intra vestros muros grassari improbitatem, luxuriam, prodicionem. Belgæ enim salus, quæ majorum sanguine & fortitudine semel parata & parata est, tota vestris est in manibus. Liberorum conjugumque vita & fortunæ; Lares & Penates uniuscujusque nostrum à vestra prudentia & æquitate defensionem expectant. Agite, inquam, vestris laboribus, vigiliis, lucubrationibus, commissam vobis fidem fideliter asservate. Vosque hoc loco alloquar, O fortissimi magni Maris Oceanique præfecti, *Wittenis, Ruteri, Trompii*, cæterisque istius ordinis Duces, & Antesignani, nobilissimi. Vos iterum novi & redivivi Scipiones, Phociones, Miliadæ, Reip. hanc navem vestris manibus, & curæ concreditam rectâ in tutum & tranquillum portum deducite. Et contra
omnes

omnes tempestates, contra Charybdes, & Acro-
ceraunia, contra Iliadas tot malorum, hanc for-
titer, feliciterque conservate. Et, quando nunc
extrema Martis Maritimi pericula & discrimina
sunt adeunda, nunquam armis animisque defici-
te. Vestro Ductu & auspiciis cuncta felicia, speramus,
evenient. Nec tam molli & muliebri proposito
quisquam posthac inter navales socios & milites
invenietur, qui hanc vitam suam, quam à naturâ
accepit, pro patria, pro civium salute, pro aris &
focus, non etiam ultro omnibus periculis, & vexa-
tionibus cupiat offerre ac consecrare.

*Tunc denique hoc ipsum fiet, ô Gloriosissime in ca-
lis Deus, ut faderata Provincia, populus hic liber
& sui juris, tuis quoque sub alis & benevolentia
paterna felicissime subsistat, vigeat, floreat. Et no-
stra quoque hac civitas illustris Alcmaria, & in eâ
Religio, Fides, bonæ Artes, & Sapientia studia,
omniumque rerum felicitas, perpetuo in honore &
existimatione habeantur.*

DIXI.

Hæ Dux antecedentes Orationes habitæ sunt
Alcmarix Examine Autumn.

CIO IO CLXV.

ORA-

ORATIO. XXXIV.

LOCO PRÆFATIONIS,
ad materiam

De

P A C E & B E L L O.

Habita à

JOHANN E HALTERMONT.

Alcmariano.

Nobilissimi, Amplissimi, Doctissimi
DOMINI AUDITORES.

EXspectaveramus magno cum desiderio, ut, Bellorum periculis confectis, Vobis & Urbi nostræ, Musisque Alcmarianis læta Pacis gaudia, hoc loco & tempore, gratulæremur. Quando, centum post terga catenis Marte revincto, omnes extra terrorem & formidinem bellicam positi, prorsus aliâ, in Belgio nostro, rerum facie perfrueremur. Apertis iterum, terrâ marique, omnibus aditis ac itineribus, quibus libera apud exteras nationes commercia institueramus. Productoque Musarum pomærio, Sapientiz studia, quisque in suo secessu, sine metu & honore castrorum tacitus secum pertractaret.

Longè aliter H. H. Aud. & præter Opinionem, nostram res hæ nobis evenerunt. Pro tranquillæ pacis usu ac fruitione, in maxima bellorum incidimus pericula. Omni nunc Europa, ad arma & lituos, post hominum memoriam, funestissimis exercitibus, ut Christianus, pro pudor! sanguis profundatur, prompta & parata. Quasi hætenus tantum folia ceciderint. Inposterum verò tota Regna & Provinciæ in cinere favillisque redigendæ. Indies, inquam, bella gliscunt, majorque armorum

armorum metus per finitimas terras & nationes
 circumfertur. Ut non tantum nos Belgæ & Bata-
 vi inter cædes & incendia versemur; sed populi
 Universi, excitis ab imâ Inferni sede Furiis, cru-
 delissimè inter se collidant. Proximâ ætate, cu-
 jus mali recens memoria nos habet, quantum de-
 trimenti terrâ marique acceperimus, frustra est,
 hoc loco iterum enarrare. Novimus vulnera no-
 stra & Cicatrices, quæ etiamnum doleat tot mi-
 seris colonis, terris suis Fortunisque ejectis.
 Quando illustra Belgarum Auspicia infelicibus
 tenebris objecta; Gloria nostri nominis apud pe-
 regrinas Gentes non tantum extincta. Hinc in
 fugam & formidinem dati: partim ab inimicis
 Britannis; inde, quod maximum est, ab ipso di-
 vini Numinis furore ac indignatione, cælique tem-
 pestatibus, in scopulos infelices impacti, deleti,
 oppressi. Tanquam lusus & ludibrium facti cun-
 ctis Naturæ Elementis, Aëri, Aquis. Classēs no-
 stræ maritimæ, virtusque pristina, cognati no-
 bis Oceani, nescio, quàm nefando nuper Fato oc-
 cupatæ, magnâ pro parte interierint. Ut in om-
 nes pariter Scyllas & Charybdes visæ incurrere.
 Nbn uno tunc nobis Naufragio, per omnes Ocea-
 ni Oras & littora, comparato. Ipsis animis, ip-
 sâ antiqua Batavorum Virtute & robore, prô!
 dolor! unico ictu & impetu confectis ac contru-
 cidatis. Ut, nihil, hoc loco nunc dicam, de acie
 & pugnis, quas in proximis finibus Fæderato-
 rum, cum nefario Sanctorum Sæctatore, Episcopo
 Monasteriensi, ad opprobrium nostræ Gentis
 & nominis, nuper commisimus. Quando ille in
 meditullium ipsius penè Frisiz immissus, mag-
 nam agris populisque vastitatem induxit. De
 cujus audaci proposito nulla unquam postero-
 rum memoria conticescet. Quam immanem
 tyrannidem ac truculentiam nunquam im-
 punè,

punè , spero , PATRIÆ PATRES ,
 Potentissimi DD. ORDINES , patie-
 mini. Quamdiu enim nostratibus vivus in pe-
 ctore sanguis , & plumbeus in arcâ nummus ,
 tam diu quoque nostra in illum rabies & ira me-
 ritò exasperari debet. Qui plusquam improba mo-
 litione ac studio , sine indicta causa , sine ullo su-
 scipiendi jure bellum nobis , ne per somniū id ex-
 spectantibus , non sine summa injuriâ , nunc in-
 fert. Quare meritò dubitē , an majoribus unquam
 periculis nos Belgæ obnoxii , quam ætate supe-
 riore : cum sine milite , sine omni castrorum dis-
 ciplina , sine Auspiciis , penè & Ductore , sine o-
 mnibus Militiæ sacramentis existeremus , Tunc
 Ille unius Regis Britanniarum dolis ac insidiis
 illectus , nos imparatos infestissimis copiis oppu-
 gnavit , Qui , profectò , Optimo Maximo in cœlis
 D E O , cujus ministrum se profitetur , magis uti-
 lem præstare operam potuisset , si apud Aras &
 pulvinaria , sacrorū studio animū devovisset. Sed ,
 injuriam facere , id demum esse imperio uti , exi-
 stimabat. Ubi , ubi nunc Vos , quondam in Bel-
 gio Divinissimi Imperatores N A S S O V I ! ?
 Qui contra Monachum militem , contra Anti-
 stitem inerinem , nunc armatum , copias vestras in
 aciem producatis ? Qui in viscera & medullas il-
 lius Imperii universum vestrum Equitatum infer-
 re deberetis ? Non licet tanti Latronis scelus ta-
 cita cogitatione præterire ; Non exstare tanti fa-
 cinoris immanitas ac recordatio debet , sine iusta
 talionis lege ac vindicta. Non turpissima hujus
 exempli memōria ; nisi vicissim illa sanguine ac
 cæde profanarum Gentium expietur. Nimis in-
 clyta , nimis clara & excelsa Belgarum est virtus ,
 quàm ut hujusmodi Harpyarum foedissimo con-
 tactu & unguibus polluatur. Olim maximo Regū ,
 Magno Hispaniarū Monarchæ vires nostras oppo-

fuimus, tandemque, invitò licet, pacem & libertatem ipsi de manibus extorsimus. Nunc ab uno, prò pudor ! Sacrificulo id pagiemur, ut illustri Confœderatorum Nomini labe & perniciès adferatur ? Speramus in proximo illum esse diem, quando cum pudore & turpitudine ad suum Gregem & Claustra se recipiet. Ac jure tunc oderit male ominatum illud tempus, quando in vicinorum suorum agros, tanquam insanus catulus Leonum, cum immani furore ac injuria irruperit.

Sed, video HH. *Audd.* COLLEGAS meos, Utrosque Vates & Poëtas, de Bello & Pace Orationem velle instituire. Utinam ! utinam ! illi Ambo suis numeris & Eloquio feliciter id efficere possint, ut, post immanissimas Furias, reducem in terras, de coelo, PACEM musis & Republicæ feliciter gratulari possent.

D I X I.

O R A T I O XXXV.

De

B E L L O.

Habita ab

EP'EO ab AYLUA.

Nobili Frisio.

HAënis innumeris cumulavit cladibus agros
Finitimos Bellona furens, mediumque per
æquor

Ivit,

Ivit, & æratas maculavit sanguine puppes.
 Tela, tubæ fremuere cavæ fremuere per altum
 Armorum strepitusque virum, micuere sagittæ,
 Et diræ per inane faces, mediasque per undas
 Præcipites hæfere rates. Resolutus habenis
 Mars sævus stetit ore fremens, gentesque per om-
 nes

Spiravit belli rabiem; tonuere feroces
 Albionum de stirpe duces; laxata cavernis
 Ivit in hostiles ardens discordia flammæ.
 Non Belgas furor iste tenet, non Barbarus iste
 Insedit Batavos sensus; non improba Martis
 Fulmina, non belli rabies hæc nascitur orbe
 Non cruor hos populos, non sanguine et ossibus
 arva

Strata juvant toties nec frangere in æquore clas-
 ses.

Sed pacis nos raprat amor, quo vindice quondam
 Belga triumphales evexit ad æthera lauros.
 Exsurgit tum flava Ceres. Galatea per agros
 Formosis decorata rosis, armenta Gregemque
 Insequitur, Corydon læto se rure beatum
 Æstimat, & pacis redimitus tempora olivæ
 Tum pascit Melibæus oves; meditatur avenæ
 Threïciâ carmen Phyllis. Philomela per auras
 Voce canit prædulce melos, turturque gemiscens
 Spargit mille sonos, tollit se remige alaunda
 Pennarum, & dulces deducit pectore voces.
 Exultat divina Themis præcincta coronâ.
 Mellitum tunc fundit epos, tunc pollice Apollo
 Nobile pulsatebur. Sophiæ venerabile templum,
 Er Phœbi delubra patent, interque Camænas
 Pallas ovar, completque novo modulamine syl-
 vas.

Tunc aperit pulchros Helicon cum murmure fon-
 tes,

Tunc Cyrrha patuere sinus, per florida rura,

Perque domos Superum, magni per Regna Tonantis.

Tunc lati fulsere dies, tunc corpora nostra

Aferæ faciles perfundunt nectare dulci.

In Batavis, nil quàm jucunda nomina pacis

Fas olim celebrare domi, celebrare forisque.

Sed nunc tanta jacent rerum molimina Belgæ,

Et spes vix superest cœli melioris & auræ.

Omnia sub Martis rabie, sub tristibus iris

Ingeminant miseros terræque marique tumultus.

Pieridum Pia turba filer, squallentque coloni,

Abducti patriis arvis, & limite dulci

Majorum, nulli veteres fas visere fines,

Aur delubra Deum solito venerarier auro.

Omnia luctus habet, mediis dum rursus in undis

Albionum Leo sævus agit, pontumque profundum

Dum ratibus percurrit ovans : dum Martia scandunt

Æquora veliferæ puppes, multoque cruore

Inficit audaces Neptuni fluctibus aras.

Nondum ira hæc se sistit aquis. Vis improba Martis

Per terras pontumque volat, tutosque penates

Conturbat, tollique avidos per sidera luctus.

Sic tandem Eo solis radiantis ab ortu

Bellorum nos ira premit; procedit ab antris

Papæ de stirpe lupus, sacrataque solvit

Fœdera, & audacter depromit tela pharetris.

Spreta jacet pietas quæ quondam in honore, jacetque

Divini ritus majestas incluta, pro pudor! aræ,

Et delubra Deum tanto sub iudice tristi

Stant damnata iugo. gaudet cerrare sarissis,

Et maculare manus in fonti sanguine Mavors.

Nec *Monacho* pudor est acies committere ferro

Vulnifico; & gentes varias fœdare cruore.

Sanguineas sumit phaleras, arisque relictis

Anti-

Antiquis, movere arma furens, galeasque tubasq;
 Pestiferosque globos Non Martis noxia tela,
 Non belli vexilla timet; per saxa per ignes
 Seminecesque viros, inter tot busta cruenta,
 Sublimi Dux gaudet equo. Batavumque per agros
 Impavidus sua castra locat, validasque cohortes
 In campum deducit ovans, nec sanguinis horror
 Hunc potuit placare Ducem, per viscera ferrum
 Torquet, & innumeris peragit cum cædibus avū.
Frisiadam prædatur opes, incendia miscet.

Per nostros furibundus agros; furit acer in armis
 Nil lethi mortisque memor, calidumque cruorem
 Lambit, & hostiles haurit ferus ore furores.
 Succrescit Martis rabies, majoribus ausis
 In ferrum lethale ruens; conspirat in iras
 Thesiphone, rabidumque ducem, lætavit Erynnis,
 Uberibus, ceu lacte novo quem nutriit ORCUS.

Mæret flava Ceres, nec jam velut ante solebat,
 Exerceat sua rura Pales. Non cantibus Ægle
 Balantes delectat oves: ast ossibus albis
 Inde micant campi virides, fluit undique latè
 Belgarum per tecta cruor. Nunc omnia luctus
 Turpis habet, dum Papa ferox adolescit in armis.
 Væ, *Groninga*, tuis excelsis mœnibus, in quæ
 Raptor milvus agit pennis victricibus, & qui
 Fundere humo tentat, cunctosque involvere flammis

Frisiadas. Illos nostro sub cardine natos
 Æternis Erebi, stygiisque efferre sepulchris.
 Est nusquam nunc tuta fides, terræque marique
 Fervere Martis opus, prædas hic Mulciber ardens
 Impavidus per rura rapit. Gemit inde juvenca,
 Inde gemunt armenta domi, stabulisque sub ipsis
 Infandum queritur grex sub latrone luperco.
 Per tot colla virum stringit sua tela, facesque
 In eadem prædamque jacet. Matrona pudicæ
 Illacrymat natæ Thalamis, patremque domumq;:

Cernit in invisos cineres flammamque reverti.
Undique Mars terret cives, plangoribus ædes
Famineis resonant alibi. Timidæque Puellæ,
Hic rutilas fudere comas, Juvenesque lacertos
Corporibus lacerant propriis, crudusque per omnes

Incedit dolor iste lares, miseroque tumultu
Omnia miscentur, dum trux Mars surgit in iras.

Nuper in æquoreis fremeret cum Belliger undis
Hesperia de gente Lupus, cum innare profundum
Tardigradas classes, ornata palatia quondam,
Vidimus, & virides tranare per æquora montes.
Tum Batavum surgebat honos, variosque triumphos

Tunc auxit Bellona favens, multosque per annos.
Belgica perpetuum pugnavit Marte secundo.
Hesperii cecidere Duces, cecidere Carinz
Quas vinci non posse putes. Tunc Pergama summis

Sternuntur Fabricata Diis, & mœnia summa
Vix nunquam ruitura ruunt. Cecidere Philippi,
Quos metuit tunc Belga potens, ultraque Britan-

nos
Victores stetimus Batavi, cum bella moverent
Nassovidum de stirpe Duces. Et Trompius ipse
In mediis tunc staret aquis. Ductoribus istis
Belgarum quondam pulsavit sidera virtus.
Tunc terror fuimus populis gens proxima cœlo
Belgica, & extremos in prædam vertimus Indos.
Mutata est fortuna fori. Nunc Belgica magno
Auriaco ductore caret: nunc Æther & undæ
Adversus nos bella movent: è nubibus atris
Ventorum nos ira premit, cæcisque piorum
Auxiliis nudi pelago obiectamur iniquo.
Inque novos casus ni vis divini or obster,
Servamur cuncti, ridendaque fabula mundo
Sic tandem fient Batavi Batavumque Nepotes.

Bellorum

Bellorum has sed *Belga* minas tantosque fu-
rores

Despice, & oppositos i contra fortiter hostes.
Armorumque faces jaculare in *Pergama* celsa,
Vulturiasque acres, quondam qui sanguine nostro
Infestis luimus *Superis* cum vulnere pœnas,
Tandem iterum victis his gentibus, arma paran-
tur

Nobilium, & resides animos in pulvere *Martis*
Post totidem clades rursus ostendemus evantest

Tu Deus alme, precor, nostris conatibus æquus
De cælo adspirare velis, Batavumque salutem
Auspicio meliore foris, melioribus astris,
Defendisse domi. Nec tanto sanguine parta
Quondam Libertas in pradam cedat iniquis
Hostibus, & nomen Belgarum illustre, decusque
Uni sit spoliū, aut Monacho, regere Tyranno
Serviat infelix. Da nobis pristina virtus
Dignos Marte animos, & pectora fida ministret.
Ut rursus qua damna tulit gens proxima cali
Sideribus, victrix caput inter nubila tollat;
Artificesque mali divisos orbe Britannos,
Nobiscum in tutam cogat descendere pacem:
Aut armis, & jure manus, post vimque dolosque
Imperio premere, & victis imponere leges.

D I X I.

ORATIO. XXXVI.

DE PACE,

Habita à

MATTHIA ROTTERDAM.

Amstelod:

Quid mea lethiferis Regna infestare quadrigis,

Quidve faces, & saxa paras? quid murmure terræ,

Et rauco clangore fremunt? tantumne malorum
Ardor, & horrendæ pollent, Gradive, secures?
Tu Phlegetoniceis mundum complexus habenis,
Cæde Thetin, Vestamque moves, tu sceptrâ potentum

Polluis armorum maculis; Regesque Ducesquæ
Dira procellosi subeunt discrimina belli.

Labitur Herculeis per te munita columnis
Arx æquæva polo, manibusque extructa Gigantum

Ære tuo fabulata ruunt, quæ sita per ævum,
Et longo intereunt attrita æraria censu.

Non cerebro scopulos parvi lactentis acutos
Dextra furens maculasse timet, non pectora matrum

Et roseas laniasse genas Juvenumque senumque,
Ardua sanguineo pertundere tempora ferro.

Hic plorat natum Genetrix, hic mœsta nirentes
Diffundit matrona comas, quæruloque susurro
Tecta, fores, delubra sonant, gemitusque cadentum

Attonitas miseris feriunt ululatus auras.

Hic pelagi tormenta tonant, & transstrâ, forosque
Fla-

Flagrantes forbere faces, pretiosa supellex
 Ceruleis se ostendit aquis, nunc cernitur altâ
 Strage virum cumulata ratis, ferit Æthera cla-
 mor

Nauticus, obducto spumant freta versa cruore.
 Jamque procul diris graditur circumdata mon-
 stris

Per segetem Bellona ferox, sylvasque virentes
 Exurit, carpitque rosas, rubigine prata
 Deficiunt, squalent lymphæ, permansit in her-
 bis

Lutor, & erepto languescunt lilia succo.
 Concurrunt funestæ acies, gladiosque coru-
 scant

Armigeri per inane duces, quassantur ubique
 Terribilis cristis galeæ, strepituque rotarum
 Mania, & ærati mutant in limine postes.
 Membra virum mutilata ruunt, per lilia, flores
 Semianimes volvuntur equi, non stagna pa-
 dux

Corpora conclamata tenent, totoque profundo
 Cæforum exuviis exuberat unda Caietri.
 Sternite membra ducum, victricia tollite signa
 Dilectæ Mavortii animæ, vibrare sagittas,
 Et resonent ferale tubæ, vocesque cadentum,
 Et gemitus super astra fremant, castella Pha-
 langes,

Oppida, & æriæ superentur milite turres.
 Præda viros opulenta beet, per aperta vagentur
 Atria, successusque novis successibus adsint.
 Hic laudis maleficus amor, rabiosa nocendâ.
 Gloria, velocesque ferunt hæc gaudia venti.
 Pacis major honos, pacem cœlestia circum
 Castra faces, & tela locant, multisque trophæis
 Bellonæ, ramus potior felicitis olivæ.

En ego pax tranquilla, Jovis de limine sa-
 crum

Et genus, & sobolem refero, mihi Regia Juno
 Mater, & aligerum turmæ comitantur euntem.
 Non mea nimboſq; perrumpunt teſta procella,
 Non Mavors mucrone ferit, non ferræus imber
 Ingruit, aut rapidæ volitant ſuper Æthera flammæ.

Me pietas, ſecura quies, me vindice terras
 Ocia largæ beant; nullo tremefaſta tumultu
 Regum ſceptra vigent, toto fluit agmine rivus
 Nectæis, & celſa diſtillant mella cupreſſo.
 Redduntur furia tenebris, cum crinibus Hydræ
 Tanariis ſe mergit aquis, formidat Erynnis
 Peſtiferas aperire fores. neque letifer Orcus
 Unanimes ad bella premit furibunda colubras
 Aleſto Amſancti nemeroſâ vâlle recondit.
 Luce poli meliore micant. Saturnia ſurgunt
 Sæcula, & æterni patet indulgentia veris.
 Ipſa Quirinalis legio, cætuſque Quiritum
 Mavortis ponunt phaleras, cinſtuque Gabino
 Velatus miles graditur, bellona triumphos
 Spernit, & Eridani ludunt per prata Jugales.
 Mutantur vexilla togâ, belliqueſecures
 Conſulis ante pedes recubant, Galeamque remo-
 vit

Mars pater, & ſævo loricam peſtore rumpit.
 Non vigil excubitor celſâ de rupe furentem
 Proſpicit Hannibalem, neque ſubruta mœnia
 flammis

Exultans aſpectat eques, non commoda caſtris
 Gens peritur furibunda virum, ſed Martius hæ-
 ret

Currus, & albenti ſe cingit victor olivâ
 Flôre novo veſtitur humus, temerata cruore
 Semina terra refert, ſiccati fulmine fontes
 Cœruleas revocant latices & rore maritant
 Arentes ſtillante roſas, color omnia verimis
 Inſcit, & tenero turgent in cortice gemmæ.

Oſtendit

Ostendit se flora Ceres, redimitur Aristis
 Almus ager fatuque tumet justissima tellus,
 Hic rubet Assyrios inter Narcissus odores
 Hic violis Hyacinthus adest, hic lilia, flores
 Purpureo splendore micant humileque myrica
 Errantes retinent viridi sub fronde capellas.

Sternit iners curvo terram molitus aratro
 Agricola in campi stipulis, montesque per altos
 Lanigeras imitatur oves, ubi punice fontes
 Humida perspicuis irrorant gramina lim-
 phis.

Dulci sonæ modulantur aves, & turtur ab ulmo
 Effundit mihi dulce melos, facileque cicadæ
 Sæpe levi somnos hortantur inire susurro.
 Undique tuta quies oritur, per lustra ferarum
 Intactæ pascuntur oves, fovère molossi
 Securum blandi leporem, secura vagatur
 Tygris atrox, sævique fremunt impune Leones.
 Hic Nymphæ satyrique canunt, Amarillida mon-
 tes

Hic Coridon resonare docet. cum Phillide Thyrs-
 sis

Ilice sub nigrâ recubat, virgulta canoris
 Vocibus halcyonem resonant, rura hostia felix
 Circuit, & lææ referuntur in horrea messes.
 Exultat per rura pecus, saxa horrida, rupes
 Ad pacis se sacra movent, syivæque videntur
 Fronde virere novâ, nutant ad inutua quercus
 Fœdera, & omnigeni ludunt per præta colores.
 Nuper in Alpibus steterat quæ rupibus almis
 Perfreta Nepiuni volitat petit uncta carina
 Alterius convexa poli, totoquæ profundo
 Errat, & immensos piceo secar unguine fluctus.
 Præbet odoratas alio sub sidere dives
 Indus opes, lateque auro gravibusque smaragdis
 Limina celsa micant, Arabumque ex divite ven
 Stat casæ matura seges, nunc mitis amomi

Nectareus prorumpit odor, Panchæaque surgunt
Cinnama, & Assyrio fucantur murice vestes.
Mercurio salis unda patet, sub cardine rerum
Terrigenæ sua vela locant, totumque per orbem
Moschus, Persa, Danus, Regni sacra pandunt.

Ipsa palatino crescit reverentia monti
Et Pallas præclara nitet, reducesque salutat
Jam melior sic musa Deos, lætatus Apollo
Desuetum modulatur epos, nunc pollice honesto
Fila lyræ neglecta ferit, revirescere laurus
Cernitur, & solidæ spirant præfagia rupes.
Nymphis Phœbus adest, & prisco flore Minerva
Tot circum delubra videt, stipatur alumnis
Pegasidum, pleno pandunt sua templa Camœnæ
Limine, & aëriis cinguntur numina Pindi
Culminibus, Cælique Themis super astra locatur.

Nec non aurati Proceres, turbæque togatæ
Jura legunt, legesque probant Oracula vates
Supplicibus pandunt populis, priscæque Senator
Majestate virens, virtutis claustra resolvit.

O dona admiranda Dei! miranda facultas.
Temporis! o series non intellecta salutis!
Salve clara Deum, salve dilecta Tonanti,
Et terris Regina favens, salve inclyta Musis
Gloria, Aoniæ felix Patrona Minervæ,
Tu furias Erebi, tu diri Tartara Ditis
Et quicquid ferale domas, te tristia Martis
Fulmina, & immites metuunt temerare sarissæ.
Te votis Populi, te magni turba Senatus
Et celebrat Regale jubar, tibi Belliger arma
Subdidit, & massas sibi successisse triumphos.
Auspice te validis fulgebat Belga columnis,
Et nomen super astra stetit, cognata tenebat
Sidera, & excelsum caput inter nubila fixit.
Hærebat sub sole novo, potuitque per æquor
Hesperios terrere duces sua carbasa vastis
Diffundit violentus aquis, non India ferro

Non

Non Ligurum valere minx, tripidique Britanni
 Undique conspicuos Baravi mirantur honores.
 Quin etiam magni quondam capitolia Galli
 Belgarum arrisere aquilis, tantisque cruentus
 Succubuit Mars ipse viris. Non *Abbatu*, Agmen
 Non *Monachi* fremuere tubæ, sprevere furentes,
 Inrepidi Auriaco sub dictatore Philippos.
 Non tulit has Belgæ Phaleras populator iniquus
 Albion, & tantas incassum exsurgere Lauros
 Invidit Bellona furens, mox tela, sarissæ,
 Bellorumque arserè faces, terræque marisque,
 Et Cæli coiëre tubæ, sylvæquè sonoræ
 Ingeminant tantæque metunt exordia laudis
 Et modò qui augustas flexit sublimis habenas,
 Atque orbi sua jussa dedit, cui celsa potestas
 Et grave fulmineæ majestas infremit iræ.
 Vix sibi depositis successit Laurea feris,
 Et galeæ siluere truces, vix mitior ausus
 Mars clypeum mutare togâ, fortuna favorem
 Subduxit, placidisque ratis, submergitur undis.
 Hæret victor iners, & summis stare recusant
 Belgis fata diu, mutat feriente ruinâ
 Ilium & æriis labuntur Pergama flammis.
 Torpent fama, decus, tantisque parata triumphis
 Nomina Scipiadum, rumpuntur nescia vinci
 Mœnia, belligeræque rates, jam malus & auræ
 Impatiens antenna gemit, jam transtra, forique,
 Rumpuntur, vastoque ruunt ludibria ponto.
 Fugit prisca fides, fugere antiqua parentum
 Sæcula, & alta quies, coëunt in mutua fratres
 Vulnera vicinique nocent contagia sceptri.

*At tu, magne Deus qui tela & acerba potentum
 Pectora voce premis, durique edicta Tyranni,
 Et Regum diadema probas, cui spicula dextra
 Vibrat, & æriis armas tua sceptrâ sagittis.
 Te supplex en Belga petit, tua rebus in arctis
 Numina poscit iners, non ut violentus Araxen*

Aut astrum proculcet ovans. Pharetrataque castra

Exuperet gressusque aliis ut figat arenis.

En miser immeritis ut circumvolvitur eheu!

Cassibus, & diris disrumpitur nudique belli

Fulminibus, tantosque neget tolerare labores.

Eia, age, & intrepidam porrexeris Æthere dextram,

Auxilio succurre piis rapidisque furentum

Eripe bellorum furis, tibi sola salutis

Prasidia, in te omnis Gens inclinata recumbit.

Tu residens curru volucris, redimitus amictu

Grandinis horrissono montes fulgore solutos

Concutis, & rapidis contorto vertice flammis

Terra sonat, panditque avidum chaos alta vorago,

Ergo etiam nostris facilis Pater annue votis,

Et tellus tremefacta sonet, studiosa nocendi

Pectora sterne furens, cælique acta favilla.

Agmina, & immensa subeant vaga Tartara turma.

Et tandem armigeri proceres bellique potentes

Bellona potant Phaleras, inimica facessant

Prælia, legiseris stipetur curia castris.

Hæc tua, quæ stygiis Ecclesia mersa tenebris,

Indefessa rogat, caput olia subruta flammis

Et Proceres, civesque petunt, despectaque Phœbi

Limina, & inrisa Martis delubra Minerva

Farre litant, & Thure tibi, Pindique relicto

Culmine, sacra, lavas sub Cæli umbræ relinquunt.

Ergo age, magne Deus, cui vis & summa potestas,

Quem tellus, atque astra tremunt, confringe furentum

Fulmina, & aligerum Cæli de vertice turmis

Bellantum vexilla premas, pudor ora coloret,

Exanimæque ruant, consternatque furoris

Turbine, cœni ventis stipula, volvantur inanes.

Et

*Et tandem horrificas infausto Marte tenebras
 Pax nitido fulgore fuget, revirescat adempta
 Gloria Scipiadum, priscoque in vertice laudum
 Musis clara novis ALCMARIA nostra trium-
 phet.*

D I X I.

Hæ tres antecedentes Orationes sunt habitæ
 ALCMARIÆ Examine Vernali
 CIO. MDCLXVI.

O R A T I O XXXVII.

De

B E L L O.

MATTHIAS ROTTERDAM,

Amstelodamensis.

PEnè sibi reduces, superato Marte, Camænas
 Vidisset jam Belgæ diu, Pacisque beatæ
 Fulisset coeleste jubar, placidæque quietis
 Sacra saluiferis patuissent limina donis.
 Sub Quarum Auspiciis antiquæ stirpis imago
 Neptuni repetit populos, & prisca virentis
 Bataviæ laus alta nitet, memorabile Belgæ
 Nomen ad astringeri pervenit culmen Olympi !
 Pervolat immensas, nullo retinente, cavata
 Pinus aquas, lateque Indi, latebrosæque Thule
 Littora raduntur populis Hic mitis amomi,
 Hic Casæ prorumpit odor, penitusque remotus
 Persa per innumeros diffandit marmora terras.
 Pectine arundineo tenebrôsâ pastor in umbrâ
 Indoctum potrudit epos, rapidisque molossis

Immi-

Immites sectatur apros, lactisque coacti
 Copia Regales epulas, mensasque Coronant.
 Cuncta polo meliore fluunt, terraque marique
 Terrigenis elemeta favent, Mavortie feroces
 In sylvis pascuntur equi, galeamque remotis
 Appendit miles
 Sacra Dei delubra stupent, Spatiosa nocendi
 Curia pacificæ ramo mutatur Olivæ.

Sed vetuit turbata fides tibicine tali
 Stare diu Variæ pestes glomerantur in unum
 Tartarei de fonte lacus. Discordia, Livor,
 Atra fames, luctusque fremunt: crinita Megæra
 Castra furens rabiola vocat, laxare barathrum
 Alecto feralè juber, Stygioque veneno
 Et flatu violare diem. Concussa remiscunt
 Atria, vibratisque ruunt radicibus arces
 Undique trux galeæ fremitus, creperique duelli
 Ecce repens mugire fragor, furialibus armis
 Turritæ flagrare rates, disrupta fatiscunt
 Mænia, Mavortisque novus calor urbibus errat.
 Improba per medias graditur Bellona phalanges.
 Incultis horrenda comis: quam plurima circum
 Fulmina, flammiferæque faces. Comitantur
 euntem

Bellorum rabidi comites. simulachra sequuntur
 Pallida, millenisque Erebi fera pullulat Hydris
 Tolluntur vexilla Ducum, furibunda pererrant.
 Agmina florentes violas, tepesacta cruore
 Terra dolet, passimque viri sternuntur atroces
 Ense virum, vastoque æther clamore remugit,
 Tela, faces per inane volant. per castra potestas
 Imperiosa tonat. jaculis onerantur acutis
 Terribiles cristis galeæ, lethoque cadentum
 Undique rura gemit, totæque incendia gentes
 Eruçant, belloque ætas se devovet omnis
 Hic prædo horrifonis infert sese arduus armis
 Sudanti tremebundus equo, violentior ausus

Perque

Perque hostes & tela furens, quem Marte cadentem

Aleſto fovit gremio, teneroque Megaræ
 Ubera quæſivit fletu, linguisque Ceraſtæ
 Inſtarunt lethale malum, ſtudioſaque belli
 Fulmina collectis docuit Styx æra figuris.
 Hic pecudum fibris, neglectâque ABBATIS
 aulâ

Arma amens & tela capit, patefacta recludit
 Tartara, Deformesque ciet Phlegetonris arenas.
 Jam quoque quæ nuper latitarunt monſtra Barathro

Ad clypeos & caſtra ruunt, contraque piorum
 Conjurant turmas Furia: miſcentur Averno
 Sidera, præcipientemque trahit formido Bootem.

Hæret Belga potens Gens nescia fœderis, exlex
 Propitio Mavorte furit, ſtravitque Sionem
 Contemptrix Inviſa poli. prô! concidit ille
 Battaviæ florentis honos, rapidæque phalanges
 Signa piis adverſa ferunt. Librantur in iſtum
 Sceptra Ducum, Batavosque premit Bellona Leones.

Fertur in abruptum priſco ſpoliata magiſtro
 Belgarum æmola rates. per aperta vagatur
 Æquora, & immites, ignoto tramite fluctus.
 Hei mihi! quò priſcæ vires! quò Marius ardor
 Se tulit, & fortes animæ ſua brachia verſant?
 Non ita veſano ceciderunt caſtra tumultu
 In Ligurum directâ ducem. Non fulgida ferro
 Agmina ad Auroræ thalamos, cum viribus audax
 Mole ſuâ ſtaret populus, nullasque furentum
 Horreret trux Belga faces, turritaque ſummis
 Impoſuit caſtella jugis, cum latus ahenis
 Torperet Nilus galeis, Tigrisque cruore
 Siſteret, & cladem fieret glacialis Ierne,
 Sole ſub occiduo, cælique in margine
 Fortunâ famulante ſtetit, dominosque duceſque
 Nos

Nos dixere truces populi. Fera turba Getarum
Mania Battavicis suâ submisere Catastis.

Non ita Nassovii quondam præscripta mone-
bant

Non Trompi virtus. Quorum imperterritus ardor
Non passus suadere fugam. Cum fortibus armis
Europam junxit Lybiæ ; per vasta cucurrit
Æthiopum, cinxitque novis nova mania castris.

Sed , tamen antiquas patrio de sanguine vires
Nondum Parca tulit , nondum mens nescia cogi
Sub Lachesis ditione silet. Stat fortior ausis
Belgarum temeratus honos , & saucius ictu
Impavidus mover arma Leo , desuetaque dextrâ
Tela , furens, graviore rapit, per castra per hostes
Indefessus ovat. Nullâ cessabitur horâ,
Nulla viros retinet glacies , non dira domabunt
Fulmina Mavortis rigidi. Reverenda recurret
Majestas, Lethique ferent de faucibus Urbes.

At tu, Borbonii Soboles, quo vindice dudum
Austriacæ fremuere tubæ , cui Maria pubes
Arctois famulatur aquis , terraque marique
Imperium toti stat formidabile mundo,
Auspice Te nunc Belga furit ; vexilla triumphis
Exornat, Rex Magne, tuis. Nunc comua cantu
Ære tuo meliore sonant. Rabiosa Britanni
Agmina , & immites Monachi adspernatur habe-
nas.

Vota tuum diadema petunt , placataque jungunt
Fœdera Belgarum Procures , Civesque ducesque
Exultant isto Martis munimine cingi.

Tu quoque in extremis Boreæ , Rex maxime,
terris,

Quem Codani potor , lateque in finibus Orbis
Extremi , metuunt glacialia sidera Cali,
Totaque Barbaries sub pellibus aspera pubes.
Huc acies, huc Castra refer , renovataque Belgis
Fœdera stent immota tibi ; perge acer in altas

Albio-

Albionum saxite rates, & pectore eodem
Agmina, & indomitas jam laxa fortiter iras.

Nec,

Tu Gothorum, precor, impavidissime Ductor,
Belgarum gravis esto Aquilis, cui vertice cristæ
Et galeæ trux horret apex: Quem Vandalus acer
Et Finni cingunt pharetris; cui tela Borussus
Suggestit, & rigidis horrescit Lappio castris.
Nunc belli tormenta tonent, nunc dira metalli
Ora fremant, surgantque jubæ, vexilla, sarissæ
Extollant sublime caput; nunc bellica virtus
Gothorum, Sueconumque micet. Quos fervidus
hostis

Provocat, & rabido latè clamore laceffit.

AD DEUM OPT. MAX.

At Tu, Calituum Rector, qui Martia Regum
Nutu corda moves. Belli cui tela, facesque
Et Martis famulantur equi, supraque Potentum
Rebora, flammis feris expugnas oppida castris.
Ad te Belga venit, rapidique ad limen Olympi
Pectoris effundit gemitus, disruptaque fatis
Pergama & exustos ostendit fulmine campos.
Tu bellare doces. Miseros quicumque laceffit.
Hos Tu fundis humi, trepidosque manu Tu disjicis
hostes.

Per Te Gens Isaci quondam Pharaonis iniqui
Subduxit sua colla iugo. Sublime Gigantum
Perfregit tua dextra caput. Teque auspice diri
Indita membra Ducis stricto mucrone resolvit.
Zisara millenis stipatus arma quadrigis
Voce tua trepidavit iners, rabidoque furore
Antiochi domuit trux Macchabeus alumnos.
Ergo etiam; Rerum Domitor, nunc sacula cernant
Indomitum nihil esse piis. Tu tendere Gentem
Tela, Pater, doceas solido fulgentia ferro.
Hostibus intrepida confringere spicula dextra
Protege Tu Solymæ turres: sic imbuet aram

Agræ

*Agna tuas, tandemque avidis resoluta furentum
Vnguibus, Ego Tibi Belgica Thure litabis.*

DIXI.

CIO IDC LXVI. *privatim
habita*

ORATIO XXXVIII.

De

TRISTI LITERARUM FATO.

Habita à

JACOBO GROEN *Alcmariano.*

Magna H: A: in hac vanitate mundi mortalium pravitas, socordia: qui, nescio, quâ vesaniâ, quo malo genio ducti, præclarum sapientiæ studium, ingeniaque solertissimorum hominum despiciunt ac contemnunt. Adeo, ut pauca in hoc florentissimo Belgio doctrinæ vestigia appareant, quibus nos jure meritoque gloriari possimus. Tanquam in bellum & arma ituri contra divinæ sapientiæ sacraria. Adeo, ut meritò hujus temporis status sit deplorandus, ubi divinum illud scientiæ numen densissimis ignorantiae tenebris involvitur. jacent in pulvere & sordibus liberalium artium studia: Brevi in apertam ruinam in perniciem itura. Nunc pro dolor! divinæ literaturæ fastidium ac nausea hæc invaluit, ut hanc nostri temporis malitiam ac improbitatem plusquam lachrymis deplorare deceat. Pauci enim sunt, qui hanc divinam sapientiæ Majestatem prisco suo nitore restituant, sed qui
scholas

Scholas & Gymnasia odio plquam vatiniāno prosequuntur.

Ut verum ego fatear, nunquam in Belgio nostro data est ad dolendum iustior ratio aut occasio, quam E heu! præsente hoc nobis tempore. Ita ab omni hinc inde latere novis malorum monstris, novis bellorum tumultibus terra marique graviter qui impetiti, fatigati, oppressi.

Sublatis enim de medio bonarum artium exercitiis, omnia tanquam sub fado situ, ac squallore computrescunt. *Luget senatus, maris equester ordo, squallent municipia.* nulla, certè, bonarum. artium studia in suo flore ac fastigio eminere conspiciamus; quando litus circum aures strepunt, quando ferox Bellona semel coeperit, *are cire viros, Martemque accendere cantu.* Utinam! Utinam! nobis in Belgio nostro etiamnum dicere liceret!

Cedant arma toga, concedat laurea lingua.

At silet hæc vox; tacent Musarum sacella, nullus est honos eruditis. Neque est dubium, quando sinistra semel bellorum illa fulmina Remp: concusserint, & nulli suus honos ac reverentia ex iusto habeatur, quin ab hoc fado doctrinæ contemptu prima malorum labe in Remp. prognoscatur. O doctrinæ præstantiam admirabilem! ô perennem felicitatis scaturiginem! ô divinam illam auxæ particulam! quæ ubi semel suos igniculos in bonâ mente excusserit, sui que mortalibus desiderium in pectore produxerit, universam protinus Remp: sua dignitas & splendor irradiat.

Sæculum certe aureum tunc nobis fuit, cum sine labe & maculâ multo divinior esset in terris humanæ vitæ conditio: quando doctrinam ab omni labe puram impollutamque haberemus, quando leges & iura contra omne nefas majorum cum laude proteximus, & ad præclaram sapientiæ palestra

Iestram tanquam, violento torrentis impetu, profecti sumus. Fuit, fuit quondam in suo theatro majore luce videnda eruditio, quâ elegantissima ingenia orbem terrarum illustrarunt. Hoc, inquam, liberalium studiorum perenne ornamentum tam firmas in animo multorum egerat radices, ut nihil fama laudeque dignum existimaverint, quàm ingenium ad decus & gloriam bonis artibus perpolitum. At nunc, Eheu! ad superos Minerva nostra recesset, una cum comitibus suis. Squalent atria Musarum; Esurit Pallas: domi forisque cuncta sapientiæ studia pro vili abjectoque habentur. Omnia in antiquum chaos itura, si candidæ musarum fores se mel oclusæ, & nemini ad divina sapientiæ sacraria aditus concedatur. Quare meritò nos id ex animo dolemus, quod tantus quotidie bonarum artium neglectus, ac vitiorum omnium materies ac mellis reperiat. scilicet.

Nunc Phœbi sacra Tempia silent; dilecta Minerva

Nomina, & in nostram nulla est jam gloria Phæbo. Spemur Aonidum soboles, non amplius ullum Contingit meritis pretium. Nunc omnia retrò Versa ruunt; spes nulla viget, sed livor inerrat Pectoribus, studiisque viram. Jam fama decusque

Exulat, & mediis spirant nunc praelia campis.

Summam, certè, admirationem meretur, quod tam multi hoc tempore hominum inveniantur, qui tam divina hæc studia juxta vilissimarum rerum expurgamenta ponunt, nec literarum illustre nomen à fatali ruinâ & rogis sartum tectumque conservant. Alius laudabilem eruditionis famam in fædo situ & squallore sinit computrescere. Alius lupinâ truculentus feritate rapidos in doctri-

nam

nam unguēs dīstringit. Alius bonam eruditorum famam maligno livore infectatur. O cœca mortalium pectora ! ô cogitationes vanas & inanes ! immane quantum ! desipitis, quod divina sapientiæ domicilia non in debito suo honore ac pretio habeatis. Pudeat, pudeat, inquam qui bonorum illum fomitem ac fontem totis animi corporisque viribus fastiditis, & pro vili abjectoque habetis.

Credo multos eo nomine & genere mortales existere, qui sacras sapientiæ ædes claudere quam aperire cupiant. Si quando omnem vitæ cursum in deliciis, in voluptatibus, in nihil agendo degere liceret. Multi pro dolor ! iam dejecto humilique sunt animo, ut plane omnem ingenii intentionem subterfugiant. In corrupto animi otio, quam in aliquâ honestæ mentis agitatione versari malint.

Nunc capitis plus fulget apex, nunc gloria major

Surgit, & aurati scandunt, Capitolia, curvus.

Illustres virtute viri, quos gloria belli

Præcingit non una foris. Miratur honores

Ipse suos quadrupes, tardoque superbia gressu,

Quam cultas, fastidit humum, nunc Belgæ cruentum

Martem amat & belli furis exæstuat unus.

Nihil præter ruinas miserarum gentium, præter vastationes urbium & populorum, hoc tempore, spectatur. Per omnes nunc ætatum gradus squalor, luctus, lachrymæ, suspiria personant. Domi, foris miserima rerum facies. Adeo ut nulla Provincia, nulla orbis ora, nullus in Belgio locus, quem non sua infelicitas infederit. Bonæ Musæ, quo jure, quâ injuriâ habeantur, multis in promiscuo est. Armorum libertas, summa licentia, habetur. Et, quidni ipsa

sa nobilitas, & pene imperii Majestas. Sub quibus clypeis an animam suam superstitem retinere possit divina nostra Pallas, quis non jure dubitet?

O fatum literatorum triste! quibus non in suppliciis ac calamitatibus vos versamini? Qui tam miseris modis afflicti, ut in communi hoc fastidio ingeniorum nulla pene salus supersit. Iterum dico, libertatis solum bellum & discordia sibi vendicant, sub quibus vexillis sola gloria, & tituli Imperatorum sunt venales. Quod & multi exemplo quotidiano discunt, & malo suo experiuntur. Statim cum Petaso penulas sibi sumunt, & loco eruditi carminis, loriceam & sarissas sibi, & Martis instrumenta, adoptant.

Est meritò, quod ingenui Musarum alumni sortem nostram conqueramur, & hujus temporis memoriam æternum delericiupiamus. Olim quam nostro sub Apolline liberaliter viximus? quam ante vota & desideria nostra pene felices eramus! cum nondum intonaret lævum illud à Tamefi monstrum, quod nunc trepidare facit totum nostrum Helicon. Sed, omnipotens in cælo Deus hanc temporum nostrorum calamitatem habet in oculis. Ille ex alto hæc cuncta videt. Ille modum & terminum quoque præscribit fatalibus hisce mundi astris. Resumamus igitur meliores Musæ animos, novosque spiritus, nec una hæc nubes, quæ omnes nunc nos involvit, plane nos deterreat à spe & expectatione ævi felicioris.

Vos, *Viri Clarissimi, Doctissimi, Musarum Vindices & Assertores Nobilissimi*, nunquam, quaeso, patiamini, ut detrimenti quid capiant Musarum nostrarum sacra. Sed omni fide, religionē, autoritate præsidioque vestro hæc conservate ac defendite.

Illustra dico, animorum studia, quantum per vires potestis, intra mænla & pomaria vestra retinete.

tinete. Ne aliquando extinctâ & deficiente *Pallade togatâ*, etiam *Pallade Armatâ*, sub duplici vestrâ hac lauro, quam olim feliciter fortiterque meruistis, minus gloriosi, æternique existatis.

DIXI.

ORATIO XXXIX.

De

LAUDIBUS BELLICIS.

*Habita à*FREDERICO LUDOVICO MOLL
à NYENBURCH*Nobilis Batt.*

Non perperam egisti, *mi Collega*, quod de felici Augusti sæculo, cujus maximam beatitudinem maximis laudibus deprædicasti, tam disertè nunc dixeris. Quo tempore bonarum artium studia usque ad splendorem maximum efflorescerunt. Quando Musis otia, gentibus pax, omnibus nationibus felicitas fuit. Jure meritoque hæc læta populis tempora exoptas, unumque hoc habes in votis, ut illustres illi dies nobis revertantur, quibus viri literati de præclaro doctrinæ argumento atq; auspiciis gratulari sibi possint. Ego quoque Phœbi alumnus Musarumque cultor maximâ & operâ & industriâ hanc viam ingredior, quâ pervenire possim ad illa

Edita doctrina sapientum templa serena.

At cum aliter, invitis Superis, res esse non potest, tunc fortis animo ad arma eundum puto. Non enim ignavia magna imperia continentur; sed virum armorum faciendum est certamen. Neque enim

enim adhuc degeneres sunt, aut effeminati egregii Belgarum animi. Eorumque virtus, quæ floruit ante, haud etiam nunc remittitur. Nec illa antiqua rei militaris gloria, fides, constantia, animi fortitudo omnino relanguescit. Habemus enim viros bellorum studiis satis expeditos, animis opibusque pro Patriâ extrema omnia experiri promptos paratosque. Hic, hic sunt in Belgio hoc nostro, qui pro rerum usu, pro summâ populi salute, pro aris ac focis, pro libertate, proque universâ Rep. periclitante animi quadam iucunditate contra hostium furias mascule in aciem descendunt.

*Invidi Marte Heroës infractaque bello
Pectora, sub galeis quos tota exercuit atas
Innumerisque favens aluit Bellonâ triumphis.
Non Martem terret rabies, non sanguinis horror
Intrepidus; non mille movent adversa feroces
Tela, nec hostiles stricto mucrone cohortes.
Stet contra licet Aleto, & furialia membra,
Et torvam ostendet faciem, flammisque cornu
Dirigat ardentes oculos, dirisque colubris
Et fados Hydri crines intexta, cruentum
Mugiat, horrifonum quatiens furibunda flagellum.*

*Non movet hac fortes facies, non vultibus illis
Frangitur impavidi virtutis Mavortia Belga.*

Ego à quo tempore primum sacris Musarum studiis me devovi, longè excellentissimam de doctrina opinionem in animum meum induxi, adeo ut pene nihil famâ laudeque dignum existimem, quam ingenium bonis artibus excultum, & sapientia præceptis perpolitum. Nam doctrina tam firmas in animo radices agit, ut illam supra omnes mundi possessiones diligam. In illâ divitias, opes, omnemque rerum optimarum fruitionem positam agnoscam. In illa fortu-

fortunam , gloriam , decusque meum tanquam in immobili aliquâ rupe collocem. At quoniam in omni hâc turbâ ac tumultu castrorum aliter nunc fieri nequit ; pro ingenuis artibus , pro Musarum cultu dura Mavortis arma infracto mihi animo tractanda propono. Non ut præda , rapinæ , belli spolia , quæ plerumque fortuna mortalibus præmia promittit, mihi in oculis sita sint ; verum ut Remp. vitamque omnium vestrum laboribus periculisque meis è flammâ atque ferro aliquando eripiam. Nunquam ego pro Patria Belgarum gloriâ ullum laborem aut periculum expavescam. Est mihi jucunda in malis & grata in periculis erga communem Patriæ salutem voluntas : adeo ut omnes hostium inimicitias , omnes acerbitates , omnes dolores cruciatuque non solum fortiter , sed etiam libenter perferre desiderem , dummodo meis laboribus vobis & Patriæ salutem , pacem , concordiam restituere possim.

*Arma manu capiam , ferroque accingar , &
istis*

*Aptabo loricam humeris ; jam castra sequemur
Accensi virtute ; juvat sonitusque tubarum
Et lituos audire : mihi sublimior aura
Et mentem vis major agunt ; mihi gloria belli
Libertatis amor stimulis audacibus implent
Et furis generosum animum. Non Martius
horror ,*

*Non revocat belli rabies : stat quicquid acerbi
est*

Morte pati , cunctos mihi stat perferre labores.

Sic etiam bellicis operibus viguere quondam illustres nostri Majores qui , ob justam militandi causam , multo labore , multisque periculis gemitu sub orbe inclaruerunt. Hi adversus hostes , quassatis & attritis Reip. opibus , Herculeis se vi-

ribus corroborarunt. multò melius esse censentes emori per virtutem, quam vitam miseram, atque inhonestam, ubi aliena superbia ludibrio fuissent, per dedecus amittere. Adeo ut cogente malorum calamitate, pericula, tela, exdes, incendia, flammam & ignes perpeti maluerint, quam hostibus cum pudore, cum turpi adulatione serviliter parere. Hinc in tantam claritudinem pervenerunt, ut omnes nationes, sub utroque sole, jure meritoque de illis obstupescant. Inter quos vos etiam præcipue eximios habeo potentissimos Reges Principesque qui vestrà justitià, sapientià lentis sub maxillis, lenique manu regitis cives vestros; qui parcitis subjectis, & debellatis superbos. Qui, boni gratià pro patrià ecclesià, & civium vestrumque omnium vità arma suscipitis, nec ad inferendam, sed propulsandam injuriam in aciem fortiter descenditis. Et vobis meritò hæc laudes, *inclitis Auriaci Imperatores Nassovique duces*, imputari fas est. quorum sub auspiciis divinis, ductuque ac infractis animis olim stetimus contra invictissimum Hispaniarum Regem: vestram ego, fortissimè viri, virtutem intuitus, æternis vos laudibus super æthera attollo. Vos veri isti Atlantes, qui cum multo sanguine cives vestros, in ultimum adductos discrimen, ab exitio ad salutem, à desperatione ad spem, à morte ad vitam revocastis; qui forti pectore & armis ex mediis bellorum flammis Patriam in pristinum libertatis gradum restituitis. Qui Remp. eharā illam & communem nostram matrem, ignibus ac flamma & plane faucibus fati tandem ereptam, in optatæ quietis portum, & divinæ pacis possessionem virtute vestra plusquam humana, collocastis. Hæc vestra, *Illustres Belgarum Principes* facta virtutesque præsens ætas verborum encomiis extollit, omnisque posteritas tantorum operum memor eris dum sol

currit

curru insidens per solita puri spatia decurret poli
& solem dies & noctem sequentur astra.

Vos magni Heröes, quos totum fama per orbem

*Factis fideribusque armata gloria dextra
Destinat; partas non vili pulvere laudes
Extollit geminus mundus; tot tadia belli,
Militiaque graves operas, tot pralia forti
Gesta manu, domitasque armis victricibus
arces.*

Vos Patria Atlantes, Assertoresque salutis

Belga vocat; vestro libertas sanguine tuta

Hae vobis debet lauros, Pulsosque Philippas.

Quis enim inter mortales tam unquam ingratus, tam improbus, tam inhumanus inveniri posset, qui non jure illos, à quorum manibus saepe fortissima praesidia tulit, laude coronaret? nemo enim tam ingenio est duro, ac firmo pectore, qui duces generosos, contempserit, qui se libenter pro communi salute hostibus opponunt; qui ferro Patriam fortiter protegent ac defendunt. praesertim tali tempore quando tyrannus ingruit, atque inter armorum telorumque strepitum funus ac tenebras nobis minitatur. Quemadmodum, pro pudor! ipse Britannus, pridem fide amicitia, nobis qui conjunctissimus, nunc hostem acerbissimum se nobis ostendit. Qui communem liberi maris usum, opposita acie ferroque prohibere laborat, qui propter res nostras secundas, bello, post hominum memoriam crudelissimo, nos infestat. Non profecto; viri fortes satisfacere Reip. videmur; si istius furorem ac relati vitemus. Novum iterum bellorum apparatus exhibendi; nova rerum magnarum jacienda est alea, totis inquam viribus insurgendum ad vim hostium sustinendam, ne dulcis Patria sponte sua in cruentas tyranni manus incidat, & libertas Majorum san-

guine parta, truculentis ac iracundis hostibus in
prædam cedat.

*Nunc, nunc tempus adest validis incumbere,
dextris,*

*Nunc manibus rapidis, nunc forti pectore & ar-
mis*

*In medias se ferre acies, densosque per hostes
Ense aperire viam, totisque invadere orantem
Viribus Albionem, qui nunc maria undique
stringit*

*Legibus, imperioque premit, magnoque triden-
tem*

*Neptuno rapit, ac toto tot classibus audax
Imperat Oceano vanoque ad sidera fastu,
Attollit tumidos animos, vocesque superbas
Faciat, Belgarumque ferox cervicibus instat.
Jam ferro quaerenda salus, Batarumque tuenda
Libertas. Si quid quondam fecistis in armis
Illustres Batavi, nunc, nunc præstate parati,
Invictosque animos, priscaque resumite viris
Hæcioraque hæcidas, fortesque ostendite Atri-
das.*

Inter maxime quoque necessaria inprimis provi-
dendum ne disciplinarum ac optimarum artium
studia, in hoc aspero ac difficili temporis articulo
quid detrimenti capiant. Nihil enim me magis in
sui amorem ac desiderium trahit, quam incredi-
bilis doctrinarum splendor, & eruditissimorum
hominum amplissima gloria, quæ inter omnia
mortalia & res ipsas divinas, principatum tenet;
quæ maximum est ad nominis æternitatem com-
parandam præsidium. Atque ista demum arma se
prosperè habent, quæ sapientiâ nituntur, quæ con-
silio in hostem expediuntur. Nihil autem animi
virtus in percipienda exercendaque virtute valet,
si non industria exsplendescat. Semper ubique
magni Duces plura consilio quam vi perfecere :

vis enim consilii expers mole ruit sua. Quare eruditionem (tantum in rebus humanis stabilimentum) præ omnibus, summa ope retinendam puto. *Præstus etiam extinguet ortus, referet occasus diem,* quam patiar divinos illos sapientiæ fontes exsiccare. Verum quando Patria supplex manus suas tendit, tunc & illum futurum me profiteor, qui nunquam detrectabo in tantis Reip. periculis arma capessere, animamque hanc meam cælo acceptam, pro salute communi in ultimum vitæ discrimen objicere; quippe *Dulce & decorum est pro Patriâ mori.* Quare mihi animus & belli cupido in dies magis magisque succrescit. Nimium fortasse hætenus tuti & securi; nimis lenti & desides in virtute nostra exercendâ. *Contemptissima res homines sumus, nisi supra humana nos exexerimus.* Unum hoc insatiabiliter parandum, ut prospera nostra memoriam relinquamus. Hic nihil prodest gloria & sera memoria virtute. Majorum patre, nisi illam per te ipsum tibi paraveris. nec quicquam tibi prodest aviti generis familiarque tuz splendor, nisi per te illam illustriorum feceris. *Aliena est clara stirpis nobilitas. qui genus jactat suum aliena laudat.* Illos nobiles existimo, qui rebus præclare gestis, ad conspicuam lucem ac claritudinem emergunt. Quæ sola est causa H: A: quod illibatis mihi Musis semperque sacris, ab arte ad Martem cupiam pertransire & me cum excellentibus viris pro Rep, pro libertate, pro aris ac focis vivam semper victimam offerre.

Pro Patriâ stat cuncta, pati; tot præmia fama

*Omnem proscribere metum feralis Erynnis
Fatorumque minas spernens, jam certus eundi
Quò vocat indomiti rabies Mævortis & arma
Me rapiunt, sequar impavidus, fortique periculum*

*Commune avertam hâc dextrâ, non dura recuso
Bella pati, Martisque vices. sunt ista gerundis
Pectora nata malis, tolerantque infracta la-
bores.*

D I X I.

CLO. Ioc. LXVI.

O R A T I O XL.

A R B I T R I.

Habita à

JOHANNES PIERIO.

Probe inter Vos, Præstantissimi Collegæ, digladiati estis, quâ viâ ac semita ad summos quis apices summi honoris possit pervenire: æternamque sui Nominis laudem sibi comparare. Tu prime, in hac arenâ egregiè desudasti, ut monstrares, illum veræ felicitatis terminum attingisse, qui relictis rebus omnibus, ipsi Parnasso innititur, & ad Musarum atria improbo labore contendit. Tu alter, pro virili operam dedisti, ut patefieret, motus & bella Batavorum hoc temporis articulo esse longè justissima. Atque arma viam maximè compendiarîam ad Gloriam illis recludere, qui capitis periculo in ferrum ruentes, Patriam contra impios conatus hostium protegere, defendere, & sartam tectam servare conantur.

Meo calculo, vos Ambo COLLEGÆ mei, Spartam vestram & Provinciam præclare exornastis. Tu, qui Musas & Pallada contra omnem injuriam vèndicas, dignus mihi videris, cui non

una Laurus circum tempora revinciatur. Omne & Auspicio tuo qui prorsus divinus.

Ubi enim artes Palladis florent, omnia vident, vigent, atque vivunt, nihilque quisquam sibi non gratulatur de illo tempore quo Musarum studia ritè coluntur: tunc surgunt Saturnia sæcula, tunc pieras & prisca fides redeunt, & Astra relictas sedes suas respicit, quin saxa & solitudines affici videntur solitâ voluptate; ubi Phœbæa mysteria relligiosè tractantur, & artibus ingenuis damnosus squalor ignorantiz abstergitur.

Quare illi homines, si modò hoc nomine digni sint, qui student literas è consorcio hominum ablegare, nonne æquitatem, justitiam, pietatem, relligionem radicitus extirpare conantur? nonne quidquid nos discernit non modo à Barbaris, quibus adhuc semper quædam reverentia est erga scientias, verum à brutis bestiis nos separat, nonne inquam omne hoc student opprimere? nonne nos homines, dum volunt ne animum sapientiz præceptis imbuamus, ursis & lupis immanis, ac tigribus ferociore tentant redere?

Cedo sæculum in quo minus diligenter Musarum artes cultæ fuerunt, è vestigio illa tempora ab omni humanitate abhorruisse videbitis, & omnia Cimæriis barbariz tenebris involuta fuisse.

*Arces Palladiæ quando clauduntur & omnis
Conculcata jaces pedibus sapientia sævis
Tempora barbarico sunt conspurcata veneno;
Non hominum cohibet justæ reverentia mentes,
Non pietatis honor: laxis bacchantur habenis
Vis, fraus, atque dolus scelerum malefunda
libido*

*Impunè fervet, ni pectora Phocidos unda
Aptet, quæ possint metas præscribere vulgo,
Quas intra justis regitur fera turba Lupatis.*

Illa mihi spes est H. A. nunquam tam tristi Saturni sidus nobis appariturum, cum cujus exortu infelici una liberalium artium humanitas & nobilitas sit interitura. Quod ne tamen fiat omnis adhibenda est opera, ut illi, qui vitam suam in Palladis studiis sub pellibus egerunt, debitæ sibi honoribus & præmiis non destituantur. Sed, ut illis semper Princeps in Rep. locus concedatur, alias enim posset fieri, ut, sublatis studiorum præmiis, etiam studia ipsa perirent.

Nec te, *mi Collega* reprehendo, qui, ubi necessitatis dura tela suadent, & Tyrannorum metuenta vis te cogit, tunicâ adamantinâ te tegere, & humerum hastæ subicere ad depellendos & debellandos hostes animo proponis. Imò laudo potius Mavortium alumnum, qui, suâ salute posthabitâ, pro libertatis defensione statuit Martem & castra sequi: sic illi quorum scripta oblivioni subsidio fuerunt, ut facta antiquorum heroum ad nos permanarent, fidem faciunt ab omni tempore denegatâ sibi iustitiâ optimos quosque viros illâ lege quam ex ipsa natura hauserant omnem honestam rationem expediendæ salutis in ferro quæsisisse.

Ita, præsentè hoc sæculo, videmus *invictissimos Ruiteros, & generosissimos Trompios* multosque alios inter mille neces quotidie versari, nequid Resp. detrimenti capiat, neve superbia hostium Baravis timiditatis notam inurat: qui bellicosi duces Fortunatum putant, mortem naturæ debitam pro Patriâ reddere.

Scilicet fas & jus, leges divinæ & humanæ permittunt, si quando impendant procellosa bellum tempora, quæ devitari non possant, ut pro
aris.

aris & focis, pro bonis & fortunis, pro conjugibus liberisque bella suscipiamus, & auspice Bellonâ ferro omnem contumeliam arcere statuamus, ut in Pace sine injuria vivere possimus: hoc enim & ratio doctis, & necessitas Barbaris, & mos gentibus, & feris natura ipsa præscripsit, ut omnem semper vim quacumque ope possent, à corpore, à vitâ suâ propulsarent. Non tamen licet ob leves causas gravia bella excitare; ni graviter Deum offendere, & simul humanas leges evertere velimus; quod faciunt illi, qui ubi nec necessitas exigit, nec ipsum honestum requirit, tantum vanæ gloriæ æstro perciti, aut avaræ cupiditatis stimulo acti, jura pacis profanant & animi causa bella suscipiunt. Sed,

*Cum Patria adversis nutat succumbere rebus,
Atque lares sævi cum loricata Tyranni
Agmina conantur penitus discindere ferro,
Sedibus atque imis patrias evertere terras:
Arma manu capiat quîsquis nec tale timebit
Displacuisse Deo bellum quando urget egestas
Ferreâ, nec liceat placide traducere vitam.*

Vos, Viri Nobilissimi, qui in togâ nunc agitis, agite alumnis sapientiæ nunquam vestra desit auctoritas, ratio, consilium ut habeatis aliquando tales viros, qui usui esse possint afflictæ patriæ, opem præstare indigentibus innoxios protegere, vim & injuriam passis auxilia & opem afferre.

Favete, favete literis & literatis, nec patiamini, ut aliquando oleo Palladis deficiente in tenebras & noctem caliginosissimam involvamus.

Sed, quando Nona jam ætate agitur pejorque sæcula ferri Temporibus vivimus, quando innocentie nihil præsidii est mihi in ferro, agite quoque ut, instar medicorum, graviores morbos asperis remediis curemus. Pro arte Martem adeamus, & alcambelli, duce Deo, comite ferro, fortiter in-

camus. Patria est, quam defendimus, bonâ causa omniumque salus, propter quâ caput periculis obiectamus, & chara illa nutrix & educatrix nostra, propter quam hæc tempestates subimus.

Tempus non est, nec præsentis horæ paritur necessitas, ut nunc omnes in umbraculis Museorum otiosè sedeamus, aut ad maris littora cochleas legamus, sed ut positis pro tempore pugionibus Scholasticis, etiam lateri nostro utile ferrum accingamus: ut hostem & Hannibalem illum qui ad portus nostros est, plurimisque injuriis nos afficit, tandem meritâ vindictâ à cervicibus nostris depellamus. Cuicunque vel calidus in pectore est sanguis, vel tantillum generosi spiritus Patrii, ille nunc Herculeas in animo vires expediat, ut ab illustri Belgarum dominatione labes, super contracta, feliciter iterum amoveatur, tandemque pacem beatam, pacem amabilem votis precibus & pietate nostra ab Omnipotente in cælis Deo impetremus.

D I X I.

*Hæc tres Orationes habita Alcmaria
Examine Autumnali
CIC MDCLXVI.*

ORATIO XLI.

De

LÆTO RUMORE PACIS

Cum

POPULO ANGLICANO.

Habita ab

IOANNE BERRIEN.

Altemariano.

Lætus ille de *Pace Britannicâ* rumor, Nobilissimi Domini Auditores, aures nostras, nescio quâ dulcedine & gaudio perfundit. Adeo ut omnes, qui in Belgio cives sumus, lætissimo hoc nomine novos quasi animos recipiamus. Et pro totidem procellis ac tempestatibus, propediem jucundissimos in Patriâ nostrâ favonios expectemus. Jam dudum saturi tot tristium bellorum, quæ cum vicinis nostris, fide & religione arctissimè nobiscum conjunctis, in totum penè triennium infelicitèr hætenus gessimus. Solus, inquam, Pacis rumor tantâ voluptate nos afficit, quanto metu & formidine detestabile belli nomen miseros unquam Colonos afficere potest, Ut vel minima Pacis ista scintilla, quæ sub tantâ fortasse, mole & cineribus consopita est, universam Europam in meliora tempora adspirare faciat. Omnem bellorum injuriam facile ex animis deleturi, modo benè semel incepta sub concordiz incude opera, prima sua auspicia cum spe boni successus ostenderint,

I P.

Hætenus

Haftenus enim quo loco & periculis positi fuerimus, omnibus in oculos & aurem utramque plenis quasi quadrigis incurrit. Terra marique hostem habuimus, qui Libertatis nostrae hanc sacram vineam noctes diesque ab imis fundamentis everrere & evertere studuit. Qui non suis, quos cunctis gentibus natura rerum limites praescripsit, contentus, etiam Fœderatas nostras Provincias, nefariis suis manibus, sine ullo argumento & causa, in prædam rapere est aggressus. Nusquam enim securi eramus; domi, foris, sub omni lapide Scorpius latebat. Præterquam bella ipsa plusquam decumana, hostem & proditorem intus habuimus: unde plus malorum esse solet, quam ab hoste publico & aperto. Quibus dolis & insidijs, nisi divina providentia obstitisset, jam longum in manus & laqueos incidissemus. Et qui libere semper vivere laus Deo, assueti, proh dolor! in turpem servitutem redacti fuissetus. Patriæ Patribus, quibus melior sententia & pietas in animo fuit, illis de Coelo consiliis subministratis, quibus propositam illam tyrannidem ad hunc usque diem ab aris & focus feliciter avertimus. Quando igitur, H: A: post tam periculosa rerum, solum pacis nomen vel extremam populi auriculam verberat.

Qui mirum videatur, si ipsa saxa & solitudines, jucundo aliquo animi motu & gaudio afficiantur? homines verò, quibus rationis insunt igniculi, & sensus malorum in recente cogitatione, hac sola pacis aurulâ recreari, tantò magis est crebile. Descendat, quæso, in se ipsum unusquisque nostrum, & secum animo suo reputet, quas hyemes, quas proximo anno æstates vixerit. Vidimus littora nostra perhorrescere, ab infinitis sclopetorum ætibus; ab immanibus tot serpentum & draconum Tartariis faucibus, metum concipere.

Vidi;

Vidimus strenuo Æquitatu & pedestri exercitu loca finitima persultari. Vidimus copias hostiles, hinc, inde ad portus nostros, cum horrore visentium, vela facere: alibi terrâ Vulcanum teâis immittere, alibi in immenso Oceano classes nostras turpissimè in fugam dari. Nondum dico de contemptu, de opprobrijs, de injuriâ, quâ Belgicum nomen, apud exterâs gentes, infelicitè vapulavit. Quorum memoria populo Belgarum nunquam vel omnium Auriacorum ac Nassoviorum manibus ac victimis expiari potest. Quæ bella si in majus adhuc gliscere incipiant, periculum est, ne fortunæ nostræ nervi plane succidantur; æraria exauriantur, fisci, annona rei nummaria laborare incipiant. Et quod magis, fides ipsa nos deserat, quos res nuper & remedia penè deseruerunt.

Duabus maximis in Europa gentibus, uno hoc bello certe intetituris, quas singulas Europæ Reges, ob potentiam & majestatem, hætenus sunt admirati.

Pene tres anni sunt quod hoc loco, juxta lacrymas, precibus nostris ac votis apud Deum non abstinemus, & apud aures summi Tonantis sanctissima, pro pace obtinenda, desideria nostra deponimus. Ut tandem Clementiæ divinæ consultum esse placeat, nos fido lare protegere; Libertatem, Ecclesiam, publica & privata lætis successibus prosperare. Per totum hoc, inquam, triennium in sola belli & Pacis materia, his publicis exercitijs nostris occupati. In singulâ temeraria læta expectantes halcyonia, quæ longam nobis serenitatem auspicijs suis portenderent. Quid enim universo Populo, quid Senatui, quid Subditis magis honestum & gloriosum esse potest, quàm victimas, & sacrificia, ad aras & pulvinaria cœlestis Numinis offerre? quando miles noster
foris

foris stat in armis & Patriæ salutem in gladii sui
 cuspide & manibus repositam habet: improbum
 fuisset, si non nostram quoque juventus, quando
 sanguine Oceanus inundaretur, non simul lin-
 guam & calamos exacueret, quibus si hostem in
 arenâ non superaret; tamen istis veræ fidei ac pie-
 tatis instrumentis, Precibus, Deum Omnipoten-
 tem ad opem & auxilia advocaret. Nam ipsæ no-
 stræ Musæ, illud unicum rerum publicarum fir-
 mamentum, visæ penè in odium & contemptum
 adduci. Tanquam inutiles istæ sarcinæ essent, nec
 amplius publico sale & oleo condignæ. O mores
 temporum depravatos! quos tunc demum in Bel-
 gio renasci videremus, quando remotis sapientiæ
 studiis in spissas ignorantie tenebras, & Vanda-
 lorum Barbariem, oberraremus. Nullo Socratis
 speculo; nulla Diogenis lucerna, nulla Chrysippi
 lampade amplius in usu. Quæ, me hercule! mala
 H: A: longè latius per universum Belgii pomerium
 proserpissent, si non aliqua de pace expectatio,
 Magnatum pectora & proposita in melius nunc
 traduceret. Cum terribile enim hoste nobis res
 est, qui sanguinem & cruorem sitit Belgarum gen-
 tis, & eo est animo, ut ad imum pulvisculum o-
 mnia nostra evertat. Majorque moles malorum
 super capite nostro existit, quàm ut omnibus il-
 lis hydrys averruncandis, nos soli Belgæ sufficiamus.
 Quanquam tamen mordicus nobis fortuna
 nostra sit retinenda, & de ultimo semisse ac li-
 bella minutissima decertandum, antequam de ju-
 re & liberrate nostra vel latum unguem receda-
 mus. Utinam, Utinam, lætiores illæ buccinæ,
 tubæque triumphales propediem in Patria nostra
 plenis auribus animisque perciperentur!

*Deum Bone, Deum Clementissime, quas tibi jure
 meritisque victimas labiorum nostrorum, pro tanto
 erga*

erga nos praestito beneficio persolveremus ! nunc solus circum aures Pacis rumor animos nostros singulari quadam jucunditate titillat & afficit ; at si vera & perpetua Pax ; si sancta & religiosa fidei fœdera , inde Britannorum hinc Batavorum amicitiam sancte conglutinent , O quàm Saluum in morem , lato pede terram pulsaremus ! quàm sacra illa sapientia pulpita in Templis , illa divina Themidis oracula in Curiis , in Comitibus ; illa praesertim in Rostriis & Academicis Eloquentiae Suada , pleno ore profundas Dei Optimi Maximi laudes detona-
ret !

D I X I.

O R A T I O XXXVII.

*Ad*MAGNUM BRITANNIARUM RE-
GEM CAROLUM,*Habita à*JACOBO BOSCH. *Alcmariano.*

NON difficile est H. A. desideratissimam de caelo PACEM, hoc tempore, cum Britannis componere. Sed, si Regum Principumque animi seridè ad hanc rem consilia suâ intendant : Quorum solâ in manu est, leniissima hæc Halcyonia feliciter tandem nobis praestare. Suosque subditos eâ afficere beatitudine, quâ partem sibi ipsis immortalitatem glorientur. Desinente enim furore hostili, ac coëuntibus in unum finitimorum Principum sacris propositis ad Pacem, & quam inter proximòs dies ! aliam rerum faciem nobis

nobis natam videremus ! quam pro iubis & tyrannidis ; pro strepitu & crepitu armorum , alios nostris auribus triumphos & applausus perciperemus ! Cuncta terrâ marique essent pacata. Tranquillitas & quies per universum orbem terrarum. Pro veteri more maria ferverent navigationibus & ad omnes terras ac nationes liberrima forent commercia. Nullaque gens sub utroque esset sole, quæ non cum Batavis pristinae amicitiae jura celebraret. Nullus in totâ Europâ, in extrema Asia, in ipsa sitiente Africâ, & remotissima à nobis America angulus existeret , tibi non consueti Mercurio negotia ad summæ felicitatis apicem producerentur. Et qui nuper hostes nobis & inimici fuerunt, illi novis nos blanditiis & amplexibus degnarentur. Nec de ullâ proflus reageretur, quàm de mutua utilitate, de Fortunis & prosperis rebus. De Publica & privata necessitudine ac familiaritate constabilienda. Omnia, quæ nunc in turbis & turbine versantur, in tranquillum essent reducta. Pristinae amicitiae risus & fructus ab omnibus perciperetur. Nemo alteri damna, aut infortunium minaretur. Nemo insidias, dolos, & quidquid iram, aut indignationem movet, posset efficere. Singuli cives in fidem, in probitatem propensi, nihil, quam decus, quam splendorem communis Libertatis affectarent. Sublatis enim bellorum causis, quid, quæso, reliquum amplius esse possit, quam tot nomina charitatis mutuae ; quam tot officia omnium Ordinum & honorum ? Ipsa demum Sapientia studia, quæ pridem per bellorum penè tyrannidem interire videbantur, novo iterum successu, nova sibi incrementa pollicentur. Istique homines, qui, ob injuriam Palladi Togatæ illatam, ad arma se contulerunt, ille, inquam, ad veterem in Senatu, in Academia, & Gymnasiis dignitatem ingenique præstantiam

tiam adspirabunt. Ad fasces & purpuram rursus invitati, qui paullo ante ad cruenta bellorum certamina se composuerant.

Cum igitur in tua potissimum sit manu, MAGNE BRITANNIARUM REX, divinissimæ Pacis negotium feliciter promovere; nobisque omnibus, ac ipsi Tibi, & Regno tuo quietem, modestiam, securitatem, totque rerum prosperos successus maturare, age, inquam, REX POTENTISSIME, ut Pax oprata, pax aurea, cælestis hoc Palladium Orbi Christiano redonetur. Desiste tandem, amamus, ab innocuo hominum sanguine profundendo. Nem semper in odio & crudelitate vitam tuam, more rugientium Leonum, velis transigere. Regium est, clementiæ suæ famâ in amore apud populum vivere. Et non tantum suæ Majestatis potentiam armorum viribus facere formidabilem; sed imprimis Pacis & amoris divini professione, tanquam firmissimis columnis, illam constabilire. Regium nomen adeo sanctum est in suos subditos ut Pietate, ut Religione, ut Sapientiæ studiis, non barbaro pugnandi more, tanquam infamiæ nota, debeat in publicum prodire. Quæ tua felicitas SATE SANGUINE DIVUM, tunc demum prospera capiet initia, quando nobiscum Batavis in pristinæ amicitiae jura, bonâ cum fide, descenderis. Et invicem æquis legibus contendentes, terrâ marique rectâ in communem hostem arma expediverimus. Non enim præterit regiam tuam Majestatem cum qua Gente olim fœdera iniveris. Apud quam etiam, pristinis temporibus, nihil, quam fidem, quàm constantiam, quam veram ac utilem amicitiam habere consuevisti. Et, quod tui Majores, *Regum ista felix progenies*, & à tot sæculis ipsa Britannia testari potest. Batavi, si ulla sub sole natio est, ad omnem humanitatem sunt facti & perpoliti. Quibus.

bus in pectore verus est candor ; in commercii industria , fides ; in omni negotio æquitas & religio. Quos si quis Populorum legitimo sibi fœdere adjunxerit , ille certissimum exemplum in illis inveniet antiqui moris ac simplicitatis , vel ipso Patre Saturno dignissimæ. Qua de causa , POTENTISSIME REX , ad optatam pacem omnia tua consilia & operas conficere , consultum est. Et nos , vicinos Tibi Belgas pro hisce populis agnoscere , qui olim , Principe Historicorum teste , fidissimi Romanorum Socii fuerunt. Equidem in bello tam perditio , tam detestabili , nulla usquam salutis ratio existere potest. Quo omnia , quæ Natura rerum tam magnificè & liberaliter humano generi indulgit , intereunt. In pace verò & amicitia publicâ , DEUS bone ! quanta consistit felicitas !

O Munera nondum intellecta Deum !

Tum enim in foro Justitia , in Comitibus Sapientia , & æquitas dominantur ; in Ecclesia fides , & sanctitas pro gloria ducuntur. Quæ omnia miserè ab humano genere exulant , quando in apertis odiis & bellorum flamma versamur. Non est Regum , crede Batavæ Genti , MAGNE REX , tot trucidatorum corpora cum gaudio intueri , tot Gyaros carceresque , toridemque Scryphos , tot lanienas & cædes miserorum hominum in proprio sanguine se volutantium. Olim Barbaris Gentibus in usu fuit , ut in flammæ pulchritudine oculos suos pascere ; ut sanguinis humani flumina pro spectaculis haberent. Ductis penè triumphis , quando infinitas morientium turbas , tanquam Diogenis aliquot Parasitos , circum mensam ipsius circumcursantes , ad humum prostravissent. Illa ipsa corpora humana feris in pabulum , obijcientes ; aut ad magnum numerum , ipsis aquis & cloacis fœdè immer-

gen-

gentes. Noli hoc te adspēctū & profanū ritu oblectare,

CHRISTIANISSIME REX.

Qui prorsus alio sanguine es ortus, aliis moribus formatus atque educatus Cogita apud animum tuum, quā sit utile, quā sit commodum, expectatam diu Gentibus PACEM de coelo in terras reducere. Quando omnia, collapsa ruinis, pristino splendori restituerentur; & alii nobis ex alto Fauonii renascerentur. Cogita, quā sit necessarium à cruentis armis tandem discedere: ut quæ Marti & Neptuno in spoliū cesserunt, aliis studiis viribusque in integrum componi possint. Cogita, quā sit honestum; quam plenum foret divinā felicitate negotium, si ad pristinam amicitiam nos componeremus. Apud omnes Gentes, ab ortu ad occasum, Regiæ tuæ Majestati in longè maximam id gloriā meritò cederet. Nam semel stabilitā PACE perpetua inter BATAVOS & BRITANNOS, certè ! immensi fructus in utriusque Gentis Remp. redundarent. Possemus, Audd. recta tunc via ad immanissimos Turcas copias nostras deducere. Possemus magnam Asiæ partem, & ipsū mare Mediterraneum sub potestatem nostram redigere.

Vos denique BELGARUM PROCE- RES POTENTISSIMI,

Alloquor Vos quoque id vestrum negotium ducite, ut omni studio curaque accuratiore ad PACEM eatis. Nec quicquam industriæ vestræ intermittatis, quo minus hac divinā Penelope, PACE, in Belgio nostro perfruamur. Promittit auxilia sua, Magnus GALLIARUM REX LUDOVICUS. Qui ut Armis est inselytus, & Generosus: ita pacis studio non inglorius

glorius: Stant & à nostra parte, à CODANO
 SINU, POTENTISSIMVS REX DA-
 NIÆ, alique innumeri PRINCIPES,
 qui manus suas & fidem nobis Batavis nunquam
 denegabunt. Ne, hoc inprimis tempore, quando
 nobile Pacis negotium, velut altera Minerva, sub
 Vulcani incude est: Sic tamen divinarum Pacis studia
 curæ & animo sunt habenda, ut non cum majore
 periculo, quàm cum fructu tractentur. *Suscipien-
 da enim bella sunt, ut in pace sine injuriâ vivatur.
 Et illa Pax est repudianda, si sub ejus nomine lati-
 tet bellum.* Pacem perpetuam, Pacem peren-
 nem, sine metu, cum felici eventu expecta-
 mus. Quæ PAX, dico, sit sine dolis, sine furo,
 sine injuriâ. Quæ nihil habeat intus latentis ve-
 neni. *Quæ nostros & Britannorum animos vero &
 aeterno Amicitia nexu conjungat. Quam si*

OPTIMUS MAXIMUS DEUS

*de cælo nobis, post tot vota & lacrymas, conce-
 dat, est, quod merito, tanquam invento olim à Po-
 pulo OSIRI, exclamemus:*

Εὐχόμεν καὶ συγχαίρομεν.

DIXI.

ORA-

ORATIO XLIII.

In

Expectationem

FUTURÆ PACIS.

*Habita à*FREDERICO LUDOVICO MOLL
à NYENBURGH.*Nob. Batavo.*

Nuperò semestri Nobb. Amp. DD. Aud. hoc ipso loco & pulpito, penè accinctus gladio militem agebam. Eo animo, cum viderem Studia bonarum Artium nullos honores & præmia bene meritis promittere, recta, inquam, ad arma militiamque me componere pro illustribus Sapientiæ studiis, pro cultu Musarum divino ad alteram Palladem, quæ manu & hastâ rem agit, me conferre. Videbam enim Togæ & Purpuræ majestatem contemni; virum doctum non pluris æstimari, quàm cassam nucem sine nucleo, quàm inutile terræ pondus, aut prærepentem alicubi è pergula sua claudum suturem, gibbosum, blennum, pærum, valgum, Theristem ipsum: desperans de omni honore & meritis, quæ viris doctrina & sapientia perpolitæ omnis antiquitas, & Majorum virtus ultro deferre solet. Nam paulo ante nihil præter pugnas & certamina præter sanguinem & maris cruore tincta vidimus. Non aliter quam si rupto cœlo atrum rebus chaos induceretur & mundi fundamentis ab imo concussis

eussis terrarum orbi novissimus dies ruinam accelerasset. Quare unum rebus meis Asylum & profugium tunc Rem Militarem mihi proposueram, & arma à manu Patriam meam malui defendere, quam inter olores Sapientiae ingloriam vitam instituire. At nunc H. H. Audd. longè alii spirare Zephyri incipiunt, qui spem mihi faciunt Fortunæ inclioris, ut non sine causâ nunc videar à Marte ad bonas Artes pertransire. Modò rumor hic de Pace, qui Europam nunc invasit, ad veram constantiam & prosperos successus Producat,ur,

*Projicio nunc tela manu geleataque ferro
Tempora nostralevo, lateri dissolvo pharetram,
Diripio loricam humeris, hastamque tremen-
tem*

*Ac orbem clypei nostris depono lacertis.
Musarum jam castra sequar, parmamque mo-
vebo*

*Palladis, & docta vibrabo tela Minerva.
Pieridum mer- ptat amor, me ducit Apollo
Carminibus Citharisque suis. nunc athera
scandam*

*Sidereasque poli sedes. Juvat ire per alta
Astra juvat terris, & inertis sedere relicta
Aërias tentare domos, consuetaque dudum
Templa videre Deum, nubes & sidera cali
Nunc pedibus calcare juvat. jam certum enndi
Aurora thalamos supra croceumque cubile
Ingrediar: quo diva vocat me turba Sororum
Et Phæbi me ducit honos, vestigia cursu
Indefessa feram, duplici quo vertice Pindus
Astra petit Musaque mei stabulantur, amo-
res.*

Doctrinam, inquam, & prudentiam forenssem sectabor. Quæ artes veræ sunt ingenue & liberales. In Antiquitatis divina adyta me penetrabo, ubi

ubi inveniam, quod animum oblectet. aut ad bicipitis Parnassi jugum acriter grandibo gradum ut lyricis me vatibus inferam,

Sublimi feriens sidera vertice.

Sive cum divâ Themide solidos ego dies dividam, quæ me doceat in senatu consilia populis dare, & per medium euntibus profundum manus Auxiliatrices porrigere. Nulla enim in armis vera est gloria, aut si aliqua illa sit, sanguine & cruore ipsorum hominum, miserè in bello pereuntium, est quaerenda. Ad quæ si eundum est, monet nos sapè Patriæ infelicitas, quæ aliâ manu defendi non potest. Sed, si abstinere hac flamma dextram liceat, plus beati erimus. Ab illustribus studiis alia venit gloria, quæ nunquam ex toto extinguì potest quæ in omnem æternitatem nominis, nostri immortalitatem *pennâ non met nente solvi* transcribit. silent enim sub armis bonæ leges, nec fas, nec fides, nec probitas locum tunc tenent. in templis non colitur religio; in foro non viget æquitas in tribunalibus Magistratum nulla exercetur justitia. Quis igitur tam bruto esset ingenio, qui durum hoc Martis opus, & cruenta castrorum armorumque certamina in ludum ac jocum assumere? Quando tyrannus nos urget, & fortunis nostris gravis est. tunc adversum infestos latrones arma in manus sumenda sunt, ne Resp. communis illa nostrum Cymba in turbati maris fluctibus naufragium tacias, & dulcis Patria, charissima nostra omnium Mater, inimicis nostris triste pabulum ac piaculum fiat.

Pro Deum atque hominum fidem! quanta per univèrsam Belgium lætitiæ foret gratulatio! si sparsi in populum rumores de pace, veros aliquando eventus haberent, O quàm divinum, quàm divinum, quam excellens hoc esset beneficium! quam res prorsus inæstimabilis, quam uno

hoc jucundissima pacis nomine nos Belgæ assequeremur ! omnia iterum in pristinum sui splendorem ac vigorem efflorescerent. Vetus & vera illa facies nuper desperatis Belgarum rebus reverteretur.

*Hinc Batavi, tutos pelago præhente recessus,
 Extendent sua vela Notis, quo sidera currunt
 Quo Titan propellit equos.. quo Sequana dives
 Pervolat Rhodanusque celer, quo Maxima Nili
 Stagnarunt, Rhenusque. Pater se jactat in undis.
 Mercurii sic surget honos, mercator avarus
 Barbaricas dum portat opes, dum suggerit aurum
 Et crystallæ rubro subternascentia ponto.
 Ipsa Pales tunc rura colet, lætamque colonis
 Præbent segetem, tunc curvum fiet aratrum
 Hostili ferro, & fracto mucrone, redibit
 In falces tunc hasta ferax. tunc vomer aduncus
 Ensis erit. rastris clypeus mutabitur uncis.
 Tunc Apollinis terris revirescere honores
 Incipient, Phæbique lares Mavorte subacto.
 Tunc læti pendunt profugis Heliconæ Camanæ.
 Belli procul, scelerumque mina, sub te, mine pacis
 Dulcia secunda peragent tunc otia gentes.
 Se totum in lætas & publica gaudia mundus
 Solvet, & in solis resonabit plausibus æther.*

Restituta in integrum nobis pace H. H. Audd. quis nostrum omnium non ab hisce terris in cœlum usque animo suo præ gaudio eveheretur ? quando liceret populum ab onere tot tributorum sublevare ? Colonis otium dare ad agros conferendos ? Maria liberare à metu prædonum ; negotia ac commercia ulro citroque sine offensione hostili exercere ? quando permissum militi tot citatibus ac vulneribus obfesso civilem vitam instituere ; pro classibus, & sulphureis tormentorum glandibus, divinas Bibliothecas, librorum optimorum suppellectilem sibi comparare ?

Æ-
 raria,

ratia, quæ nunc exhausta, novo censu augere, pro
re nata, & occasione temporis; sine ulla vi &
cōactione miserorum civium. Quando omnem
injuriam memoriam lege oblivionis, diviniissi-
ma Amnestia, liceret prorsus extinguere. Quando
libertati, Ecclesiæ, Reip. Sapientiæ studiis otia
illa erunt restituta, quæ proximis diebus, per su-
nesta arma & belli injuriam nobis sunt erepta.
O divinæ providentiæ æternum deprædicandas
virtutes! O novos Reip. Batavæ Natales! qui tunc
merito totis animis, atque omni gaudiorum ap-
paratu essent celebrandi!

*Vos, Magni Hædēs, nunc totum fama per orbem
Faciāt, pervolitans nubes ac aurea cœli
Climata, virtutes vestras, mortemque decoram
Extollit geminus mundus. quo Phæbus Eō,
Assurgit rutilante comā, quo serus Olympum
Hesperus involvit tenebris, noctemque reducit
Nigrañtem: pulchrā vos libertate peremptos
Dicimus, & nos, si poterunt meminiss. Nepotes.
Vestra per Oceani fines, gentesque remotas
Gloria, jam dudum fame rumore secundo,
Imbuit attonitus aures. vos decolor Indus
Laudibus extollit, vobis nunc ipse Britannus
Virtutis documenta refert. sic vestra per omnes
Terras fama volat, metamque egressa sepulchra
Hinc Phætoniæos transmittit nomen in ortus.
Virtutem stimulate, novas acquirite vires
Dum pacem sociare licet, rebusque futuris
Invictos servate animos, quos nulla furentis
Mavortis franget rabies, non sanguinis horror
Non furor armorum strepitus, non mortis acerba
Fatorumque mina, nec vis inimica tyranni.
Sic vestra virtute, viri, gens Belgica fiet
Finitimis terror populi, sic veritace clara
Belgarum se tollet honor sic fama resurget
Inclita. sic Batavorum nomen pulsabit Olympum.*

PRECES AD DEUM.

Tu Deus Omnipotens, qui stellas flectis habenis,
 Qui sacris Elementa tenes, qui fulmine terras
 Concutis, & cecos atris in nubibus ignes
 Moliris dextrâ, qui magna voce per undas
 Prascribis tua jura mari, fluctusque coërces.
 Ecce tuis humiles nos nunc procumbimus aris.
 Da Pacem, petimus, tandem post horrida bella
 Da Pacem calo reducem, da secla quietis
 In terris sperata diu: da flectere Regem,
 Ac Hostes lenire truces, da ponere Martem
 Et firmam sociare fidem, da jungere dextras
 Cum placidis animis, tandem Pater optime surgat
 Exorata quies, tandem Deus aure benignâ
 Accipe vota, preces, gemitus, suspiria, planctus,
 Et lachrymas, tandemque placens misere, e Batavum,
 Hic pendants Heliconâ Dea, revirescat Apollo
 Tanquam fronde nova. Despectus tempore belli
 Hic Phœbi succrescat honos, sub Pace serenâ
 Almeria vigeant Proceres, Alemaria blandis
 Floreat auspiciis, & semper lata triumphet.

DIXI.

Tres antecedentes Orationes habitz Examine
 Vernali MDCLXVII.

ORATIO XLIV.

De

PACIS ANGLICANÆ

Habita à

JOANNE ATSMÆ

Leovard: Frisio.

TAndē, *humanissimi Auditores*, tandem, inquā,
 Deo immortalī in cælis gratias ingentes ha-
 bemus, quod optatā, quod optimam, quod ex-
 spectatam tot piorum votis illustri Batavorū popu-
 lo pacem cum Potentissimo Britanniarum Rege
 Garolo tam prospere, tam feliciter concesserit,
 & à truculentissimis bellis, quæ cum finitimis
 Gentibus, veteribus nostris amicis, gessimus,
 nunc in Belgii hoc pomerio summā cum securi-
 tate nos liberaverit. Pacem, inquam, pacem op-
 tatam & optimam consecuti sumus. Pacem al-
 mam, pacem plus quam auream. Quā omnium
 sapientum judicio nihil melius, nihil sanctius, ni-
 hil magis divinum ac cæleste nobis mortalibus po-
 test contingere. Quo nomine universæ Reip. no-
 stræ huic Alcmariæ; & profugis hinc nuper Musis
 ac Apollini ex animo gratulor. Talique gaudio
 & hilaritudine hoc ipso in loco nunc exulto, ut
 vix sermonem & verba reperiam, quibus præsen-
 tis sæculi felicitatem satis dignè, satisque disertè
 describere possim. Bella hætenus, bella imma-
 nia, bella cruenta, juxta lachrymas & summos
 animi dolores detestati sumus. Sæpiusque adver-
 sum furias istas pugnacibus iratisque verbis con-
 fluximus. Ac toto proximo triennio nihil præter
 linguæ tela, & mucrones, nihil præter armatam

Pallada vibravimus. Sessi armorum atque certaminum labore, quem pro Patriâ & libertate Belgarum toties instituimus. Nunc per Dei Omnipotentis clementiam, alii nobis Zephyricæ ælis ferenant, alia spirat aura & Favonius ex alto: cuius dulcissimum calorem ac sensum totis dum animi medullis percipimus, nescio, certè, an hisce vinculis & carceribus humanis me satis contineam, & non rectè in ælæ sublimis hinc abeam, plenus gaudio, plenus lætitiâ incredibili.

Te Pax alina, Pax aurea, quam lætis placidisque oculis, postliminè, intueor! quam ego tui amore ac desiderio, totus incalesco! quam in uno hoc nomine, quod innumeris triumphis est potius, omnes amœnitates atque veneres, salutem denique ipsam, omni melle suaviorem, reperio! ite posthac infesta, infasta, cruenta, à Belgio nostro hinc bella. Tu à superis esto nobis redux Pax jucundissima, Pax optatissima, Pax omni gaudio & hilaritudine plenissima! quæ dum tacitâ mente & cogitatione mecum agito, incidit mihi (HH: AA:) quam proximis annis, cuncta bellorum flammis atque furiis conflagrarint. Et quemadmodum nunc apud miseros Brabantinos & Flandros Mars iste incrudescit, ita nos quoque funestis istis incendiis penè in extremum exitum & ruinam devenissemus. Tantis tamque immanibus hinc inde periculis circumfessi, ut hostibus pene ludibrium, amicis misericordiam exprimeremus. Terra marique plusquam infinitas calamitates tumultuante animo prospiciebamus. Quibus omnibus perferendis non pares habebat vires ac lacertos populus Belgarum. Domi verò, quod omnium est gravissimum, fîcus de penuria rei nummarie, de conturbatis rationibus non unam litem intendebat, Ærario penè exhausto. Non sufficientibus vestigalibus ac tributis nostris, ad plus

plus quam Regios exercitus alendos. Accedebat ad hoc, in tantis difficultatibus, vulgi desperantis animus audax, minæ feroces, manus complozæ; toto Belgio languor & formido mulierosa nulla, horresco referens, ad vicinum mare erant littora, quæ non continuis tormentorum ictibus detonabant; nulla in propinquo insula pelagi fluctibus objecta, quæ non incendia, rapinas, cædes, vastationes, in singulos dies expectabat. Et, quod magis, omni in loco oculis insidiz, nefariz molitiones, doli, conjurationes, machinationes improbz. Hoc ipso in pulpito, parum abfuit, quin hisce nostris oculis fumos ac incendia istius Vulcani viderimus; hisce auribus præliantium furibundas voces ac certamina præliantium perceperimus: à tantis malis H H: AA: undique obsessi, laus, honor, gloria immortalis sit Deo! aliam rerum faciem, aliud famæ theatrum adepti sumus. Quando nunc lætissima de pace gratulatio omnium Belgarum animos jucundissimo gaudio perterritat. Quando cives cum civibus de libertate, de salute recep. à lætos invicem sermones ferunt. Quando spem novam in agris suis percipiunt coloni; in instruendis suis navibus solita lucris expectatione nostri Neptunicolæ. Et quod omnium rerum est primum, quando templa & delubra implenissimas gratiarum actiones ad Immortalem in cælis Deum quotidie effundunt. Tribunalia suis clientibus de æquitate, de justitia gratulantur; Rostra & Comitia populo sibi credito certissimam securitatem denuntiant. Academiz & Scholæ suis alumni ingenuarum artium studia, & sapientiam promittunt. Profecto! vix imaginari hanc novam nobis felicitatem possumus: quam beneficio divino tandem nos consecuti sumus. Cum paulò ante, omnes summa tristitia & maxore confecti,

exortum erat : ad quod componendum comprimentumque majoribus, ceriè, fatis & oraculo erat opus. Quia non tantum ad fœderatas provincias res ista spectabat; sed ad fortunas & salutem Europæ universæ. Omnium populorum negotiis ac commerciis, sub immensa hac belli mole impeditis & quasi frigescentibus. Igitur magnis consiliis Regumque Maximorum ministris illò res tandem est perducta, ut sublatis discordiæ seminibus, in augustam pacem utraque populus coëat ac conjurer. Bellis cruentis atque horrendis tandem felicissimo fine imposito. Pulchrè probeque inter se coëuntibus perpetuo amicitix vinculo, hinc *Batavis*, illinc *Britannis*. Quare hic dies HH: AA: Musis nostris est sacer, nosque omnes Imperii nostri felicitas ad hoc impellit, ut nunc Belgio universo, ut huic inclytæ Civitati Alcmariæ, nostroque in illa Apollini, tanquam à mortuis reviviscenti pacem prosperam, pacem perennem, pacem terrâ marique fortunatissimam gratulemur. Ut cum Rege potentissimo, Carolo Secundo de Christiana conjuncti in omnem Æternitatem pari constantia & amore coalescamus.

Ad quem sacra concordix nexum mundique amore sempiternum, tu imprimis nos devinci atque conglutina, O Æterne immortalis, Optimo, Maxime in cœlis Deus!

D I X I.

ORATIO. XLV.

De

P A C E ,

Habita à

FERDINANDO VAN KEULEN.

Amstelod:

PAcis tempore. AA : HH: universus terrarum orbis, omnes gentes ac nationes, ad pristinae ætatis felicitatem, hoc est, ad aurei sæculi imaginem proximè accedunt. Remoto ab animis mortalium omni metu & formidine periculorum: quæ bella sæcum trahere solent. Quando hominibus forisq; summa est tranquillitas, euntesque elementa in unum, æqualemque sui tenorem consentiunt. Terra, benigna matre, sine hostili timore, abunde segetem suam producente: ~~Monte~~ & mari tot generum cibos squammosos, aëre tot volucres pennatas, esui humano aptissimas, copiosissimo cum apparatu proferentibus. Igne denique & flammis, non ut, proximis diebus, per classes & littora nostra immanissimè sævientibus. Quando, inquam, ipsa naturæ benignitas, modestissimaque illius temperies nos ad omnes Venerum amenitates & amores componit. Talique habitu ac specie felicitatis antiquæ nos afficit, ut sine fabula novos in mundo Elysios adepti esse videamur. Quale sæculum Majoribus nostris sub Saturno quondam Rege, cum in alto otio & religiosa inertia vitam illi producerent. Tanquam Dii ipsi, qui de Cælo tunc demissi, in corporibus humanis stabulabantur.

Ad

Ad hujus vitæ vivam, dico, imaginem, AA: HH: nos, per augusta pacis hæc tempora, in Belgio hoc nostro deinceps vivemus. Quando ab injuriâ noxiorum hominum prorsus liberi, in togâ & tunica sapientiæ studia proficemur, & omnem crudelis Bellonæ vim & metum longè hinc à nostris terris ad barbarorum fines proscribemus. Damnatis æterna quadam ærugine telis & farsillis cruenti Mavortis. Inter quæ arma (prohi pudor) per tot annorum tristes decurses, cum maximis animi cruciatibus & calamitatibus, colluctati sumus. Non possum AA: HH: oratione mea complecti, licet centum mihi sint ora, centum linguæ, quanta nos hilaritudine, quibus gaudiis perfundamur; quibus gradibus tripudiisque jure nos exultemus. Quam ingentem, quam infinitum bonorum cumulum, ex præsentē cum Britannis pace, consequamur. Credite, illustres Batavi, Respub. universa fructus suos hinc capiet: quibus omnibus per proxima bella fæde destituti sumus. Per maria, per terras libera iterum erit profectio; ad omnes gentes & populos tuti com meatus, & itinera sicura. *Qua parte debacchantur ignes, quam nula; pluvique rores*, felix ad permutandas merces Mercurii nepotibus erit ansa & occasio. Oriens & occidens Batavorum classes accipiet: quæ Indorum Arabumque messibus plenæ, orbis extremi thesauris refertæ carinas nostras stipabunt. Hinc Rhodanus, Rhenus, Danubius, & Odera solitis suis sarcinis ac oneribus portus nostros intrabunt. Inde Tagus, & Pactolus secundo labentes sinu, toto nobis flumine suas copias & opes ministrabunt. Ipse Sequana & Ligeris ipse Rhœmus, qui nuper adeo nobis infestus sua horrea plenis foribus faucibusque aperiet. Nullus terræ angulus, qui non impotestum, Batavam nostrum Typhim dextris auspiciis &

gremio intimi sui amoris dignabitur. Vos, beatissimi ruricolæ, tuto terram aratro sulcabitis & longi anni spem non irritam, in areas & porticus vestras accipietis. Vos, fortes neptunicolæ, secundis ventis vela implebitis; per æquora longa & cæcas charybdes tutissimè navigabitis. Vos, cives fortunati, conjuges & liberos vestros, aras focosque alio nunc vultu & amore aspicietis. Vos, sacro Apolline afflati vates, viri clarissimi, novo sapientiæ genio recreari, ad divinæ mentis operas provocabimini. Toti incalcescentes maximarum rerum gloria ac desiderio. O pacis beneficia admiranda! *O munera nondum intellecta Deum!* quæ à primis pacis Anglicanæ initiis in Belgio nostro recipimus.

Non possum cogitatione mea emetiri magnitudinem tantarum rerum, quibus penè toti obrui-
mur. Quibus non tantum in stuporem nos rapit
temporum hæc ipsa vicissitudo. Quæ tanquam vi-
vo felicitatis fonte universam Europam inundant,
quæ beneficia nectar & ambrosia sunt esurienti-
bus; Panacea, & Dictamnium animo & corpore
efflictis. Quæ sunt ipsum Antidoton, & Alexi-
pharmacon omnibus illis, qui pro Patriæ liberta-
tate, pro religione, pro aris & focis defendendis
honestæ nuper vulnera acceperunt. Ut nihil nunc,
dicam, de sanctissimis fori legibus, de æquissimâ
Astræâ & Themide, quarum jura in integrum re-
stituta benemeritis præmia, nefariis hominibus sup-
plicia sua decernent. Nihil de Libertate, de Reli-
gione, de fide nostrâ, hoc loco differam. Quæ
cuncta pristino splendore illustrata immensum
sue virtutis fulgorem dabunt, Adeò ut novos
quisque nunc spiritus recepisse videatur, qui hoc
opratæ pacis gaudio perfunditur. *Nam non minus
grati sunt isti dies, quibus conservamur, quam qui-
bus nascimur.* Et si unquam verè in gaudia ac
solium

folium restituti sumus, hic praesens ille est dies, quo, cum illustri Britannorum populo, tot nexibus & vinculis veteris amicitiae conjungimur. Cum quo in unum idemque corpus fraterno amore & fide coalescimus. Omni odio & invidia jam pridem extincta, vobiscum vivemus, affines populi, illo naturae jure atque aequitate, quam olim à tot annis, animis, puta, invictis ac generosis.

Vos, Amici Britanni, quicumque injuriâ aut dolo circumvenerit, idem nobis erit hostis. Par & commune nobis periculum; par salus utrisque. Sanctissimâ oblivionis lege, amnestia, omnem praeteriti temporis inimicitiam ex animo prorsus deleturi. Nullo-usquam vindictae vestigio relicto, quod adversae partis memoriam recrudescere faciet, o terque quaterque felices nos populi, Batavi & Britanni, si bene foederibus ac fide invicem conjuncti, pari Marte, & armis externum Hostem aggrediamur. Quibus viribus virtutibusque pie prudenterque semel conglutinati, quae tam fera & barbara esset natio, quam non, sancta hac nostra pace stabilita, sub jugum redigeremus? Scilicet hoc Batavo est, proprium, fidem cum omnibus conservare, nullius sacra temere violare. Cum omnibus vitae suae rationem & amores sanctissimos componere. Credite, vos fidissimi Britanni, quod ea pietas sit Batavus, ut nunquam aequissimas condiciones violet; nunquam falsos animos ad pios contractus ineundos adferat; nunquam aliud clausum in pectore, aliud in lingua promptum habeat, & quas semel leges legitimo jure inierit, eas non nisi cum anima simul sit amissurus. Tandem igitur feliciter utriusque imperii limite & legibus constitutis, in domesticos nobis Hostes pariter arma nostra expediamus. *In jecore agro nascuntur domini.* Illic avarities, illic superbia, luxuria fasces suos tenent. Contra hæc

inſita nobis ab unguiculis vitia fortiter dimicemus : qui perpetui nobis ſunt tortores & aſſidui carnifices. Iſte Ixion & Hannibal , ad fores & portas noſtras excubias agunt , cum quibus belli aleam tentare in dies eſt occaſio . Hoc tamen *illuſtribus Patriæ Patribus* , velut aureo quodam monitu , inſertum volumus : ut ipſo pacis tempore de bello cogitent . Militemque ſemper in promptu habeant ; ne , quod nuper evenit , armorum diſciplina intermorietur . Et ad omnem imperum & impreſſionem Hoſtilem minus prompti & parati inveniamur .

Sed , noli ego in hæc arcana imperii falcem meam immittere . Plus ſapit noſtra Minerva , quam ut ad iſta magnatum negotia calculos ſuos apponat . Satis oculos hoc tempore habemus Paliuros , qui cum CANDIDIS ISTIS AVIBUS ac PHÆNICIBUS ad ciuvini ſedent . Qui per amfractus iſtos viarum ac meandros Belgicam hanc navem in tutiſſimum portum deducunt . Plus quam ſatis eſt , ſi nos divinæ pacis beneficia animis noſtris ſanctiſſimè imprimentes , pro tantis muneribus DEO immortalis in Calis grati ſimus . Et ſub illius umbone ac ſacra umbra quieſcentes , divini Numinis honorem debito ſemper cultu ac veneratione proſequamur .

P R E C E S .

Tu , ð aterne ac omnipotens in Calis DEUS , fac ut illuſtris Belgarum populus hiſce opibus , & fortunis ſuis , quas per latiſſima pacis hæc tempora omnes in ſolidum recepit , ſemper honeſtè , ſemper probè , ſemper utiliter perfruatur . Nihilque animo ſuo ſecum reputet , quam iſſdem auſpiciis cum omnibus nationibus atque gentibus , tam concordiam foris
confer-

conservare, quam domi suæ continentiam, fidem, Probritatem, ceterasque Christiano homine dignissimas virtutes exercere. Tu PAX alma, tu PAX aurea, aterna quoque & perpetua esto toto orbe inclitis populis, Batavo & Britannis.

DIXI.

Dua antecedentes, habita Alcmaria

CIO IO CL XVII. Examine
autumnali.

ORATIO XLVI.

De

PACIS COMMODIS:

Habita à

SEBALDO WINNINX.

Amstelod.

Bellorum HH: DD:AA: abundè nunc satis est. Satis sanguinis inter hostes & veteres amicos effusum. Satis Europa, terrâ marique infestissimis armis crudeliter depugnavit. Adeò ut vix, historiarum & annalium fides apud posteros fidem sic habitura. Satis, inquam, indè Britanni, hinc Batavi in mutua armati vulnere, exemplum dedere summa crudelitatis atque inimicitiarum. Quæ mala & pericula tantam in se pestem & perniciem habuere, ut præsens hic dies id vel solum cogitantibus maximum metum ac formidinem incuriat.

Nunc, laus opt: max: in Cælis Deo, hæc bellorum

lorum discrimina tandem consopita ac composita sunt. Et pro lituis & pugnis, pro militari buccinâ & cruentis tormentorum ictibus, aurea pacis tempora consecuti sumus. Omni castrorum & certaminum metu longè à nostris finibus remoto. Nisi quod una adhuc Hydra supersit, quæ immanem sui terrorem per finitimos circumfert. Quæ ubi in soporem semel data, & collocata, omnem prorsus de bello atque inimicitii cogitationem deponeremus. Illa, ut, cuncta mortalium, in divinâ sunt manu: & spes est, quando potentissimorum Regum legati in communem fœderis feriendi locum convenerint, omnis illa nubes, quæ super nostro est capite, felicissimè deserviet.

Nos *HH: DD: A A:* de præsentè Belgarum statu & fortunis nunc loquimur. Bellum, quod cum proximis Britannis pridem nobis fuit, in puros amores, & amicitias utriusque populi commutatum. Adèò ut ex tanta charybdi, & malorum Iliade nunc in tutissimum pacis portum delati simus. Nihilque nunc seriò domi forisque sit agendum, quàm res familiares, quam negotia domestica; in alâ quiete ac securitate, summo cum studio, administrare. Quam sibi proponere & eligere illas terras & nationes, quò totis classibus, ut fortunæ nostræ fructum lucrumque quæriamus, secundis ventis navigemus: sive ad Orientem, sive ad Occidentem, ad remotissimos orbis angulos, ad ultimam Thulen, & extremas Gades, desideria nostra nos vocant. Nullus enim est hostis, quem nunc in toto illo Oceano extimescimus. Aut cui depellendo domandoque non pares sumus. Taceo de privatâ cujusque securitate, in quam, per pacis hæc publica bonâ, deducti nunc sumus. Agros suos, remque rurestem cum gaudio colonus exercet; semina sua sulcis, mandat, vineas plantat, in ordinem arbores disponit,
horrea

horrea sua latâ segete stipat. Nihil metuens hæc munera calitus sibi data eripienda per armatum nunc militem. Sub tuto fagi tegmine, cum examine ditis domus, placide se componet.

Modò sub antiqua ilice,

Modo in tenaci gramine.

Labentur altis interim ripis aqua:

Queruntur in sylvis aves:

Fontesque lymphis obstreperant manantibus,

Somnos quod invitet leves.

A navitâ & ruricellâ si ad civium commercia me penetro, incredibile dictu est, quàm infinita hic bonorum copia redundet.

Vbi nunc certamina virtutum & studia pietatis, ad laudem & gloriam summi Numinis liberè exercentur. Et bellum, ut sic dicam, suscipitur contra amicorum vitia, contra superbiam, contra luxuriam, contra voluptatem, ambitionem, & cætera illa monstra, quæ in medio mortalium catu sedem suam & domicilium habent. Reliqui hostes, qui hætenus insidias nobis struxerunt, per Omnipotentis Dei gratiam nunc prorsus sunt extincti.

Igitur cuique apertus est campus in quo ad palmam & præmia potest decurrere gloriæ immortalis. Nihilque intermittat, quo minus ad famam boni nominis & existimationem illustrium factorum perveniat. Hic Rhodus hic saltus. Et illa in medium Helena nobis proponitur, quæ omnium nostrum sudores merito exacuet & exerceat. Homo enim prorsus otio se dare corrupendum non patitur. In aliquo negotio generosus animus attentè semper habendus, ne, veluti in navalibus putredinem carinæ, quadrupes in stabulis, sine assiduo motu & cursu, squallorem & veternum contrahit, etiam hic sua damna & injuriam patiatur. Et ut de aliis factis illustribus,

quæ

quæ politicam hanc curam tangunt, nunc taceam, totus mihi Oceanus ad feliciter vitam instituentiam, hic patet. Divina Eruditionis illa palestra: in qua quisque fortissimus Athleta esse potest, viresque sui animi egregie exercere; quandò nunc ab alterâ Pallade, armatâ scilicet, pax est feria? Antea enim cum Marte & Vulcano res erat: sub quorum auspiciis non benè procedunt sapientiæ & litterarum studia. Qui veri sunt carnifices, ad sacros illos Musarum confessus. Quæ non aliâ magis peste fugantur à suo folio & tranquillitate fortunarum. Quod imprimis videre tunc licuit, cum in finitimis bellorum flamma & timores increbrescerent. Quando nihil minus in laudem & pretium ducebatur, quàm de litteris & artibus ingenuis excolendis cogitationem suscipere. Jacebant tunc altâ tellure defossæ bonarum mentium & ingeniorum exercitationes. Lugebant Gymnasia & Scholæ; deplorabant statum suum & fata hæc ipsa pulpita & cathedræ, quæ nondum ab immani isto ictu & impetu animam ex toto receperunt. Nam pro calamo & pennis ad secures & bipennes Quirites nostri se conferebant. Malebantque pro muris & mœnibus stare armati, quàm sub sacra silentii hac umbrâ assiduos se milites profiteri. Nunc iterum, laus Deo, apertæ sunt Musarum fores, & majori in sapientiæ cultum ac honorem in dies nascitur reverentia. Adedò ut impostèrum nobis verè aurea tempora sint expectanda, digna vetere Mecenatè, digna, inquam, Rostris & Philosopho tempora! Ut non amplius cogitet nobili loco nata juvenus cruentam sanguine hastam vibrare; sed sacras lauros, sed perennes victricesque hederas cogitare.

Doctarum præmia frontium.

Quibus securitatis publicæ fundamentis feliciter
scind

semel iactis, *O Deus immortalis, Deus optime, æterne, sanctissime*, quàm tui imprimis nominis Nunisque colendi singulare studium incrementa nunc, sumet! quanta pieratis in templis, in Curiiis, in Tribunalibus, in posterum erit seges & occasio! quanta virtutis, quanta probitatis in bonorum pectoribus æmulatio! quàm adversum vitia & peccata hostili animo decernere facilis erit labor & occasio! quàm undiquaque nobis omnium optimarum rerum copia tunc dabitur! leges in perjuros: leges in nefarios, leges in ambiciosos tunc locum habebunt. Nullum flagitium, nullum scelus à quoquam committetur, quod non justissimis poenis affectum, aliis in exemplum erit. Præmia vero ac honores bene meritis, in virtutis & laborum solatia, per omnes civitates & Provincias liberaliter persolventur. Denique divina de Cœlis *justitia* in terras demissa, hoc in præsidium innocentiae habitura, ut sibi de jure & æquo impostero, inter homines exercendo ex animo gratulari possit.

Felices terque quaterque felices vos habeo dilectissimi Collegæ, quod hoc argumentum hodierno die vos ambo sitis consecuti, quo de Eruditione & pietate, quæ germana pacis est soboles, hoc loco perorare nunc possitis. Pro virili igitur hoc agite, ut geminas illas Reipub: columnas, à quibus vera salus & felicitas in humanum genus promanat, vivis, quæso, ad oculum coloribus nobis depingite.

D I X I.

O R A -

ORATIO XLVII.

DE ERUDITIONE

Habita ab

ADRIANO vander NIENBURCH

Alcm.

PAcis tempore, ut optimè dixisti, *mi Collega*,
 Eruditio & humaniores artes vero in pretio
 & honore habentur. Quæ, per nupera bella,
 immane quantum! jacuerint ac defloruerint, non
 necesse est ad novas lacrymas hoc loco, recense-
 re. Cujus luctus & doloris sunt testes omnes
 illi, qui sapientiam & literas amant, atque æsti-
 mant. Qui sæculi sui vicem & misérias nunquam
 satis digne, pro ingenio ac viribus describent.
 Quibus tam omnia adversa tunc fuerunt, bellicis
 istis turbis & tumultibus, ut prorsus de sapien-
 tiæ studiis, artibusque libero homine dignis, despe-
 rare inciperent. Jamque nec turpe putarent pra-
 cones fieri, & ut idem Salyricus ait:

*Roma conducere furnos.**Desertis enim Aganippes**Vallibus esuriens migrabat in atria Clio.*

Qua tempestate nemo tristes Camænas respicie-
 bat; nemo dignas hæderis & imagine macrâ gra-
 tias cuiquam persolvebat.

Nam si Pieria quadrans tibi nullus in arca
Ostendatur, ames nomen victumque Machara.

Et lignorum aliquid posce ocym, & quæ
Componis, dona Peneris, Telesine, marito.

*Neque enim cantare sub antro**Pierio*

*Pieris thyrsusve potest contingere maesta
Paupertas.*

Cum tamen in majore honore ac existimatione merito haberi debeat, præstans excellensque Eruditio. Quam maximi semper Reges Principesque debito in honore habuerunt. sine quâ non sapientiam, non virtutem, non humanitatem ipsam existere inter mortales illi judicarunt. Non Rempublicam, non Comitia, non Tribunalia, rectè administrari; Non domi, forisque res aliquas sui fructum usumque posse habere. Quod ipsum si nostra hæc ætas munus intelligat, quæ, per proxima bellorum mala, in multos errores ac viriorum tenebras, pro pudor! prolapsa est, Græci hoc & Romani multis ad posteritatem transmissis exemplis testantur. Quo, meo judicio, multum illud *Aristippi* valebit qui, cum interrogaretur, quid filio profutura esset Eruditio, acutè respondit: saltem in theatrum cum ille venerit, ne lapis supra lapidem sedeat. Quare & magnus *Pompejus* Rhodum est profectus, ut illic bonis artibus imbueretur, qui nec erubuit in isto imperio & purpura ipsis Philosophorum januis adstare, ut aliquid se dignum illic addisceret. Igitur & laudandus merito *Alphonsus*, qui cum audisset Regem aliquem ex Hispanis dâxisse, Principi literas non convenire, bovis illa, inquit, vox, non hominis. Ad quod si citem ac vocem testes Philosophos reliquos, vereor, ne multis nostri sæculis *Zoilis*, literarumque osoribus infamix hic maculam inuram. Inter quos merito Primum sibi locum vindicat divinus ille *Socrates*, Qui hominem doctrina ex cultum animal in terris pulcherrimum judicavit. Cui jure proximus est *Cleanthes*, qui pluris fecit mendicum, quam hominem indoctum. Et sapientum non ultimus *Thales*, qui solos felices opulavit, qui animo eruditi, & corpore essent sani.

Quis

Quis ille usque homo tam ferrea & perfriatâ fronte invenietur, qui non viris eruditione præclaris atque insignibus jure assurgat? illorumque ingenia & laudes summis in cælum encomiis extollat? Nostræ juventuti author non sit, ut ad egregia doctrinarum præcepta totis animis combibenda, omnes suas fortunas & facultates impendat? Sapientissimi Lærtii aureo monitu ad hoc exstimulati, quod Eruditio juvenibus sobrietatem, senibus solatium, pauperibus divitias, divitibus ornamentum adferat. Et *Drogenis Cynici* exemplo, qui nullis verberibus ab institutione Antisthenis removeri potuit. Verbera, inquit, quantum potes, nullum tamen reperiēs baculum tam durum, quo à te, modo aliquid didicero, me avertes. Nec non ipso *Demosthene* hic teste, qui in ipsas terræ cavernas, abrasâ alterâ capitis parte, secessit, ut diligentius studia sua pertractaret. Nolo in communem hic locum alios nunc descendere H H: A A: infinitis pene paginis de hoc argumento sapius ex hoc palpito differuimus. Quare, juxta ipsos hosce oculos nostros, hæc Musarum sacra Jure meritoque pertractare debemus. Nunquam aut voluptatum illecebra, aut otii dulcedine, ab hac tam divinâ animarum nutriculâ, Eruditione, abstrahendi. Verè igitur felix & beata ista Respublica, ex divini *Piatonis* sententiâ, in qua Reges Philosophantur, aut Philosophi dominantur. E contrario nunquam satis justo dolore prosequi illas civitates possumus, in quibus contemni, aut turpiter languescere clarissima Doctrinarum monumenta videmus. Quando majoris pretii habentur illiberalium artium studia, quam hæc celestia Regum Principumque ad indagandam sapientiâ, monita & consilia. Igitur quantâ fieri potest industrâ, hoc mactis ingeniis omnes agamus, ut Respublicæ suæ constet authoritas; ut bonæ

bonæ artes & literæ, quæ pro firmissimis colum-
nis sunt publicæ & privatæ felicitati, non in con-
temptum ac fastidium adducantur. Pacis, ut dixi-
mus, desideratissima nunc sunt tempora: quibus
decus illud ingeniorum ad sui maturitatem potest
succrescere, & iste splendor florentis Reipublicæ
ipsis posteris conciliari. Quo omnis barbaries at-
que ignorantia longissime à nobis propelli pos-
sunt: ita quoque brevi eveniet, ut quantum nuper
malorum crudelis Bellona induxerit, tantum,
postliminio, bonorum, favens iterum Minerva
redonet. Atque illa ipsa juvenus, quæ Gradivo
tunc Patri pæne assueverat; propediem, meliore
sub Phæbo, cruentum mucronem deponat.

Vos igitur, *Charissimi Commilitiones*, sanctis-
simâ, hoc loco, oratione ac voce adhortor, ut
omnes animi nervos in solidæ Sapientiæ studia
intendatis, nullumque diem, sine ducta linea, per-
otium vobis elabipariamini. Ad quam felicitatem
temporum amænissima hæc pacis Halcyonia vos
vere nunc vocant & invitant. Multa enim præ-
clara ingenia, quæ hætenus, propter armorum
strepitus, bellicque tumultus, in occulto jacuerunt,
in apertissima mox luce ac theatro se ostendent.

D I X I.

ORA-

ORATIO XLVIII.

De

P I E T A T E.

Habita à

FERDINANDO VAN CEULEN

Amstelod.

Quemadmodum eruditio & sapientiæ studia,
Humanissimi Auditores, per aurea Pacis
 tempora, maximè florent, clarisque viro-
 rum ingeniis ex æquo semper præmia persolvun-
 tur: ita imprimis summo tunc in fastigio virtus
 & pietas haberi possunt. Sublato enim omni bel-
 lorum metu ac monstis; quæ in causa esse solent,
 quo minus cum privatim, tum publicè divinæ rel-
 ligionis negotium probe sancteque ab hominibus
 exerceatur. Hæc tandem tempora, per divinam
 Dei Omnipotentis clementiam, consecuti sumus:
 qui atrocium bellorum calamitatem in hanc tam
 dulce serenum optatissimæ pacis benigne conver-
 sit. Ut nunc exercendæ pietati, excolendæque
 Virtuti amplissimum apud Batavos theatrum in-
 veniamus. Modo iste semel calor & flamma ani-
 mos nostros accendit, quæ ad divinas hæc do-
 tes, operumque sanctissimas functiones requiritur.
 Quod quam ex suo jure beneficium merito sit
 æstimandam, utinam! nemo nostrum turpiter
 ignorare posset. Clausæ sunt, per Dei gratiam,
 Jani portæ, &, centum victus post terga cate-
 nis, furete furorem suum Mars funestus desit: ut,
 sine metu & periculis, vivere in suo cuique agello
 nunc liceat, & carpere tutos domi somnos, abs-
 que interventu armati militis & prædonum, qui
 nuper

nuper circum tecta & aures, velut ferreus à cælo demissus imber undique crepitabant. Sed præ omnibus quod dixi, thesauris, nihil sanctiore nomine est dignius, quam pulcherrimæ Religionis ac Pietatis studium. Quo nunc tam liberè, & feliciter frui nobis permittitur, ut publica delubra, tanquam privatas ædes, & proprium nostrum fundum frequentare liceat. Longe supra nostros majores beati fortunatique, quorum vita inter sacrum & saxum posita, quando aut Religiosum illum codicem, aut aliquem cultus divini testem domi suæ tacite occultabant. O miseram tunc vitæ degendæ rationem! O tristem infelicitis ævi conditionem! cum quibus temporibus si nostra hæc tempora placet componere, ô quam angusta, quam optata nos præ illis ducimus secula! qui sine ulla malæ suspitione ad sacra Dei pulvinaria nos demittimus; qui in publico cætu & concionibus, ad verum & legitimum sanctissimi Numinis cultum informamur. Qui clarissimos divini verbi ministros & præcones ante oculos habemus, à quorum ore, tanquam ab oraculis ipsis, ad cælestis veritatis normam & dogmata erudimur. Qui in scholis & Gymnasiis istos ingeniorum sortiti sumus nutrices, qui puro & puro Christianæ doctrinæ succo & lacte nos alunt. Qui, rumpantur ut ilia ipsi Diabolo, vel in medio improbissimorum hominum conspectu infallibilis sacre scripturæ auctoritatem generose defendimus ac protegimus. O plusquam auream vitæ degendæ felicitatem! O profundam Opt: Max: Dei in hisce terris clementiam & bonitatem, quibus omnibus cum animi, tum corporis beneficiis nos in altissima, nunc pace Batavi perfruimur. De quâ beatitudine, rerumq; prosperitate, si porro gratulari nobis detur, non ipsa nobis salus salutis magis esse potest. Omnia enim bona, quæ mens humana excogitare potest,

hæc in Fœderatas hæc Provincias, velut agmine facto, confluxerunt. ERUDITIO, PIETAS, quas geminas in Rep: columnas esse diximus, pari studio, pari labore ab optimis mortalium excoli videmus. Ad quæ accedunt omnes istæ virtutes, & actiones honestæ, quas & à naturâ & ab opere nostro assiduo, expectamus. Utinam! res istæ tam secundæ, semper secundo æstu procedant! Et non iterum in proximo limite nobis Gorgones & monstra repullulent. Quæ hanc, quam nunc tam læti possidemus, divinæ pacis serenitatem tristi aliqua nûbe & caligine involvant.

In solo Opt: Max: in cælis Deo, tota salus nostra est reposita. In illo olim nos Batavi, quando inprimis suis incunabilis libertas consisteret, omne præsidium opesque nostras collocavimus. In illo solo spes, decus, gloria omnium fortunarum & civium nostrorum secure acquiescit. Nullum terrâ marique Hostem, aut inimicum extimescentes, quando sub hac arce aenea, sub providentiæ hac umbrâ & clypeo latitabamus. Sic,

Securus atras inter & aspides Psal. 91.

Deget, ferarum & pignora Tigridum

Tutusque calcabis Dracones,

Et Libycæ catulos Leona.

Noctis per atra caca silentia

Non expavesces caca pericula

Non luce grassantem timebis

Perniciem, nec aperta bella.

Interque strages mille cadaverum,

Dextrâ, sinistrâ, mille cadaverum

Periculorum exsors, propinquam

Incolumis fugies ruinam.

P R E C E S.

Ad te solum igitur, aterne, clementissime Deus, unum confugimus. Teque ex in timis animis precor- diis obnixè ro- mus, ut pia nostra desideria in sinum paterna tua charitatis, admittere ne dedigneris. Tu pacem, nobis quam cum Britannis nuper dedi- sti terrâ marique magis magisque confirma. Tu bel- la, qua in finitimis geruntur, à fœderatis Provin- ciis, & ab Ecclesia, sanctissimâ tibi sponsâ, procul averte: Tu Remp. universam, ejusque procercs pru- dentissimos, sanctissimo tuo spiritu illustra: ut liber- tatis hanc naviculam illorum fides & cura commis- sam, per decumanos malorum fluctus in tutum por- tum deducant. Tu ô misericors & omnipotens Deus, fac ut magnus Galliarum Rex, cui prosperrimi in Europa bellorum successus tandem ad honesta pacis fœdera permoveatur: ne nova molitio- nes, & arma hostium in proximis Flandrorum & Brabantia sinibus incrudescant. Unde ad vicinas nationes, ipsosque Batavos facile hæc flamma se diffunderet. Averte & averrunca hanc pestem & perniciem à tuo populo Opt: Max: in cælis DEVS. nec patere divino tuo Numini sacram banc vineam à funestis illis harpyis fœde pollui & eradicari. Ut pax illa, quam semel votis priorum in hisce terris tam benigne concessisti, firmis semper radicibus con- sistat. Tuò,

Gentis humana bone dux Sionem,

Quo soles vultu facilis tuere:

Pace florentes Solyma beata

Protege turres.

Tu O magne potensque in cælis Deus hoc te post hæc omnia per genua tue misericordiae, etiam atque etiam oramus: ut Illustrem Alcmariam, & in illâ Nobilissimos & Amplissimos Dominos Consules, Prudentissimos Dominos Senatores, DD: Scabi-

nos; DD. Scholarchas. Reverendos & Clarissimos DD. Pastores, Omniumque ordinum viros excellentes ac doctissimos diu sospites, diu superstites conserves. Et nostro huic Gymnasio, in quo ERUDITA PIETAS studiorum unicus est finis multa largiri velis prospera, multa felicia. Per nomen tuum O Christe Jesu, sanctissimam Majestatem: cui soli sit laus, honor, & gloria, in omnium temporum perpetuitatem, & secula seculorum.

D I X I.

Tres antecedentes habitæ Alcmariæ
etc. MDCLXVIII. Examine
Vernali.

O R A T I O XLIX.

De

REGIBUS, EORUMQUE IN-
FELICITATE,

Habita à

PETRO vander M'ERCT.

Zelando.

Reges & Principes H: H: A: A: clarissimorum instar siderum inter cives & subditos suos elucent. Omni que loco, ubi Majestas ipsorum dominatur, ob potentiam suam summa sunt in veneratione ac honore, nec minus apud Christianos, quam Barbaros ipsos, qui quamquam ab omni humanitate penè abhorruerint, tamen suos sibi Duces & imp: elegerunt. Quorum
auspiciis

auspiciis benignè obtemperantes, illos Decorum loco, semper honorarunt. Christiani autem quanti sacram hanc potestatem semper fecerint, hoc ex vetere & præ sente seculo abunde cognosci potest. Regia & Principum dignitas toto orbe est illustris ac conspicua. Ad cuius nominis splendorem regna & nationes universæ stupent ac contremiscunt. Deumque ipsum vix minore, in terris, cultu & officio multi prosequuntur, quàm sedentem in solio suo Regem & Principem subditi. Ad horum nutum & arbitria, omnia, quæ terrâ marique geruntur, se sponte sua componunt. Sive pacis, sive bellorum sunt tempora, cuncta ab hoc capite & origine dependent. Quicquid regia auctoritas vel levi verbo imperat, pro firmâ mox lege habendum, nec ab eâ voluntate temere recedendum, nisi culeo te insui, gravique supplicio affici exspectes. Igitur apud Regem, dixerunt veteres, *omnis cana est iucunda*. Nec desciscere ab hujus voluntate & præscriptis vel latum unguem licet, nisi totus ac æternum ab illo sis extinguendus. Illius ora & oculi pro indice habendi; illius manus pro lege & rubrica, quæ si infelicitè semel tractaveris.

Tadâ lucebit in illâ

Iuv.

Quâ stantes ardent, & fixæ gutture fumant

Recte igitur illi faciunt, qui Manliani hisce dictaturis subiecti, ut à magnatum istorum fastu & fastigio vitæ sibi ducendum sumant exemplum. Sive illa enim servitute impossibile est, sub Regum oculis vitam securam traducere. Fateor ego *H: H: A: A:* illustrem hanc esse dignitatem, & prope divinam, quam in subditos suos exercent capita illa gentium & terrarum. Sed, curiosè mihi respicienti ad illorum sceptræ & coronas, nec id ignorare quisquam mortalium potest, quod eminens illa potestas etiam suas procellas & pe-

ricula patiatur. Quoque major horum est fortuna, eò etiam gravioribus faris & molestiis hæc afficitur: Quemadmodum altissimo in loco posita delubra atque tecta, quæ venti immanes imbresque perpetui majore semper motu impellunt ac concutiunt. Adeo ut multum ego dubitem, an regiam hanc coronam, si ante pedes meos esset posita, à subjectâ terrâ, in hunc capitis mei apicem attollere non erubescam. Ista paludamenta, istas trabes, torques, ista quæ videtis, conchyliis. istud à Tyro, à Sidone ostrum & murex, immane quantum! secum trahit omnium malorum agmen. Ut non frustra dixerit Poëta:

*Aurea rumpunt tecta quietem
Vigilesque trahit purpura noctes
Minus in parvis fortuna furit,
Servat placidos obscura quies.
Præbet summos casa securos,
Somnus agrestium lenus virorum,
Non humiles domos fastidit,
Umbrosamque ripam
Non Zephyris agitata Tempe.*

De hoc Regum & Principum statu H: H: A: A: hac horâ nos in publico loquemur. Quantoque sublimius, magisque arduum hoc quod sub incude est argumentum, eò attentiores acrioresque nos aures habituros, ingenuâ cum fide ac fiduciâ expectamus. Ego in Majestatem regiam, quâ possum ingenii alacritate, stilum meum distingam. *Collega meus*, cui mox tradam lampada, scio, privatæ vitæ felicitatem paucis describet. donec prælio hoc probè inter nos confecto, ipse demum hujus certaminis prudens *Arbiter* suam utrique sententiam interponat.

Regum & Principum vita, meo judicio, quo est in terris illustrior, eo quoque est periculosior. Nam in alto semper positi, subditis suis pro scopo
& ex-

& exemplo sunt, in quos omnium ora & sermones convertuntur; siue bene, siue male Remp^a administrent. Neque pene quicquam ab illis in commune bonum suscipitur, quod non infirmi quinque pro sua sententiâ prave dijudicent ac reprehendant. Rarò in populum lege proposita, quam non iniqua mente illi inter pretantur. Quasi id solum apud animum suum Reges Principesque deliberent, quod propriam ipsorum Majestatem confirmet, subditorum vero sortem ac fortunas destruat, ac destituat. Nunquam in pace & tranquillitate humili plebecula, quando consilia & comitia in publico. Quæ semper est anxia, semper in metu & formidine, ne quid suæ rei & fortunis infelicitè decedat; Quæ, profectò, vivendi Ratio, quàm sit plena sollicitudinis, facile illi mecum sentient, qui Regum & Principum fata relictis animi oculis intuentur. Quorum in loco si positi essemus, tunc demum ex vero intelligeremus, quàm gravis illa sit sarcina, quàm humeris illorum pondus intolerabile, quod die nocteque summi isti Monarchæ, Reges & Principes, perferre, ac tolerare coguntur. Adeo ut nullum sit tempus; quo non de curis, de molestiis suis jure meritoque conqueri possunt. Bella quando cum finitimis periculosè suscipiunt, ut regno suo quietem pacemque parent, quantis calamitatibus tunc illi subjacent?perpetuò animis inquietis hinc inde ingentibus curis, regni que fortunâ in anticipiti loco positâ. Quando in singulas horas suspicio ac metus est de perfidiâ & insidiis suorum domi, de hostium prosperis successibus, & fortitudine foris. In exercitu demum & castris ne qui tumultus & conspirationes malitiosæ; aut cum hostibus pactiones & molitiones nefariæ ineantur. Pace vero ipsa nec tui hî esse satis possunt, qui in sublimi illo solio sunt constituti. Nam in

singulos dies habent, quod sibi metuant magni Principes à talibus ingeniis, quæ, quod belli tempore assequi per vim & arma non poterant, id partium studio, in turbatâ Rep: facile obtineant. Quando hoc unum agunt, ut Magistratus suos, quorum Virtus sæpe formidolosa est, per tacitos latentesque dolos subvertant. Sparsis in populum rumoribus de superiorum Tyrannide, malisque artibus, quibus inferiores, subditos suos, solent subvertere. Ut jure dixerit Satyricus:

Ossa vides Regum vacuum exusta medullis. Juv.

Et de illis Græci Ὅν πάντες φοβέονται,

πάντας φοβεῖται. Καὶ τοῖς βασιλεῦ

σιν ἥττω ἔξεῖν ἀδικεῖν ἢ τοῖς ἰδιώταις. Soc. Quid est vos O Reges Principesque viri, quod tanto studio, quod tantis sudoribus ad illustres hos titulos contenditis? insinitz sunt curæ & molestiæ, quæ vos circumstant. Quid pro dubio hoc statu rerum ac lubrico vitæ genere, tam insatiabili cupiditate arma sæpe suscipitis? En fulmina & ignes, cum totidem tempestatibus periculosis, quæ fortunæ vestræ versant apicem. Quid istos à naturâ & fato generosos spiritus toties pravâ ambitione corrumpitis? in tacito & modesto vitæ ordine multo jucundio rem vos vitâ degere potestis. Sæpe à populo & civibus vobis subjectis istam habituri injuriam, quâ vix apertus hostis, omnibus suis machinis ac tormentis, crudeliter in vos sævire sustineat. Et hanc tam duram, tamque difficilem provinciam vos illustria inter mortales capita, tanta per pericula & discrimina rerum, sollicite petitis? verissime de illis Tiberius:

Tacit. *Bonum & salutaris Princeps Senatui servire dehet, & universis civibus, etiam singulis.*

Scilicet, ut obsequatur bonis consiliariis; ut in omnium salute procurandâ, in Justitiâ admi-

nistrandâ,

nistrandâ, in arcendâ à singulis injuriâ dies noctesque impendat, quæ si non exactè & ad limam præstiterit; non pro bono ac legitimo Principe, sed pro improbo ac infelici Tyranno est existimandus. O Regum Principumque curas infinitas! O calamitates inexhaustas! quibus illi potentes assidue premuntur. Quando alius in alto otio & tranquillitate vitam agit; quando securos somnos capit, sibi ipsi vivit, vos, Reges Principesque, inter flammam & ignes versamini. Vos omnium iectibus & injuriis expositi, inter Serpentes & aspides, inter corvos illos aulicos & purpuratorum perfidiam, ætatem sæpe agitis. Vitæ rerumque dubii *inceditis per ignes suppositos cineridoloso*. Horat. Hæ remunerationes splendida, hæ illa sanguinis vestri merces; Hæ trophæa & monumenta, quæ apud posteros relinquitis. *Admittitis in animum totum Reip. curam, populique fata suscipitis, & obliiti quodammodo vestrum ipsorum gentibus vivitis*. Tac. Quæ verò præmia ex pari, quæ vobis gratiæ, ô Sanctissima in terris capita, pro tantâ vestrâ fide & labore persolvuntur? vigiliæ vestræ, quas pro populi salute suscipitis, nunquam metu & sollicitudine carent. Actiones virtutum vestrarum, quibus toti dies & noctes aula perstrepat, nunquam insidiatoribus, nunquam gravi periculo & calamitatibus destituuntur. Semper aliquid timendum ab inferioribus, quibus nec vitæ vestræ honestas, nec sceptri dignitas placet. Omni in loco laet scorpius, semperque à tergo Nemesis, quam extimescas. Ut merito dixerit Pœta:

Juyen.

*Custodite animas, & nulli credite mensæ:
Livida materno fervent adîpata veneno.
atque eme quod Mitridates
Composuit si vis aliam decerpere ficum,
Atque alias tractare rosas.*

Nulla aconita bibuntur

*Fistilibus, tunc illa time, cum pocula sumas
Gemmata, & lato Setinum ardebit in auro.*

Seneca. *O quantum bonum est ob stare nulli,
Carpere securas dapes humi jacentem
Scelera non intrant casam,
Tutusque mensa capitur angusta cibus
Venenum ex auro bibitur.*

Horret animus meminisse HH: AA: tot fata & funera maximorum Regum. Qui quando in felicissimo rerum successu erant positi, inter tot plausus & gratulationes, suis Hostibus, ipsique fortunæ, quando liber joeari, sæpe ludibrium fuerunt. Quod & veteris & nostri ævi exempla abunde testantur. Unus Pellao Juveni orbis non sufficiebat, alii quarendi erant. Alexander orbi magnus; Alexandro orbis angustus erat. Age, expendamus in trutinâ Hannibalem: quot libras induce summo invenies? Omitto, hoc loco, Casarem, quem repentina vis oppressit. Omitto Pompejum, Crassum, Marium: quos omnes ad miserabilem vitæ exitum fortuna reservavit. Non dico de Mutio, de Regulo, de Polycrate, de Fabricio, de Socrate, de Catone, & de ipso denique Demosthene & Cicerone.

*Quos felices Cynthia vidit, Seneca.
Vidit miseros abitura dies.
Cespes Tyrio mollior ostro.
Solet impavidos ducere somnos.*

Et, ut alter Pœta ait:

*Ad generum Cereris sine cade & sanguine
pauci Juven.*

Descendunt Reges, & siccâ morte Tyranni.

Quis dicat nostro quoque hoc sæculo vere felices ac fortunatos Philippos, Ferdinandos, Ludovicos, Carolos, magnos istos Hispaniarum, Galliarum, Britannarum Reges? quos omnes maximi motus
& me,

& metus bellorum acerbissimi, ad horrorem formidinemque audientium, summis nuper periculis involverunt. *Quorum operum & factorum illustrium memoria sera nondum vespera vidit. Nos illorum coronis & sceptris omnia fausta omnia fausta omnia felicia apprecamur. Dique nos Batavi Regiæ illorum Majestati ac virtutibus, modo pacem cum illis securam & sempiternam habere possumus, diu inquam, nos Batavi innexi insertique esse desideramus.*

DIXI.

ORATIO L.

De

LAUDE VITÆ PRIVATÆ.

Habita à

JOANNE BAERT.

Alcmariano.

FAteor ego *H: H: A! A:* Regum Principumque fortunam multis calamitatibus esse subiectam. Eorumque conditionem tam esse miseram, ut, ad illam deplorandam, nunquam lachrymarum sit satis. Quod tu, *mi Collega*, non sine justâ querelâ nobis ad oculos proposuisti. Tecum in eadem prorsus sum sententiâ. Qui Regum & Principum potentiam, non illa dignor veneratione, qua plurimi homines illam usque in cælum & sidera extollunt. Ipsa enim illa purpura, quæ in tantam admirationem & dementiam quæcumque è vulgo rapit, infinitis doloribus redun-

redundat ad læsam subditorum salutem ! ego igitur quam possum longissime , dolosas istas Syrtes & Charybdes summæ dignitatis defugio ; malimque in privato humilique statu ætatem agere , quam tot telis undique infestis ac periculosis caput meum obiectare. Sic enim eveniet , ut trista illa fulmina facesque sanguineas , quæ summa ista quasi papaverum capita percutiunt , securus declinem multoque mihi tutior vita , sub modesto late degere , quàm in turbido illo theatro , tot rerum inter se periculosè remeantium. Verum est quod Poëta dixit :

*Auream quisquæ mediocritatem
Horat. Diligit, tunc caret obsoleti
Sordibus lecti, caret invidendâ
Sobrius aulâ :*

Et ut apud Plutarchum Phocion ait :

Ζῆν κρείττον' ἐστὶν ἐπὶ σιῶα δὲ κατακείμενον ; καὶ παρρηίῃ ἡπαρκαται χρυσὴν ἔχοντα κλίην.

Qui enim extra turbam & turbines vivit publicæ inquietudinis , hic vere felix & beatus est , suâ sorte & fortuna supra maximorum Regum vicissitudines immane quantum antecellens ! cujus ego hominis vitam , juxta immortalium animarum felicitatem , jure meritoque colloco. Cum reliqui isti , qui in excelsis agunt , semper suos morsus ac vexationes in finitarum calamitatum persentiscant. Extra quæ mala & molestias ille prorsus agit , qui suo sale & sole contentus , satis magnum sibi regnum in ture paterno comparavit. Quantum enim à natura , benigna matre , datum est beneficium , non alienæ servituti obstrictum esse ; non dormire , non vigilare ad alienum arbitrium ! sed , suo more & modo , sibi ipsi liberrimam agendi volendique potestatem face-

re! illa ad manus sumere, quæ intimum animum reficiunt; quæ plurima lætitia & gaudio nos perfundunt. ad nulla negotia cogi ac impelli, à quibus nostra ratio & ingenium generose abhorret.

Latius regnes avidum domando Horat.
Spiritus, quàm si Libyam remotis
Gadibus jungas: & uterque Pænnus
Serviat uni.

Illi verò quàm omnibus numeris sunt infelices, qui nullum pene diem sibi vivunt ac vacant. Qui cum Sisypho, cum Ixione, cum Perithoo æternæ servitutis iugo damnati, nullum unquam liberum vitæ spiritum traducunt. Quales ego omnes istos purpuratos esse judico, quos hætenus in theatrum introduximus. Quorum vitam si conferamus cum istis hominibus, qui in tacito agunt, me hercule! ter & amplius illi miseri ac calamitosi sunt habendi. Ille verò qui, aut in civium numero honeste vivit, aut in agris suis rusticam operam exercet; aut in arvis frequentat; aut aliud domi suæ negotium in manibus habet, cæteris omnibus, quibus sceptrum & corona fati evenerunt, longè est præponendus. Agite H: H: A: A: utramque hanc fortunam rectis oculis mecum intueamini. &, ut cæteros omnes hoc loco, omittam, quibus terra marique libera est agendi voluneas, velim hanc nostram, in quâ nati sumus, vitæ conditionem, exacte expendatis. Non puto ego tam tristi fidere aliquem ex nobis esse natum, qui non malit cum Mulis suis in togâ vitam instituere tranquillam; & cum summis clarissimi sique ingeniis occupari, quam cum magnis Regibus, quos tanta in dies tempestas circumstat, suum otium & sapientiæ studia permutare. Quando enim illi inter arma cum externa, tum domestica versantur;

nos in tacito Minervæ sinu, aut abdita naturæ opera speculamur, aut in divinarum rerum cogitatione mentem defixam habemus. Quando illi totius regni curam; tot urbium & civitatum administrationem periculose suscipiunt; nos extra metum & formidinem alternantis fortunæ positi, *quid Seres quid Thraces agant securi sumus.* Quando, inquam, magni & humani isti Joves, Reges & Principes dico, tot insidiis suorum hostium circumveniuntur, tot sicas & venena expavescent; nos extra invidiam beati, tum nostris quisque negotiis animique voluptatibus involvitur.

Nescitis cupidi arcium, Seneca
Regnum quo jaceat loco?
Regem non faciunt opes,
Non vestis Tyria color.
Non frontis nota regia,
Non auro nitida trabes.

In exemplum, omissis Xerxe, Crasso, Hannibale unius nobis *Sejanus* satis est, qui

Juvenal. *Facies toto orbe secundâ,*

Mox unco ducitur spectandus:

Ardet adoratum populo caput, & erepat in gens
Sejanus. Scilicet,

Vnde altior efficit

Casus, & impulsæ præceps immane ruina,

Exitus ergo quis est O gloria?

Rideo ego illorum hominum temeritatem, qui, nescio, quo fastu & superbia afflati, non nisi ad summas opes & dignitates grassantur. Qui per fas & nefas Remp: invadunt; & tunc demum felices qui se esse deprædicant, quando aut imperii sui limites late extenderint, aut ingentes pecuniarum acervos avare coacervaverint: quo postea felici auspicio ad summæ Majestatis gloriam perveniant. Longe melius est cum Philosophis,
 cum

eum viris doctis auream vitæ mediocritatem diligere, *vivere cōmptos undique nobiles interlibros Panati, Socrati cam & domum*, Horat. veterisque sapientiæ factum esse ministrum, atque alumnum, quā magnā invidiā, & dulci regnantium fortunā esse ebrium. Nam verissimum est :

Sapius ventis agitur ingens Horat.

Pinus & celsa graviore casu

Decidunt turres feriuntque summos

Fulmina montes.

Rectius vives, Licini, neque altum

Semper urgendo: neque dum procellas

Cantus horrescis, nimium premendo

Littus iniquum.

Rex est, qui metuit nihil,

Hoc regnum sibi quisque dat.

Senec

Stet, quicunque volet, potens

Aula culmine lubrico.

Me dulcis saturet quiet.

Obscuro positum loco

Leni perfruar otio.

Quod cum perspectum sibi haberent divinissimī illi homines, *Plato, Socrates, Diogenes*, magno animo & constantiā Regios honores & sarcinas, tanquam oneri futuras, repudiarunt. Optimas vitæ facultates in privatā modestiā & tunicatā domi quiete collocantes Cujus etiam indolis fuerunt, apud Romanos *Fabii Cinninati*,

& nomina pauperis avi,

Fabricii Curiique graves :

Apud Græcos *Aristides, Epaminondas, Solones, Phociones* : Quorum una salus & felicitas in animi virtute & honestā paupertate consistebat. In quos magnos & inclytos viros non cadebat puerilibus crepundiis consentanea
ambitio

ambitio ; Sed sola , illi mentis inflammati eruditâ sapientiâ , omnes suos affectus intra rectæ rationis gyrum determinarunt. In quorum laudes exclamare mihi licet.

Lucanus.

O vita tuta facultas

*Pauperis , angustique lares : ô munera nondum
Intellecta Deum.*

Seneca.

Secundis rebus

*Quisquis exultat nimis,
Fluitque luxu , semper insolita appetens,
Hunc illa dira fortuna comes
Subit libido.*

*Cur sancta parvis habitat in tectis Venus
Et se coercet modica ? contra divites
Regno fulci , plura quam fas est , petunt ?
sollicito bibant*

*Auro superbi , quam juvat nuda manu
Captasse fontem ! celerius somnus premit.
Secura duro membra versantur toro.*

Aut, cum Isocrate potius dicam: Εἰς τοὺς μέν ἀσφαλέστερος βίῃς εἶναι δοκεῖ καὶ βελτίων, ὁ τῶν ἰδιοπύοντων, ἢ τῶν τυραννεύοντων.

Nihil ad me & sapientem faciunt stultitia tua, O Creice ; nihil conchylia ista ac Endromedes, vestraque Phaleræ & trabes molles Græculi ; nihil apparatus isti Persici ; nihil Caricæ Lydorum, mollities rōnum ; Sacerdotum illa redinucula, tiaræ, flammea, peristromata. Totiusque ille mollium Cynædorum ordo calamistratus. Contemno bona ista , quibus supervacuum labor inutilem æstimationem pretiumque facit. In continentiâ , in modestiâ , in virtutibus antiqui avi , omne meum decus , divitias , honores repono.

In servili penulâ , in abollâ cubiculari , aut in griscâ illa veste Rudolphi Imp: plus ornamenti pono , quam in Alexandrinis tapeis , quam in distinctis

stinctis marmore pavimentis, quam in emblematis vermiculatis. Gemmarum enim, & id genus lapillorum, quibus pretium imposuit mulierum vanitas, viris usui non esse dixit *Alexander Severus*; imperium in virtute consistere non in decore & elegantis faminarum. Hæc indigna sunt magno Principe ornamenta: quæ negotiator aliquis aut mango usurpet. Quæ nisi vaniores illi virorum è mimarum & scortorum complexu magno semper æstimarunt. Hæc illa Regum Principumque spolia & exuvie. Hæc *Cleopatra* aut *Messalina*, mulierosa istius manus, nugamenta ac illecebræ. Quibus in solo corporis habitu externo suæ voluptates atque otia reponebantur. Multo melius apud mediocri fortunæ homines vita instituitur. Ubi non *Hymettias* trabes crassum aurum abscondit; non domus, sectis marmoribus, crustata enitescit; non segnis *Achates*, non purpureus lapis tota in aula effusus calcatur. Non hebenus mariotica vastos postes operit.

Lucan. *nec crebro maculas distincta smaragdo
fulget gemma toris, & Jaspide sulva sup-
pellex*

*Strata micant. Tyrio quorum pars ma-
xima succo*

Cocta diu, vires non uno duxit, ahenis.

Ubi cuncta ad naturæ simplicem usum ac fructu-
nem sunt facta. Majorque est honor & dignitas,
suo sordido tuguriolo fortuitum amare cespitem,
quam pretiosis orbibus parietes habere distinctos.

Seneca. *Ubi non refert quantum in arca, quantum
in horreis jaceat. Quam magna multaque paropsi-
de quis canet. Vbi, an splendeat toga, an sordeat
perinde est. Et frugalitatis indicium habetur, auro
argentoque caruisse, juvatque inter sidera vagantem
divitum pavimenta videre.* Hæc talis vitæ conditio

H: H: A: A: præ Regum Principumque magni-
fico

ficò luxu & apparatu sola mihi placet. Nec facile desiderem modestam meam quietem, quam ex Musarum convictu ac commercio quotidie percipio, ipso Tago & Pactolo permutare.

D I X I.

O R A T I O. LI.

A R B I T R I,

I N T E R . R E G E S & P R I V A T O S.

Sententiam suam dicentis.

Habita à

F. E R D I N A N D O V A N K E V L E N.

Amstelod:

Reges, & Principes, *Mei Collegæ*, vos de Scholæ pulvere & pulpito, quod miror, huc in theatrum adducere ausi estis. Quasi hujus loci sit, circa summa capita rerumque fastigia occupari. Si de vestro foro, de literis & sapientia dixissetis, multò meliorem, fortasse, gratiam apud Amplissimos Auditores inivissetis. Quid, quæso, ad summos illos apices tangendos potissimum vos impellit? an ignoratis periculosum esse in Reip: arcana se immittere? & de istis in hoc Minerveo disserere, quæ minime ad hanc ferulam faciunt? extra orbitam & terminos itis. Vos majoribus pulpitis ac rostris tale argumentum relinquite: ubi politicam hanc incudem versant homines eruditi & sapientes. Quam facile fieret, ut, citra canonem vestra artis & officii in alienam mensem

messum falcem injiceretis. Vereor, ne meritò sitis reprehendendi, ac in gravem alicujus Aristarchi censuram incurreritis. Ego vobis auctor esse velim, ut à tam difficili ac arduâ materia pertractanda linguam & calamus abstinereis. Et, ut alias prudenter fecistis, intra vestræ Minervæ pomeria maneretis. Non tamen omnino animos despondere vos velim, charissimi Commilitones, & hæc à me sic seriò dicta esse putetis, tanquam læsæ Majestatis rei, maximam in vos, pœnam concitaveritis. Non gravi, spero, vos supplicio mactandos, quod semel de alieno negotio tam speciose verba feceritis. Scio pacis & bellorum materiæ dudum vos saturos, ac de illis hætenus in publico copiosè vos dixisse.

Pax est Herculeæ manu Seneca.

Auroram inter & Hesperum.

Et quæ sol medium tenens

Umbras corporibus negat.

Semper eandem crambem recoquere, quid est aliud, quam miseros magistros toties occidere? nunc, Deo Opt: Max: sit gratia, postquam in jucundissimæ tranquillitatis gremium recepti estis, voluistis etiam Regum & Principum fortunam tenuiter delibare, summosque illos apices, tanquam lusoriis ingenii armis, adoriri. Permittent, non dubito hunc vobis ludum H:H:A:A: nunc ludere, animique recreandi causâ, in hoc tam nobile argumentum paucis vos immittere, quod ita obiter sub manu tractasse, non ita grave, scio, auribus alicujus radium aut vulnus faciet. Sed quando vos, *Mei Commilitones*, in hac arenâ novi Athletæ nondum satis inter vos beue de proposita quæstione convenitis, ego me *arbitrum* vestræ sententiæ interponens, quasi caduciator-em agam, qui hinc inde natas invicem lites sapienter, spero, componam.

Regium

Regium in terris imperium Deo hominibusque à multis seculis sacrum sanctumque semper fuisse iudico. Nec non summo in honore & estimatione habendum, quando fideliter & feliciter ad populi tutelam ac conservationem administratur, & in nullum alium finem suscipitur, quam ut terra marique pax & tranquillitas primas in Rep: partes teneant. Sublatis enim de medio juris & æqui defensoribus, quæ facies & fortuna rerum? quis status & ordo civium ac subditorum haberetur? *Natura ipsa commenta est Regem, quod & ex ipsis animalibus licet cognoscere, & ex apibus quarum Regi amplissimum est cubile, medioque & tatisimo loco. Mutis quoque gregibus aut maxima corpora præsent, aut vehemensissima. Non præcedit armenta degener taurus. Elephantorum gregem excelsissimus ducit. Idem in avibus, in ovibus & in alio genere congregum animantium. Quod etiam à condito orbe sacræ literæ testantur. Ubi Judæi Regem poscentes, sic audiuntur: Constitue nobis Regem. Sic & in Italia primi illi Romani, in variis voluntatibus, Regem tamen omnes volebant. Quare & Græci olim: ἡ ἀρχὴ δὸν πολυκοιρανίῃ εἰς κοίραν ἔσω, Nam ubi gentium & locorum in principatu summum est imperium, quis neget optime illic iustitiam exerceri? ubi nec noxæ nec corruptelæ, & Rex ipse supra metum & gratiam est. Tranquillitatem & concordiam coli? metus vel auctoritas principis hoc facit. Quod egregiè Tacitus: *Suspectum, inquit, senatus populi que imperium, ob certamina potentium, & avaritiam magistratuum.* Nec ullus in Rep: status magis unquam diurnare imperia fecit, quam ipsi principatus. Quod in illo *Assyriorum* liquet, qui mille & ducentos annos stetit; in *Persarum* dominatu, qui, etsi graviter ab Heraclio Imp: confusi, adhuc vivunt & regnant.*

regnant. In *Aegyptiorum* & *Sinarum*; qui in serie continua, Reges ducentos quadraginta tres annumerant. *Sparta* verò, ubi alia imperii forma vix quingentos annos libertatem tenuit. *Athena* saepe mutarunt. *Roma* paulo plus quadringentos annos liberam Remp: servavit. Multa in utramque partem sunt argumenta, quibus Regum & Regnorum diuturnior felicitas asseritur; Sed non nostra est, ut ante in Collegas meos dixi, provincia, hanc tam amplam & difficilem materiam, hoc loco, pertractare. Disputent de illo Politici, qui sive electionem, sive successionem in optimo imperii genere præponant; Sive Optimatum studia & statum defendant, nos in medio hæc posita relinquimus, huic rei tantum intenti, ut & Regum & privatorum fortunam suis ex æquo coloribus hic describamus.

Summus ille Principatus meo iudicio H: H: A: A: Deum Opt: Max: auctorem & pro tectorem habet, ad quem si quis jure & legitimo tramite pervenerit, merito felicem illum esse existimo. Regum enim optimorum hæc una in animo est cogitatio divina ut, obliti quodammodo sui, universæ Reip: curam suscipiant, & ex omnibus mortalibus sunt electi, qui *Deorum*, inquit *Seneca*, vice in terris funguntur, illustre est exemplum *Hadriani Imp:* Qui toties auditus est dicere; ita se Remp: gesturum, ut sciret rem populi esse non suam. Et *Vespasiani*, qui etiam æger in publicis administrandis negotiis, diligentiam suam quàm maximam ostendit. Revocantibus illum amicis ut sibi paceret, Imperatorem inquit, stantem mori oportet. Neque illo inferior *Rudolphus Imp:* qui per Deum, inquit, finite homines ad me venire; non enim ideo ad imperium sum vocatus, ut in arcula includar. Quare olim *Aristoteles* dixit:

ὅτι πρώτη καὶ θεοπώτη ἡ βασιλεία.

Primus

Primus & diviniſſimus Principatus. & Plato : ὁ βασιλεὺς ὡς θεὸς ἐκ ἀνθρώπων, Rex Deus quiſpiam humanus. Regesque Homeri ſententia vocatos. διοτρεφέας βασιλῆας, à Jove educatos. καί ποιμῆνας λαῶν, paſtores populorum. Quid eſt, mi Collega, quod diviniſſimum illud munus, quo Reges Principesque imperant, temere accules? verum & verus ut video dictum eſt : Omnes bonos Principes in uno annulo poſſe perſcribi. Quid vero hoc ad te? illorum veſtigiis inſiſtere debes, qui in illa dignitate eximia, eximias quoque virtutes per omnem ſuam vitam inſtituerunt. Rex omnia mortalia infra ſe habet, ſupra ſe Deum : cuius benignitati referenda eſt gratia. Simul illud reputes, arduum & ſubjectum fortuna regendi cuncta onus. quantoque plura adeptus tanto ſe magis in lubrico. Cogitandum illi, ne ritus ſacrorum inter ambigua culti, per proſpera obliſcerentur. Detque populo exemplum Religionibus, ac divino jure divinciendo. Principis enim eſt deſeſtari profanos, qui Dei imaginem mortalibus materiis in ſpecies hominum effingunt, & venerari illius ſummum & Æternum neque mutabile, neque interituum Numen. Nihil, hoc loco, de Tyrannis, aut malis Regibus Principibusque porro attexam, de quorum vitâ & vitiis aliàs ſermo nobis in publico fuit: Tempus, eſt ut vela nunc colligam, ac de portu cogitem. Ad te me confero, mi collega qui privatam vitam, neſcio, qua auctoritate & exemplis defenderis.

Si verò alicui in privato vitam agere contingat, & in eâ inveniat, quod ſibi ſolatium ac delectationem præſtet, non eſt, profeſſò, quod illam fortunam, eſi in obſcuro ac humili ſit poſita, infra Regiam Majeſtatem colloceſ. Quemcumque enim proprii ſui lares & penates jucundo ſatis
animi

animi sensu afficiunt, & sibi ipsi in parvo regno maximum Principatum imaginantur, quid ni summam vitæ felicitatem merito illis attribuam? equidem vetus est verbum: *Aut Regem, aut factum nasci oportere.* Nam hic Majestatem ipsam in folio possidet. Ille hanc animo & imagini suæ mentis subjicit. Uterque beati sunt, quibus ista vivendi ratio divinitus est data.

*Rex est, qui posuit metum,
Et dira mala pectoris.*

Seneca.

*Quem non ambitio impotens,
Et nunquam stabilis favor
Vulgi præcipitis movet.*

*Non quicquid fodit occidens,
Aut undâ Tagus aurea*

*Claro devehit alveo,
Non quicquid Libycis terit
Fervens arena messibus.*

*Quem non concutiet cædens
Obliqui via fulminis;*

*Non Eurus rapiens mare,
Ventosi tumor Adriæ*

*Quem non lancea militis,
Non strictus domuit chalybs.*

*Qui tuto possum loco
Infra se videt omnia*

*Occurritque suo libens fato
Nec queritur mori.*

Talis Diogenes olim Cynicus; talis Abdolonymus, tales Curii, Fabricii, & plurimi ab aureo illo ævo. Qui æque magnam in dolio suo; aut exiguo rure paterno voluptatem perceperunt, quam maximi terrarum Principes in universa & Asiæ & Africæ possessione; qui suæ modestiæ humilisque fortunæ sedem ac domicilium non ipso potentissimorum Regum folio & sceptris unquam permutare desiderarunt. Fugere tamen oblatos sibi honores, qui,

nisi

nisi stipes sit aut truncus, nulliego in laudem & decus adscripserim. Ita neque ambitione nimia, nec per largitiones & corruptelas, summæ istæ dignitates sunt invadendæ. Sed, si ultro, si sponte ad te venerint augustæ istæ appellationes, cur non, ipso naturæ jure, & communi populorum suffragio, libenter hæc mihi assumam? homo autem, qui nulla gloriæ cupiditate ducitur; quem nulla nominis stimulat immortalitas, hic inertio otio sepultus, ipsique mortuis non immerito est annumerandus. *Magna, fateor divitiæ sunt lege naturæ composita paupertas. Et contra naturam est, torquere corpus suum, & faciles odisse munditias. animusque magnus tam in servum potest cadere, quam in equitem Romanum. Subsilire in calum ex angulo licet. Non si paupertas, non si luctus, non si ignominia, non si dolor impetum faciat, sapiens pedem referet. Sapiens ad omnem incursum munus est.* Omnes illam in Philosopho felicitatem deprædicamus. Sed quid nocebit etiam manus istas, quæ sapientibus sunt datæ ad clavum & gubernacula admittere? meo judicio, bonæ indolis rectique ingenii est judicium, humo se tollere, & viris Principibus non tantum placuisse, sed unâ cum illis imperii fræna & habenas, in populo regendo capessere. Ipsa demum Musarum studia, quæ colimus, ad ardua & sublimia quæque nos vocant ac invitant. Nec patiuntur in occulto & abdito aliquem latere, cui propositum est, non penitus vitam ingloriam, instar brutorum, in squalloræ & tenebris traducere. Qui verò in sordido tanquam in latebris & cavernis abjecte habitant, illi nunquam virtutem factis extendere; nunquam salutarem Reip: operam navare possunt. *Præter laudem nullius avari.* Semper Miltiadæ trophæo excitari debemus; semper aliquo honesto negotio esse intenti, ut gloriam nostri nominis quam ma-

xime longam efficiamus. Et, ut Sol in Aurora tenuior assurgit & inclarescit, sic ex virtute ex meritis fama cum ipso ævo est augenda. *Fax mentis honesta Gloria.* Si quid enim rectè feceris incorruptum facti testem habeas Tac: fruarisque famæ tui quæ una brevitatem vitæ post mortis memoriâ consolatur: quæque efficit, ut absentes adsimus, mortui vivamus. Cic. Nunquam excelsi ingenii viri humili delectant. Sen. Agite, Charissimi Commilitones, in primâ vestra juventute cum Themistocle futuræ sapientiæ monumenta ostendite & Alexandrum imitemini, qui, ad huc ætate nondum provecta & matura, totam jam sibi Macedoniam in spe habebat. Cum nulla sit tanta animi humilitas, quæ dulcedine gloriæ non assidue tangatur. Multoque sit magnificentius virtute acquirere parva regna, quam ex Regum Regibus nasci Humile namque vulgus, plebejæ istæ animæ, nihil horum generose capiunt, aut intelligunt, quæ supra se, quæ infra se turpiter ignorant. vulgus, inquam, incertum, cupidum voluptatum; & ad deteriora promptum; illud seditiosum est, & agris semper oculis alienam felicitatem intuetur. Dixi H: H: A: A: de Regum & privatorum for unis, & unâ, quid cuique nostrum in hoc vitæ decursu propositum esse deceat. Honores & dignitatem nostri nominis, qua posset fieri solertia, semper intendere debemus. Et cum Venusino Poëta exclamaro:

Odi profanum vulgus & arceo.

P R E C A T I O.

CÆterum faxit Opt: Max: in calo Deus! ut tales in Rep: Proceres ac Atlantes semprr habeamus, quales olim optimi Regum Principesque in vetere & nostro ævo exstiterunt. Quorum facta & virtutes nos & posteri nostri perpetuo imitemur. *Ut ab illis*

illis vitæ ducenda probitatem ; ut justitiam, ut clementiam, constantiam, fortitudinem perdiscamus ; ab illis modestiam in sensu, in cultu corporis honestatem, in sermone & verbis humanitatem nobis singularem comparemus. Ad illorum, inquam, exemplum relligiosam pietatem, fidem Amorem in immortalem & Æternum Deum testemur, qua una sacra illa est anchora ad quam Christiani omnes, tanquam ad unum nostræ salutis asylum, omnia nostra studia dirigere debemus. Semperque impia superstitioni hostes & inimici bonæ conscientia clypeo ac umbone nos fortiter protegamus. Ita fiet, ut illustris Batavorum populus, cujus pridem majestas post feliciter cum hostibus confecta bella, ipsis fidernm spaciū est determinata ; sua quoque virtutis sempiternam memoriam, cum ipsa seculorum immortalitate conjungat. Et inclyta Alcmaria, quæ utraque sua Pallade, Togata & Armata universo terrarum orbi praeclare hæcenus præluxit, semper latior semper augustior, ex majorum suorum cineribus, resurgat !

D I X I.

Hæ tres antecedentes Orationes sunt habitæ

Alcmaria, clō. 10CLXVIII. Exa-

mine Autumnali.

XIX. Septembris.

ORATIO LII.

De

AFFECTIBUS MALIS IN HOMINE ,

Habita à

JOHANNE BAART.

Almeer.

QUando H: H: A: A: mortalium ego animos
& ingenia tacitus mecum examino, video,
quam variis affectibus, quam diverso ani-
morum impetu in quemcunque illi habitum in-
clinant: Hinc vitiorum turpitudine, inde virtu-
tum, blando amore partes suas artesque habenti-
bus: agente rerum natura pro suo ductu & arbi-
trio, in singulis humani ingenii moribus ac se-
minibus apertum sui theatrum Adeo in diver-
sos cupiditatum impetus inclinante hac vita no-
stra voluntate; eodem sæpè momento vix sibi
constante Humani propositi levitate ac inconstan-
tia ut vere dixerit Poëta:

*Quid enim ratione timemus,**Aut cupimus? Quid tam dextro pede concipis, ut te
Conatus non penseat, votique peracti?*

Felices illi, qui vera in Opt: Max: Deum religione
sinceræ pietatis propensè rebus divinis operam na-
vant quotidie, & hoc animorum astro inciten-
tur & auspiciis, ut nihil aliud desiderent, quam
per veram virtutis callem recto semper tramite
incedere. Infelices, terque quaterque infelices
illos ego judico, qui fatali vitiorum scopulo ad-
hærescentes, nihil sibi proponunt, quàm ad in-
certam levitatis auram, ad scelera & flagitia, ad

vitz

vita morumque turpitudinem summo cum studio industriaque, prohiberi! advigilare. Quorum hominum miseriam potissimum oriundam puto ex ipsâ naturæ ac indolis pravitate, quæ vim maximam habet, inde pravandis humani ingenii consiliis. Unde ad omne malum & deteriora, ab ipsis natalibus nostris, propendimus. Quo si à teneris, ut solet, pessima accedat *educatio* & societas improba, deserta recti & honesti regione, ilicet, perimus, actum est. Paulatim proserpente in intimas animorum medullas, per pravam conversationem, pestifero hoc naturæ veneno. Mala quoque præceptorum *Institutio*, & parum circumspecti mores, ad terella ista formanda ingenia, plurimum conducunt, ad improbam naturæ voluntatem in plures propagandam: Quibus malis quando se conjungit & conglutinat nimis parentum Indulgentia, & cæcus amor in liberos suos, (subtrahita ludimagistris sanctâ suâ manu & ferula suppliciorum) quis unquam à tali fonte ac initio successus expectet legitimos? Improbitas per se ipsam ladit & sine præceptore facile addiscitur. Ut non sit necesse oleum huic caminæ, addere, cum non semper in potestate sit boni ac sapientis Ephori, ex omni ligno Mercurium facere, ita inclinante quorundam natura in prævum, ut trangi citius quam corrigi possit. Omnem operam perdente vel optimo in opere suo artifice. Unde fit, quod filios sæpe Heroum habeamus noxios, & tot Arcadica rudere circum nos pecora audiamus: Quos crasso Brorum sub aëre natos jures. Quicquid allaborat prudentia senilis, pietas divina, virtus innata atque infinita, frustra est, nihil à bono exemplo trahitur:

Ingenii sequitur semina quisque sui.

Quibus perpetuo claudi scholas & gymnasia æternæ essent feriæ. Ita in prævum, ut dixi, inclinante

te prob dolor ! naturâ, quæ ad multa quoque pernicioſa primam hanc ætatem ſeducere ſolet.

Hæc cum experiundo Præceptor noſter ac multâ annorum conſuetudine didicerit, & imprimis in illa cognoscenda ingeniorum virtute & vitiis apprimè ſit verſatus, voluit, ut nos Duo, de hac affectuum varietate paucis, hoc loco, diſſeremus. Quod ſane hac ætate utile nobis erit cognoscere, nec eruditis auribus alienum, aut injucundum, ſpero argumentum. Ego de *peſſimorum hominum indole materiam primus aggrediar*. Collega meus meliore auſpicio alteram ſortitus partem, dicturus de optima hominum indole ac temperie: Vos A : D : A : vaporatas attentasque, quaſo, mihi aures præbete.

Valde dolendum eſt, quod ita infelicitè cum humanis ingeniis egerit natura, multos ita improba morum ac vitæ conſuetudine naſci voluerit, ut ad omnes ingenuas liberaſque animi functiones prorsus ſint inepti & male idonei. Ipſorum pravis affectibus nihil pene deſiderantibus, quam a virtutum officiis & rectæ rationis dictamine penitus aberrare. qui eſſi videant meliora, tamen pejora eligunt ac ſequuntur: poſt habitâ omnibona occasione in majus & melius emergendi; contempta etiam bonorum præceptorum inſtitutione, natalibus ſuis, quæ ſæpe à Druſo & ab ipſis ſunt Æmilianis, in maximas tenebras & infamiam adductis. De quibus vere Poëta noſter :

Frangendâ miſeram funeſtat imagine gentem.

Sine freno, ut equi indomiti in omnia mala qui ſe præcipitant. Valeant ſcholæ, inſtitutio præceptor, muſæ omnes valete; ipſa limina deorum, ara, ſacella, ædes ſacra, ac templa valete. quorû affectus omnia virtuti contraria deſiderant; nullumque eſt tanti ſceleris facinus, quod deſignare nō audeant ;
nihil

nihil tā sanctum, quod non violent; tam munitum clausumve, quod non perfringant; tam æquum & rectum, quod non pervertant. Quod si paranda seditio, parati; si opprimenda injuriis innocentia, expediti; optimis licet nati parentibus, & majorum illustri stemmate; à virtute tamen & boni nominis famâ toti degenerant; in ludos & aleam proni, fas nefasque promiscue habentes: diem stertendo, noctem vigilando insumentes, in potationes, in scortationes, in dedecora, in Lupercalia & Orgia addictissimi. O Mores! O Tempora! oriundi sumus, cælestibus, auspiciis, ut ad omnia honesta animos nostros intendere-mus; ut Creatori nostro pro tantis beneficiis debitz gratitudinis victimam, in hac vita, persolveremus; sed nulla proh dolor! ratio apud tales ritè recteque vivendi habetur. Et in omne malum ac nequitiam, nescio, quo animi ductu & auspicio insani præcipitesque feruntur. Horreo tremoque totis artibus, quando horum malorum elementa atque incunabula mecum perpendo. Non patitur miseriarum tam acerba cogitatio, ut pene à lachrymis & singulibus temperare me possim: nos parem cum ipsis in cælo Angelis felicitatis fortunam sortiti sumus; nos ad virtutem, ad humanitatem, ad obdientiam, ad modestiam de cælo mandata accepimus; nos piorum vestigia expressa oculis nostris videmus; nos ad omnem honestatem facti; ad cultus religiosos instituti, bonis artibus imbuti, omnibus cum animi, tum corporis bonis instructi sumus; frustra tamen omnis divinus est labor, & multico modo vivunt, quam si bella, & odium æternum virtuti indixissent. Quam Hominis contumaciam & improbitatem cum videret ipse humani generis destructor *diabolus*, omnes illò artes porro intendit, ut suam huic malo manum adjungeret; ut quantum in se

esset; ad perniciem & pestem sempiternam exci-
tandam ab inferis, omnia sua consilia instrueret.
Qui super pravâ hac indole humanâ, oculis & fal-
laciis suis intentus, in hac fragili materia ere-
gium artificem se prestitit, qui bonas leges, latas
de cælo, in virium & contemptum adduxit; qui
infinitas pestes & iniquitates pro totidem virtui-
bus induxit, quocumque loco & tempore positus
satellitibus miserum hominem in totidem tran-
sennas coëgit.

Longum esset omnes diaboli technas huc in
medium producere; nos, qui non tanti THEO-
LOGI hic sumus, ut ad tam alta & cælestia ab hoc
pulvere nostro penetremus, nos magis ad ipsa
exempla in utramque materiem data, quam ad
eruditam hanc THEORIAM animos nostros in-
tendimus; cum tanta ejus mali sit messis, ut si de
illo hoc loco essem dicturus,

Ante diem clauso compinet vesper Olympo.

Certum est, H: A: ab hoc tramite inspirationis
diabolicæ nasci tot monstra & portentavitiorum;
Quo si accedant ut dixi pravæ animorum inclina-
tiones, & quodcumque pugnat cum sanctissima
virtutum Majestate, non mirum, si hæc tam mi-
sera nobis naufragia, in hoc rerum humanarum
oceano, in dies contingant.

Unde alias, amabo, evenirent, quod tot *In-
credulos*, tot *Athēistas*, *Epicuros*, *ventres gulas-
que* invenires? quod tot reos *perduellionis*, *Læ-
sæ Majestatis*, tot *Judiciis convictos*, *vadimonia
deserentes*, *repetundarum*, *residuorum quoque* reos?
quod alii in *lasciviniis*, in *homicidia*, in *furta* &
rapinas eant? Vide totum illum chorum malefe-
riantium in otio suo & desidîâ *conosos*, *biberios*,
Tiberios, *Bicongios*, *Tricongios*, qui non nati ut vi-
vant, sed ut bibant: vide in aperta Tirannide *De-
missianos*, *Neronos*, *Syllas*, *Caligulas*; tot Patriæ
prodi-

proditores *Catilinae* & *Cethegos*; tot *Encliones* tot
peritos venefictorum, tot *refractarios*, *pigros*, *bar-*
dos, *blennos*, *buccones*; quibus si ipsius juvenæ vitia
& errores annumerem, nescio, quo fune & an-
chorâ aliquando tot *scyllas* & *charybdes* tuus
evadam. Pudet, piget, pœnitet me diutius deti-
nere, ut vere exclamare mihi liceat: *O miseri mor-*
tales! O terque quaterque miseri mortales! quibus
ita suâ sorte & infortunio nasci aliquando con-
tingit; qui meliore fortuna & fato aeternum vivere
sine ullo malo & macula potuistis.

Tu mi *Collega*, ut dixi, meliore auspicio sorti-
tus argumentum, nos linguæ tuæ lepore feliciter
de mulcebis: &, quæ ego, pro hominum fidem
nisi cum summo animi dolore dicere potui, Tu
nobis, cum justâ argumenti tui gratulatione, spero,
recensesbis.

D I X I.

O R A T I O L I I I.

De

AFFECTIBUS BONIS in HO-
MINE.

Habita à

S U F F R I D O B U R M A N I A

Nob. *Frisio*.

TU mi *Collega*, prorsus tristi oratione aures
animumque meum complexisti, nimiumque
discretus fuisti in malis humani generis recen-
sendis

sendis. Quæ cum fatear magnâ ex parte vera esse, tamen in eâ oratione, spero, hoc efficiam ut aliqua quoque solatia inveniam, quibus publico illi malo feliciter occurrâ. Nondum enim, ex toto, extincta est illa divinæ auræ particula. Superfunt adhuc in homine aliquot reliquæ cælestes, ac bonæ mentis semina: de quibus gratulari nobis possumus. Plurimique affectus egregii, quos in pretio & existimatione meritò habeamus. Imperator vitæ mortalium animus in multorum pectoribus egregiè adhuc elucet, qui ubi ad gloriam virtutis viâ grassatur, abunde pollens potensque & clarus est. Vasa adhuc pura sunt relictâ talesque homines, quos meritò Semideos & Heroas appellaveris, cum ipsis Diis immortalibus comparandos, qui cælesti quodam afflati genio generosam & magnificam animi indolem præ se ferunt, quam illis Parens Natura feliciter ingeneravit, ut in opere maximarum rerum potissimum ipsorum virtus eluceat, quæ nulla temporum invidiâ, nullo livore pessimorum hominum inferius adducenda.

Date mihi veniam, H. Aud. ut hoc loco illas virtutes recenseam, quæ aliquo solatio erigere nos possunt in comuni hoc mortalium malo. Dicam de illis viris, quorum vitam & virtutes imitari meritò debemus. Atque utinam! illa mihi esset facundia, qua celebrare tantorum Principum honorem ac decus abundè possem. Non dubito, quin aures animosque sim-habiturus acres attentosque.

Nondum divinæ bonitatis fax illa illustris ex toto interiit. Sed Incrédibiles bonarum virtutum fructus legere & in publico & in privato licet. Multorum hominum factis & facinoribus tam præclaris atque egregiis, ut cælestem in illis originem animorum oculis intueamur. Ut non quis effertur spe improbâ, non deiciatur degeneris animi.

animi metu, non transversum unquam à verâ virtute recedat. Quem non incendit iracundiæ acerbitas non vexat misera honorum ambitio, non urget opum profusa cupiditas. Quem non turpissima veneris & ventris desideria inflammant; non vitiorum aliqua labes in scelus & flagitium impellit. Qui nihil in viâ expetendum putat, nisi quod summa cum laude, & honore, cum dignitate eximia sit conjunctum. Hos ego homines divinis laudibus instructos atque ornatos esse judico. Imo exultant animum meum, quando maximorum virorum memoriam mecum percurro, qui non pravo affectuum subjecti imperio, mentem suam ab impotenti temeritatis incursum transversum ferri patiuntur. Nec improspere fluentibus rebus degeneres sibi animos sumunt; Sed in sinistris asperisque fati eodem semper vultu apparent, cum nulla fortunæ mutatione in alium suum habitum permutandi.

Hujus tam præclare indolis causam quis, quæso, sapiens ignorare potest? Deus Optimus Maximus hac in parte suam providentiam ostendit, qui tales virtutum igniculos multorum pectoribus ingeneravit, unde in omnem æternitatem honestissimi ingenii exempla promanant.

Qui non ex toto divinæ mentis possessionem coelestiumque rerum imitationem interire voluit; sed super esse felicissimam aliquam segetem prudentiæ, quæ humani generis majestatem sanctam rectamque conservaret. Ad quæ bona excellentia accedit imprimis naturæ quædam benignitas, bonis artibus & disciplinis in meliorem suum habitum naturam formas. Quando animorum illi nutritii, boni præceptores, pessimas vitiorum radices ex animis expurgant. Et indolem, quæ sæpe natura sua est corruptus ad decus & laudem expoliunt. Quæ arte & officio imprimis id effi-

citur, ut in Rep: hujus modi viri reperiantur, qui bonis consiliis, & virtute singulari omnia sua negotia instituunt. Huic etiam virtutum famæ & gloriæ conservandæ multum utilitatis adfer: proba Educatio, & cum bonis viris conversatio. Quæ immane quantum habet robur & vim ad honestam animi indolem probe excitandam. Quibus non æstimatis, ceriè, homo in quoavis malum & periculum facile incurrit. Dixisti. *mi Collega* ipsum quoque Satanam suos habere discipulos, quos malis suis artibus instruat ac informet. Et quasi ludos literarios ab illo aperiri, in quibus & à teneris ipsa addiscitur improbitas. Non enim desinit Animarum ille hostis deceptionum laqueos ubique prætere. Hoc omnibus cuniculis callidus, ut in mendacium, in perjuriam, in criminationem, in calumnias, in iram aliosque pravos affectus, hominem inducat, & à recta virtutum calle ac tramite fallaciis deflectat.

Quæ libens tecum fateor. Sed per Dei Optimi clementiam erecta quoque & instituta virtutum gymnasia: in quibus assiduam adhibemus operam ut animi nostri singulari scientiarum Succo imbuantur. Quæ si non existerent, ceriè, in ipsam barbariem, & tenebras Cimmerias brevi incideremus: sublata de medio tot illustrium disciplinarum exercitatione.

Tua, O Diva virtus plurima & maxima sunt ornamenta, quæ non fatorum arbitriis es subjecta; sed in tenebris splendida; in tempestate quæta. Tu probos hominum mores atque ingenia immortalis gloria commendas; Tu viros summa sapientia doctrinaque illustres propinqua cum Deo cognatione jungis. Non sine pudore ac detestatione modò accepimus, quàm multi homines reperiantur quorum vita nisi in vitiis & improbitate tota consistat. Quibus hoc unum est vi-

vere,

vere, ut malis facinoribus & infamia nomen immortale sibi comparent. Quos cæca quædam malignitas à recto & honesto abducit; misera honorum contentio vexat. Qui indomitis atque effrenatis cupiditatibus, excusso rationis gubernaculo, insolentius se etferunt. Qui tam sui immemores, ut divinos sibi honores adscribant; Et extra suæ conditiones rapti memoriam Dei hominumque obliviscantur, Qua tua commemoratione, mi Collega, summum me in stuporem dedisti, qui portenta hæc hominum nec animis nec oculis perferre possum. Dolens de rerum Natura, quod tam improbos abortus in lucem protulerit. Ita est H. A. ut quemadmodum malitiæ illud semen facile in improbis inv. nitur, & suo quasi fato infelicitas hæc existit: Sic etiam suas rationes & argumenta habet Animus meliore cælo & auspiciis natus, Optimus quisque suo genio ducitur. Et eodem labore ad decus & gloriam nititur, quo perniciosi isti homines ad infamiam & dedecus. Non patiuntur suam laudem & gloriam sileri amplius clarissimorum hominum Ingenia & Virtutes. Quorum alii mirifico in Deum cultu ac veneratione propenderunt, semper in id intenti, ut Religionem divini Numinis pro summo bono, optimisque vitæ suæ thesauris existimarint. Quorum exemplis sacræ ubique Paginæ sunt plenæ. In quibus sapientissimos Salamones, Piissimos Davides, Samueles, tot stupenda pietatis nomina habemus. Quorum animi nulla flagitiorum labe adspersi, semper in Deum suum attentissimâ curâ defixi. Unde facti isti igniculi, ac flammæ meliores? nonne à cælesti origine & auspicio divino? O animos verâ sanctitate imbutos! omniumque virtutum ornamentis egregiè instructos! Ad quorum splendorem & claritatem oculos nostros attollimus, nihil, profecto est,

M 7.

quod

quod cum tantâ dignitate & gloriâ comparari possit.

A caelesti istâ virtute & origine etiam profanz Historiæ multum traxisse videntur. Quæ incredibili quodam amore nos in se rapiunt. Quando aut cogito amorem tuum in patriam, o *Druse*, *Curti Themistoles*; vestrum, o *Phileti fratres*, fidem, constantiam! aut animi moderationem divinam in *Fabio Maximo*, in *Flaminio*, in *Gillia Agrigentino*. Aut clementiam *Cornelis Scipionis*, *Metelli*, *Julij Casaris*, *Alexandri Magni* Fortitudinem *Horatii Coclitis*, *C. Attilij Scipionis*, *Auriaci & Nassoviorum*. Pudicitiam *Virginum Vestalium* & *Lucretiæ*. Aliorumque in eadem laude positos honores ac insignia. Ut nihil hoc loco dicam de divinissimis Philosophis, de Oratoribus, de Poëtis: Quorum animi excellentia unde originem suam ducit nisi ab insigni Naturæ præstantiâ, quæ adhuc Immortalium, ut sic dicam, Deorum ope & auxilio apud homines magnâ pro parte remansit. O generosa & nunquam satis deprædicanda in animis nostris majestas! O auræ divinæ particulæ ex toto nondum extincta! quæ nullo Satanâ, nullaque fatorum injuria tolli aut extirpari radicitus potuit. Quam si optimum viæ genus ipsamque Nobilitatem animi proprio suo nomine hic appellem, quis non summo jure id à me factum esse existimet? Quæ non in externis Fortunæ opibus, sed in ipso divinissimæ mentis domicilio consistit.

In juventutem verò nostri sæculi, mi *Collega*, quam severè tu notæ censoræ gravitatem strinxisti! Tanquam nemo inveniri in hac turba possit, qui vel aliquam bonæ spei faculam nobis præluceat. Cum tamen multi in genui & egregii adolescentæ reperiantur, qui, apti nati, ad humanitatem & sapientiæ studia, dies noctesque egregiè

giè incumbunt. Hoc unum acturi, ut omne suum decus & honorem in solo virtutis auspicio reponant. Vos optimo sati sanguine, viri Nobilissimi in theatrum prodite, vos sanctissimas iustitiae leges sancite. Vos vitae vestrae exemplo in crassissimis ignorantiae tenebris pralucete. A vobis, post immortalem Deum, vivere feliciter incipimus. A Vobis bene regendæ Reip. normam discimus libertatem & jura defendere, Patriam protegere; in Deum & Parentes officia præstare. Totum hoc, quod, certè, maximum est, totum hoc, inquam, vestrae authoritati & nominibus debemus.

P R E C E S.

Ceterum, ô Optime Maxime in calis Deus, ex intimis animi medullis oramus, ut caelesti tuâ disciplinâ porro nos informare velis, & animos nostros intingere divino ambrosiæ succo. Ut Reip. aliquando utiles esse possimus. Et illas artes nostras, quibus ad sapientiam & pietatem erudimur, cui nominis honori impendere. Ut particula illa auræ divinæ, quæ etiamnum in nobis nondum ex toto evanuit & extincta, in majorem semper flammam incalcescat. Ita fiet, ut tandem Pax lata nos respiciat domi forisque. Et Belgum nostrum perpetuò efflorescat novæ accessione Christianarum virtutum, & sapientiæ possessione sempiterna. Nostraque hæc Alcmaria, in qua vivimus, Viris illustribus, Viris doctissimis, Viris honestissimis semper vigeat, floreat, perennet. Et hæc ipsa nostra juvenus ingenuarum artium studiis rectè instituta, decus, Gloriam, Honorem Reip. & Ecclesiæ, maximo cum fructu & ornamento, tandem adferet, ac conciliabit.

D I X I

Hæc duæ antecedentes Orationes sunt habitæ Alcmaria, CID. MDCLXIX. XIV. Cal. Maij.

Examine Vernali.

ORA

ORATIO XII.

De

MEMORABILIBUS EXEMPLIS
VITIORUM.*Habita à*

HIERONIMO DE-HAZE,

*Amstelod.**De Idololatriâ. Tyrannis. Superbiâ.*

PRæterito semestri PH: AA: de Virtutibus & Vitiis, bonis & malis animi affectibus, sermonem, hoc loco, instituimus, sed, longè infra majestatem tanti operis, ubi magis rudi Minerva verborum, quam rerum copia diserti fuimus illorum exemplo, qui corpore cum sint tenues, veste se dilatant, & diffundunt; ut aliquam in theatro personam, si cæteris thoris & lacertis destituantur, repræsentent. Nunc ab inutili fastu sermonis abstinentes, quantum, per judicii falcen fieri potest, res ipsas & exempla ex Historiarum promptuariis delibabimus. Ego in medium provocare incipiam, Gigantez audaciz Homines, adversum quos omnes meas vires & copias in campum producam. Vos HH. AA. qua soletis audiendi benevolentia, quæso, nostros inceptus juvate, promovete.

In primo ingressu quando turpem & nefariam vulgi multitudinem intueor, terribili facie & monstroso habitu, mihi occurrunt *impiissimi Libertini, Athesistæ, Idololatra, Apostata, & Incrèduli*: quos meritis cæne pejus & angue odisse debemus.

mus, quibus nihil unquam infelicius; fecunda tot parentum vitiis terra in medium produxit; quorum tanta saxitiae & immanitas est, ut recta in Creatorem suum reclamitent, ac recalcitrent, ejusque Providentiae sacram legem per summam incredulitatem, abnegent, violent, extinguant. Quales olim nati fuerunt infelici ovo, Cæsares, JULIANVS, VALENTINIANVS, DIOCLETIANVS; Qui igne ferroque dilectam Dei Ecclesiam persecuti, omnem religionem, cultusque divinos procul ab animis suis removerunt. His non inferiores flagitio & Sceleribus suis TURCÆ & BARBARI. Illa genuina & germana antichristi proles; ipseque MAHOMETES, qui unum esse Deum statuit, eumque corporeum, Christum non Deum, sed magnum varem magnum prophetam, præmia qui ipsum audient Paradisum, Flumina, ibi quatuor fluere, lacte, vino, melle, aqua, ibi palatia, ædificia gemmata atque aurata esse, multa que alia, quæ ipse pudor in medium proferre non permittit, quibus annumerare mirro licet totum illum antiquæ superstitionis cæcum & turbam THRACAS, ÆGYPTIOS, INDIANOS, plerosque quorum alii canem, & feles; Isim, Cerapin, Anubia, divinis honoribus efficiebant; alii, credo, larvas infernales, ne noxam inferrent, pro Numine suo invocabant. De quibus false & sapienter Satyricus

Illic caruleos, hæc piscem fluminis illic

Oppida tota canem venerantur, nemo Dianam.

Porrum & cepe nefas violare, & frangere morsu,

O sanctas gentes, quibus hac nascuntur in hortis Numina!

Ægyptus portenta colit, crocodilon adorat

Pars

• *Pars hac, illa pavet Saturam serpentibus Ibim.*
 Non istis, meo iudicio, fuit minor, minusque
 profanus, FERDINANDUS II IMPER-
 RATOR cui hoc in ore semper; tres fuisse in-
 signes impostores qui genus humanum seduxerant,
 MOSEN, CHRISTUM, MAHO-
 TEM, nec ipse *Alphonsus*, Hispaniarum Rex
 decimus, qui identidem culpae solitus provi-
 dentiam divinam, & dicere; *si principio mundi*
Deo affuisset, multa melius ordinatusque condenda
fuisse. Aequè profanum impiumque fuit, quod de
Ratholdo, Frisonum duce historiae commemo-
 rant; qui cum à *Volfranio* Episcopo intelligeret,
 plures ex majoribus suis esse in inferno, quam in
 paradiso, eò se velle proficisci dixit, ubi sui essent,
malleque eos qui numero superiores, quam pauciores
sequi. O improbitatem incredibilem! vix homi-
 num auribus recipiendam, O delicia! O nugas! &
 inania! atque utinam! non multi mortales hoc
 nostro quoque ævo reperirentur, qui ad similem
 insaniam modum vitam suam dirigerent; quod ip-
 sum de aliquo vel verbis profiteri, maxime fateor
 esset incuriosum; attamen si opera, si actiones, &
 negotia multorum intueamur, quem quæsi-
 o, hic non offendunt cæca plurimorum vestigia,
 quâ ad quamcunque incredulitatem promiscuè
 eatur?

His proximè sunt conjungendi barbara crude-
 litate, TYRANNI, quorum mores animos-
 que eadē ac sanguine bonorum civium imbutos,
 juventuti in conspectum proponere, non alienum
 hic esse iudico, ut maturè odium in illos concipi-
 ant, qui communem salutem in summas mise-
 rias & calamitates præcipitant. Hominum genus,
 quod meritò invisum esse debeat omnibus illis,
 qui semel vitæ hanc usuram de coelo acceperunt.
 Quamquam vix sæculum aliquod fuerit, quo non
 istius

istius sentinæ & hominis prodigia magna cum copia extiterunt. Quid enim frequentius, quid magis in oculis & pectoribus omnium, quàm crudelitatem, quam perfidiam, quam tyrannidem in principum aulis, tanquam in proprio suo domicilio semper stabilem, semper perpetuam fuisse? hoc enim à natura tyrannidi est insitum, ut solum Regni decus & præsidium esse putent, *semper intentum tenuisse ferrum*. Ut per ultimos cruciatus miseros homines lacerent; decollandique artifices, quibuscunque è custodia capita amputent, & in eo unam animi affectusque sui cupiditatem collocant, ut minutissimis ictibus confectos, erubescendo tantum mortis genere consumant. Horum primus in publicum prodeat, Argentinorum ille *Phalaris*, qui civium suorum ut supervacuo & sordido abutebatur sanguine, alios flagellis descissos coram confodi imperabat; aliis spiritum laqueo eripiebat; alios vigiliis pariter & continuo tractu doloris erecabat; alios mutilatis auribus naribusque cruci affigebat, *Semper nova pompa morti ducebat nr.* Cui conjungite à Romanis *Tiberium*, qui adeò humanos sensus exuerat, ut foeminas quoque ob solas lachrymas, acerbissimo mortis genere trucidaverit; quod crimen in Fufii Gemini matrevitæ ostendit, quæ propterea necata, quod filii necem flevisset, cui quoque perpetuo in ore:

Εμὲ τανούτῳ χάρις μὲν δῖτα παρὶ?

Et cui in votis esse solebat, ut *Romani omnes unam cervicem haberent, quam uno ictu possent rescere*; Tantaque hic *Sevitia*, extitit, ut fratrem *Tiberium* interemerit, *Syllanum* Socerum, ad secandas novacula fauces, compulerit. Denique cum omnibus sororibus stupri consuetudinem habuerit; *Lucium* verò *Syllam* quis ignorat? hic universas *Italiae* partes civilis sanguinis fluminibus inundavit;

davit; quatuor legiones contrariæ partis, misericordiâ implorantes, obtruncari iussit; tandemque virorum cadibus non satiatus, sævit in mulieres. Idem infami proscriptione *quatuor millia & septingentos cives uni civitati abstulit*, & non vilia quædam capita è plebe: centum quadraginta in illis senatores, ut non immeritò vox illa Catulo expressa sit; *cum quibus tandem victuri sumus si in bello armatos in pace incrimos occidamus?* Quis *An nibalem* non detestetur? qui pontem humanis cadaveribus in Gelo flumine construxit? quis non *Mithridatem*? qui unâ epistolâ octoginta millia Romanorum per Asiam dispersa, mandavit interfici? Quis non jure oderit *Alexandrum Phryæm*? qui vivos homines inversis in se faciebus sepeliebat? Quis denique crudelitatem *Cnei Marci* rorante satis pennâ & sanguine describat?

Hic *Marci Antonii* abscisum lætis manibus caput, inter epulas, per summam animi ac verborum insolentiam aliquandiu, tenuit; clarissimique & civis & oratoris sanguine contaminari sacra mensæ est passus. Addam istis Thyestæ crudelitatis monstris, ipsos *Carthaginenses*, qui quàn crudeli facto in *Attilium Regulum* animæ duxerint, neminem, scio, latere potest. Hi, resectis ipsi oculorum palpebris, certæ machinæ, in quâ undique præacuti stimuli eminebant, illum incluserunt, ut pariter vigilando, & continuo tractu doloris necaretur. Nimis longum esset nimisque auribus honestis inimicum, si in omnibus illis *DOMITIANIS, DIOCLETIANIS, CARACALLIS, ALBANIS* verè portentis naturæ recensendis, diem insumeremus. Tyrannorum enim mentes, ait Tcaitus, si recludantur, posset inspicere illorum laniatus & iæcus, quando ut corpora verberibus, ita sævitia & libidine, malis consultiis animus illorum dilaceretur.

Hoc

Hoc unum solatio est adversum pestem illam humani generis Tyrannos, quod nemo illorum violenta imperia tenuerit diu. *Sequitur enim superbos ultor à tergo Deus. Usque adeò, ut quem dies veniens viderit superbum brevi eum dies fugiens vidit jacentem.* Averte è nobis Opt. Max: Deus hujusmodi hominum monstra, qui nisi sanguine miserorum civium se saburrarunt, se nunquam ex vero felices arbitrentur.

Hinc ad cognati sanguinis non dicam viros, sed virus ipsum & pestem, *homines turpi fastu & superbià elatos*, me confero. Qui id unum jure merentur, ut civitatum finibus, & humani convictus societate eliminentur; nec inter familiares Christiani nominis ullo modo ac tempore recenseantur. Ex horum ordine primi sunt Rex *Alexander*, qui natalium suorum oblitus, patrem *Philippum* jam fastidiens, originem sui generis ab *Hamnone Jove* deducere voluit qui rædio morum & cultus *Macedonici*, vestem & instituta *Persica* assumpsit, spretoque mortali habitu, divinum emulatus est. Et *Caligula* qui non alià de causâ domum sibi in *Capitolio* extrui fecerat, quam ut illic unà cum *Jove* habere putaretur; Nec non *Domitius Maximus*, qui manus pedesque suos adulatoribus exosculandos præbuit. ut nihil dicam de *Julio Cesare*, de *Hannibale*, de *Xerxe*, quibus cum Regii honores & nomina non essent satis, divinis honoribus coli voluerunt. *Hannibal* Cannensis pugne successu adeò elatus fuit, ut nulli civium suorum in castris, nisi per interpretem, respondere permiserit, de *Xerxe* dicit *Satyrus*;

*In Corum, atque Euros solitus sævire flagellis
Barbarus, Æulio nunquam hoc in carcere passus*

Ipsam compedibus qui vinxerat Ennosigum.

Dolendum

Dolendum est H: A: adeò nos abjectos humilesque homunciones, terram ipsam despicere, unde originem nostram deduximus. Et velle supra alta sidera ambulare; qui quam nobis curta sit supellex, quamque angustis in hac vita spatiis habitemus, satis cognitum perspectumque habemus. Veniet aliquando illud tempus, cum hanc pravitatem & dementiam nostram iustissimis lachrymis deplorabimus. Quod præclare in *Salmones* apparet, de quo Poëta *Virgilius*:

*Vidi & crudeles dantem Salmones pœnas,
Dum flammæ Jovis & tonitrus imitatur Olympi:*

Ita omnibus illis continget, qui supra humanæ fortis mensuram se extollunt; qui Cælum digito attingere putant, quando paulum imperii & pecuniæ accessit, unde illicò sublatis animi, & primos se rerum omnium esse volunt, nec sunt, oblii divini illius moniti. Quanto superiores sumus, tantò nos geramus submissius: Nec alia fuit causa interitus *Romanæ urbis*, quæ à *Sabinis*, à *Samnitibus*, à *Panis*, à *Gallis*, aliisque populis frustra toties tentata, tandem à se ipsa, propter imperandi licentiam, victa & vastata. Quod si olim *Persarum Rex Sapor* cogitasset, nunquam eò temeritatis devenisset, ut, cum ad *Constantinum Imperatorem* scriberet, *Solis & Luna fratrem appellari se voluerit*. Nec ipse, qui ingenio & animo magnus, *Julius Caesar*, qui postquam omnium populorum victor, tandem fœdæ adulationi succubuit. Superbissimam hanc emittens vocem, *debere homines consideratius secum loqui, & quæ diceret prolegibus habere*, certè eradendi sunt ex hominum memoriâ ejusmodi Reges & Principes, qui inanis gloriæ titulo intumescences, Deos hominesque fastidiunt. Solâ virtute rerumque gestarum gloriâ sempiternam apud posteros recordationem

promereri debemus. Pessimo enim exemplo claris suis majoribus æternam ignominiam maculam adspargunt, qui, suorum natalium immemores, Cælestes sibi honores assumunt. Qualis fuit supra reliquos illos, quos in principio notavimus, *Philosophus Heraclides* qui draconem aluit, quem ferecero suo post mortem, imponi iussit, ut ex hoc putaretur ad Deos remigrasse. *Cyrus* quoque Persarum Rex, qui ab exteris sibi Dei altissimi nomen adscribi patiebatur, & *Demetrius* qui præter se, & *Antigonum* patrem, nec regem nominasse quemquam nec salutasse dicitur.

Concludo turpissimum hoc de superbis argumentum H A, divino poetæ *Mantuan*i carmine, qui in fine ingeniosissimæ suæ descriptionis, sic ad vivum oriundam ab inferis superbiam repræsentat.

Ferre nequit iuga, majorem indignata parem-
que,

Imperia usurpat, Regnique libidine fervet,
Immansuetæ ferox, miseris adversa, minaxque
Mitibus, elatis contraria, nescia pacis,
Nescia amicitia, rixarum & litis orugo.
Dura, ingrata, duplex, animo violenta, rebellis.
Improba, quid pietas quid sit clementia nescit.
Perfida, fœdis fragam dubio sub pectore mentem
Versat; ab excelso, fugientia culmine semper
Saxa movet, laudum semper vesana cupido,
Sollicitum pectus curis flammantibus urget,
Nec vitæ ratio: nec opum, nec honoris. in om-
ne,

Sponte scelus præceps, ruit, implacabile mon-
strum.

D I X I.

O R A-

O R A T I O. LV.

De

MEMORABILIBUS EXEMPLIS
VITIORUM.*Habita à*JOHANNE GUILIELMO
QUAET.*Arenaco Geldro.**De Perfidis. Patria Proditoribus. Ebriosis.*

AB hoc vitio & superbè dominantibus H. H. A. A. facile ad *perfidiam* & *proditiones* descenditur: Quæ impietas sæpè hoc Machinatur, ut nec ipsi patriæ, quæ communis nostrum est parens, suus amor & benevolentia, præstetur. Cum frequenter hoc accidar, ut, qui cæco avaritiæ furore stimulati, non desinant in ipsa sua viscera & patrios penates quam crudelissimè deservire. Quemadmodum hoc, licet valdè ignobili exemplo, cum infamibus suis sociis, *Catilina*, testatur, qui sceleratissimus Patriæ civis ipsam, pudor! Patriam ad quatuor partes incendio destinavit. Ita quoque turpiter in Patriam suam egit *Julius Cæsar*, qui cum ex conditione Imperare non posset, contra Pompeium & populum Romanum tantis exercitibus insurrexit. Ita *Themistocles*, cum ad Nerzem Persarum Regem confugisset, contra Græciam arma tulit. Ita *Martius Coriolanus*, qui, postquam Volscis se conjunxisset. Romanos multis præliis afflixit.

Huic

Huic sceleratæ consuetudini, à proximo adjungi debet illorum incredibilis improbitas, qui turpi proditione patriam suam infestant. Quales fuerunt *Pisidice*, & *Antiope*, Quarum hæc amoris æstu inflammata, patriam *Morlymum* *Achilli* prodidit: illa *Thesei* desiderio capta, hanc *Herculi* in potestatem dedit. Et ipse *Æneas*, *Polidamas*, *Antenor*, patriæ suæ *Trojæ* per impias & iniquas proditiones causa excidii extiterunt. Quo loco nec *Pausaniam* *Lacedæmonium* intermittere debeo, qui quinquaginta auri talenta à *Xerxe* acceperat, ut *Spartam* dederet. Nec *Tarpejam* virginem, quæ *Sabinis* *capitolium* prodidit, capta spe armillarum, quas *Sabini* magni ponderis, in sinistris gerebant. Dolendum est quod plures *Romani* sanguinis illi se infamiæ ac turpitudini consecrarint. Inter quos *Sergius Galba*, vir summæ perfidiæ, trium civitatum convocato populo, tanquam de commodo civitatis acturus, septem milia, in quibus flos juventutis consistebat, armis exuta, partim trucidavit, partim vendidit. Et *C. Domitius*, qui *Batullo* Regi *Avernorum* iratus, quod cum suam tum etiam *Allobrogum* gentem ad *Q. Fabii* successoris sui dextram confugere esset hortatus, per colloquii simulationem accersitum, hospitio exceptum vinxit, ac *Romam* deportandum curavit. Quàm fæda, quàm barbara hæc sit proditio, quæ in proprias aras & focos admittitur, quis unquam dolore satis æquo efferre & effari potest? Cujus sceleris ac flagitii tanta tamen apud improbos est authoritas, ut nihil eâ sit familiarius. Nihil solennius. Cujus efficacissimæ sunt vires, *Mentiri* & *fallere*. Hinc date mihi veniam. H. A. ad *Ebrios* & *Epicureorum* collegia me conferam; non ut aures vestras fescamo & papavere demulceam delicati sermonis, sed ut adolescentibus nostris proponam, Quam fædum &

dètestabile sit contra naturæ legem, contra desideria innatæ virtutis, se immoderati vini usu in brutorum speciem transformare, aut nimia voracitate ciborum ventrem suum, tanquam pondere, & fasce iniquo, pro pudor! turpiter saburrare. Quales homines, certè, non dignos habemus, quos inter rectâ mente ac ratione præditos annumeremus. qui non *nati, ut vivant, sed ut bibant*, ut helluentur, ut pergræcentur, & humano generi ad contemptum, in terris hæc lucis usurâ perfruantur. Qui multa luxuria ebrii, patrimonia effundunt, ne fœnore trucidentur; qui proluere opes, & profusis sumptibus vivere, pro gloriâ ducunt; Qui voluprates domestico lenocinio sustentare, & in profundissimum libidinum suarum gurgitem fortunas suas profundere, viri Magnanimi putant officia. O famelica hominum natio! Quid tam turpiter vitam vëstram instituitis? Majore corpore, sarcinâ animo læditis, ciborumque eopia subtilitatem benè cogitandi deliberandique impeditis; ut mirum non sit plures crapula, quàm capulo & ense periisse. Doleo me exemplis tam tristibus, tam improbis hoc me loco eloquentem esse debere. Non tamen patitur sceleratissima Epicureorum turba, ut illam silentio præteream. Vos *Biberis*, vos *Tiberis*, vos *Bicongii*, *Tricongii* primum in conspectus nostros venite, quorum aliqui tantum bibistis, quantum, *Aureliano* teste, hominum nemo; aliqui suspensi infelici ligno, ut de *Bonoso* Imperatore historici loquuntur, *Amphora* sint dicti. *Claudius Caesar* eò deliciarum pervenerat, ut tanta populi frequentia convivia celebraverit, ut plerumque sexcenti, simul discumberent. Et *Antiochus Magnus*, ut ob vinolentiam totos dies dormire soletet. Quo non inferior *Caligula*, qui maximam partem thesauri, à *Tiberio* relictî, cœnis & commestationibus de-

voravit; ut meritò de illis dicere liceat illud *Le-
vini Lemmi*: *De capacitate poculorum cer-
tant, adeo ut inter illos optimus censeatur,
non qui concinniter Instrumentis Musicis aut ser-
mone Philosophico uti novit; sed qui multos eos-
que Maximos calices exficcare potest.* Quibus,
credo, *Rex Xerxes* pro Duce & Antesigna-
no fuisse videtur, qui præmia & dignitates il-
lis proposuit, qui novæ voluptatis genus in-
venisset. Aut *Cleopatra*, qua cœnam *Antio-
nio* paravit, In qua ducenta M. V. Aureo-
rum unoferculo secundæ mensæ consumpsit.
Sed satis ipse sibi Magnum theatrum fuit *An-
tonius*, qui cum turpè esset, ructare in senatu
populi Romani, Hic frustis eculentis totum
tribunal implevit. Quis bonæ mentis usus
potuit esse apud *Beotios*? apud veteres *Phar-
saios*? apud *Caupones Morontos*? apud lu-
xuriosos *Lydos*? quo fungerentur sapientiæ
munere veteres illi gulæ architecti, *Sergii*,
Lucinii, *Apicii*; *Claudius* & *Vitellius* Impera-
tores?

*Ingluvies & tempestas baratrumque Macel-
li.*

*Qui quod quaeserit ventri donabat avaro
Exhaustisque bonis, patinas canabat, ornati
Pinguis, & agnini, tribus ursis quod satis
esset.*

Inter quos video *Helluonem* illum nostris
mensis arcendum, *Melonem Crotoniatem*, qui
libras viginti, & aliquando quadrimum tau-
rum devoravit. *Maximinum* Imp. qui li-
bras quadraginta. *Albinum Clodium*, Imp. de-
cem capones, centum ficedulas, præter oistreor-
um, ficuum, uvarum, melonum incredibilem
copiam ingurgitantem. Et Regem *Lydorum*
Camblen, qui eo voracitatis profectus est, ut

quadam nocte propriam uxorem absumpserit. Qua re etiam *Nisæus* Syracusarum tyrannus, ubi ab auspiciis didicisset, se brevi periturum, quicquid vitæ superfuit, commessationibus & ebrietati impendit. Infinita essent hujus generis exempla, quæ pias vestras aures H: H: A: A: jure offenderent. Mitto igitur totum illum Catalogum malè feriatorum hominum, *Dionysium Juniozem*, qui usque ad oculorum vitium mancipatus est ebrietati, *Herculem & Ulysses* polyphagiæ & edacitatis exemplo famosissimos. *Timocreonem*, *Rhodium*, *Philoxenum*, *Philostratum*.

† Satis, cheu! Nimumque satis ævi nostri moribus edocti, quanta sæpe tempestas, quantæ procellæ oriantur ex nimio poculorum usu & consuetudine.

D I X I.

O R A -

ORATIO LVI.

De

MEMORABILIBUS EXEMPLIS
VITIORUM.*Habita à*

JOHANNE BAERT

*Alcmariano Batavo.**De Adulteris, Luxuriosis, Prodigis, & reli-
quis Vitiis exemplis breviter in
fasciculum collectis.*

NEc dum omnia dixisti, mi *Collega*, satis am-
plum mihi campum & materiam relinquis
immanissimorum flagitiorum, & exempla
plus quam barbara honestis auribus recitanda. Ab
Hellenibus istis & *Gulosis* facilis est transitus ad
legitimi thori violatores, pessimos *Adulteros*:
qui furere in libidine solent, & vigilias suas in stu-
pris consumere, educati & educti in Venereo nar-
tricatu. *Fundum*, ut *Comicus* ait, *alienum arare,*
incultum proprium relinquere. Qua infamiae notâ,
plurimi apud antiquos, cum viri, tum feminae,
pro pudor! pessime audiverunt: inter quos, au-
thore *Suetonio*, *Caligula* est recensendus, qui ca-
pillamento celatus, & veste longa noctibus adul-
teria obibat. Et *Domitianus*, qui in alios censor
rigidus, *Juliam* fratris filiam, quæ marito nup-
serat, revocata lege *Julii*, impie corrumpit. Qui-
bus luperorum sodalibus inferendi sunt *Antio-
chus* & *Themistocles*, quorum ille, dum bellum ge-

reret in Romanos, vino & Veneri indulgit: qua
 mollitie deliciisque corruptus, hosti suo victo-
 riam reliquit. Alii, inter scortorum gregem,
 torus effaminatus, nihil in vita præclare gestum
 ad posteritatem transmisit. Hoc etiam turpitudi-
 nis stigmate inustus fuit ipse *Alcibiades*, Dux aliàs
 eloquentissimus, qui fugiens ad Regem Persarum
 ARTAXERXEM, in ædibus Tymandrz meretri-
 cis, à Lyfandro gladio confossus est. Et *Menan-
 der* Atheniensis, qui Poëta comicus, adeo à sana
 mente factus alienus, ut, ex amore in mulieres,
 ad ipsam insaniam sit redactus: Inter quos locum
 quoque tenet *Milo Crispinates*, qui, licet robore
 corporis præ aliis multum excelluerit, animo ta-
 men ac libidine plus quam famina fuit. Cum qui-
 bus conjungere tot illustrium virorum nomina,
 quis non jure meritoque doleat! quo in genere
 non præterire possum te, *Julii Cæsar*, qui, post
 victum Pompejum, & sexcentos Imperatores, à
 turpi libidine tandem es victus, nec satis, ad re-
 stinguendos tuos amores, Regina Cleopatra, sed
 cum pluribus mulieribus promiscuè scortationes
 tuas exercuisti. Te, *Commode Imperator*, cui tre-
 centæ concubinæ, quas ex delectu meretricum ti-
 bi constitueras, necdum sufficiebant. Te, *Gordia-
 ne Junior*, qui mulierum cupidissimus, ex tanto
 scortorum grege maximum liberorum numerum
 procreasti. Adeo, ut lepidò cavillo, à nonnullis,
 pro *Priamo*, *Priapi* nomen sis adeptus. Sed nihilo
 viris inferiores strenuè hic se gesserunt, magni
 nominis, & familiæ, feminae. *Thais Egyptia*
 meretrix. *Niceta & Aquilina* sorores. *Sappho*
Lesbia. *Flora* apud Romanos. *Regina Semiramis*,
 quæ nulli se firmo conjugio conjungere volens,
 è totis castris formosissimos juvenes sibi delegit.
Alca Laurentia, faustuli pastoris Regii uxor, quæ
 propter corporis quæstum turpissimum, lupa est
 appellata

appellata. *Calpurnia Crispillina*, libidinum Neroni^s Magistra. *Licinia Horatii*. *Quintilia Claudii*. *Lesbia Catulli*. *Neura* & *Sulpicia Tibulli*, cæteræque illæ pestes & portenta operosæ educationis humanæ. Quibus omnibus pro pudor! prima & Princeps existit *Claudii Cæsaris uxor*, *Messalina*, quæ tantæ fuit libidinis, ut, ante omnes alicarías, quæ pistrinum circumstarent, impudicitia palmam promeruerit, quæ dormiente lege Julia,

Intravit calidum veteri concione lupanar,

Et cellam vacuam atque suam, tunc nuda papillis

Prostitit auratis, titulum mentita iycisca.

Ostenditque tuum, Generose Britannice, ventrem

Accepit blanda intrantes, atque ara poposcit.

Utinam! sapientissimi *Solonis* leges tunc locum habuissent, quibus fas fuit scortatorem & mæchum, in adulterio deprehensum, impunè interficere. Nullum enim scelus hoc ipso majus atrociusque inveniri potest. Quare magnam laudem meretur dictum illud *Lacedæmonis*; qui ab Hospite interrogatus, quæ poena foret adulteris apud *Lacedæmonios*, negavit ullos illic esse adulteros. At instans ille, quid si quis existeret, quam poenam daret? respondit, *taurum daret, qui productus ultra Taygetum montem capite, biberit ex Eurota*. Non patitur Honestus pudor H: H: audd. de sordidis & abominandis scortatorum & adulterorum exemplis plura in medium proferre. Quanquam tamen vix infra istam turpitudinem ponenda sint, ad quæ oratio mea festinat. Video, post hæc libidinum varias species, nova monstra & portenta, quæ jure LVXURIÆ & PRODIGALITATIS titulo inscribo. Quæ olim tam fuit prodigiosa ac stupenda, ut merito admirari debeamus, unde istæ opes & divitiæ in potestatem hominis perve-

nerint, quas illi in immensum profuderunt. *Blandum est*, ait Historicus, *malum luxuria, quam accusare aliquando faci ius, quam vitare possumus.* Exordium facio à *Cneo Sergio Orata*, qui primus domi suæ pensilia balnea facere instituit. Qui, ne gulam Neptuni arbitrio subiectam haberet, peculiariter sibi maria excogitavit, in quibus varii generis pisces, separatis molibus, inclusit. Hunc proxime sequitur *Clodius, Æsopi tragædi filius*; quem constat cantu commendabiles aviculas, immanibus emptas pretiis, in cœnâ, pro ficedulis, posuisse; acetoque liquefactos magni sumptus uniones potionibus adpersisse. Hanc luxuriam etiam *Cneus Domitius* collegæ suo objecit, quod columnas Hymettias in porticu domus collocasset. Eodem vitio *Metellus Pius* in Hispania notatus fuit, qui adventus suos aris & thure excipiebatur; qui Attalicis aulais coniectos parietes læto animo intuebatur; demissasque lacunariibus aureas coronas, velut cælesti capiti, recipiebat. Præcipue verò *Catilinæ* libido scelestæ fuit, qui vesano amore *Aureliæ Oristillæ* correptus, filium suum, ne novæ nuptiæ impedirentur, veneno sustulit. Inter summa quoque opprobria *Campana luxuria* memoriam & mentionem meretur, quæ invictum armis Hannibalem, illecebris suis complexa, Romano militi vincendum præbuit. Quæ vigilantissimum Ducem, abundanti vino & veneris usu lascivioze, ad somnum & delicias evocavit. Hæc eadem pestis urbem *Voisinenfium*, Hetruriæ caput, postquam ad luxum prolapsa, in profundum miseriarum coniecit. Hæc *Antiochum*, Siriæ Regem, eò dementiæ redegit, ut magnâ ex parte aureos clavos crepidis subiectos habuerit, argenteaque vasa ad usum culinæ comparaverit. Hos omnes longo intervallo *Cypriorum* multitudo superat: qui Reginas suas mulierum corporibus,

bus, velut gradibus constructis, quo mollius vestigia pedum ponerent, currus conscendere æquo animo sustinebant.

Hinc ad *Ægyptios*, eorumque insanas substructionum moles *Obeliscos* & *Pyramides* si me conferam, quis ille tam disertus, qui verborum finem aut silum facile hic inveniat? penè fidem veritatis excedit, quomodo olim Athenienses de *Armamentario* suo sint gloriati, omni opere & impensâ maiore. Quomodo *Diana Templum* ingeniosissimus architectus Ctesiphon fabricare inceperit. Ad quod opus exaiciandum universa tunc Græcia totis viribus insurrexit. Quibus impensis *Artemisia* Mausolo, Regi Carix, marito suo, memorabile sepulchrum extruxerit. Dies mihi deficeret, si *Jovis Olympii* simulachrum, quod Phydias eboris lineamentis fuit amplexus; si *Colossus Solis*, qui assurgebat in altitudinem septuaginta cubitorum; si *muros Babylonios*, qui laterculo coactili erant structi, & centum cubitorum spacio eminebant; Dies mihi, inquam, deficeret, si tanta, tamque immania mortalium opera, hoc loco, describere esset propositum. Quare silentio prætereo omnia illa Romana; *Templum Apollinis* in Palatio; *adem Jovis* in Capitolio; *Porticum* & *Basilicam Lucii & Gaii*, theatrum *Marcelli*; *Circum maximum*, *Amphitheatra*; denique plusquam templa quadriagenta viginti quatuor in una urbe Roma; quæ Dianæ Ephesiæ majestati minimè concedebant: ubi sub Domitiano in solam capitoli inaurationem, plus quam duodecim millia talentum absumpta sunt. O vere admiranda! quæ non humanis auribus, animisque percipienda.

Quomodo hac tanta vitiorum multitudine me evolvam H: H: Audd. vix tacitâ cogitatione perspicere possum. Nimis ampla est messis & materies, quæ abundè nobis dicendi argumenta sug-

gerit. In *Livio Salmatore* odium & iram invenio, quæ in-pectoribus humanis maximos saepe fluctus exci-ant. In *Marco Crasso* & *Hortensio* manifestissimæ prædæ avidissimam voraginem. In *Fulvio Flacco*, in *Pompeio magno*, in *Marco Antonio* summam superbiam & impotentiam. Hinc tota agmina mihi occurrunt illorum, qui *Repetundarum*, qui *Residuum* rei. Qui totas provincias, totaque regna in proprios suos usus contulerunt: quales fuerunt *Verres*, *Antonius*, & *Sylla*. Inde immensa manus *Sicariorum*, *piratarum*, *prædonum*, quales fuerunt *Silices*, *Samii*, & nostrâ hac ætate, *Scythæ*, *Turcæ*, *Barbari*. Ut nihil hoc loco dicam de *Enclionibus* avaris, de *Midas*, de *Craso*, de *Caligulâ*, qui in solis fortunæ bonis animæ suæ salutem reposuerunt. De *Calumniatoribus*, de *Ingratis*, de *Invidiis*. Quibus omnibus hoc unum est in animo, ut in proximi famam & honestum nomen improbissimo semper conatu debacchen-tur; Illorum secundis successibus, velut panico quodam metu, percussî ac perturbati. Omnium ultimo loco in bonarum artium osiores, *Licinios*, *Caracallas*, *Diocletianos*, linguæ meæ mucronem distingere proposueram, & Divinæ nostræ Pal-ladi debitos suos honores ac libertatem adstrue-re. Sed, cum nolim nec ausim aurium vestrarum patientiâ, H: H: Audd. longius abuti, Orationis meæ vela nunc contraho, & subsisto.

Satis, superque qui in immenso hoc pulvere sordidissimorum exemplorum veteris ævi jam fessi & defatigati estis. Proxima vice, si *Optimus*, *Maximus*, in Cælo DEVS id permiserit, hoc loco, de illustribus virtutum exemplis condiscipulos nostros perorare audietis.

P R E C E S.

Tu, ô Æterne, clementissime DEVS, da, ut à turpissimè hisce exemplis, quæ ad Horrorem usque aurium nostrarum recitari audivimus, animos nostros quam longissime removeamus. Ut nulla nobis sint commercia, cum impiis Idololâtris, cum Atheistis, cum totâ illâ manu & multitudine Apostatarum & Incredulorum. Ut oderimus perpetuo barbarâ crudelitatem Tyrannos, & quicquid ad inhumanam illam feritatem viam aut fenestram aperit. Ut viperino sanguine cantius vitemus hujusmodi homines, qui nimîâ Ambitione & Superbia extra se rapiti, alios despiciunt, sibi Divinos honores assumunt. Qui aut proditione, aut perfidia, malisque artibus erga patriam suam affecti & animati, detestemur, quantum possumus omni sancto proposito calicum remiges, impios bibones, gurgies illos & voragines, qui vino & ventre infames, vitam viresque suas non nisi gula & gutturi in potestatem dederunt. Fac, ô magne & misericors DEVS, ut anima nobis semper sit sicca & sapiens: ne ad voluntariam insaniam, quæ ebrietas est, sponte iuperque prolabamur. Nec ab infelicio hîsce conspectu, ad indignos libero homine affectum, ad impias scortationes, adulteria, & illegitimos illicitosque conjugiorum tramites unquam animos nostros applicemus. Sed, ut pudicitia, ut castitas, ut ingenui sanctique affectus in rectam & celestem pietatis semitam nos ducant, totisque viribus ab intemperantia, à luxuria, à prodiga fortunarum nostrarum dissipatione, malisque cupiditatibus nos jugiter constanterque avocemus. Vitamque nostram non nisi honestissimis actionibus coram te & hominibus determinemus. Omniaque hæc vitia, quæ ad virum propriis suis lineamentis descripsimus, incitati Christianæ pietatis zelo, religiose sancteque fugiamus, ac detestemur.

stemur. Caterum, ò potentissime in calis DEVS,
 hoc te oramus, per intima pectorum penetralia &
 viscera, ut illustre B A T A V O R V M nomen,
 & universam rempublicam diu terrâ marique sar-
 tam tectam conservare, & inclytam A L C M A-
 R I A M, in qua vitam nos omnes spiritum du-
 cimus, tuasacra custodia & tutela, adversus omnem
 malignantis fortunæ impetum & occursum, forti-
 ter, feliciterque custodire; nosque omnes, qui publi-
 ce, qui privatim bonas artes & virtutem in tem-
 plis, in foro, in scholis profitemur, paternæ & po-
 tente tua dextra benignè semper tueri, protegere, &
 defendere velis! Per filium tuum dilectum, Domi-
 num nostrum J E S U M C H R I S T U M: cui
 soli sit laus, honor, gloria, & gratia in æternum!

D I X I.

*Hæ tres antecedentes Orationes sunt habitæ
 Alcmaria, clō. lxxlxx. Exa-
 mine Vernali.*

O R A T I O LVII.

*In quâ agitur, de Religione,
 De patria Amantibus,
 De fide publica, De fortitudine,
 Et pudicitia.*

Habita à

JULIO vander MOERE.

Alcm:

NUper HH. Audd. scæda & horrenda vitio-
 rum agmina in medium produximus., quo-
 rum scelerum magnitudo ac dira faciès, cre-
 do.

do, adhuc recentes aures in stuporem et formidinem rapit. Nos, ut promissimus, hoc tempore, benigniore materiæ Zephyro sensus vestros demulcebimus: non Atheistas, non Epicuros, aut irriligiosorum hominum gregem, Turcas, Barbaros, in Theatro repræsentabimus. Silebunt, hoc loco, Tyranni, Superbi, Avari, Ebriosi, non cum patriæ proditoribus, cum Adulteris, cum Impudicis certamen nobis erit. Præteribimus Falsarios, Incendiarios, Calumniatores, Perduelles, de quibus præterito semestri, hi parietes & columnæ perstrepuerunt abunde. Nunc, ut pollicita nostra præstemus, post intervallum magnæ ac miraculosæ hyemis præteritæ, sub Auspicio Divini Numinis, nobilissimarum virtutum materiam aggrediemur. Ego autem à probitate veteris ævi exordium faciam; ut & corrupta ætas nostra videat, quantum ab exemplis antiquis in nostrum bonum ac imitationem trahere liceat.

Religio.

Religio divinique Numinis vera & cognoscendæ & colendi ratio, basis & fundamentum est, quo omnis in Ecclesia sanctitas, altissimis defixa radicibus firmo semper talo consistit ac inicitur. Sine qua nec justum, nec honestum inter homines unquam existere potest, quæ ut in animis uniûs cuiusque nostrum feliciter floreat, vigeat, luxuriat, unice à Deo Optimo Maximo est exoptandum. Nos, hoc loco, in Gymnasio nostro, sæpius Christianam pietatem descripsimus, illamque juventuti commendavimus, ut nobis nunc non sit propositum illa sacra & facellâ attingere, ut dixi, exterarum gentium virtutes, moresque rectos ac ingenuos, quibus illæ huic nostro sæculo pro pudor! prælucent, in conspectum dabimus. Romanis, rerum dominis, adeo Deorum melius fuit injectus, tantaque veneratione in eos pro-

penderunt, ut nihil prius, nihil posterius his fuerit
 coelestium siderum, atque oraculorum observa-
 tione. Nihil unquam facturi inauspicatò, nihil
 sine ominibus, & præsagiis; nihil sine auguribus,
 sine auspiciis, aut sacerdotibus. Quare de Jove,
 de Junone, de Sybillis suis; de Ægèræâ, de Phe-
 retrio, deque infinitis aliis Dis & Deabus plena
 illorum sunt scripta & historia. Nos carptim
 inde aliquot exempla nostri usus in medium pro-
 feremus. Primum mihi ex hoc longo agmine oc-
 currit *Cneus Metellus*, qui Posthumium Consul-
 em, eundemque Flaminem Martialem, ad bellum
 gerendum, Africam petentem, ne à sacris disce-
 deret, multâ indictâ urbem egredi passus non
 est. Huic adjungo *Publium Licinium* pontificem
 maximum, qui virginem vestalem, quod quadam
 nocte parum diligens fuisset in sacro igne custo-
 diendo, flagris fecit ad moveri. Consimili ratio-
 ne *Alexander*, qui, Melesîâ ab eo captâ, milites;
 qui templum spoliaturi irruerant, flammâ ob-
 ectâ, oculis privavit. Nescio, an non omnes hos-
 ce *Cneus Fabius* antecesserit: hic, Gallis Capito-
 lium obsidentibus, ne solenne Fabiæ gentis sacri-
 ficiû interrumperetur, Gabino riu cinctus, ma-
 nibus humerisque sacra gerens, per medias ho-
 stium stationes, in Quirinalem collem pervenit,
 ubi omnibus primum sacris peractis, tandem
 victor in Capitolium rediit. *Agiselaus*, quoque
 Spartæ Rex, qui delubra etiam in hostico sita non
 minus violare voluit, quam quæ in solo amico.
 Magnâ, quis nescit? Religione *Carolus Quintus*
 fuit, qui multâ vitæ sanctimoniâ, præsertim jam
 senior, preces ipse composuit, quibus in præliis
 assidue usus est.

Patria Amantes.

Sacra autem Religio, quem imprimis fructum
 haberet maiorem, quam ut patriæ amantes, Rei-
 pub-

publicæ fideles administratores, in publicum bonum immittat? ex horum numero primus mihi occurrit *Marcus Curtius*, qui, cum Romæ in mediâ parte fori repentino hiatu terra se aperiret, ille animi & generis nobilissimus adolescens, militaribus insignibus ornatus, equum conscendit, cumque vehementer ad motus calcaribus, præcipitem in illud profundum egit. Nec illo inferior fuit, *Lippus Gennucius*, qui cum se Regem futurum audivisset, si in urbem revertetur; quod ipsum ne accideret, voluntarium ac perpetuum sibi indixit exilium. Nec *Publius Decius*, qui, cum Latino bello, Romanam aciem inclinâtam, pene jamque prostratam videret, caput suum pro salute Rei publicæ devovit. Hujus quoque *Filius*, in quarto consulatu, patris exemplum secutus, simili devotione, labantes perditasque Romanorum vires correxit. Illis merito attexendus esset *Scipio Africanus* superior, qui tribunus militum, admodum juvenis stricto gladio, mortem unicuique minitando, iurare omnes se nunquam relicturos patriam coëgit. Et cum *Phocione*, *Aristides*, qui ab Atheniensibus missus in exilium, sublatis in cælum manibus, deos comprecatus est, ut ita res Atheniensium prosperarent, ut illis nunquam *Aristides* in mentem veniret.

Fides Publica.

Juxta singularem hunc patriæ amorem, venerabile *Fidei numen* se offert. Ubi nova iterum messis occurrit insignium viro-um, qui multò oprabilius habuerunt, de viâ decedere, quam vel latum unguem à Fide semel datâ turpiter recedere. In hac tam præclarâ virtute, tu imprimis plurimum excelluisti *superior Africane*, qui captam aliquando Carthaginiensium navem prætoriam, cum ipsis inviolatam demisisti. Nec minus ab hoc insigni factò, vos illustrem famam & nomen promer-
uistis,

ruistis, *Cneë Approni* & *Æmili Lepide*, tuque imprimis magne *Regule*, & plures alii, qui sanctissima Fidei constantiam semper sartam rectamque conservastis: Possem hoc loco, debitam suam laudem obsecris *Petellinis* non denegare, si non erubescerem nimiam dicendi libertate Amplissimorum virorum aures defatigare.

Fortitudo.

Magnæ quoque & illustres illæ heroum animæ, qui gloriosâ suâ Fortitudine, toties in hostem probatâ, prorsus se immortales effecerunt. Inter quos jure commemorem *Horatium* illum *Coclitem*, qui, extremum pontis Sublicii partem occupans, totum hostium aginen, donec post tergum pontis abrumperetur, infatigabili pugrâ sustinuit. Quamvis primum hic locum suis auspiciis tenere debuisset *populus Romanus*, ejusdemque gentis Stat-
tor & Autor, *Romulus*, qui ab *Acron*e *Cenensium* Rege, ad dimicandum provocatus, quamquam & numero & fortitudine superiorem crederet, suâ potissimum dextrâ latum victoriæ omen accepit. Non separandi sunt ab hoc singulari virtutum concursu & certamine, *Valerius Corvus*, *Scipio Æmilianus*, *Æmilius Scaurus*, &c, ante omnes hac laude dignissimus *Julius Caesar*, qui fortitudinis suæ mirifico exemplo orbem terrarum in stuporem dederunt.

Pudicitia.

Quantus hîc se campus aperiret, si *Sophroniam* *Lucretiam*, si *Euphrosynam*, ausus essem, retectâ cortinâ, in theatrum producere, quibus aternitatem nominis ipsa pudicitia conciliavit.

Verecundia. Constantia.

Si *Julium Casarem* laudarem à *Verecundiâ*; à *Alcibiadem*, *Catonem*, ab iisdem virtutibus; à *Clementiâ* & *Constantiâ* *Senatum Romanum*, qui legatis, qui ad captivos redimendos
in.

in urbem venerant, protinus, nullâ pecuniâ acceptâ liberos demisit; qui Syphacem opulentissimum Numidiæ Regem, quoque catenis vinctum, in custodiâ Tiburi mortuum, publico funere sepelire mandavit; qui Masinissæ filium, jam captum atque ægrum, post valetudinem ejus bene curatam, patri remisit: Si plura ejusmodi argumenta hoc loco, cuperam in medium proferre, vereor:

Ante diem clauso componat vesper Olympo.

Applicatio.

Quem non afficiat meritò H: A: ista memorabilium virtutum sacra apud omnis gentes memoria, quæ tam divinæ & excellentes fuerunt, ut unumquemque nostrum magnâ delectatione affecerint. Rude hominum vulgus omnia ista contemnit ac despicit, quæ sapientes summo in pretio ac æstimatione ponunt: quid enim *Atheistis*; quid incredulis illis cum *Pietate*? cum *Religione*? quid, inquam, illis cum vero divini Numinis cultu? sanctissimos Dei cultores pro nihilo & ludibrio habent. Vates illos coelestes clarissima *Prophetarum* nomina, *Mosem*, *Davidem*, *Salomonem*, & reliquum illum sacre cohortis apparatus, velut infaustas & inauspicatas quasdam aves & spiriturnicia, oderunt ac detestantur. Non affecti in aliquam partem fide & Religione insignium virorum, quos veteri isto seculo vere commendavit pietas, divinæque voluntatis generosum obsequium. Pudet dicere, taciteque apud animum cogitare, quam etiam in reliquas virtutes improbi isti homines male semper judicent: quam ægre nolint agnoscere, principum virorum egregia facta: quæ pro patriæ amore, pro libertatis defensione, pro uxoribus & liberis in publico sæpe ostenderint. Rident, propudor, *Phociones*, *Brutum*, *Themistoclem*; *Auriacos*, & *Nassovios* nostros,

stros, quod se tantis periculis objecerint, tantasque animi procellas pertulerint, solo patriæ ac religionis amore. O homines vere inanes & inertes, qui tam improbam ferunt sententiam, de inclytis illis Heroibus, quos omnis ætas & posteritas sempiterno semper honore & annalibus condecorabunt Utinam, utinam ! plures ab aureâ illâ ætate extarent, qui *publica fide* insignes domi forisque civitates regerent. Quorum virorum hoc nostro seculo magna, certè est inopia & caritas. Quando plus valet cretata ambitio, vanique honoris existimatio : quàm omnes illi apud Græcos, *Solones, Aristides*, Epaminundæ : quam totus ille apud Romanos sapientium cœtus, *Fabij, Fabricij, Marcelli*, ut vere cum Arpinate Consule exclamare mihi liceat, *O tempora, O mores !* addam, ego, O improbitatem & Tyrannidem seculi nostri inauditam ! de quibus post Oratorem, malis maculisque merito Poëta dixerit :

Pajoraque secula ferre

*Temporibus, quorum sceleri non invenit ipsa
Nomen, & à nullo posuit natura metallo.*

Quis non omnibus mecum votis exoptet AA : & nunc in summo honoris equestris pulvino sedere viros illos *fortitudine, constantia, clementia* insignes, de quibus paulo ante gloriosam, hoc loco, mentionem fecimus ? qui tanta *animi moderatione* in cives suos propenderunt, tantâque *animi lenitate* erga subditos suos usi, ut nisi cum summa admiratione, vitam & facta eorum recenseamus. Esse clementem erga unumquemque, summorum operum gloriæ certamen illi judicabant, cives cum civibus de virtute certabant. *Constantem* esse in fide semel datâ, hæc ipsi cœlo & cælestibus accepta referebant. Illæ gentes à vita & fortunis abire, quam partem virtutis suæ gloriam turpi quodam facto amittere voluerunt.

Hæc,

Hæc, *Ornatissimi adolescentes*, si amulari aliquando possimus, ô quam beatam, quam felicem hîc primum in terris, in luce omnium gentium ac populorum, postea in cælis, in conspectu Angelorum divino, vitam fortunatam omnibusque numeris perfectam instituemus!

D I X I.

ORATIO LVIII.

In qua agitur

*De Sobrietate. Gloria cupitate. Patientiâ.
Disciplina militari. Censurâ
gravitate. Justitia*

Habita à

GELLIO WIBRANDO A
JONGESTAL.

Leonardiano Fris:

Illuſtrem tuam, *mi Collega*, de virtutibus materiam ex toto animo veneror ac depradico. Affecisti omnes sensus nostros elegantium ac prope divinarum rerum jucundâ recensione, quod gratissimum, & suave fuit, toti spero, auditorio quodque in divinas istas historiolas nos amantissime divertere, feceris. Cuperem, certe, similis materix auditor esse non in paucas diei horas, sed in solida tempora, & totas noctes.

Lucida dum current annosi sidera mundi.

Sequitur nunc tua, *Amicissime Collega*, vestigia, & ex eodem virtutum hortulo ama nos aliquot flores, ejusdem odoris & argumenti, decerpam: Non dubito quoque, quin aures acres, & benevolum auditorem sim habiturus.

Sobrie-

Sobrietas.

A *Sobrietate* & *Temperantiâ* illustrium virorum jure meritoque initium facio, quæ virtutes adeo libera homine sunt dignæ, ut cuius profunda-mento maximarum rerum necessario esse debeant. Sine quibus columnis, & benè instituenda vitæ nostræ fulcris, nihil honestum, nihil utile, à quoquam aut privatim, aut publice, geri potest. Quod prudenter judicabat *Zeno*, qui aquam loco vini bibebat. Et *Artaxerxes*, qui in fuga, direpto comœatu, pane hordeaceo vesceretur. Deos superos inferosque testatus, quod hætenus tantæ voluptatis fuisset expertus. Quibus proxime adjungo *Anaxerxem*, cui solâ fames ac esuritiô pro pul-pamento fuit, cui solum cubilé, vestis scutorum tegmen. Et *Lydarum regem Gygem*, quæ *Valerii Maximi* verba sunt, qui magis probaret securitate ridens tuzurium, quam tristem curi & sollicitudinibus aulam: *Paucasque glebæ pavoris expertes, quam pinguisima Lydia arva metum referta: & unum aut alitrum jugum bonum facilis tutela, quam exercitus, & arma, & equitatum voracibus impensis onerosum.* Singulari quoque sobrietate fuit *Constantinus Imperator*, qui, nunquam gustasse pomum, dicitur, nunquam nares in publico exsternisse, nunquam spuissse. Quo non inferior divinus *Sophocles*, qui per omnem ætatem contentissimè vixit. Nec *Epictetus*, nec *Diogenes*, nec *Cyrus*. Quorum alius pane oleribusque contentus, & simplici pallio duntaxat usus, humi jacens somnum capiebat. Alius rogatus, quid cœnæ sibi vellet apponi, Respondit: *panem tantum, sperare se prope aqua fluentem rivulum brevi cœnaturum.* O virtutem eximiam atque generosam! quæ si nobis, pariter esset nota & adamata, quam tu ingentia caperes beneficia, felicissime mortalis.

Gloria

Gloriæ cupiditas.

Comitatur egregiam hanc animi dotem, quam neque silentio preterire debeo, & quæ ab omnibus unice amplectenda, æterni nominis *gloriæque* sempiternæ *cupiditas*. Quam si quis turpiter negligere, aut contemnere ausit, profectò, exterminandum illum censeam ex consortio liberalium ingeniorum. Hæc virtus præclare illuxit in *C. Casare*, qui *Alexandri* res gestas, ubi in *Herculis* Templo delineatas videret, mœstissima voce ingemuit, quasi se ipsum accusans, quod, hac ætate, nihil adhuc laude dignum egisset. Et in *Alexandro* ipso, cui insatiabile gloriæ pectus à teneris insitum fuit: dolens se nondum unius mundi esse victorem. Quid autem de *Themistocle* dicam? cui *Miltiædis* trophæa vix somnum capere permittebant. De *Manlio Capitolino*? qui famam bonam, quam magnam malebat. Quid de *Hannibale*? quando dicere solebat:

*Mibi magna satis sat vera superque
Bellandi merces sit gloria, cetera vobis
Vincantur.*

Omitto divini *Thaletis* animum, celsitudine gloriæ nulli unquam cedentem. Omitto *L. Sullam*, *Africanum Superiorem*, *Thesenum*, *Julianum*, quos omnes incredibilis famæ nominisque ardor occupavit.

Patientia.

Qui, hoc loco, præterire possem, non indigna hoc rhacatro nomina, *Pompejos*, *Philippos*, *Alexandros*, qui, præter insignem gloriæ laudem, etiam sui æstimationem merentur, ab illustri virtute *Patientia*. Quæ adeo sæpe maximis ingeniis fuit propria atque insita, ut hac ipsa non obscurum sui in fastis & Annalibus nomen comparaverint. Hac notâ imprimis nobis memorandus est *Pompejus*, qui dum legationis officio fungeretur, & à Gentio interceptus, cum senatus consilia prodere jubere-

tur,

tur, & à Gentio interceptus; cum senatus confilia prodere juberetur, *ardenti lucerna digitum cremandum praeiuit*. Simili patientiae praconio effereendus Macedonum Rex *Philippus*, qui calumniam Nicanoris adeo leniter patienterque tulit, ut, amicis de illo male loquentibus, ille dixerit, *Nicanor non est Macedonum pessimus*. Quis credat apud barbaros homines, apud rudes Indiae populos, hanc quoque virtutem summo in pretio atque honore haberi? Cum inter illos quoque reperiantur tam obstinata animi patientia, ut omne vitae tempus nudi exigant. Modò Caucasi montis glaciali rigore corpora sua durantes, modò se igni flammisque sine ullo gemitu obicientes. Huius patientiae æmulus fuit *Anaxarchus*, qui, cum à Tyranno torqueretur. Non erit, inquit, effeminata adolescens, hæc quoque pars corporis meae ditionis, protinusque dentibus abscissam, & commanducatam linguam in os ejus expuit.

** Militaris Disciplina*

Proposueram mihi H. H. A. A. Principis populi disciplinam militarem in medium producere, & de *Pablo Rupilio*, de *Q. Fabio Maximo*, de *Carthaginensibus* non in iucundum sermonem instituire; dictatorem *Papirium*, *Africanum* superiorem, *Manlium Torquatū*, & generosissimos nostros *Auriacos*, *Nassovios* in tabulâ ad vivū depingere.

Censoria gravitas.

Nec non de *Censoria gravitate*, *Posthumus* & *Camilli*, de *Junii bubulci*, & de *Antonii Flacci* virtutibus plenam paginam perorare, sed vela colligo, &, bonâ cum veniâ, omnia missâ hæc facio.

Totus tamen erubescerem, si non aliquâ parte attingerem tuam, O *Divina Justitia*, maiestatem, quæ adeo in generosis multorum peccatoribus insita inculpæque fuisti, ut nostræ aetatis hominibus, vix de tantâ virtute & æquitate fidem & memoriam

moriam relinquant. Cujus divinitatis monumen-
 ta si in tabulis nidiſſe poſſem deſcribere, quàm
 multos tui, ego admiratores merito poſt me relin-
 querem! Notum eſt in populo illud *Zeleni* plus
 quàm laude unâ dignum exemplum, qui, cum filius
 ejus adulterii crimine damnatus, ſecundum jus
 ab ipſo conſtitutum, utroq; oculo carere deberet,
 ac tota civitas in honorem patris, poenæ neceſſi-
 tatem adoleſcentulo remitteret, aliquandiu re-
 pugnavit. Ad ultimum verò precibus populi evi-
 ctus, ſuo prius, deinde filii oculo eructo, uſum vi-
 dendi utriſque reliquit. Nec minns illud *Charunda*
Thurii, qui, ut ſeditioſas civium conciones
 pacaret, lege cavit, ut ſi quis eas cum ferro in-
 traſſet, continuo interficeretur. Vide e ingentem
 viri animum. Leges, quas ſanxit, transgredi no-
 luit. Et quando eas ipſas temerè transgreſſus eſ-
 ſet, idem ego illas, quas conſtitui, aliisſque præ-
 ſcripſi, ſalvas eſſe volo. Ac protinus ferro, quod
 habebat, diſtincto incubuit. Pulchrum quoque eſt
Senatus Romani exemplum *Camillo* conſule: qui
 cū *Faliſcos* circumſediſſet, *Magiſter ludi* plurimos
 & nobiliſſimos inde primos, velut ambulandi gra-
 tia, eduſtos in caſtra Romanorum perduxit.
 Quibus interceptis non erat dubium, quin *Faliſci*
 depoſitâ belli gerendi pertinacia, tradituri ſe Ro-
 mano Imperatori eſſent. Quid factum? Cenſuit
Senatus, ut pueri, vincum magiſtrum virgis ex-
 dentes, in patriam remitterentur. Quem later ex-
 eruditis, illud nobile juſtitia exercitiæ exemplum
 in *Timocharem Ambraciensem*? Ille *Fabricio*
 conſuli pollicitus, ſe *Pyrthum* veneno per filium
 ſuum, qui portionibus ejus præerat, necaturum.
 Ea res cum ad ſenatum eſſet delata, miſſis legatis,
Pyrthum monuit, ut adverſus tales inſidias cau-
 tius ſe gereret. Memor, urbem è filio *Martis* con-
 ditam, & armis bella, non venenis gerere debere.

Omitto

Omitto hoc loco, dicere de *Crasso*, de *Themistocle*, de *Collegio Tribunorum* apud Romanos. Quæ historicus noster pulchro ordine descripta memoriz posterorum relinquit. Quæ si nos apud animos nostros tacitè expendamus, O quam pulchram, quam excellentem divinæ justitiæ imaginem præ oculis haberemus!

Applicatio.

Hæc quoque illustria virtutum exempla, H. A. quem non jure meritoque affecerint summo gaudio ac delectatione? video pene extra me rapi, quando singularia hæc ad virtutem monita & monumenta apud animum inecum revolve. Priimi, quos in theatrum produxi *sobrii & temperantes* fuerunt. Quorum tanta apud bonos æstimatio esse debet, ut nihil cum divinis istis thesauris, cum animi corporisque abstinence, dico, comparari in hac vita possit. Quæ omni ætati, juvenibus, viris, senibus, omni sexui, puellis, virginibus, matronis, semper summa est dignitas & excellentia. Nam transilire Liberi patris terminos, vino & temulentia esse gravem, quid turpius? quid detestabilius? *Vita sicca sapientissima est*. Et ut veteres dixerunt, *ebrietas voluntaria est insania*. Abite, vos calicum remiges, vos sordidi improbique *Edones*, *Bibones*; vos turpes *Tiberii*, *Beberii*, *Bicongii*, *Tricongii*. Vos verò, optima cœlestium proles, in animos mentesque nostras pertransite, *Fabricii*, *Catonæ*, *Cincinnati*, à quibus jugiter discamus, quod nihil sit melius, nihil utilius, nihilque honoratius, demissa de cœlo, sobrietate.

Cæterarum verò virtutum, quàm exigua atque brevis sit supellex; docet nos pro pudor, quotidianæ vitæ institutio: Ubi nihil minus obtinet, quam veræ gloriæ & laudis cupidum esse: Quibus ita affici debemus, ut nihil illa virtute nobis prius, nihil

hil posterius esse deceat. Equidem summa est virtus in homine memoriam sui nominis, quam maxime longam efficere. Quæ animorum ornamenta, deteriore hoc ævo, tam parvi fiunt, ut multi inclarèscere malint, nescio, quibus animi sordibus maculisque; quam egregiam patientiæ laudem cum illustribus viris, profiteri. Illi non pluris in vulgo æstimantur, quam otiosæ terræ pondera, & ridicula aliquot capita male feriarum hominum. Quasi verò in domandis refrenandisque affectibus, nihil prorsus egregiæ laudis sit situm. Quæ barbatulis Philosophis supersticiosa quædam consuetudo. Judicantes pessimè ex innatâ homini lege, illos sui ipsorum hostes & inimicos esse, qui non libre suo genio quid permittant, & pravas suas quascunque voluntates ex proposito exercent.

Si verò Disciplinam militarem, si severitatis Censoriæ gravitatem, cuiquam præscriberemus, longissime abesset, ut inclytos illos heroas illustri exemplo imitaremur. Vapulant illæ nunc virtutes apud inanes & ignotas hominum mentes. Quæ quàm egregiæ atque excellenres sint! meritoque ad usum à nobis traducendæ, statum vivis ad oculum exemplis ostendimus. In tanta enim hominum multitudine, in tot rebus diversis, tot casibus iniquis animum suum regere non posse, ut sic dicam, prudentiæ habenis, O quam jure meritoque dolendum! equis indomitis similes tunc sumus, qui, ubi auriga, curru excussus, deest ac deficit, non intra rectam suam orbitam continentur; sed per saxa, per præcipitia, insanientium belluarum instar, feruntur.

At verò sanctissima Themidos Tempia quàm paucos, hoc sæculo, sui cultores habeant, quis aut dicere, aut docere in publico nunc ausit? Bonæ leges adeo in contemptum venerunt, ut vix Romani

juris vestigia usquam in commercio Hominum, Forique Tribunalibus invenias. Dormi nunc Lex Julia, in adulteros; Lex Scantinia in Cinzdos & Pathicos; Lex Cornelia, in Sicarios. Paphia, Famia, alizque bonz Leges & exempla, quz olim tantà cum utilitate & modestià, cum à Lacedemoniis, tum ab Atheniensibus posteris sunt relicta. Quasi nunquam illz leges apud populum in usu & consuetudine fuissent. Jacet, inquam, illud sanctum & venerabile Justitiæ nomen altissimè sub improbum pedibus defossam atque sepultum.

O Vos coelo dimisse virtutes! O si nostris quoque pectoribus altissimus defixæ radicibus, inhzreretis. Et vita hæc nostra mortalis illorum vitæ esset conformis, qui tantis virtutibus, domiforisque in togâ, in bello, in curia & templis, omni in loco, omni tempore, uterentur. Tunc denum salva nobis esset Respublica, salvæ fortunæ, salvæ sacre nostræ Pierides & studia, quæ jugi semper labore & sudore prosequemur.

D I X I.

ORA-

ORATIO LIX.

In quâ agitur de *Paupertate* laudata. De
humili loco natis. Gratitude.
Liberalitate. Pudicitia.

Habita à

DOMINICO à EYONE
 à ROORDA.

Frisio.

PENÈ tibi invideo, *mi Collega*, quod in celebri
 hoc conventu hominum, tam illustrem dicen-
 di materiam sis consecutus. Quæ omnium,
 credo, aunos aureique tanquam scilamo & papa-
 vere conspersit: Alexander Magnus ex honesta
 æmulatione invidebat patri Philippo victorias.
 Ego quoque tibi *mi Collega*, qui tam stupe- do, su-
 praque modum singulari argumento es usus,
 hunc fortunam invideo. Sed plures mundi re-
 stant, quos invisere nobis & invadere licet. Mi-
 hi parvo Macedoni etiam aliquid superesse ad
 laudem confido, quod desiderium mei magnitudi-
 nem explere valeat. Nondum omnia dixisti *mei*
Collega, restat ingens adhuc campus & area, in
 qua vela mei quoque iugentii liberè explicare
 possim.

Paupertas.

In primo mihi vestibulo laudata, apud Roma-
 nos, & Græcos, *Paupertas* occurrit. Quæ non, ut
 hodie, in turpitudinem alicui obijcitur; sed inter
 maxima illustrium virorum ornamenta daceba-
 tur. Quod ipsum in *Aristide* videre licet: cum

non posset domestico sumptu funerari, illum, honoris ergo, à Rep. obtinuit. Hic & *Phocion*, qui magnorum exercituum ductor, paupertatem gloriæ sibi duxit. Et *Epaminundas*, qui unicâ contentus vestè, publica, ob inopiam, impensa à Thebanis honorem sepulchri accepit. Quid loquar magna illa nomina, *Socratem*, *Homerum* pluresque alios, qui præter se ipsos nihil possederunt. Paupertas quoque *Poplicolas*, *Æmylios*, *Scipiones* produxit: Qui tamen fidis domesticæ penuriæ uberibus, publicam imperii gloriam nutriverunt. *Poplicola* ille Regum exactor, & *Menenius* publicæ pacis arbiter, sui quoque præstare funeris expensas non potuerunt. Paupertas *Curios* & *Fabricios*, contemptis Regum Principumque muneribus, fictilibus suis contentos esse docuit. Illa ipsa *Scipionis* & *Val. Levini filias*, ob domesticam inopiam, non à maximis matrimoniis virisque illustribus avertit. Illa æterno honori atque gloriæ principi terrarum populo existit. Adeo, ut nec *Craffi*, non *Syllæ* opes; nec *Cæsar* & *Pompejus* plus utilitatis Romanæ genti attulerint, quàm istorum hominum divinæ virrutes, quas in iocunabulis suis paupertas produxit.

Neq; mirum aut novum id nostri sæculi mortalibus videri debet. Quia *populus Romanus*, aurea illa ætate, non nisi optimis moribus institutus, ad modestam & temperantem naturæ legem vitam suam instituebat. Quod in *Marco Curio* apparet, qui exactissima frugalitatis fuit norma. *Quem Samnitium legati in ligneo canantem catillo spectarunt.* Et, quandò ingens auri pondus ad eum publice missum attulissent, *supervacua*, inquit, *istæ nobis sunt sarcinæ, Marcus Curius mavult locupletibus imperare quàm dives fieri.*

Humili loco nati.

In tantis domi forisque virtutibus, quas præca
illa

illa ætas exercuit, quis dubitet, *humiles* quoque *natæ* nascendique conditionem in vitium alicui & opprobrium cecidisse? nullum in eo discrimen, aut contemptus. Quemadmodum in *Tullio Hostilio* liquet, cujus incunabula agreste tugurium cepit: Ejusdem adolescentia in pecore pascendo fuit occupata: Validior ætas imperium Romanum rexit, & duplicavit: Senectus excellentissimis ornamentis decorata in altissimo majestatis fastigio fulsit. Huic nobilissimus & animi & generis *Servius Tullius* quoque accedit, in quo fortuna præcipuè vires suas ostendit: Serva natum, huic urbi Regem dando: *Servili* cognomine, & *Regia* appellatione. Et in *Terentio Varrone*, qui ex macellariâ patris tabernâ, ad honorem consulatus pervenit. In *Porcio Catone*, qui nomen suum *Tusculi* ignobile, Romæ nobilissimum reddidit. O sæculi istius felicitatem, admirandam! O dignas solio suo virtutes!

Gratitudo.

A quo fonte *Probitatis* quis dubitet infinitas alias cum animi tum corporis dotes ad posteritatem redundasse? Quando princeps ille populus ubique locorum, in omni re & occasione talem se præstitit, ut meritò sui nominis immortalitatem per omnium temporum ac ætatum memoriam latissimè dispergat, Invenio in *Q. Fabio Maximo* dignum imitatione exemplum; & in *Q. Mucio* qui ubi temerè inito certamine, pestiferum habiturus exitium, subsidio *Fabii* conservatus: quem propterea patrem appellavit, & à legionibus suis patronum salutare voluit. *Mitridatus* quoque Rex mirificè gratus apparuit, quoniam pro *Leonico* acerrimo salutis suæ defensore à *Rhodiis* navali pugna excepto, omnes hostium captivos permutavit, *satius esse existimans ab invisissimis circumveniri quam bene merito gratiâ non referre*. Eodem

animo gratum se præstitit erga populum Romanum *Attalus* qui pro acceptis beneficiis populo Romano universam Asiam legavit.

Liberalitas.

Hinc, non mirum, ipsa *Liberalitas* & *Pudicitia*, bonis auspiciis in lucem venerunt. In liberalis animi virtute ostendenda primum mihi occurrunt *Alphonsus* & *Sigismundus*. Quorum ille decem aureorum millia amico donavit. Alter quadraginta aureorum millia in viros doctos distribuit. Hos imitatus est *Dionysius*, qui melius iudicabat addere semper aliquid subditis, quàm adimere. Et *Artaxerxes*, qui, ad felium ingressus, conspectâ vasorum aureorum multâ supellectile, non est in te, inquit, regius animus, qui hisce peculis non collegisti tibi gratiam, præstantium virorum.

Pudicitia.

Etiam *Pudicitia* tanto fuit in pretio atque estimatione, ut magni quoque Reges Principesque illam summè honorarint atque exercuerint. quod in *Theodosio* manifestè apparet, qui severis legibus prohibuit, ne aliquis nudatus publicos oculos in-cestaret. Quare & *Pistias* aliquandò, interroganti, quis color ex omnibus coloribus esset pulcherrimus, Respondit: iste est color, qui ex verecundia provenit. Igitur ex verò Historicus noster, qui castitatem omnis honesti consilii, solemnium officiorum tutelam innocentia magistrum, omni tempore favorabilem præ se vultum ferentem appellavit. Huic quoque affinis est *Demades* qui *Pudicitiam* summæ honestatis fastigium in muliebris pulchritudinis arce sapienter collocavit. Sed ne in infinitum crescat Oratio mea, exemplorum hunc fontem & scaturiginem hic nunc claudere mihi propositum. Collegis meis non invidendam quoque messem dicendi relicturus.

Appli-

Applicatio.

Hæc est illa area & arena Nob: *Amp: Aud:* in qua meas, hac horâ, viriculas, tanquam probus Athleta exercere debeo. De *laudato paupertate*, de *frugalitate*, de *innocentia veteris avi* verba feci. Quæ virtutes si pari modò ipsis civibus in usu essent, ô quàm omnibus hor oribus cumulatam vitam instiueremus sed et od inè merite quæ, & deplorandû, nihil ab hâc perfectione virtutum in præsens hoc seculum nostrum redundat. Quando pro pudor? solæ divitiæ, solæque opes in censum & pretia veniunt. Quando *nummorum panè aras* ereximus & *primâ mortalium vitæ & cunctis nobilissima templis*, divitiæ ut crescant; ut *maxima toto nostra sit arca* foro. Pauperem verò esse ac destitui fortunæ præsidiiis, in pluri mo patrimonio & pecuniis, summus proximusque ad infelicitatem gradus ducitur. *Protinus ad censum*, ut ait, *Pœtia*, de *moribus ultima fiet questio*. Nunc esse Epaminundam, aut Phocionem, *quibus publicus census erat magnus privatus brevis*, pœnè in consumeliâ & vituperium tibi cedit.

Nunc unde habeas quæris nemò sed oportet habere

Vis in sublimi positus esse? pecunia illo te facile promovebit; vis supra vulgus in pulvino equestri sedere? de pulvino surgat equestri cuius res legi non sufficit. Vis toga, vis pilio, vis aureo annulo esse insignis? prostat illa nobilitas prece ac pretio vernalis. Quare ex animo vestris fortunis ingemisco, ô divini vates: Quibus magna ingeniorum excellentia est foris; sed domi inopia, esuritio, paupertas.

Pertranséo à foedissimo hoc vitio & flagitio ad divinam virtutem, *Gratitudinem*. Quæ an magis locum alicubi inveniat quàm honesta paupertas, jurè subdubitem. Tanta enim è ingratorum hominum ubique frequentia, ut citius in Cœlo enu-

meres stellas & vaga sidera , quàm aliquem inven-
neris , qui pro acceptis beneficiis , pro favore &
amicitia præstità vel nudas homini gratias retri-
buat.

Eodem modò cum sanctà *Liberalitate* de quà
verba mox fecimus , pro pudor ! res sese habet.
Cujus ne quidem rivulos usquam invenias à mag-
no illo, ut sic dicam , oceano priscæ illius libera-
litas ac beneficiorum. Clavi sũt: isti fontes in
bene meritos. Et sæpè mali indè messẽm meri-
mus undè plus quàm aureos montes expectare
deberemus. E heu ! quantum dedecus huic nostro
ævo, vitiorum alimenta ac venena ubicunque lo-
corum nos reperire; virtutum verò læta ~~an~~ segetem
in convallibus suis tam raram ac sterilem consi-
stere. Modo admirati fuimus antiqui ævi felicitate-
m , quandò viris ab humili loco oriundis tantæ
dignitatis altitudo evenerit. Quandò pro maxi-
mo censu habebatur si quis à despectà fortunà aut à
tenui majorum salino ad summæ dictaturæ ma-
jestatem vocaretur. Quæ nunc ad suum usum re-
vocare puto idem esset, quod nova deliramenta &
nugas loqui , cum summi honoris apicem solum
illi invadant, quibus aut insana fori Ambitiò, aut
amplius pecuniæ modus ad præcipitium illud dig-
nitatis benè ominatos gradus aditumque stru-
xit.

Ut nec Te, O Divina sanctissimaque P U D I-
C I T I A , hoc loco , meritis nunc lacrymis de-
plorare desinam. Superior , ut audivimus , ætas
quàm tua Tempia & penates venerata fuit ? At
nunc Sacella ista quàm paucos cultores & alum-
nos inveniunt ! Frigent prisci hujus cœlestis Pene-
lopes amasii. Dudumque vereor, nostra templa &
tempora ab illis Aris, certè, parum sancti sibi re-
lictum esse videant. Sapientissimo Philosopho
divino suo ore pro me concludente :

Pro

Pro Pudore, pro abſtinentia, pro Virtute, audacia, largitiſ, avaritia vigent. Et vitia noſtra quia amamus, defendimus, malumus excuſare iſta, quanto excutere. Seneca.

D I X I.

O R A T I O LX.

*In quâ agitur de Doctrina amantibus,
de Diligentibus. Eloquentia vi.
Præmiis Doctorem viro-
rum.*

Habita à

T A C O N E J E L T E M A

Bolſwardiano.

Vereor H. H. A. A. ne jam audiendi patientiâ vos deſeſſi, vix mihi quicquam de benignitate & favore veſtro, ad Orationem meam cohoneſtandam, ſit reliquum. Tamen, quia nobiliſſima mihi materia adhuc in manu, de quâ Collegæ mei nullam mentionem fecerunt, & que benevolentiam veſtram exſpecto. Cæterum, fateor, quæ dicta ſunt, certe, ſuum decus & applauſum merentur Ego ex hiftoriarum penu illa adhuc in medium proferam, quæ Ampliſſimo Auditorio, auribusque eruditis erunt, ſpero, digniſſima.

Doctrina.

Feliciter benigneque mecum agit Præceptor meus, qui ex omnibus materiis atque argumentis, certè, non viliffimum illorum mihi demandavit. In Theatrum deducturus ejuſmodi homines, qui ſapientes & eruditi vocantur! Qui in

illa gloria & amplitudine exstiterunt, ut, pro merito, præmia illis attribuerint, qui præ aliis, in vulgo, ingenii maiestate excellere. Hoc cum non ignoraret, quantà laude Doctrina esset æstimanda, *Robertus Rex Neapolitanus* dicere solebat: literas multò sibi cariores esse, quam Regnum. Et *Rex Alphonsus*, Cui Uniones & Margaritæ erant pro vili, Sapientiæ studia in pretio maximo. Quorum sententiam & iudicium amplexus *Plato*, qui rogatus, quid discriminis esset inter doctos & indoctos, scitè respondit: quod inter medicos & ægrotos. Nec non divinus ille *Thales*, qui solum illos felices appellavit, qui animo essent eruditi. Nemo ignorat sapientissimi *Socratis* super hac re testimonium: qui pulcherrimum in terris animal, hominem Doctrinâ perpolitum vocavit. Nemo *Aristippi*, cuius hæc vox fuit: malle se mendicum esse, quàm nullâ scientiâ rerum esse imbutum. Quod cum animo *Juliani Apostata* satis alta radice esset defixum, Scholarum usu & Sapientiæ exercitiis interdixit: exinde certior redditus de Christianorum nomine & Familia penitus eradicanda. A quo non dissenserunt *Mitylenenses*, qui aliquos gravissimo supplicio affecturi, bonarum artium organa & instrumenta illis ademere.

Diligentes.

Igitur nemo miretur H. H. A. A. quod plurimi Literarum & Doctrinæ amantes exstiterint hoc nostro & antiquo ævo: qui summis sudoribus & vigiliis in id incubuerunt, ut ante alios recta ratione & eruditione eminere possent. Qui propterea longinqua itinera sustinuerunt; qui totas noctes insomnes egerunt; qui oculos vigilia defatigatos in opere semper detinuerunt. Talis olim *Pompejus Magnus*, qui Rhodum profectus, non erubuit Professorum januis adstare. Talis *Pyta-*

goras

goras, qui, ad perdiscendas liberales artes, Ægyptum petiit. Talis *Cato Major*, qui, cum Eloquentiæ magnam gloriam sibi partam haberet, penè senex, Literas Græcas addidicit. Qui ad eò Doctrinæ Cupiditate flagrauit, ut & in Curia quidem, dum Senatus cogeretur, secum aliquid tacitè legeret ac meditaretur. Cui pari Zelo & studio respondet *Terentius Varro*, humanæ vitæ exemplum ætatisque spatium nominandus, cujus in eodem lecto spiritus operumque præstantissimorum cursus extinctus est. Et *Livius Drusus*, qui ætatis viribus oculorumque adjuvamento destitutus, jus tamen Civile populo interpretabatur. Ut nihil dicam de *Pontio Lupo*, de *Crasso Muciano* aliisque innumeris Philosophis, qui, ad indagandam rerum veritatem, cum *Democrito* in altissimum puteum se demerserunt. Aut, cum *Aristippo*, qui cibum in os ingerere obliviscebatur. Cum *Archimede* citius ensẽ jugulo excipiant, quam obsessas Syracusas cognoverint. Silentio involvo *Demosthenem*, *Ciceronem*, O ratores; *Alexandrum Magnum*, *Julium Cæsarem*, summos Imperatores: Quibus omnibus illa ingenii facultas & felicitas adfuit, ut nihil illustri studio artiumque Dignitati præposuerint.

Eloquentia.

Inter hæc Doctrinarum ornamenta, præcipuo loco, Regina artium *Eloquentia* collocata fuit. Illa Togatæ militiæ arma, quibus torres hostes subjugati, Civitates expugnatae, exercitus deleti. Quemadmodum in *Pisistrato* videre licet, qui sola bene dicendi scientiâ Regium Imperium ab Atheniensibus est consecutus. In *Theseo*, qui ex sylvis & agris populum Atheniensem in unam Civitatem congregavit: sola ad hoc usus flexanimæ suæ linguæ potestate. In *Xenocrate*, qui *Polemonem*, ab infami Ganearum nidore & popinis, ad divitiarum

divinum temperantiæ studium permovit. O incredibilem & singularem Eloquentiæ vim! qua merito prisci illi Oratores & Poëtæ ad immortalitatis possessionem pervenerunt.

Pramia Eruditorum.

His viris tam illustri ingenio & prudentia præditis, quis non ex merito honores & pramia constitueret? qui à Regibus & Principibus in tanto pretio sunt habiti, ut, juxta Deorum Aras & Sacrificia, sancti ac pene divini exstiterint: Ipse *Vespasianus*, etsi cætera parcus, ingenia tamen artetque ingenuas liberalissimis præmiis cohonestavit. Latinis Græcisque Auctoribus Annua Centena Sestertia prouultavit. *Scipio Africanus* adeo eruditorum hominum familiaritate delectabatur, ut Polybium Panætiumque domi militæque semper secum habuerit. *Antoninus Pius* ad modum largus & liberalis quoque fuit in præstantium Virorum ingeniis promovendis, qui Præceptori suo Frontonio statuam in Senatu posuit. Præterea *Pompejum*, qui Possidonio lictorios fascès submisit, Cui se Oriens Occidentisque antea submiserat. Et *Adrianum Imperatorem*, qui, ob decrepitam senectutem, muneri suo obeundo non satis idoneos, jamque emeritos magnis beneficiis affecit. O divinam principum virorum fortunam ac liberalitatem! qui tantis muneribus, privilegiis, Civitatis jure doctissimos homines, propter ingenii Doctrinæque præstantiam, tam benignè fovèrunt, honorarunt, aluerunt.

Applicatio.

Atque ita tandem, Amp. D. D. A. A. post longum iter, quod suscepimus in Sacra illa professione ad Colchidem, ut inde aureum illud Virtutum vellus reportaremus, in optatum, spero, portum tuto deveniemus. Facturi idem, quod navæ solent, qui puppibus suis Coronas præfigunt, quando.

quando Servati à naufragio, *Vida vestimenta suspendunt potenti Maris Deo.* Hoc verò unum mihi à Collegis est relictum, ut, pro more antiquo, praficam hic agam, deploraturus tristissimam Conditionem & fata Doctrinæ melioris. Quæ ut olim maxime fuit æstimata, ita nunc penè, pro derelicta habetur. Jacet illa pro pudor sub pedibus, & pro vili & nihilo apud plerosque censetur. Deus bone! quam Sacra nostra Pallas sub magnis quondam Regibus ac Mæcenatibus effloruit! quam in summo honoris gradu viguerunt Sapiëntia, & ingenux Artes! quæ Majestas, quæ, penè dixerim, divinitas circumfulsit Musarum nostrarum domicilium, Helicon! docent hoc æternâ memoriâ illustres illi Viri, quos in Theatrum produximus. Quando autem de Diligentium ac vere *Literarum Amantium* præmissis ac professionibus tacitus mecum recogito, totus, profecto, hilaritudine atque gaudio exulto. Nam nihil unquam est convenientius, nihilque præstantius, quam præclaris ingeniis parem gloriam & gratiam constituere; quam statuas & Trophæa tantis manibus erigere; quam omnibus locis & temporibus laudabiliter illorum meminisse, qui Reipublicæ Principumque laudibus suis laboribus & lucubrationibus immane quantum! utilitatis & famæ attulerunt. Imprimis autem quam *flexanimis illa Eloquentia* vis & divina dicendi copia laudem apud veteres promeruit; quæ digna, certè, fuit ut Græcos & Romanos sacra quadam æmulatione fatigaret. Quibus artibus, ut modò professi sumus, ipsa pene natura rerum in sui stuporem & admiratione, abripitur. Ut nihil hoc loco dicam de illustribus *Scholis & Gymnasiis*; de celeberrimis Academiis, ad quarum curam & tutelam accipiendam maximi semper Reges & Principes summâ cum industria animique intentione

advigilarunt. Ex æquo judicantes, felicem illam esse Rempublicam, *in qua aut Reges Philosophantur, aut Philosophi dominantur.* At verò horum temporum fata & funera, qui ausim verà voce & vocabulo hic loci appellare! Bonarum Artium studia in exilium & barbariem ivisse videntur: penesque de illis conclamatum esset, nisi pauci adhuc existerent, qui fugientes illas Nymphas suæ benevolentiae quasi laciniis, & bonis auspiciis, retinerent. Deum Opt. Max. piissimis precibus invocamus, ut id nobis largiatur, ne sapientiae Doctores & Magistri, qui adhuc è clade hac Cannensi sunt reliqui ac superstites, ex toto extinguantur. Sed Gymnasia & Academiae, quibus inest ac debetur salus publica, diu in honore suo, atque merito gloriosè existant.

Sic tandem H. H. A. A. defessi ac defatigati longis laboribus hoc onus, quod in humeros nostros susceperamus, bona cum venia, in sinum vestrum gremiumque deponimus. Vos *delectissimi Commilitones*, oro rogoque, ut harum Virtutum vivam imaginem, quas in brevi tabella vobis depinximus, æterna cum memoria intimis pectoribus inscribatis. Deum immortalem in omni vita & ætate sanctissimis votis veneremini, ut hanc vobis mentem animumque ingeneret, ut vitiorum semper hostes suis infestissimi, virtutum verò Custodes vigilantissimi.

P R E C E S.

Hoc ut sanctè & religiosè à nobis præstari possit, *Te, ter Opt. Max. in Calis Deum purissimis manibus animisque in auxilium vocamus.* Tu, O Magne Potensque Deus, ita ingenii nostri organa in omnes hasce Virtutes exercendas rege ac dirige, ut
Reipn-

Reipublica semper usui ac honori esse possimus. Et monstra illa vitiorum, quæ, proximâ rîce, ad terrorem stuporemque audientium, in Theatrum produximus longissime à nobis propellere. Caterum patriæ universæ, Patriæque Patribus omnia felicia, omnia prospera apprecamur: ut sub illorum ductu Ecclesiæ, Libertas, Civitas nostra perpetuò subsistat, vigeat, perennet! & seminaria illa sapientiæ, quas scholas & Academiæ vocamus, diu in flore & honore suo feliciter luxurient atque efflorescant!

DIXI.

ORATIO LXI.

IN LAUDEM ELOQUENTIÆ

*Habita à*GELLIO: WIBRANDO. à JON-
GESTAL.*Fris:*

Magna, Nobilissimi, Amplissimi D. D. Auditores, ingeniorum est varietas, magna indolis morumque hominis dissimilitudo; multiplici specie ludente in humanis animis naturâ. Itaque Deus Opt: Maximus studiorum varietate singulos homines discrevit; ut neque pictura pluribus coloribus & lineamentis rerum habitus discriminare potuerit. Nam, in tam patente liberalium artium campo, vix aliquis, vel pauci, ad eandem spartam & studia incumbunt. Diversis ingeniis in diversum quoque scopum ac aciem intentis. Invenias, cœlesti quasi flamma, incalcescentes, qui divinis Thelogiæ mysteriis im-
bui

bui se cupiunt, & ad populum de sacro suggestu verba facere. In eo solum voluptatem ponentes, ut, velut juratum in hostem procedentes, in hominum perstringenda peccata animosè ferantur. Alios invenias, qui ad sacram Jurisprudentiam, illam humanæ societatis ac pacis tuendæ magistram, totis animis se adjungunt. Qui aliorum litibus ac injuriis disceptandis, intenti, legum volumina perdiscunt, gravique voce ac Eloquentiâ miseros clientes, eorumque causas protegent ac defendunt. Non passi improborum iniquitatem, & malas artes in bene constitutâ Rep: dominari. Sunt multi qui curandæ hominum valetudini, tanquam alieri Æsculapii & Machaones, studiosissimè operam impendunt. Homines ad communem, certè, usum ac necessitatem feliciter nati & conservari. Nonnulli ita Philosophicis meditationibus & arcanis naturæ rerum exanimandis sunt dediti, omnem in eo ingenii vim & industriam collocantes, ut cælum terrasque subtili quadam mentis agitatione pervadant; nihil intactum per se relinquentes, quod non jugi & assiduâ cogitatione sui ingenii contemplantur. O laudabiles vitæ humanæ actiones! Quibus omnis semper ætas honestè incubuit. O vere dignos æternæ laude & Annalibus homines! qui aliquo egregio opere intenti, hoc unum agunt, ut nominis sibi gloriam quàm maxime largam efficiant.

Sed hoc unum *H. H. D. D. Add*: nunquam satis admirari possum, qui fiat, ut in tanta studiorum libertate ac frequentia, tam pauci reperiantur, qui, solummodo cæteris artibus studiose defixi, unam Eloquentiam, qua fons & radix est sapientiæ, tam parvo honore ac amore prosequuntur. Non videntes recto animi oculo, quantum ad conservatioe generis humani adjumentum & præsidium hæc facultas divina in se habeat.

Quare:

Quare visum fuit nostro *Præceptor*i, post tam infinitas materias, quæ, hoc loco, intra proximos annos, sunt pertractatæ, nunc in eo potissimum studio occupatos nos esse, ut bene dicendi facultatem juventuti commendaremus. Non, ut ab aliis disciplinis, quæ sui usum habent, quam maximum, plane abstinereamus. Sed ut optime nobis consulentes, ante omnia, perdiscendis eloquentiæ præceptis dies noctesque impenderemus: Sine quibus nullæ unquam artes feliciter exerceri possunt. Quæ studia, si cum divinâ historiarum cognitione sint conjuncta, profecto! ipsum sapientiæ domicilium invadimus.

Ego igitur, hoc loco, *A. H.* contra seculi nostri pravitatem, jure ab injuriâ optime dicendi facultatem, eloquentiam, defendere mihi proposui. *Collega meus*, majore, forsân, facundia ac viribus, honorem & dignitatem adstruet veterum & recentiorum historiarum notitiæ. Certâ spe & expectatione hoc ausi nobis polliceri, quod æquissimum, ad hoc argumentum, Auditorem, hac horâ, simus habituri.

Nulla, meo judicio, inter omnes artes, quas humana industria invenit, est præstantior, magisque ad omnia negotia, quæ domi forisque à mortalibus exercentur, necessaria, quam hæc disciplinarum omnium Domina ac magistra, Eloquentia. Cujus tam admirabiles sunt effectus; tamque divini & excellentes ingenii conatus, ut non immeritò extra nos rapi debeamus, quando vel minimam istius artis dignitatem apud animos nostros rectâ judicii lance perpenderit. Quare hæc ipsa adeo apud omnes gentes & nationes æstimata semper fuit, ut sine illâ vix ullam doctrinarum partem in pretio ac æstimatione habuerint. Reliquis disciplinis illam adeo utilem ac necessa-

necessariam esse judicantes, ut si ab hac luce & auctoritate non suum splendorem mutuentur, ceteræ omnes artes facile in contemptum adducantur, & potissimum sui decus ac bonitatem amittant.

Quæ, profectò ! mortuæ mihi esse videntur, ac sine toris ac lacertis, quemadmodum putidum aliquod cadaver magnis avibus & canibus objectum. At si accedat ad alias animi functiones sapientiæ illa conciliatrix, Eloquentia, jam demum ipsæ facultates vivere & spirare divini istius ætheris auram videntur. Quid enim pulchrius esse potest, quàm orationem suam variare ac distinguere tot verborum scientiarumque luminibus, quibus auditoris animum in quamcunque partem permovere possis? Quid dulcius? Quid amœnius, quàm si paginæ tuæ, veluti nectaris quodam succo delibutæ, & sermones tui quasi loquendi phalaris ornati ac instructi? Quid denique dignius? Quid excellentius, quàm virum gravem, quando de summis maximisque rebus in foro, in Tribunalibus sit dicturus, in omni loco esse paratum, de quacunque re, teste Tullio, *apte, prudenter, copiosè, explicite, illuminate, & rebus & verbis numerosè posse dicere*? Quare igitur valde male mihi facere illi videntur, qui cum habeant sæpe res maximi momenti ac ponderis, illa jejuno ac tenui sermone efferant, destituti omni venere ac puriore dicendi formulâ: quâ auditorum animos, veluti sesamo ac papavere, conspergere deberent. Inutiles prorsus ad persuadendum, quia nulla adsunt vincula & nervi Oratorii, quibus constringere ac detinere aliquem possint. Prorsus magna acturi, in magnis & præclaris rebus, si quando dictio ipsorum effloresceret aliquâ florum ac leporum in verbis elegantia.

Nunc risui penè omnibus & despectui, quia
 hac-

flaccescit, ipsorum oratio, nullo verborum colore, nullâ varietate formæ ac figuræ excitata ac illustrata. Madida enim & natantia verba sunt, quibus nihil exprefferis, præter inutilem & plebejæ opinionum succum. Et, ut Venusinus ait Poeta:

Si dicentis erunt fortunæ absona dicta,

Romani tollent equites peditesque cachinnum.

Non igitur mirum divinæ Eloquentiæ à maximis, viris, maximas semper laudes & applausus esse datos. Apud Athenienses, *Demosthenes*, *Pericles*, *Pato*, *Lycurgus*, *Thucydides*, amplissimis honoribus sunt affecti. Apud Romanos, *M. Tullius Cicero*, *Cato Censorius*, *Scipio Africanus*, *Hostensius*, *Crassus*, *Sulpicius*, & innumeri alii: quorum tanta in dicendo fuit vis, ut Regum principumque gratiam ac favorem jure meritoque obtinuerint. Historici de *Thucydide* narrant, quod Atticæ linguæ lepos illum ab exilio in patriam revocaverit. De *Demosthene* quod adeo Eloquentiæ laudibus excelluerit, ut totam Græciam pro arbitrio suo vel ad pacem vel ad bellum commoverit. De *Menenio Agrippa*, quod ille pop. Romanum, Vejos fugientem, bene dicendi suadâ in urbe Roma retinuerit. quas si ego eloquentiæ vires in hoc Theatrum pro merito ac admiratione sui producere conarer, dies mihi deficerent.

Quare non satis ego horum studiorum osiores atque inimicos meritâ indignatione prosequi debeo. Ac jure juvenutem nostram accusare, quod tantæ majestatis doctrinam non majore in pretio habeat. Quam omnis ætas ac memoria præstantissimorum hominum justâ semper laude depredicavit. Quæ adeo in omni parte Reip: est utilis ac necessaria, ut, si aliquo terrarum in exilium illa esset relegata non nisi summo cum triumpho esset inde

inde revocanda. Alias artes, ut in principio diximus, multi homines summa cum industria exercent; solam Eloquentiam, quæ omnibus scientiis pro solido est fundamento, tanquam inanem & supervacuam rejiciunt. Nescitis, O lepidi homunciones, nullam ex omnibus artibus, existere, quæ sine eloquentiæ ornamentis unquam veram suam laudem atque æstimationem sit consecuta? Nemo, ausim dicere, in aliquâ parte doctrinarum summa cum veneratione inclauit, nisi primum optimis literis, & dicendi peritiâ fuerit imbutus. De *Calvino* apud Theologos, de *Cujacio* apud J. Consultos, de *Fernelio* apud Medicos, hoc apud omnes eruditos testimonium jam dudum invaluit: Quod nunquam summi illi viri ad tantam laudem & gloriam sui nominis pervenissent, nisi suam quisque facultatem bene dicendi artificio in illam celsitudinem produxisset. Quod adeo verum est, ut cum doctissimis authoribus jure id ausim asseverare, quod nemo unquam vere clarus & generosus ingenio extiterit, qui non à purioribus Nymphis & optimè dicendi facultate summas sibi suppetias & auxilia comparaverit.

Jure meritoque igitur sapientissimi reges & principes hanc illustrium virorum memoriam sempiternis encomiis & monumentis honorarunt. Scientes, nullam ab eruditione immortalitatem esse certiores, quam imprimis illam, quæ ab Oratoribus, quæ à poëtis & historicis humano generi in usum ac necessitatem est nata. Quod cum non ignorarent Græci, solidam ex auro statuam *Gorgia Leontino* erexerunt. Nec Romani, qui *M. Tullio Ciceroni*, non ob armorum peritiâ, aut avorum imagines; sed ob dicendi scribendique copiam ad urbis suæ fasces promoverunt. Quam materiam & maturum honorem elo-

eloquentibus viris semper concessum, cum nemo vestrum *H. H. Aud:* ignoret, totiesque idem argumentum ex hisce rostris cum viva voce, tum scriptis in publico sit celebratum, feliciter, spero, ad finem meæ orationis deproperabo.

Vos igitur *Charissimi Commilitones*, ad quos potissimum spectat hæc mea oratio, antequam dicere, hoc loco, desinam; Vos, inquam, postremum hic alloquor, moneoque quantum in me est, ut divina eloquentiæ studia nunquam de manu depōnatis, quæ quàm sint utilia, quàm necessaria, quàm omnibus modis præclare æstimanda, puto, ex auctoritate clarissimorum hominum abunde satis cognovistis. Unum vobis è Romanis scriptorem maximum, Cornelium Tacitum propono, *qui nihil tutius esse, ait, quàm eam exercere artem qua semper armatus, præsidium amicis, opem alienis, salutem periclitantibus, adferre possit.* Ad quam artem tam excellentem tamque divinam si accesserit historiæ & annalium, à tot retro annis, egregia cognitio, certè, è tripode & Oraculo dictum tibi puta, *Adolescens*, omnium maximarum rerum gloriam atque præstantiam jure assecutus esse videberis.

D I X I.

O R A -

ORATIO. LXII.

DE HISTORIARUM LAUDE

Habita a

JULIO vander MOERE.

Lætor ex animo, mi Collega, quod nondum ex toto extinctos esse videam, in palladio nostro pulvere, homines quosdam egregios, qui favente supremo Numine, divina Eloquentiæ studia adhuc integra ac indelibata conservant. qui summa ope & assiduâ curâ, in id incumbunt, ut, priusquam ad ardua & difficiliâ studiorum præcipitia se componant, sapiente consilio à benediciendi artibus initium faciunt. Nam ubi deest Oratorius ille vigor, & rerum verborumque in sermone nitor ac plenitudo, frustra est ad arcana disciplinarum & solidam eruditionem se conferre. Meritoque metuendum, ne liberalioris literaturæ flos ac honos planè in tenebris marcescat. Rudis indigestaque moles, iterum cum Latio hoc sereno plus quam turpiter confundatur.

Quæ sola est causa, quod tam pauci verè literati viri, hoc seculo reperiantur. Ad alias enim facultates, illotis, ut dicitur, manibus, multi immaturè progrediuntur. Cum primum opera & industria fuisset collocanda in ingenuis artibus probè solerterque perdiscendis. Hinc illæ tunc lacrymæ, quod, pro feliciore studiorum messe, sæpe infelix lolium & steriles dominantur avenæ. Et ad cantes, ad scopulos allidamus, factò ingeniorum laborumque nostrorum tristissimo naufragio.

fragio. Quomodo enim in summis disciplinarum mysteriis ac recessibus egregiè quis emineat, si, contemptis sapientiæ primis gradibus, statim ad inaccessa sublimium rerum arcana & adyta ingredi cupiat, absque ullo duce ac ductore? Igitur danda frequens est opera, ne quid intactum relinquantur, illarum artium, quæ potissimum superiori argumento ac studiis inserviunt.

Tecum sentio, *mi Collega*, qui cum nobili Eloquentiæ studio, conjungendam esse dixisti excellentem Historiarum cognitionem. Quæ dux res maxime si à studioliissimo Adolescente in sapientiæ curriculo observentur, tunc demum rectâ & Regiâ via ad editi honoris templum incedere videbimur; nec quidquam tam difficile, tamque remotum erit, quod non facili opera & conata assequemur.

In quâ sententia *H: A:* cum & nos quoque æternum persistere decrevimus, cum tot illustribus ab omni ævo viris, qui faciem literatis præstulerunt, dabo operam ego, ut, hoc loco ostendam, quam clarum & perspicuum sit cum ingenuis Eloquentiæ studiis necessariam ac utilissimam Historiarum cognitionem conjungere. Etiam atque etiam rogo *A: H:* ut eâdem benevolentia, attentia, benignitate me prosequamini, qua collegam meum prosecuti estis.

Historiarum cognitio ingenuo & literato viro adeo est utilis & necessaria in omni suo opere ac proposito, ut sine illâ vix unquam in majore argumento feliciter versari possit. Hæc enim in tenebris ambulantibus lucem & lampada accendit, mentiumque caliginem, quæ à natura nobis adheret, planè dispellit ac dissipat: in omni genere studiorum vivâ iteram imagine & exemplis genuinæ rationis in medium productis. Ibo, quæ possum brevitate per ordines diversorum hominum,

num, qui in Reipublicæ negotiis domi forisque sunt occupati; ubi, præter operas familiares & artium ingenuarum cultus & lucubrationem, principum virorum curæ & actiones se nobis offerunt. Quorum in consiliis adedò veteris ævi factorumque ratio requiritur, ut vix principatu suo cum laude atque gloriâ defungi possint, si non à face & lumine illo historico fides & veritas accedat. Quibus subditos suos Regnique custodiam, tanquam salutaribus remediis, moderetur. Tota enim illorum felicitas, siue in toga, siue in bello versentur, hisce potissimum fundamentis ac columnis inicitur; ut omnium ante se, temporum habita ratione & examine, inde maximorum operum similitudinem ac imitationem, perficerent: Sine historia enim & contemplatione rerum præteritarum, omnes homines tanquam in Cimmeriis perpetuo tenebris hæremus; nunquam meliore edocti consilio, ad res nostras publicè aut privatim feliciter instituendas. Sine Historiarum fide nemo Religionem, nemo sacra ipsa, quæ cum salute nostra sunt conjuncta, satis unquam fideliter apprehenderet. Qui de maximis, inquam, rebus, quæ ad cœlestia animasque nostras spectant, nullam certitudinem haberemus. Sine hac, omnes qui nati sumus pueri essemus. Rudes omnino & ignari tot utilium rerum quas jam per divinam gratiam & Historiam interpretem, ipsa meridiana luce clarius intuemur. In novum quasi orbem formamque delati, à quo tempore lux illa Historica caliginosas nostras mentes illustravit.

A Regum principumque aulis & communi illa imperandi regendique utilitate, ad proxima magnatum studia & vitam me converto, ubi, quàm necessaria sit veterum annalium scriptorum memoria, quis unquam aut calamo aut voce exprimere sibi confidat? nemo ad legationes obeun-

das,

das, ad publica munia pro patrio bono suscipienda, satis utilis esse potest, si non & benedicendi facultate, & antiquitatum egregiâ scientiâ sit imbutus. Nemo res magni momenti in Senatu prudentissimorum hominum ad manus sumet, & magnificè de illis aget, nisi istis ingenii ornamentis bene fideliterque instructus & institutus, quare se talibus disciplinis aliquis in Ecclesia, in Foro, in Tribunalibus non mediocriter exercitatus, nescio, profectò, quomodo tam ardui argumenti provinciam ac spartam suscipere in se ausit, nam semper usu venit, ad præteritorum temporum memoriam respicere; & illustrium virorum dicta, sententias, facta, cum nostris actionibus & consiliis comparare, ut aliorum edocti, prudentia, & vestigiis, tanto melius de rebus nostris possimus judicare. Quotus quisque enim inter summos Magistratus, inter magnæ solertiæ & ingenii politicos viros vivere & versari debet, quomodo is ad disceptanda in comitis negotia, ad componendas lites in cûria, satis aptus & idoneus erit, si non veteris avi scientia & exemplis singularem sibi prudentiam collegerit? igitur omni mea ratione & Oratione id teneræ juventutis animis auribusque insculptum velim, ut hæc maximarum scientiarum adminicula semper in pretio habeat.

Tanta enim est præstantia, tantaque dignitas divinæ historiarum cognitionis, ut si ex vero judicemus, nullas fateamur artes, magis unquam homini ingenuo convenire. Qui sine illa rerum gestarum memoria parum idonei sumus, ut ad amplissima in Republica negotia obeunda, cum aliqua utilitate admoveamur. Instar Oraculi habetur Vir Historiarum cognitione excellens, à cujus ore, tanquam ab ipso Apolline, omnia ista haurimus ad virtutem exempla, quæ ad ullum negotiû usui ac necessaria esse possunt. Qui velut promp-

tuaria quædam cella, ex vivo canali sui pectoris cuncta nobis aperit, quæ pristinis temporibus, à maximis viris ad præclare vivendum nobis sunt relicta. Quod imprimis, in tot Historiarum veteris ævi monumentis apparet, quæ ab ipsis mundi initiis cuncta illa ad posteros transmiserunt, quibus tanto eruditiores esse possumus. Si enim libet res Egyptiorum antiquissimas, Persarum opulentissimas, Romanorum, quæ omnium maximæ esse judicantur, contemplari, Historia nobis ad oculum istas proponit. Si virtutum, Si vitiorum campum, de quo præterito semestri, verba hoc loco fecimus placeat ingredi, videbimus in omni materia inexhaustam exemplorum copiam, quibus, honestis animis, vel ad virtutem accendamus, vel à vitiorum improbitate longissimè refugiamus. Occurrent nobis ab hac parte, *Scipiones, Alexandri, Marcelli*, alique infiniti Reges ac Principes, qui FORTITUDINIS, qui MODESTIÆ, qui PIETATIS, facem nobis præferent: ab alia parte, *Domitiani, Caligula, Tiberij*, quorum facta & memoriam propter fædam ipsorum tyrannidem, meritò detestari debemus. Græca & Romana Historia, Deus Bone! quam infinitam seriem tot diversissimarum rerum, nobis subministrat. Quam ubique locorum, tot gentium & populorum admiranda videmus, legimus! ut, unde potissimum incipere hic debeam, & quò desinere, penitus ignorem. Voluissem, hoc tempore, H: A: brevem aliquam quasi Synopsin juventutis nostræ oculis subicere: Unde disceret, quantam jucunditatem, quantam in omni vitâ sapientiam & utilitatem assidua Historiarum lectio pariat. Sed, abuti patientia vestra viderer, auriumque benevola attentione. Produxissent se in medium à Romanis, *Cæsar & Pompejus, Cicero, Antonius, Cato, Catilina, Jugurtha*, alique ab illo seculo

Heroes,

Heröes, *Bruti*, *Collatini*, *Pisones*, *Fabij*, vidissetis vellentem pontem *Coclitem*, urentem manum *Mucium*, vastantem Italiam *Annibalem*, vindicantem ferro pudorem suum *Lucretiam*. In Græcâ Historia, de *Phocione*, de *Epaminunda*, de *Miltiade*, cæterisque illius ævi Principibus, sermonem instituissimus. Missis quasi de manu hisce omnibus, quæ ætas antiqua nobis reliquit, ad recentem Historiarum fidem & fructum me compono.

Quantam habeas in se utilitatem, nostri temporis custos memoria fidelis, neminem ex Adolescentibus nostris ignorare puto, quæ tanta est, tantaque æstimanda, supra omnes mortalitatis nostræ ineptias, ut solem ego judicem de mundo tolli, si quis fidos annalium scriptores de medio auferat. Prima Belgicæ libertatis auspicia, nemo ad unguem teneret, & bella à Principe hoc populo cum Hispaniarum Rege tanta laude in tot annos suscepta, nisi teste Historiâ, vera cum fide hæc nobis essent perscripta. Nemo illustrium *Auriacorum*, & *Nassoviorum* virtutes è posteris crederet. Nemo tantas res terrâ marique ad stuporem, & admirationem gestas vel animo suo conciperet. Denique urbs ipsa nostra, *Alcmaria*, quæ tantâ felicitate olim contra potentissimos hostes invictam se præstitit, sua virtute & viribus non suam immortalitatem unquam consecuta fuisset: si non viri docti pennâ suâ nunquam metuente, solvi, hanc præclaram illius fortitudinem æternis literarum monumentis consignasset.

Quamobrem, si præclaris ingeniis sua virtus & vena, temporum injuriis, intercluditur, ô quam funestam, quam miserabilem aliquando Rempubicam habebimus! quam omnia repente jacebunt in tenebris, quæ nunc sua veneratione ac majestate in honore habentur. Actum esset de humano genere, & prisca Vandalorum barbaries omnium

gentium & nationum animos, tanquam communi aliquo diluvio, involveret. Ideoque miserimæ illæ olim Respublicæ, quæ, cum gestarum rerum memoria claræ æternæque extitissent, nullos sua laude atque merito præcones Historicos habuerunt. Multaque suis favillis, pro dolor, nunc alie obruta, quia in literis præstantissimorum hominum, qui illa ætatē vixerunt, nulla earum rerum vestigia reperiuntur. Multorum fluminum ortus, qui à condito mundo non extiterunt; ignorantur, montium, convallium, nemorum, civitatum multarum rudera & initia ignota, quia nulla ad illam rem scribendi auctoritas invenitur. Disputatur de *Verona*, hîc in proximo olim sitæ, antiquitate. Nescitur, quare mediis in collibus arenarum, ad vicinam Egmondam, arborum stipites vi ventorum disjecti, versus solam meridiem se inclinent. In dubio, an omnia continenti terræ adhæserint, quæ nunc in interiore mari, magnus Pater Oceanus interluit. Ut præteream cuncta illa terrarum, quæ in universo mundo tam miserabili casu aut interierunt, aut sine aliquo monumento primæ suæ originis exstant ac supersunt. Concludo cum Poëta Lyrico.

*Vixere fortes ante Agamemnona
Multi, sed omnes illacrymabiles
Urgentur, ignotique longa
Nocte, carent quia vate sacro.*

Igitur H: A: summa nobis religio esse debet, ne præclaræ virtutes, & parentum nostrorum familiz illustres, quas temporum felicitas egregiis laudibus nobilitavit, oblivioso quodam silentio, suis quasi cineribus sepultæ, apud posteros ignorentur. Et hæc ipsa *Civitas*, quæ semper ingeniis, naturæ quodam beneficio, apud omnes nationes populosque egregie hætenus inclartuit; sui paulatim claritu-

claritudinem, ob literarum inopiam, amittat. Ita enim fiet, ut liberi nostri clarissimorum hominum fidas lucubrationes ultro agnoscent, quando in ipsorum scriptis & annalibus suorum majorum imagines gloriosè legent, & admirabuntur Quod tunc demum ex vero auguror futurum, quando ingenuarum artium cultura & Eloquentia cum divinarum Historiarum intellectu ac cognitione conjungetur.

PRECES SACRÆ.

Omnipotens, Æterne DEVS, Venerabile Numen
 Virtutis mensura tua, fac ne omnia rursus
 In chaos antiquum vergant! Non fada triumphet
 Barbaries, Phœbique ruat sacundia Rostro,
 Et Lingua Latialis honor! Te vindice, Musæ
 Attollant sublime caput! Virtutibus orna
 Pjæridum, Solymaque Lares! Sacrumque Tribunal
 Erige: ut in Batavis, Sociâ cum Pallade, Apollo
 Floreat illustris! pulchrasque Alcmæia Musas
 Excipiat, intoque Deas in sceptrâ reponat!
 Et Belgæ, quorum Herculeos jam fama Columnas
 Personat, æternum Meritis, Virtute, Fideque
 Emineant! Ipsa & Victrix ALCMÆIA; Cujus
 Surgit ab Hesperii sua laus & gloria terris,
 Extra Anni solisque vias sibi querat Honores.
 Mensaque hæc intra, quæ nunquam tenuit Hostis,
 Aurea LIBERTAS vigeat! melioribus usque
 Auspiciis redeant VIRTUS, PRUDENTIA, Veræ
 RELIGIONIS amor; studium PIETATIS &
 ÆQUI.

DIXI

Dux Orationes antecedentes habitæ Alcmæia
 Examine autumnali. CIO. 17CCLXX.

ORATIO LXIII.

De

ROMULO & NUMA POM-
PILIO.*Habita à*

REMBERTO TEN HAM

Nobili Groningano.

DE Romano imperio dicturi H. H. Audd: sum-
mâ admiratione afficimur, quibus auspiciis
in unam gentem tam multâ, tamque diversâ
virtutes, quasi divinâ quadam felicitate, incidere
potuerint. Quales vix sparsas invenias apud cun-
ctas nationes & populos, per universum terra-
rum orbem. Nulla enim est virtus, nullaque ma-
gnarum rerum existimatio, quæ non apud Roma-
nos mirâ quadam consensione quam maximè
semper excelluerit. Sive pacis sive belli tempora
spectemus, ubique locorum ac gentium hujus po-
puli singularis prudentiæ, admirabilis fortitudo,
& in omni negotio summa dexteritas veram lau-
dem ac celebritatem promeruit. Ut vere dixerit
Romanus ille sapiens: *Ad quod constituendum im-
perium, virtus & Fortuna contendisse videntur.*
Nam primâ initia, tenerosque ortus, & humilem
despectam Romuli casam si consideremus, quid
est, quod non extra animi nostri vim ac possessio-
nem rapiamur? Aut quis crederet, ab infami hoc
Asylo, à summâ rerum inopiâ, à sordidâ & pu-
denda paupertate ad hunc gloriosæ majestatis api-
cem perveniri unquam potuisse? A conditâ statim
a *Lans Romani Imperis.*

urbe,

urbe, omne id, quod animo illorum vel sapientissimo consilio propositum fuit, semper in prosperos successus & eventus rerum felicissimos excurret; cælo astrisque, velut conjurantibus, ad principis imperii populi immortalitatem propagandam. Quod ipsum ex scelerato patris Amulii factio non obscure licet cognoscere. Hic cum gemellos, Romulum, & Remum in profluentem abjecisset, non tamen pro odio, quod in illos susceperat, extinguere hosce potuit. Quippe *Tiberinus amnem repressit*, relictisque catulis, s. Lupa, vagitum secuta ubera infantibus admovit. Egregie in Fastis hoc dicente Poëta lib. III.

Lacte quis infantes nescit crevisse ferino?

Et pascum expasitis sapè tulisse cibum?

Blanda quies furtim victis subrepsit ocellis,

Et cadit à mento languida facta manus.

Mars videt hanc, visamque cupit, potiturque
cupita,

Et sua divinâ furta sefellit ope.

Somnus abit, jacet ipsa gravis, jam scilicet
intra

Viscera Romana conditor urbis erat.

Interea crescente Remo, crescente Quirino,

Calesti tumidus pondere venter erat.

Virtutes illius gentis, hoc loco, sapè ostendimus, visque in ipsis visceribus ac penetralibus substituisse. Ut, post tot illustres istius avi scriptores, nos etiam facta hæc & exempla intueremur. Magnitudinem quoque, & potentiam illius terra & mari, cælo denique adæquatam, crebris sermonibus in theatrum produximus. Divitias, Opes, vestigalia, Tributa illorum admirati sumus. Cum quibus nulli reges principesque, nostro hoc sæculo, sunt comparandi. Adco ut quæ in sola hujus imperii infantia conigerint, quando *circum ip-*
f Rhea Sylvia vitiatu à Mart.

*sam matrem suam luctaretur, omnium ætatum hæ-
facta & labores meritò quis existimet.*

Sed antequam ad ipsius *adolescencie* maturi-
tem nos conferamus, obiter in *septem Regum* me-
moriæ, ac annales divertemus, illorumque fa-
ctis compendiose commemoratis, ad corroborata-
tionis *xvi* res gestas nos conferemus.

a REX ROMULUS statim, à primo lacte ma-
terno, à matris Lupa ferocia & ingenio, primus
imperii conditor, ubi ad vindictam turpissimi
flagitii parui sui, jam ætate maturus, supplicium
de illo cepit. Non passus illum in vivis permane-
re, qui legitimos hæredes paternis bonis Imperii-
que possessione privaverat. Ita expiata sceleris
istius immanitate profuso Amulii sanguine, regni
sui fines, quâ potuit diligentia, amplificare pro-
posuit. Sed cum videret omnes in proximo gen-
tes à coalitione Romana abhorrere, singulari do-
lo ac stratagemate ad hoc usus, *ludos Neptuno so-
lemnes instituit.* Quò cum infinita finitimorum
manus confluxisset, Volscorum, Etruscorum, Fa-
liscorum, & Fidenatium, ille quas in matrimo-
nium virgines impetrare non potuit, manu rapie-
bat. *Matronaque, quæ ad spectaculum venerant,
præda fure.*

b Jam steterant acies ferro, mortique parata,

Jam lituus pignæ signa daturus erat.

Cum raptæ veniunt inter patresque virosque,

Inque sinu natos pignora chara tenent.

Ut medium campi scissis tetigere capillis,

In terram posito procubuerunt genu.

Et quasi sentirent, blando clamore nepotes

Tendebant ad avos brachia parva suos.

Qui poterat, clamabat avum: tunc denique
visum,

Et qui vix poterat, posse cõactus erat.

a Romulus *b* Raptus Sabinæ virginum.

Ovid. lib. 1. Fast.

Tela

*Tela viris animique cadunt, gladiisque rem-
motis,*

*Dant soceri generis, accipiuntque manus.
Laudatasque tenent natas, sentique nepotes
Fert avus, hic scuti dulcius fuit erat.*

Sic imperii societate feliciter cum Tatio Sabi-
norum rege initio, factum est, ut & fortuna po-
puli Romani quam maximè incrementum fecerit.
Regisque majestate tantis successibus egregiè con-
firmatâ, ad ordinandam Rempublicam summis
viribus est allaboratum. Hanc pop. Romani feli-
citatem quâ, sine aliquo penè malorum incurso,
utebatur, quid mirum, si magna invidiæ bello-
rumque tempestas brevi exceperit? Pulsi fugatique
Veientes; *Caninensium caput ac dirutum est oppi-
dum, Feretrio Jovi spolia opima de rege Acrono
manibus suis rex reportavit.* Mox quoque tem-
plum Statoris, in grati animi indicium, quod
stare Romanos in acie Dii Superi fecissent, illo-
rum meritis in sempiternam memoriam consecra-
vit. Omnibusque studiis & laboribus id demum
gloriosè perfectum, ut legibus & disciplinâ no-
vum hoc imperium quam optimè administraretur.
*Leges enim stabilimentum sunt Reipublicæ, vincu-
lum societatis humanae,* patrumque in iis præsidi-
um sit & virium, ad regiam dignitatem augen-
dam, duodecim fasces & securis à licitoribus præ-
latæ. Trecenti regii capitis custodes & Satellites
electi, Centum virorum senatus constitutus, po-
pulus in tres classes divisus. Sed quia cerri & de-
creti rerum humanarum sunt termini: Sic quoque
Romulus hic noster tantis rebus pace belloque
confectis tandem mortalitatis legem implevit; &
vidente Julio Procuro, augustiore jam forma, si
fas est credere, vivus in calum est translatus. Quæ
Apotheosis, ceriè, digna est, ut è fastis Poëta suis
hanc nobis verbis describat:

a *Est locus antiqui Capreae dixere paludem,
Forte tuis illic, Romule, jura dabat.
Sol fugit, & remorent subeuntia nubila so-
lem,*

*Et gravis atritis decidit imber aquis.
Hinc tonat, hinc missis abruptitur igni-
bus aether,*

*Fit fuga, rex patriis astra petebat equis.
Pulcher & humano major trabeaque deco-
rus*

*Romulus in media visus adesse via.
Et dixisse simul: prohibe lugere Quirites,
Ne violent lacrymis numina nostra suis.
Thura ferant, placetque novum pia turba
Quirivum.*

*Et patrias artes militiamque colant.
Fussit, & in tenues oculis evanuit auras.*

b Regem bellis armisque asperissimum inclitâ
relligione vir, NUMA POMPILIUS, excepit:
quem, sola pietatis causâ, Curibus agentem, ad
regiæ dignitatis honorem evexerunt. Singulari ad
ipsum Christianos exemplo, qui neminem ad ar-
dua Reip: munia promovere deberent, nisi virtu-
te, fide, pietate aliis prælucere. Ad clavum
enim admotis talibus viris, quibus honestæ artes
& cultus divinus est ingratus, quid inde, amabo,
expectandum præter solas misérias, præter pestem
& perniciem humani generis? c Melius hoc no-
verat Pompilius, qui sacra, ceremonias, qui Pon-
tificum & Saliorum collegia; qui duodecim anni
menses, qui fastos dies descripsit. Qui Janum
geminum, qui Vestales Virgines divinis honoribus
affici mandavit. Ut, si divinæ potentia bene atque
constanter fuissent famulati, paulatim dubias
Mârtis incepti vices, milvinoque & aquilinos un-
gues odissent. Quæ ut saria tecta apud ferreum

a *Apotheosis Romuli Fast: L: 2* b *Numa Pom-
pilius.* c *Religio stabilienda.* & bel-

& bellicosum populum haberentur, tacitos cum Deâ Egeriâ congressus simulabat. Cujus monitu accepta se sacra instituere dicebat. Dux enim maximæ res sunt H: A: quæ civitates amplificant, & regum gentiumque imperia ab humili initio ad excellentem opum potentiaque magnitudinem deducunt, nempe, *Armorum potestas & sacrorum Religio*. Vis enim armorum, pietate destituta, Gigantæa est oppugnandi cæli ferocia; Pietasque sine armis civitatem hostili injuriæ obnoxiam facit. Armis olim ab humili principio *Syriacæ in Oriente dominationis origo* inclaruit: quam *Ninus Beli filius* militari virtute claram excellentemque reddidit. Armis *Schytharum* nomen, quod valde obscurum fuit, illustre & nobilissimum est factum. Armis *Amasones, Argivi, Spartani* ad summæ potentia culmen se extulerunt. Et quis neget, eadem semitâ & arenâ nos à despectis initiis Batavos, extra anpi solisque vias jam dudum, favente supremo Numine, imperium promovisse? Accedente inprimis ad egregiam armorum tractationem, sub *Nassovis & Aursacis*, divina majestatis cultu & religione indelibata. Quibus sacris sancte & immaculatè semper habitis, quid mirum si non in multa sæcula ad seram usque posteritatem Belgarum imperium felicissimis successibus duret ac perennet? Pergamus modò *judare sub clypeis Ancilibus*, neclatum unguem recedamus à pristina majorum virtute. Non dubium, quin usitatâ ac consueta nobis felicitate, & victoriis orbem terrarum in summam nostri admirationem concitabimus: RELIGO enim & PIETAS, ARMORUM viribus consociata, mirabiles & nobis & posteris nostris dabit successus.

D I X I:

P 6

O R A:

ORATIO LXIV.

DE

TULLO HOSTILIO. ANCO
MARCIO. TARQUINIO
PRISCO.

Habita à

GUILIELMO *ab* EGMONDT
à NIENBURCH

Nob. Batt.

N *Unam Pempilium*, verè militaris ille pullus,
Tullus sequitur *Hostilius*. Cui, propter singu-
larem animi virtutem, ultro Regnum est
delatum. Egregio iterum ad posteritatem exem-
plo, cui hoc imprimis curæ & cordi esse debet, ut
tales viros, præ aliis, ad gubernacula Reip: ad-
moveamus, quorum industria & virtutibus impe-
rii dignitas altissimas egere radices possit: ne in-
juriarum peste ac tempestate impulsæ subito in
perniciem suam prolabatur. Illò igitur toto ani-
mo viribusque annixus fuit, ut quantum Romæ
in immortalium Deorum cultu & religione pro-
fecissent, tantum quoque suis artibus & discipli-
nâ militari efficeret ad bene firmandam patriæ
sua salutem & felicitatem. Nam bellorum diffi-
cili tempore, si armorum præsidio princeps bene
optimeque sit instructus, immane quantum! agit
in hostile jugulum ensis districtus. Quam tunc
rectius de finibus disputat armata potestas, & ad
nutum paratus exercitus? hæc salutaria ad bo-
num

num Publicum præcepta non frustra sapientissimus Rex didicerat à Romulo. Igitur mirum in modum exercitâ juventute, statim in *Albanos*, gravem & diu principem populum belli totius molem convertit. Unde factum est ut memoranda illa inter trigeminos *Horatios* & *Curatios* pugna omnium ad huc aures summâ admiratione percellat. Nisi triste illud solum intervenisset, quod tantæ victoriæ autor, & triumphator, propter occisam ferro sororem, sedè sub jugum missis fuerit. Cum hac animi sui fortitudine singulari hoc inter laudes suas potissimum Rex Tullus Hostilius habuit, quod doctâ & dolosâ simulatione, quando res poscebat, in hostem interetur. Ubi jam inclinare socios ad hostem videret, tollit animos quasi ipse mandasset. Spes inde Romanis, metus hostibus. Poena verò, quam statuit in ruptorem fœderis *Melium Fuffetium*, pro merito valde fuit laudabilis: *Hunc inter duos currus religatum pernicibus equis Tullus distrahi jussit.* Noverat enim ducis perfidiam exercitus præsentissimum esse venenum. Non hoc loco, dicam de fœderibus ab ipso ritè institutis, de amore in patriam singulari, de indicendorum bellorum religione, ac constantia admirebili. Quibus virtutibus Rex ille ostendere voluit quâ fide, quâ pietate etiam erga hostes uti debeamus.

Hinc proximus gradus ad *a Ancum Marcium* datur, qui Numæ Pompilii nepos fuit. Pari quoque ingenio & virtute. Sacra enim publica ut à Numa instituta erant, proponi in publico jubet, noluitque regni sui majestatem sine Numinum præsidio intutam relinquere. Cum sciret Rempublicam semper dubiam incertamque fluctuare, & multis incurfibus malorum objectam esse, si non Deorum immortalium tutelâ, ut illi loquebantur, illa bene defensa esset. Igitur à Tullii Hostilii moribus,

bus, & vitæ genere, quam potuit, longissime recessit. Qui cultum Deorum planè abjecerat, religionem ludibrio habuerat, templis, arisque, quibus imperiî custodia subsistere debet, vacationem indixerat; augurum responsa irriserat. Qui nihil magis apud animum suum cogitabat, quam illud præcipuum, quod res Romana religione & auctoritate & confirmata crederetur. Post aras & sacella hoc præcipue operam dedit, ut in usum, totius mundi opes Romam eliceret. Ut per com meatus maritimos, per opportuna navigiis loca, perigrinas undiquaque merces adveheret. Cujus rei gratia & beneficio, Ostiam, in ipso maris fluminisque confinio, coloniam posuit. Quemadmodum hodie fieri quoque videmus apud opulentissimas & florentissimas civitates Europæ universæ, ut ex omnibus terris novos habitatores, propositis ad hoc præmiis, ad se pelliceant. Idem hic Rex, ut nominis sui memoriam quam maxime longam, iterque ad ipsos superos sibi faceret, plurima in publico opera extruxit. *Magna urbis muro amplexus est; interfluentem urbi Tiberim ponte sublicio commisit.* Ut non immerito propter tam multas & præclaras maximorû operum molitiones *Ædificatoris* nomen promeruerit, omnibus numeris semper intendens, ut belli pacisque rebus nunquam interitum sibi apud posteros nomen compararet. Et quod amplius, *Albam ipsam, quamvis parentem amulam tamen diruit:* cum prius omnes opes urbis ipsumque populum Romam transfulisset. Prorsus ut consanguinea civitas non periisse, sed in suum corpus rediisse videretur.

a Tempus est H:A: ut post Regem Ancum Mar-
cium, de *Tarquinio Prisco* orationem exordia-
mur. Hic licet transmarinæ originis, Regnum
ultrò petens, feliciter illud accepit, qui ob admi-

a *Tarquinium priscum,*

randam

randam ingenii industriam atque elegantiam, bonis artibus famam sibi pulcherrimam acquisivit. Adeo ut de illo diceretur, quia Corintho oriundus, quod *Græcum ingenium Italicis artibus miscuisset*, suo exemplo omni terrarum ostendens, quanto in honore jure habendi sint illi, qui sapientię studia etiam cum ipso Regum principumque solio conjungi debere, non sine justâ ratione judicarunt. Ut non immeritò illi quoque vapulent, multumque de illustri suo nomine amittant, qui civitate suâ philosophis interdicunt. Ut, veterum Tyrannorum more, literas Literatorumque nomen ad ipsos barbarorum fines relegandum esse statuunt. Inter maximas ingenii tui laudes, *Tarquini prisce*, id ipsum fera reponet posteritas, quod tam præclare tamque divinè de sapientię studiis testimonium perhibueris. Cui tanta inerat commendatio orationis, ut nemo tibi dicendo potuerit resistere. Dignus qui hoc solo argumento capiti coronam acceperis. Ut nec ipsa propterea generis gentisque tuæ ignobilitas vel minimum obstat tibi debeat. Qui singulari tua virtute, licet infestam tibi ad honorem viam videres, in summum populi Romani favorem te insinuasti. Fateor, initium principatus valde periculosum fuisse, cum in novo populo novo homini omnia suspecta & infida viderentur, alique ad Anci Marcii filios imperium traherent; multi transmarini sanguinis originem vitio darent; omnes iniquum esse rati, quod bene merentibus civibus sua præmia & honores essent denegati. Neque intra istos limites regius iste ardor, amorque continere se potuit: ad sacram auguratus disciplinam animum quoque contulit. Quod imprimis docet nobilis illa de *Attyo Nuo* historia. Hic enim cum numerum centuriarum augeri prohiberet, Rex illum, in experimentum rogavit,

vit, fieri ne posset, quod ipse mente conceperat, ille rem expertus augurio posse, respondit. Atque hoc, inquit, agitabam, an eodem illam secare novacula possem. Potes, ergo, & fecit, unde sacer apud Romanos auguratus. Sed unde potissimum exordiar Regis Res gestas & annales recensere? profecto indubio mihi est animus. Primum expeditionem paravit in *Latinos*, qui ipsum turpi injuria laceraverant, Romanoque imperio funus & tenebras minabantur, quod bellum tam feliciter confecit, ut brevi tempore quam plurimas civitates sub suam potestatem redegerit. Deinde adortus *Sabinos*, quos magna pro parte profligavit, fugientesque prosequutus, melius illorum interficiebat ut ipsa arma sua coacti sint proicere, *Collatamque* urbem clarissimam hosti in manus tradere. Ut rerum suarum successibus prospere uteretur, nec suorum animi relanguerent, longissimas vias incredibili celeritate confecit, & duodecim populos *Tuscia* frequentibus armis subegit, *Collatinos*, *Crustumios*, *Latinos*, *Hetruscos*, *Sabinos*, &, quorum nomina hoc loco enumerare magnæ historiæ esset pensum & officium. Quibus victoriis rerumque secundarum progressui, eo claritatis effectus, ut primum inter omnes Regis aurato curru quatuor equis triumphare, togæ pictæ, tunicas palmatis omniaque insignia quibus imperii dignitas magis emineret, curiosissime invenerit. Hujus gloriæ omnem & præludium in *Tarquinio* dedit, ni fallor, omen caeleste. Sedebat Rex in curru juxta uxorem, & de aucto brevi tempore Romanæ urbis imperio, de civium virtute de Regum strenuitate & victoriis sermonem habebant. Jamque ad *Janiculum* Romæ & *Hetruscarumque* ditioris confinium delatis, ecce è vicina arbore aquila advolat plaudens alis & clangens, quasi non ante visos hospites saluaret, Rex & Regina *Tanaquil* omen.

omen inde capturi aquilam oculis prosequuntur, quæ *supra carpentum se librans tandem se leniter demittit, capitique pilium aufert & in altum cum prada se attollens mox illum capiti reponit*. Tum illa novitate rei attonita, quid hoc portenderet, suspenso secum animo cogitabat. Tandemque sacrarum rerum perita Tanaquil, sublatis in cælum manibus accipio, inquit, omen, *Jupiter, prospera peregrinationis*, effusaque in complexum Tarquinii magno animo concipere, spem maximam illum jubet. Non frustra se ex Hetruscâ disciplinâ augurandi scientiam hausisse; ingrederetur modò Roman, *non ut advena ut peregrinus, sed ut Romani nominis hares: quem absque dubio, tanti ingenii majestas opesque ultro expectarent*. Quæ, velut fato ipso vaticinante, Regi Tarquinio, ut audivistis H: A: feliciter evenerunt.

D I X I.

O R A T I O. LXV.

De

SERVIO TULLIO. TARQUINIO SUPERBO.

Habita à

SIMONE D I X M

Hagiensi.

Fuerunt in Tarquinio Prisco, A. A. H. H. egregiæ excellentesque dotes animi. Quare ille ad Imperium Romanum est promotus. Sed a quomodo Servius Tullius, è Servâ natus, ad
a Servio Tullius. *illam*

illam majestatem pervenerit, capere vix animo meo possum. Nisi, quod Tanaquilis astu & artibus, quæ, ob eximiam indolem, liberaliter ipsum educaverat, post Tarquinii Prisci necem, ad amplissimos honores, regnique dignitatem sit productus. Inerant quoque isti rerum principio, quasi fatidici quidam ignes & flammæ, quæ præcludere summo huic honori videbantur. Nam, *Puero dormienti caput arsisse ferunt multorum in conspectu.* Quem cum familiarium aliqui restinguere vellent, à Reginâ retinebantur. Majusque eò hoc est prodigium, quod sedato jam tumultu, & puero sponte somno soluto, mox simul flamma, sine ullo mali vestigio, innoxia inde abierit. Solet enim fatale quid esse, bonique omnis indicium, si in prodigiis ignis, apud veteres, urendo nihil nocuisset. Quare majore affectu Servium fuit complexa Tanaquil, & aperte ad Maritum loquebatur: *Videspe tu Puerum hunc, quem tam humili cultu educamus, lumen aliquando columnæque futurum regni nostri rebus afflictis?* Ibat in sententiam sceleratæ Conjugis Maritus Tarquinius, ejusque in augurando scientiam jam ante in se ipso expertus, statimque, datâ operâ, ut, ob animi sui magnitudinem, quâ inter æquales excellerebat, cum generosissimis Juvenibus ex pari educaretur. Sed, ferre hanc contumeliam æquis animis non potuerunt Anci Marcii filii, se Paternis opibus, Patrioque regno expulsis, regnare Romæ advenam: Se imperii possessione exclusis. Et in illâ civitate, quam Romulus, Deo prognatus, tunc ante tam feliciter tenuerat. Cum regni honoris insignibus Servium, è Serva natum, imperium possidere. *Ferro igitur hanc contumeliam arcere statuerunt.* Hortatur igitur qua potest fide & precibus Servium Tanaquil, ut visa circum caput flamma nominis claritatem ipsi proponat. Magno
a Vindicta justa. sit

fit animo, quem corporis dignitas jam dudum ante, ac per naturam ipsam, ad imperatoriam Majestatem efformaverat. Quare nihil intermittendum esse, quo minus occasionem tam optatam, tamque inperatam amitteret. Uteretur modo Reginz consilio, & substitutus in locum Regis, quasi ad tempus, senatum cogeret. Animique inclinatione provectus è libello testaretur, ut honorem eum Patres Conscripti illi continuare vellet. Pergeret interea acerrimo studio, uti veteres amicos muneribus expleret, deinde novqs acquireret; postremo quæcumque posset, largiundo parare, ne cunctaretur. Sed haud potest eodem pede, quando semel mala consilia processere, fortuna tenaciter subsistere. Movet injuria Anci filios, qui ubi aperto Marte proficere parum possent, ad doctos dolos, & nobile stratagemâ se composuerunt. a *Duo ex Pastoribus*, inquit Livius, *delicti fortissimi ad facinus, qui in vestibulo Regia, quam potuere tumultuosissime, rixa specie, in se omnes apparitores Regios convertunt.* Cum jam clamor ad aures pervenisset, uterque ad Regem pergunt. Habitis ultro citroque verbis, alteri à Rege impositum silentium, alter elatam securim in caput Regis dejecit, relictoque in vulnere telo, ambo se foras ejiciunt. Quod egregium facinus, cum jam perpetratum esset, statim totâ civitate divulgatur, Regem è medio esse sublatum. Concurritur undique magno excitato tumultu. Quidam Marciis Anci filiis toto studio adherent; Quidam Regiam dominationem tolli, libertatem restitui volebant. A deo ut ad seditionem tota jam res fuerit perducta. Cum jam Regina *super* faminam ausa facinus, recepto in interiorum domum regio corpore, vivere Regem ad populum clamabat, bono esse animo, vulnus non alte adactum esse. Obtemperent modo quietis

a Stratagemâ

animis

animis Genero suo, cujus jam fidem virtutemque ex illustribus tot factis probassent. O malorum facinorum machinatrix Fœmina! ô fraus inaudita! Incredibilis, quæ *altâ regnat in aulâ*. Sic tandem cum jam expirasset Tarquinius, calatâ morte, Servius opes suas firmavit. Maximoque mox præsidio munitus, primus injussu populi, voluntate Patrum regnavit. *Regnum, quod dolo partum sic egit in duſtiâ, ut jure adeptus hoc videretur.* Bella illi fuere cum *Vientibus & Hetruscis*, in quibus virtus & fortuna ipsius clarissime eluxit. Deletisque magnis hostium exercitiis, haud dubius Rex in civitatem Romanam reversus. Sed nimis in longum excurreret Oratio mea, si cætera, quæ à Servio Rege in regnum Romanum collata sunt, hoc loco commemorarem. Ille, præter bella, foris cum finitimis gesta, domi etiam Remp: multis ornamentis condecoravit; populum in censum retulit; in classes digessit; Curiis atque Collegiis distribuit. Unde *Serviana Constitutiones* nulli non inter eruditos egregie innotuerunt. Prius quam tamen, telam, quam exarsus sum, pergam per texere, unum illud de *b* Servii Regis Filiâ Tulliâ, propter immanitatem facinoris attentis auditorum animis auribusque subjiciam. Hæc Uxor fuit Regis Tarquini, postea Superbi nomine. De quo, Livius, ait: *quod nunquam majus tragici sceleris exemplum orbi terrarum Romana regia reliquerit.* Hæc cum intellexisset Patrem interfectum, vehiculo properè se fecit iussit, ut interfectori gratularetur. *Inhibuit frenos is, qui jumenta agebat, jacentemque Domina Servium trucidatum ostendit.* Illa nihil mota aut morata, ut Virum Regem salutarer, truculentâ facie, violento spiritu, voce terribili, ore minis & cruentis imperiis reſecto, ut super cruentum cadaver equos ageret. O supra Medæas & Thyestas, supra Tyrannos omnes faci-

b Tullia impietas.

nus

nus ipsis furiis, ac manibus infernalibus devovendum. Quod, cum animo pene deficiam in tanti sceleris memoriâ ac recensione, maximi Poetæ verbis in scena repræsentare malo, quam meis.

c *Filia carpento Patrios initura Penates,*

Ibat per medias alta feroxque vias,

Corpus ut aspexit, lacrimis curiga profusus,

Restitit, hunc tali corripit illa sono:

Vadis? an expectas precium pietatis amarum?

Duc, inquam, invitas ipsa perora rotas.

Certa fides facti est. Dictus sceleratus ab illâ

Vicus, & aeterna res ea pressa nota est.

d Satis de Servio Tullio. Nunc H. H. A. A. ad ultimum Regem Romanum Tarquinium Superbum pertransco. *Qui regnum avitum quod à Servio tenebatur, rapere maluit, quam expectare. Emissisque in eum percussoribus, scelere partem potestatem non melius egit, quam acquiserat. Vere ex more & ingenio Tyrannorum, quibus grave & difficile est, legitimam imperii successionem assumere: donec aut maturâ morte aliorum, aut liberâ populi electione ad fasces & sceptrâ vocentur. Nam non possunt æquis animis, oculisque illos intueri, quorum in locum aliquando succedent. De quibus verissimum, quod Politicus dixit: quorum mortem expectamus, eorum vitam odimus. Non est festinandum, ô Tyranne, ad profundendum innocui viri sanguinem; ad dura & aspera in subditos examina. An nescis? quod invisa imperia nemo tinnerit diu? Quicumque enim tranquillam civitatis statum extollit, & rumpit obsequia, mox populi furor ipsi incumbit, & sæpenumero spe suâ decedit, qui quassatis & attritis Reip: viribus, nullius penates maroris expertes esse sinit. Talis tu fuisti, Tarquini Rex, qui non modo in aliquod vilis, & Servilia capita diram & cruentam*

c *Lib. 6. Fast. d Tarquinium Superbum. tuam*

tuam dominationem exercuisti, sed in ipsum Senatum, in Regni Proceres, in Principum virorum vitam & fortunas cædibus & superbiâ es grassatus. Quæ duo vitia omnium scelerû maxima quis animo unquam æquo perficere posset? quare nemini mortalium mirum videri id debet, quod te ipsum Diis hominibusque invisum feceris. Quod si animi lenitatem, modestiamque exercuisses, nunquam in odium, & despectum apud subditos tuos venisses. Starent, stetissentque fortasse, in hunc diem ardua & alta ista Capitolia, quæ nunc propter Tyrannorum odia, & acerbitem humo sunt adæquatata. Regumque illud imperium, quod ab humili tugurio & casâ ad tantam potentiam se erexerat, facile in multo majus robur excrevisset. Quod bene tunc noverat Poeta Claudianus: *Peragit tranquillâ potestas, Quod violenta nequit: mandataque fortius urget Imperiosa quies.* Modestia enim, præ cæteris omnibus, Principi est assumenda, quia docet ea homines submitti, & ab arrogantia, qui scopulus est virtutum, quam longissime profugere.

Pudore & justitiâ omnis civilis societas conservatur. Et ut Tacitus ait: *Princeps invidiam & arrogantiam fugiat, ne aut facilitas illi auctoritatem, aut severitas modestiam imminuat.* Quare ipse Tiberius fingendis virtutibus subdolanus, nomen Patris Patriæ, à populo sæpe ingestum repudiavit. Tibi vero, Tarquini Superbe, Patres Princepsesque imperii, stulti, stolidi, blenni, & bardi habebantur. Solus ipse, pleno pectore, omnia sapiebas. Verba tua prolegibus haberi volebas, vocem pro oraculo. Ad hæc exco furore, summaque effervescebas crudelitate. Quare terribilis cunctis & invisus exististi. Constat orbi terrarum quam impiè, quam sceleratè te gessis, cum per filium Sextum Tarquinium, decussis

papaverum capitibus Gabios sub potestatem tuam redegeris.

a Illic Tarquinius mandata latentia nati

Accipit, & virgâ lilia summa metit.

Nuncius ut rediit, decussaque lilia dixit,

Filius, agnosco jussa Parentis, ait :

Nec mora, Principibus cassis ex urbe Gabinâ,

Traduntur Ducibus mania nuda suis.

Quam improbe necem Hardonio sis machinatus, qui cum pro imperio palam interfici non posset, oblato falso crimine infontem oppresferis, adeo, ut, quid quid armis belloque præclare unquam à te gestum sit, nullam omnino claritatem aut gloriam mereatur. Etsi validissima in Latio oppida invaseris, Ardeam, Oriculum, Suefam Pometiam, & de manubiis captarum urbium Diis manibus templa crexeris. Etsi permixtis Latinis, & Romanis, militum cohortes compleveris, firmandæ potestatis, prohibendæque rebellionis artem inveneris: nullà propterea laude es dignus, ô Tarquini. Vapulat imperii tui majestas, paulatimque cito gradu ad ruinam tuæ dominationis contendis. Quod verò in templi, quod Jovi dicaveras, inauguratione resistere Juventus & Terminus, non immortalitatis tuæ causâ; sed populi Romani felicitate ac fortunâ est factum. Quibus id auguria Numinum totque aves addicentes & secundæ de cælo pollicebantur. Magna fuit Deorum immortalium benignitas H. H. A. A. quam in principis populi nomen famamque propagandam ostenderunt. Sed cum eò tandem Regum Libido, scelerumque immanitas processisset, ut nihil sacrum, nihil sanctum amplius haberent, nec ipsam Lucretiam, Bruti filiam, Collatini uxorem, illud inviolabile pudicitix exemplum nefario, ac immani stupro polluere desinerent, omnium mox gentium populorumque ani-

a Scelera Tarquiniæ Lib. 2. F. 8. mi in

mi in Regum hanc Tyrannidem exarserunt. Nihilque adversum infestumque magis fuit, quam vel solam nominis Regii memoriam atque appellationem invitis iratisque auribus offerre. Date mihi veniam H. H. A. A. ut antequam de rostris hisce descendem, scelerati Regis stuprum, quo Lucretiam violavit, ex Fastis Ovidianis obiter hic in fine attexam.

*a Hostis ut hospes init penetralia Collatini,
Comiter excipitur, sanguine junctus erat.
Quantum animis erroris inest, parat inscia re-*

*rum
Infelix epulas hostibus illa suis.
Functus erat dapibus, poscunt sua tempora so-*

*mnium,
Nox erat, & totalumina nulla domo.
Surgit, & auratum vagina liberat enses,
Et venit in thalamos nupta pudica tuos.
Utque torum pressit, ferrum, Lucretia, mecum*

*est,
Natus ait Regis, Tarquiniusque vocor.
Illa nihil, neque enim vocem viresque loquen-*

*di,
Aut aliquid toto pectore mentis habet.
Quid faciat? pugnet? vincetur semina pug-*

*nans.
Clamet? at in dextra, qui vetat, ensis erat.
Effugiat? positis urgentur pectora palmis:
Tunc primum externa pectora tacta manu.
Instat amans hostis, precibus, pretioque mi-*

*nisque,
Nec prece, nec pretio, nec movet ille minis.
Nil agis. eripiam, dixit, pro crimine, vitam:
Falsus adulterii testis adulter ero.*

*Interimam famulum, cum quo deprensa fereris,
Succubuit fama victa Puella meum.*

*Quid Victor gaudes? hac te victoria perdet:
a Lib. 2. Fast.*

Hen

Hec quanto regnis nox stetit una tuis.

Jamque erat orta dies, passis sedet illa capillis,

Ut solet ad nati Materitura regum.

Grandævumque Patrem fido cum Conjuge castris

Evocat, & posita venit, interque mora:

Utque vident habitum, qua luctus causa requirunt:

Cui paret exequias, quove sit ista modo.

Illa diu reticet, pudibundaque celat amictu

Ora, fluunt lacrymae more perennis aquae.

Hinc Pater, hinc Conjux lacrymas solantur, & orant,

Indicet, & caco flentque parentque metu.

Ter conata loqui, ter desistit, ausaque quarto

Non oculos ideo sustulit illa suos.

Quaque potest, narrat, restabant ultima, flevit,

Et matronales erubere genae.

Dant veniam facto Genitor, Conjuxque coacto,

Quam, dixit, veniam vos datis ipsa nego.

Nec mora. calato fixit sua pectora ferro,

Et cadit in Patrios sanguinolenta pedes.

Transiit igitur in aliam formam Resp: Romana, Bruto Collatinoque ducibus: quibus ultionem suam moriens matrona mandaverat. Nos, si Deo opt. Max. visum hoc fuerit, ab hac septem Regum infantia, sub quibus Roma felicitatis suae incunabula habere incepit, ipsam imperii adolescentiam virilemque aetatem progrediemur. Nos interea H: H: A: A: id operam obnixae demus, ut maximorum Regum, Principumque virorum edocti exemplis, egregias animi ipsorum virtutes, non vitia & errores in vita hac nostram imitemur. Non à Romulo discamus sceleribus Asyla aperire, per vim rapere in matrimonium Virgines, fraternam caede manus commaculare; Sed à Numa Pompilio, inclitâ

Q

rellâ

relligione viro id perpetuo feliciterq; hauriamus, ut, absit tamen veterum superstitio, toti in cultu divino, celestibusque rebus per omne tempus occupati simus. Remp: sanctitate, pietate, fide administremus. Arcana nostra nisi pro aris & focis ad propulsandam à nobis injuram, strenue ad manus capiamus. Præclara ingenia, artesque bonas summâ in veneratione habuit *Tullus Hostilius*, qui proditorum perfidia penas statuit, optimos quoque præmiis honoravit. Quæ virtutes, audiat ipsa *Justitia*, utinam! nobis Christianis semper in usu & oculis. Urbem Romam, ex singulari in Patriam amore plurimis beneficiis affecit *Ancus Martius*. Per cujus mores & vestigia, si Proceres nostri piè constanterque incedant, O quam beatam, quam fortunatam Remp: habebimus. Absint vero, absint crudeles isti *Phalarides*, *Albani*, *Tarquinius*. quorum crudelitas & Tyrannis non nisi bonorum Civium cruorem & Sanguinem quotidie sinit accretat. Quorum justissima est punitio, ut, Rep: in meliorem fortunam restitutâ, illi summorum scelerum Machinatores, Reges iniquissimi, æternis exiliis suppliciisque mactentur.

P R E C E S.

Tu, ô Æterne. Omnipotens, Misericors, in calis Deus, fac, ut tristissimo hoc mundi sæculo, à divina tua manu opem & auxilia imploremus & contra bellorum, hac nova incendia, quæ ab omni parte pestem & perniciem nobis minantur, tuo ductu auspiciatissimo fortiter ac feliciter subsistamus! ut non sanctissima Relligio; non pulcherrima Libertas, tot Majorum sanguine parata ac parata, in fatalem aliquando periodum impingat. Sed illustre Batavorum nomen decusque in omnium temporum perpetuitatem duret, floreat, perennet! Urbs quoque hac nostra,

*stra, INCLYTA ALCMARIA, quæ
communis omnium est Parens, sub divini Naminis
umbra & umbone semper secura, beata, clara, ater-
naque subsistat!*

DIXI.

EPIGRAMMA

In laudem

DOCTRINÆ & SAPIENTIÆ.

Tollite de sacris Prudentum Oracula Rostris,
Et sileat medio Lingua Diserta foro:
Paulatim esuriens migrabit in atria Clio,
Amittentque suum Templa Forumque decus.
Et Chaos antiquum; rudis indigestaque moles,
Involveret tenebris cuncta Elementa suis.
Haud passi *Patria Patres* ea sæcla reverti,
Et fugere Ingenuas ex Helicone Deas:
Opponunt isti vitio, toto aggere, montem,
Et solitas Lauros esse in honore jubent.
Dii, Patria Indigetes, vos, O clarissima mundi
Lumina, sic Clario ritè litate Deo.
Almeria Musa sequimur mandata *Potentum*,
Est quibus, has artes non didicisse, pudor.

SCHOLA ALCMARIANA.

*Tres antecedentes Orationes sunt habita in pu-
blico Gymnasio Alcmariano clō. 10.*
CLXXI. XXV. Martii.

FASCICULUS
EPIGRAMMATUM

Posteriorum,

Quæ in THALIA ALCMA-
RIANA non habentur.

A D

ILLUSTRISSIMUM

P R I N C I P E M

GUILIELMUM AVRIACVM,

C V M

Celsissimorum DD. Ordinum

HOLLANDIÆ & WESTFRISIÆ

Auspiciis, Summis Honoribus & Consiliis
Fœderati Belgii Assessor designaretur.cId. Idc. lxx. *Prid. Kal. Junii.***E**Tenebristandem in Lucem, GVILIELME,
revertis,Et, Patriæ Patres inter, Pars magna, reluces,
Fatali monstrante viam divinitus Astro.

Hactenus obstiterat Famæ, meritisque Tuorum

Invidia, & nondum cursus maturior ævi,

Impletusque dies, & Par Prudentia rebus.

At nunc, Auspiciis lætis, calcare nocentem

Incipis Invidiam, & supra Livoris iniqui

Nubila provectus, solo Virtutis amore

Ad Fasces & Sceptra venis. Nunc, more Parentum,

Concilio, Templisque Deum Te jungis, & inter

Augustos Patriæ Proceres, qui primus Honori

Est Titulus, cum Laude sedes in Partibus istis.

Inde ipsos apices prænsumus, & ampla Tuorum

Munera, Consiliisque tuis Respublica sumet

Q 3

Increp

Incrementa sui. Nunc illo in Pulvere sudans
Sub Clypeis ; Humerosque parans , tenerosque
lacertos

Imperiis : ubi , pro Patriâ , Patriæque Salute
Multa tuis disces solers involvere Curis
Arcana , & versare animo tot pondera rerum ,
In Commune Bonum. Disces ubi , Maxime

PRINCEPS ,

Defendi quibus Auxiliis , quibus Artibus olim
Libertas possit. Stans & radicibus altis
Religio , in Populos , priscâ pietate , doceri
Discis ubi , juxta normam , Præceptaque magni
Numinis , & Patrum Consulta , & provida rerum
Argumenta , Togæ Studio , Martique vacare ;
Vivendum quo more foro , quo more periclis
Bellorum. Quid utrumque ferat , sub Judice ,
Tempus.

Hæc est Scena tuæ , PRINCEPS , & arena Ju-
ventæ ,

Hic Rhodus , hic saltus. Donec , maturior annis ,
Majorum Illustres Titulos , Trabeasque resumes
Clarior , & , tantis pulchrè Regumque Ducumque
Innixus Scepbris , Caput inter nubila tolles.

Cresce , DEVM SOBOLES , nostri in Miracula
sæcli ,

Et *Proavos Atavosque* tuos Virtutibus æquans ,
Stemma de Tanto , Generis *Sarcinus* exi
In Majus. Cujus tandem , sub vertice læto ,
AVRIACI surgant non una in Stirpe Nepotes ,
NASSOVIIque Duces. Ut rursus Belgica toto
Clarescat Mundo , & Famam tot Gentibus olim
Ignotis actam memorem , sub Nomine pulchro ,
Æternos iterum in Fastos , Tabulasque resignet.
Cresce , precor , *Macte , Ingenio , Virtute , Fideque* ,
Post tot Majorum monumenta , atque Inclyta
facta ,

In Batavos Vfus , & junctas Fœdere Terras.

Vt

Vt sub prædiis istis, sub Tægmine Fagi
 AVRIACÆ, tutâ Cives in Pace quiescant.
 Atque iterum, longè, Porrecto limite, Belga,
 Extra anni Solisque vias, sua Brachia lato
 Porrigat Oceano. Majoraque viribus audens,
 Afflatusque Deo propius, Gemino incubet Orbi,
 SCIPIADASque suos etiam hoc de Nomine
 dicat.

Nec tantum Tameſis, Vicini litore Famam
 Terminet; auc Ligeris tantùm se Finibus arctis
 Includat: Quorum Reges, & Sceptra tenemus
 Sanguine ab Hoc Vno jam dudum æſſinia nobis;
 Sed, quâ Sol veniens à primo Cardine Mundi,
 Et, quò Sol sero rursus se Vespere condit,
 Illò NASSOVIDVM Virtus, à Gadibus usque
 Auroram & Gangem, vivis se sublevet alis.

Tù, PATER OMNIPOTENS, Batavis hoc
 PRINCIPE, firma

Imperium. Et *Patriæ Patrum* defende Salutem,
 Conatusque pios, jam dudum Atlantibus istis,
 Assertos toties Viræ Capitisque periculo.
 Fac, tandem & Nubes, Belgas quæ involverat
 atra,

In Solem, purumque diem, vultusque serenos
 Transeat, & totam Cœlo se purget aperto.
 ATRIACÆque Domus Splendor, Terræque Ma-
 rique

Diffusus, Magni Spatium egrediatur Olympi!

In Obitum

Nobilissimi & Excellentissimi Viri,

D. VALERII FRANC. à CAMMINGA,
Illustris Insulæ AMELANDIÆ DO-
MINI &c.

Ad Filium unicum

Magnæ spei & exspectationis Adolescentem,

FRANCISCVM DUCO-
NEM à CAMMINGA,

Paternæ Virtutis ac fortunarum Heredem,
Discipulum Eminentissimum.

PRÓ dolor ! Antiquo Frisorum à sanguine Re-
gum.

Majestas, CAMMINGA, cadit : Primusque
POTENTVM,

Divinâ Virtute Senex , vi mortis acerbæ
Tollitur , & summo PATRIAM in incero re-
linquit.

Exemploque suo , quam sit Sors lubrica rerum ;
Quam Mundi sit inanis Honor ; quam frivola
cuncta,

Et facile inclinent FASCES & SCEPTA Re-
gentum

In casum lapsumque , docet. Felicia nobis
In terris Monita , & Divum Prognostica ! Tales
Sinos , in Vivis, OBITVS, & fata notemus :
In quibus Ingenui prostant vestigia RECTI,
Et veræ PIETATIS amor Sacra ipsa Tonantis
Simplicitate rudi , Priscæ Virtutis Imago.

Omnia

Omnia in hoc uno concurrere ATLANTÆ vide-
mus,

Quæ tantum pro parte aliis. Qui solus & unus
Possedit, geminus quicquid Sol viderat usquam
Pulchrum Homini, & cælo tribuit Natura crea-
trix.

Cui non, quod Vulgo, placuit cum fœnore, Cen-
sus,

Improbis; aut raptæ, per vim, sine nomine iusto,
Divitiarum. Sed, sola fuit tranquilla Potestas
In pretio, Vitæque labor non irritus actus,
Ad præcepta Dei Qui summâ in laude ferebat
Ingenua exultos animos à Palladis arte,
Phœbæque sacris. Non hos, quos turpior usus,
Nobilitate novâ Titulus commendat inermis.
Omnia despiciens præter Virtutis honorem,
Et quas Ingeniis addit SAPIENTIA Dotes.

Tu, Fili-GENEROSE, memor sis illius
actus

Extremi. PATREMQUE refer Virtutibus iis-
dem

Ex toto, non parte tui. Deus, Optimus Author,
De meliore luto Tibi nam præcordia finxit.

Vt, quantum Auspiciis Patriis AMELANDIA
perdit,

Auspiciis tantum ipsa tuis AMELANDIA cres-
cat!

Maeste animis! Tibi quos pulchrè Deus indidit ig-
nes

Ex alto, Patriæ hos sacris Penetralibus infer.

Et flammâ meliore calens, VIRTUTE PATER-
NA

Aggredere, ô, majus Famæ, FRANCISCE,
Theatrum,

Sedulitate tuâ. Et, quæ primo in flore Juventæ

Pollicitus nobis, tandem, vergentibus annis,

Omne Felici summa ad fastigia tolle,

Sic fiet, Dŏmus ista, suis modò pressa tenebris,
 Et lacrymas inter tristes, planctusque suorum
 Nunclugēt, viduata, Diem, melioribus Astris
 Viderit exortum Cœlis. Quo pulchrior inde
 Crescet Honos, CAMMINGA, tuus. Famaque
 Nepotum
 Sanguinis Augusti seriem inter nubila condes.

Alcmaria cId. Id. Lxviii. mense Decemb.

In

Tristissimas Exequias

INCOMPARABILIS VIRI,

D. JACOBI vander MOERRE,
 TOPARCHÆ.

In

HEREN-CARSPÉL.

*Ecclesia Alcmariana secundum Senatoris &c.
 Ann. cId. Id. clxix. mense Feb.*

Sic iterum tristes caput abscondere Camœnæ,
 Et Patríz doluere Patres sua damna, vicesque,
 Quas patitur Fortuna Togæ. Quando INCLY-
 TVS, Eheu!

ALMERIÆ, è medio, SPLENDOR subducitur
 VRBI,

VIR solio humano major. Comes ire FORESTO
 Dignus, & in Cœli iusta plus parte locari,
 Illustres inter, Cognatæ Nomina Gentis,

TEX.

TEYLINGOS. Pulchro Proavum tot sanguine-
claros

HEROAS, Quos terra tegit. DOLOR ipse Do-
loris

Materiam negat, & Vati non Versibus æquis
Exequias celebrare sinit. Mors vulnere major
Ipsa stupet, viresque suas miratur & ipsa.
Non humiles quod sæpè casus prostrnat, & urnas
Plebei capitis; sed Majestate tremendos
Discutiat Fasces. Primoque in flore Juventam,
Atque ipsos apices, & summa Cæcimina rerum.

MUSA, tuos casus, hoc t̄ risti à Funere, quis
non

Prosequitur jure exanimis? Totumque Heliconæ
Intremuisse videt? Sacratæ Palladis Artes
Ingemere, atque imo penitus subsidere fundo?
QVO Batavis VNO erepto, SAPIENTIA Ro-
stris

Exulat. Et PIETAS atra se in nube recondit,
RELLIGIOQVE dolet. Memento turbinis uno,
Et viles animas, & summa Papavera sternit
Trux Atropos. Nullique sinit dare lintea retrò
Terrigenum. Cuncti sequimur Minõa volentes,
Nolentesque mori. Mors libera Jura tuetur,
Nec prodest tot Sceptra Ducum, tot Regna, tot
Urbes,

Tot Reges vidisse foris; tot Jugera terræ
Possedisse domi; Pæctolo incumbere toti,
Tôt callere artes, tot Linguis esse disertum,
Atque omni Populo Ingenii miracula dedisse.
Mors ubi detonuit semel horrida, protinus omne,
Quod sublime fuit, cœlumque attingere visum,
In præceps ruit. Et quàm sint hæc frivola cuncta,
Quæ sudant, sub Sole, Homines, à Lege To-
nantis

Discimus, atque uno vel Judice, Morte, doce-
mur.

Tu, GENEROSA DOMUS, noli dispendia
 TANTI
 Plus nimio lugere VIRI. DEVS Ipfus amo-
 rem
 Pollicitus Cœlo VIDUIS, à morte relictis,
 Fatorum fœper fœrtem miferatus iniquam.
 Frœnandus ratione Animus ; Vifque illa do-
 loris
 Exemplis æquanda piis. Placidèque ferendum
 eft,
 Quod fœmel Authori placuit vitæque , necif-
 que.
 Exfuperant illo plures hoc fanguine JULI,
 ASCANIIQUE novi , qui PATRIS Imagine
 Clari ,
 Et Laudum his Titulis haud Inferiora fequuti,
 AFFLICTÆ referent iterum Solatia MATRI.

I N

Triftiffimas Exequias

Ampliſſimi, Prudentiſſimi, Doctiſſimi VIRI,

D. BARTH: STEENHUSEN,
 BOELES J. U. D.

Et Illuſtris Reipublicæ ALCMARIANÆ
 S E N A T O R I S. &c.

In Omni Liberalium Doctrinarum Genere

V I R I E X I M I L

Anno CL. DCCLXIX. XX. Octob.

PLorat adhuc fua Damna SION, fub Numi-
 nis irâ,

Et

Et posuit nondum se gravis iste Dolor.
 Ecce, manus Divina tuos, O CURIA, Fasces
 Tangit, & in Procerum mors subit atra Do-
 mos.

Æquâ Lege vibrans Falcem per summa, per ima;
 Non parcens Juveni, non gelido illa Seni.
 Sceptra Ducum, vilesque casas uno agmine clau-
 dens,

Et paribus rapiens Croesum Inopemque rogis,
 Sic præter propter viram, in convalle malorum,
 Ducimus, & nobis ultima Cura, MORI, est.

Semper in alterius defixi Funera & Urnas,
 Ceu Lachesis nobis nunquam inimica foret.
 Tu sapiens, STEEN-HVSE, magis cælestibus
 Astris,

Quo mundi hic vergat, terrigenumque la-
 bor.

Tu major terris subiectis, pulchrius orbe,
 Ingenium Cælo jungere suctus eras.

Sub pedibus calcans nubes & frivola rerum:

Quæ tanti incertum pendere Vultus amat.

Qui verè nunc ASTRA vides & SIDERA co-
 ram,

Totque orbis picti corpora, totque faces:
 Invivis Objecta Tibi, Sudorque Laborque.

PRINCIPIBUS semper MVSA probata Viris.

Non hæc ignaro discens sub Judice morum;

Singula sed propriis ordine fixa locis,

Ipso Authore DEO, qui tot Miracula cælo

Indidit, ac populis conspicienda dedit.

Arcturum, pluviasque Hyadas, gelidosque Trio-
 nes,

Tot cognata sibi Nomina, & Astra Poli.

Et circum duplices Axes, errantia signa:

Hoc magnum cæli Cunctipotentis opus.

Hac motus Virtute Animi, SIC INCLYTE, Soli,

Soli Devincis Te PIETATE DEO.

A, quibus in Patriam, tot Dotibus Aurea messis
 Jam pridem toto ceperat ire sinu.
 Sed nunc illa Manus, quæ Majestate verendâ
 In medio potuit Frena tenere Foro,
 Prò Dolor ! illa Manus, pulchra hæc & candida
 Dextra,
 Iplis sub Rostris tinâta Cruore jacet.
 Divinæque silet quoque nunc Facundia Lingua,
 Quâ solet, Isæo par gravitate, loqui
 Confessu PATRUM in medio. Vel, quando
 vocatus
 PUPILLI ad Causam ritè PATRONVS erat.
 Heu ! nimium infelix ô Clara ALCMARIA.
 Claros
 Cum jam tot perdas PALLADIS Arte Viros.
 Nec Tibi sint FABII Vereres, Sanctique CATO-
 NES,
 MAJORUMQ; Cohors, SIMPLICITATE ru-
 dis :
 Quorum operâ, quando ventum RUBICONIS
 ad Amnem,
 In Mediis Undis Tutior esse soles.
 OMNIPOTENS ! tua ne Bilis grassetur & Ira
 Amplius in BATAVCS, ALMERIÆque PA-
 TRES,
 Sed redeant, præsaga Boni, spectacula Ma-
 ne,
 Unde iterum incipiat Blandior ire Dies.

In Tristiſſimum Obitum

Reverendi, Clariff. Doctiffimi Viri,

D. JOHANNIS RECCII. J. U. D.

*Eccl. Alcm. Paſt. Synodi Noort - Holl.**Deputati, & Gymn. Alcm.*

CURATORIS.

PRO dolor! ALCMARIE eripitur ſic REC-
CIUS VRBI,

Vir, rarâ, in terris, qui Pietate fuit.

Qui ſæclo huic, claræ præluxit lampadis inſtar:

Doctorem Phoenix RECCIVS ille Virum.

RECCIVS, Antiquæ verè Virtutis imago,

Nunc Magnæ Matri corpora reddit, Humo.

Remigiisque ſuis, alarum verberare, liber

Evolat, & Mundi frivola calcit ovans;

Et populi quidquid falſus promittit hiatus,

Joſanique fames ambitioſa fori.

Omnibus his major, ſuper ipſa & ſidera veſtus,

Æternum in Cælis vivere totus amat.

ſſaci dum Pia turba dolet tam ſanus acerbum,

Saucia quæ tanti reddita morte Viri.

CVRRVS EQVESQVE tuus, fatiſ ereptus ini-
quis,

Nunc opere in medio fræna remittit iners.

RECCIVS, Eloquiis, divino & munere fandi,

Qui toties domuit ferrea corda ſuis,

Et RECTI monſtravit iter, quo, Numine dextro,

Ex mundi his tenebris, itur ad aſtra poli.

Hic nunc, *Chriſtiadum populo* in mærore relicto,

Ad nos tam docto deſinit ore loqui.

Qui ſolitus, tanquam Cæleſti fulmine linguæ,

ſacra ſalutiferi verba tonare Dei.

Attoniti, triſteſque omnes haſ ſtamus ad Urnas,

Et

Et patimur Manes quisquis & inde suos.
 Nec faciliè hanc cladem casusque *Ecclesia* ponet :
 Quæ nimis à tanti Vulnere fracta Viri.
 Hæc sunt *Autumni* lacrymantis funera prima,
 Et, puto, majoris prævia signa rogi
 Quod nunc adversus nobis denunciat æther ;
 Et , præfaga mali , Vindictis ira Dei.
 Omnia Naturæ quando præpostera currunt
 Legibus, & mundi machina tota tremit.
 His quas adjiciet mox *proxima Bruma* cupressos ,
 Haud oculo prudens viderit ordo Patrum.
 Semita lata patet, quæ nunc fatalis Erynnis
 Terrigenum multos ad sua regna vocat.
 OMNIPOTENS, tua ne semper candescat in ira
 Dextera, nec *sacras* febribus ure domos .
 Ut non tota tui pereat reverentia Verbi,
 Et Pietas Templis exulet , atque fides.
 Fac, nobis meliora fluant Præfagia Cælo,
 Et se Morborum sistat anghela sitis.
 Sic Tibi, *Magne Deus* , castos adolebimus ignes,
 Et Batavi dabimus brachia pura polo.
 Ardentesque omnes in Publica Vota, Precesque.
 Solvemus Patriis debita Thura focus.

Ipsa Die piissimi excessus X. Octobris
 CLXIX.

Nobilissimis, Ampliss. Prudentissimis
VIRIS,

D. THOMH ab EGMONDT à NIENBVRGH

Cos. & Senat. Alcm.

D. JOANNI à NYENBVRGH.

Cos. & Senat. Alcm.

D. ARNOLDO BORNIO,

Eccl. Alcm. past. pr.

Illustris Gymn. Alcmariani

CVRATORIBVS.

Illustres Virtute Viri, Dominique potentes,
 Materia finxit quos meliore Deus,
 Et seros nobis Fortuna reservat in annos,
 Posteritasque sibi è millibus una legit,
 Quid dignum vestris Meritis & Nomine, JANI,
 Ad FESTVM, Vates ex Helicone feret?
 Vt Patriæ & Mulis; ut MECÆNATIBVS Annus
 Proximus ex voto prosperiore fluat.
 Non illi vires, ut quondam, fingere versus,
 Et coram Tantis scribere digna viris.
 Abstulit Ingenii florem nunc segnior ætas.
 Et facta est illi tota Thalia minor.
 Nec lucem patitur, nec pennas ferre per auras,
 Jam pimum cœlo triste tonante, potest.
 Prisca tenebrarum redierunt sæcula nobis,
 Et, plus quàm ferri tempora Phœbus habet.
 Quando Majestas omnis sublata Minervæ.
 In pauci, in musas qui tenuere fidem.
 Invidia calcante sacras hinc, inde, Camœnas,

Et

Et quicquid speciem sedulitatis habet.
 Viderat hanc JANVS pestem, infelicibus Astris,
 Horrendum media de Stryge ferre pedem.
 Et super indoluit, caput atro tectus amictu,
 Almerique vices, & sua Fata dolens.
 Nec tamen hæc turbent, Dixit, solennia nobis
 Gaudia livor iners. Ater & ille dies,
 Debentur pia votâ mihi, debentur honores,
 Vistimaque in Templis annua, Thura, meis.
 Nec fas officium vetus irreverenter habere,
 Et non præsentî solvere Vota Deo.
 Ergò tuis, J A N E, Auspiciis, ne, fortè, recu-
 ses.

Conabor Phæbo carmine digna loqui.
 Ad Vares & sacra Deum toto ore revertor,
 Et Mecænates ad mea plestra voco
 Magne Potensque Deus! Cujus sub Numine mun-
 dus

Et nutu cali machina tota tremit,
 Da, nos in Batavis Felicia sæcla revisant,
 Annorumque dies pulchrius ire jube.
 Ne semper Lituis & fulmine perstrepat æther,
 Ceu certent Furiis cuncta elementa suis.

Da nitidos cælo soles & aperta serena,
 Vt Claudat Jani CLVSIVS ipse fores.
 Nec rursus Rex ille minax, LVDOVICVS, ad
 arma

Intendat rigidas, terribilesque manus.
 Da, Populos Gentesque omnes Concordia jun-
 gat,

Principibusque suis stet benè fidus amor
 Et, quando hæc nobis Feliciter omnia parta
 Sunt foris, & rigidus Mars super arma sedet,
 Des etiam tranquilla domi. Patriæque salutem
 Fac sartam & rectam rellegione Fori.

Vt cives cum Cive gerant Certamina laudum.
 Et stimulet cunctos pulcher Honoris amor.

Ambitioque sibi nec fallax fræna relaxet,
 Exulet ut Virtus sedibus alma suis.
 Fac reduces etiam Musæ Capitolia scandant,
 Et solitam feriat doctus Apollo chelyn.
 Emineatque suis victrix Sapientia Rostris,
 Et prisce redeat splendor Honosque Togæ.
 Hoc te, MAGNE DEUS, sub prima crepuscula
 Phœbi,

Hoc te per lacrymas oro genasque Meas.
 Et Procerum ALMERIÆ studiis respondeat
 æther,

Inque illâ felix Urbe SENATUS agat.
 Finitimos omnes solo qui vertice supra est,
 Et geminos mundi provocat una Polos.
 Seu, Gradive, tuis Armis, seu Palladis Arte,
 Egregiis Animi nobilitata bonis.

Ille tres virtute viri, sacra TRIGA Sororum,
 Hic Pilyos optem Vos superare dies.

Palladiosque unâ mecum fulcire labores,
 Ne detrimenti quid SCHOLA nostra ferat.

Sic JANI Lux alma Deo Lux Aurea Phæbo,
 Nascetur multis Aucta potensque bonis.

Et Batavo incipient magni procedere menses,
 Digna Sibyllinis Tempora scripta sacris.

AVRIACÆQVE Domus, totum diffusa per Or-
 bem

Majestas, Ipsa se quoque major erit.
 Et Rediviva iterum, sub Mæcenatibus istis.
 Ingeniis PALLAS præmia iusta dabit.

Cal. Jan. clc. lccclxxi.

Reverendus, Clarissimus

VIR

D. ARNOLDVS BORNIVS

post magnos & miserabiles morbos

REDIVIVVS.

Sic, penè è vivis nobis ereptus ad Orcum
 BORNIVS, in vitam jam Redivivus adest.
 Salvè Pieridum, felix Vir, reddite Turbæ;
 Isacidum salve Gloria prima Chori.
 Herculis ærumnæ, morbis ingentibus ægro,
 Agminibus totis incubuere Tibi.
 Qui non, semianimis, Scyllâ luctatus in unâ,
 Nec spoliū fati simplicis unus erat.
 Sed totos in Te montes saxire malorum
 Sensisti, ac Mortis vincula dura pati.
 Ut jam chara Tibi viduati pignora lecti
 Intremerant ipso frigidiora gelu.
 Tuque tuæ expendens vitæ momenta, diesque.
 Ultima signares Verba fidemque notis.
 Ceperat hoc talos, à summo vertice, ad imos
 Ire malum, ac cordis jam penetrare Larem.
 Ut vix sufficerent Sensus ad singula rerum,
 Officiū somno jam dirimente suum.
 Qui varia insomnem ludebat imagine mentem,
 Subjecitque oculis spectra tremenda tuis
 In Cælum, nubes ultra, nunc raptus, & ipso
 Visus cum CHRISTO Mystica Verba loqui.
 Mox manes, refero horrescens, descendere ad
 imos,
 Et pœnas illic suppliciumque pati.
 Nec satis hoc monstri. Vis hæc infanda sub alta
 Ilia se misit, visceraque ipsa subit:

Vade

Vnde Animi sensim cepit languescere Virtus,
 Corporis & nervis roboris esse minus.
 Cui se conglomerant Iusses, Vomitusque mali-
 gni,
 Postque Hydras domitas, Hydra renata nova
 est.
 Omnibus his Furiis, Borni, eluctatus, in auras
 Vitales nobis ex Acheronte redis.
 Omnipotens, fatis contraria fata rependens,
 Pulchrior hinc captis annuat usque suis.
 Et, post tot morbos, post tanta pericula rerum
 Te faciat Vita prosperiore frui.

Alcmariæ

CLD. DCCLXX. 14.^o Cal. Feb.

Nobilissimo & Amplissimo

Viro,

D. JOHANNI à NYENBURCH

Illust. & Præpp. Ordd. HOLL. &

WEST FR,

PRÆSIDI

Cos. Senat. Scholarchæ Alcmariæ.

In summis Patriæ curis, folioque supremi
 Concilii Batavum, prospera multa precor,
 NIENBURG! GENEROSE, Tibi ut Fastigia
 Honorum,

Quæ Virtute tenes, sospitet usque DEVS.
 Inque tuam stirpem illustrem Lux transeat ista,
 Ac tandem hæc possit Clarior esse Domus:
 Quæ Libertatem, quæ lux, & sacra SIONIS
 Affertis

Afferuit, Censu, & sanguine fortis Avum.
Maeste animis, NEOBVRGE ! Tuis Virtutibus
esto

Et factis nulli Nobilitate minor.
Tolle Decus Proavum in majus. Spesque illa Ne-
potum

In Batavis, tandem, sit sine fine, potens.
Sic Ego, sic Iano, Cælesti Numine, Teste;
Æternum, è Terris, Oro rogoque Deum,

Cal. Jan. clō. lxxix.

Ad

Illustrem & Nobilissimum
Virum.

D. THOMAM ab EGMOND
à NIENBURCH.

Reip. Alcm. Cos. Senat. Scholarcham &c.

*Summis Patriæ Honoribus, in XL,
& amplius Annos, Glo-
riose defun-
ctum.*

E Meritus tandem, Fasces & Lampada tradis,
MECÆNAS, Aliis. Visque Quietē frui.
Subducisq; libens animos gravioribus actis,
Quæ deceant firmâ non nisi mole Viros.
Consilio sapiens. Et, longi Temporis usu,
Tu Doctus Patriis utilis esse Bonis.
Jamque Domi versans Curas & pondera Rerum,
Et fluxas Mundi prætereuntis Opes.
Hæc est Cura Senum. Tuta hæc est Cymba salutis:
Quò, post tot dubios, mens avertit ire, notos.

Nos

Nos sequimur Te, Magne Virum, mox passibus
æquis,

Et quassa est multis nostra Carina malis.
Ut non sit fesso Nautæ sua Vela molestum
Contrahere, ac Pelagi rirè cavere minas.
Amplectique sacras, rate deficiente, columnas,
Atlantem Patriæ ne grave mergat onus.
Interea Vitæ quod, forsan, restat, & ævi,
Hoc Tibi, Mecænas, vorterit usque BENE!
Et, Qui nunc rursus FELICITER incipit AN-
NVS,
Hic quoque propitio Numine Prosper eat.

Kal. Jan. cld. icclxix.

ILLVSTRI VIRO,

D. JACOBO vander MOERE,

Toparchæ in Heren Caspel, &c.

UT, Vir magne, Tibi Felix respondeat Æther,
Et supra votum proximus ANNVS eat,
Ac pariter mecum videas nova Sidera nasci,
Quæ tenebras istas, Barbariemque fugent.
Quæ nunc Almeriam involvunt caligine crassâ,
Libera nec Musas regna tenere sinunt,
Tupores, Alme Deus, lapsis succurrere rebus,
Et facere, ut puri sint sine nube dies.
Et, qui nunc turbant infestis partibus Orbem,
Illos de solio, atque Orbe movere suo.

cl. icclxix. Kal. Jan.

In

Trium Lustrorum Amores & Conjugium,

Reverendi, Clarissimi & Doctissimi Viri,

D. A R N O L D I B O R N I ,

Eccl. Alem. Pastoris Vigilantissimi. Ibidem
illustris Gymnasii Curatoris.

&

Pudicissima, Eminentissimaque Virgini,

A G A T H Æ W E L H O E C K.

Moverat invidiam vicinis TROJA Pelas-
gis.Propter opes , uni quas Sors indulserat
Urbi

Et latè Imperii, producto limite, fines.

Quare in Bella ruunt pariter Virtute, Doloque
Cecropidæ infensi : possint ut funditus Arcem
Exquare solo , ferroque excindere Gentem
Pergameam. Tantis, cheu ! sed viribus impar,
Post DVO LVSTRA , Potens ILION subsedit
in ignes.

Et tandem Bello fessis Victoria Gracis

Cesserat , in veteris jam tunc fastidia Sæcli.

Hæc facies , si parva licet componere magnis,
Et Fortuna tui Thalami est , Doctissime BORNII.
Qui , plus quàm Trojæ sudans sub Mœnibus, ul-
tra

Frigora tot Brumæ, glacialiaque Astra, fuisti

Clarus Acidaliæ, per tot discrimina, Miles.

Non Animi fractus, duris sub pellibus istis ,

Viri-

Viribus; aut Hastam spe non felicitis Amoris
 Turpiter abjiciens. Tu contra audentior ibas
 In clium, rectisque oculis, & fronte serenâ
 Sperasti Superos omnes in Vota faventes;
 Arbitrioque Poli, causâ meliore, Triumphum.
 Nec grave, nec Tibi triste fuit, RACHAËLIS ad
 instar,

Servitio Domini tam longa in tempora ducto,
 Post TRIA LUSTRA, tamen rapere in tua candi-
 da AGATHAM

BRACHIA, & hinc dulces etiam sperare Nepo-
 tes,

BORNIADASQUE novos. Quorum Natalibus
 Æther

Annuat, & multos CHRISTO lucretur in usum.
 Qui, memores HARUM RERUM, Sortisque
 Parentum,

Perpetuis referant Tabulis BENE FACTA Te-
 nantis.

Tu, DEUS ALME, faces sancis qui ritè Juga-
 les,

Connubiisque sacris pensas qui incommoda vitæ
 Mortalis, Tœdas istas & fœdera sancti

In longum. Batavosque doce, confidere Cœli
 Auspiciis; nunquam & falli, quod Lege revinxit
 OMNIPOTENS. Quòque ille pius plus fervor
 Amantùm

Adversus tulit, hoc etiam plus æstuet ille,
 Fomite inextincto, DIVINI Fervor AMO-
 RIS!

Reverendo & Doctissimo Viro,
D. JOANNI REKKIO. JC.
& Eccl. Alcm. P. Pr. Scholarchæ,
Et Synodi Noori Holl. Præsidi.

Non tibi fucatis, REKKI, Poppy-smata
 verbis,
 Sacro sub Jani sidere, ferre, meum est.
 Ex animo voveo, DEVS ut Tibi prospera donet
 Multa domi, donet prospera multa foris.
 Ut valeas, stesque incolumis, ceu saxea Rupes,
 Contra Erebi scopulos, Tartareasque minas.
 Et recto vultu, strictisque in crimina Mundi
 Vnguibus, Isacidum Tu tueare gregem.
 Neuhusius partes etiam sibi venditat istas,
 Et cum tot Monstris fortia bella gerit.
 Omnipotens DEVS in Calis hos prosperet actus,
 Et fidas nobis porrigat usque Manus.
 Ut, qui nunc instat decursu, Proximus Annus,
 REKKIADÆ felix, NEVHVSIQVE fluat!

Cal. Jan. clō. 1721.

Amplissimo, Prudentissimoque Viro,
D. BARTHOLDO STEEN-HVSI. JC.
Illust. Alcm. Civit. Senatori, & Potentium
DD. Ordd. Westfrisia Deputato.

Quod Patriz patres inter Tibi summa pote-
 stas,
 STEEN-HVSI, gaudet totus Apollo
 meus.

Græ.

Gratulor hos meritò, quos Sors Tibi debet, Honores :

Sub QuoPIERIDVM Gloria major erit.
Quæ pene exhausta est vulgo, Livore, sinistro
Judice, & ad paucos intemerata venit.
Tu, veteres Artes in pristina regna reponens,
Auspicio Musas nobiliore beas.

clō. Ioclxix. Cal. Feb.

Appropinquante Morte

Illustris Viri,

D. JACOBI vander MOERE,

Domini in Herencaspel, &c.

Sic iterum atratus Caveâ Pullarius exit,
Et Batavo tristem nunciat ire diem
Vir tantus quando Furiis febrilibus ardens,
Extremum tibi jam sentit adesse diem,
Et me, partem animæ, rapit inter brachia, *dicens* :
Ultima, NEUHUSI, me vocat hora, vides.
Parva mora est, animam magno committo To-
nanti.

Jam me sollicitat non nisi cura Dei
Tu, *Vir Care*, meum, quantum potes, asserere No-
men,

Alter in Ascanios & Pater esto meos.
Inprimisque Tibi Meus Hic se credit *Fulus*,
Unica nunc MATRI spesque decusque suæ,
Dii tribuant dignas grates, si Manibus istis
Pollicitam solvas, præstiterisque fidem.
Dixerat & paullo moriens post, vita recessit,
Fatorum & testis facta Thalia mea est.

vi. id. Feb. clō. Ioclxix.

I N

A U S P I C I U M

NOVI HONORIS ET DOCTORATVS

EXCELLENTISSIMI JUVENIS,

GVILIELMI BOSCH:

ALCMARIANI,

A^o. MD. DCCLXIX. V. Kal. Jun.

Sic juvat excelsi transcendere culmen Olympi,
 Et Procerum plausus demeruisse sibi.
 Auspiciisque novis, posito fundamine rerum,
 Se Patriæ Civem ritè dedisse suæ.
 Qui primum, Juvenis, formatus Apolline nostro,
 Virtutum es felix visus inire viam.
 Et, post, in majus vestigia ferre theatrum,
 Non uno factus clarus Honore Togæ.
 Flos virtusque Virum, BOSCHI! Quàm gratulor
 ista

ALMERIÆ Studiis Præmia parta tuis!
 Qui, Charites omnes inter Pulcherrimus Vnus,
 Eloquii vivum promissis ab ore decus,
 Errantesque iterum Musas in regna reduces,
 Vnum tot miseris, præsidiumque reis,
 SCHAGENII, Vestrum licet agnovisse Nepotem:
 Cui pudor est Vobis inferiora sequi.
 Auguror hoc Vates: Huic quando firmior ætas,
 Hic ingens etiam Surculus Arbor erit.
 Da BONA SIGNA, Deus! Felixque hæc prospere
 ræt Æther,
 Faridica & Verum Voceloquatur Avis!

STRENA

Reverendo, Clarissimoque Viro,

D. ARNOLDO BORNIO

Eccl. Alcm. Past. primo.

Quem nunc à tergo vates proscribimus An-
num,
Vatibus hic plenus luctibus Annus erat,
Quo penè ad fauces Orci pervenimus Ambo,
Et nostri, à fatis, contremuere Lares.
Lætior ut nobis redeat, post nubila, Titan,
O BORNII, Omnipotens faxit ab axe Deus!
Vt, posito rursus mortis terrore, metuque,
Gaudia concipiat pristina noster amor.
Et, pro tot lacrymis, pro tot singultibus, cheu!
Tot recinant laudes Carmina nostra DEI.
Tu, BORNII, Isacidum populum formare docendo
Nos Musis animos erudiendo rudes.
Et, cum SOLE novo, Bellorum murmura ces-
sent,
Nec litui circum tempora nostra sonent.
Sed PAX & PIETAS sibi mutuabasia jungant,
Unanimesque animi dissita Sceptra ligent.
Vt felix totum Concordia sospitet orbem,
Et nova Saturni tempora quisquis agat.

Kal. Ian. cld. lxx.

In Consulatum

Amplissimi, Prudentissimi Viri,

D. JOANNIS STEENHVSII, Theo-
dori

ante xxx annos Discipuli studiosissimi.

Sic Tibi, STEENHUSI, fasces Respublica cre-
dit,

R. 3.

Et

Et vult Auspiciis clarior esse tuis.
 Gratulor Almeriæ felicia vota Senatus,
 Dum cedit ex votis alea iacta meis.
 Qui quondam sinxi Juvenem Te pollice Rector,
 Et præcepta Tibi vivere ritè dedi.
 Nunc mihi scripturus leges, mandataque CON-
 SUL.

Et, benè post cultam Pallada, RECTOR eris.
 Tu regere imperio cives, populosque rebelles;
 Nos regere Aonidum mitia corda chori.
 Omnipotens Pater, in Calis, illustra servet
 Nomina STEENHUSIÆ Gentis, & acta pro-
 bet.

THYLINGIQUE tui, BRUVIIQUE in sæcula
 vivant,

De nostra semper LUMINA PRIMA Schola.

Almeria xxv. Decemb.

CLC. IC CLKIX.

STRENA,

Clarissimo Collegæ

D. JANO FOECKLERO L. A. M.

Pro

STRENA accepta:

Res sacra est, Cælo testes arcessore Musas,
 Et Pietate sua digna fideque loqui.
 Neve aliud linguâ promptum, quam pectore
 clausum

Dicere. Quod veræ est Religionis opus.
 Sic agito, ad JANI natalia, quisquis Amicum,
 In Pilyosoptas vivere possit dies.

Nostra Thalia suis parer, quas condidit ipsa,
 Legibus, & culpâ prorsus abesse studet.

Simplicitate suâ constans & robore: semper

Idem

Idem animis , idem pectore & ore sonans.
 Cur sanctè, FOECLERE, precor, non unius Anni
 Auspiciū felix sit Tibi , sitque, Tuis ;
 Sed plures vivas Hyemes , & Tempora vitæ
 Lætior , ac toties Tu nova Mustā bibas.

Kal. Jan. clō. lō clxix.

A D E U N D E M.

PRÆTERITUS nobis illuxit tristior Annus,
 Et labe animis Corporibusque fuit.
 Vixque pedem Stygiis salvi subduximus undis,
 Insidias homini morte struente suas.
 Cum rot de medio nostrum cecidere Quirites,
 Cannarum ut facies hæc miseranda foret.
 Quam nunc ingredimur , nobis felicior ille,
 FOECLERE, eveniat , faxit ab axe DEVS !
 Vt validis mecum possis superesse lacertis,
 Et grave Sisyphii ferre laboris Onus
 Sic sapiet nostrā sub Pallade cultior ætas,
 Pieridumque olim Gloria major erit.

Kal. Jan. clj. lq. clxx.

Nobilissimo, Amplissimoque Viro,

THOMÆ ab EGMOND à NYEN-
BVRCH Cos. &

Senatori Alcm.

Nescio, Mecænas, an sit satis utile nobis,
Ferri his temporibus, vivere velle diu.
Et tot monstra Hominum, cognatâ à Stirpe
gigantum,
Prò dolor ! ante oculos ferre patique suos.
Quos non ullâ Fides bruto distinguit asello,
Nec Pietas studiis afficit ipsa suis.
An non sit melius, tacitas nos ire sub umbras,
Et vitæ hunc cursum sistere, & Astra sequi.
Nam frustra est, duram Lachesis tentare precan-
do,
Et velle in fragili hac degere carne diu :
Ni possim meliore animos sub pollice nostro
Ducere, & in mores erudiisse pios.
Nec Tibi, MECÆNAS, sunt vitæ hæc flamina
tanti,
Cum mundum in peius degenerare vides.
Et, pro Justitiâ, in terras, pro Virgine sacrâ,
Tot scelerum faciem, & turpe redire nefas.
Hoc unum optò tuis Vates, o JANE, Kalendis,
Pulchrior ut nobis luxerit orbe dies.
Et MECÆNATI redeant meliore metallo
Tempora, & in Musas gratior umbra meas.

Kal. Jan. cId. Idclxx.

Nobi-

Nobilissimo, Amplissimoque Viro,

D. JOHANNI vander NYENBURCH

*Illust. & Præpp. Holl. & Westv. Ordinum.
Deputato. Cos. & Senat. Alcm.*

Quid precer, ad JANI Festum, sacrasque
Kalendas,
In Batavis Procerum Gloria prima, Ti-
bi?
Non mihi sunt Censui, habuit quos Tullus & An-
cus,
Vnde tuas aras hostia pinguis alat.
Sunt versus nobis tantum, breviorque potestas.
Et solum in dotem Verba chelyneque damus
Qualis Mæonius quondam, qui paupere cultu,
In Generum & natas carmina sola dabat.
Hæc Tibi, Mæcnas, placeant si munera, possum
Munere jam magnus, dives & esse meo.
Omnia sacra tuis supplex submitto Camænis.
Et tota, ex meritis, nostra Thalia tua est.
Quæ nunc, ad JANI reditus, Lucemque fere-
nam,
Exopiat Laribus prospera cuncta tuis.
Nobilium ut series hinc, inde in stemmata multa
Transseat. in majus crescat & ista Domus.
Atque hac nascentur de stirpe & sanguine NA-
TI,
Qui PATRIS illustrent Nomen, Avumque
Decus.

Cal. Ian. clæ. lxx.

Reverendo, Clarissimo, Doctissimoque
Viro,

D. ARNOLDO BORNIO.

Eccl. Alcm. past. pr. Cum Gymnasii nostri
CVRATOR Eligetur.

Nunc tibi se Almeriz credit tutela Minervæ,
Et gaudet prisco Phæbus Honore suo.
Qui, juxta Solimæ cures & sacra, SCHO-
LARVM

Nunc etiam in curam ritè capeßis onus.
Deliciasque vocans veterum Monumenta Quiri-
tum,
Pieridum, ex merito, nomina clara colis.
Doctrinamque facis tanti, Vir doctior ipse,
Ut tibi nil majus Vatibus esse queat.
Ut fungos fucosque putes, & inertia terræ
Pondera, quos nullâ tinxerit arte Verus
O BORN! ad Famæ titulos has nocte Coronas,
Accedatque tuis Laurus & ista sacris.
Et teneram à radice suâ nec despice Pubem;
Vnde novos Cives serior umbra dabit.
Et tandem, nobis hac virâ & Lumine cassis,
Maturus fructus Tempia Forumque tegent.
Magne Virum! Musæ Te Dictatore triumphant,
Et quod sit sospes Nobilis ista TRIAS.

CLo. 13CLXX.

Ad

STRENAM,

ABRAHAMO CNOLLIO, Affini,

Responsio extemporanea.

Quod mihi fortem animum *Cnolli*, vitamque
precaris,
A curis vacuos, & sine nube dies,
Rem facis ex voto Musarum, & Apollinis usq.,
Atque istâ agnosco te quoque parte pium.
Scilicet, invalidus miles, non utilis armis,
Nec bene sub clypeo, & casside tutus agit.
Ad bene formandam putem deposcitur Atlas
Totus, & Alcides non satis unus erit.
Fortem animum viresque novas, cum Sole Nova-
to,
Neuhusii reperecor sacra Thalia tibi.
Ut mecum possis decurrere primus in æquor,
Et nulli ingenuo cedere Marte Togæ.
Cætera fortunet longum Deus Ætheris alti,
Et tecum Conjux sospite sospes agat.

Kal. Jan. 1670.

AD EVNDEM

R E S P O N S I O.

Quod mihi, quæ Musis optas Felicia, *CNOLLIO*
LI
Sæculâ; quæ Batavo, Pieridumque chor-
ris,
Illa tuis, animo puro Conatibus optat

R. 6

Affinis.

Affinis. fido junctus amore Tibi.
 Vive Tuâ multos charâ cum CONJUGE Soles,
 Et Pilyos supera, Nestoreosque dies,
 Multijugusque Labor tuus, & constantia rerum
 Egregia Ingenii det documenta tui.
 Nec quicquam inceptos tardet, sub Pallade, cur-
 sus,

Auspiciis noceat nec mala Scena tuis.
 Sed, cum Livor iners, VIRTUTI obſtacula po-
 ner,

Has tantò contra fortior ito ininas.
 Sic pulchrè victor Fatorum, Animique rebellis,
 Ipse Tibi Fato & Numine major eris.
 Ac toties celo soles ac sidera cernes,
 Donec sis Vitæ Tu satur ipse tuæ,

Kal. Jan. 1671.

A

Clarissimum Virum

D. REINERUM NEVHVSIUM

Illustris Gymm. Alcm. Rect.

Magne Vir, in Batavis Pietas quo pulchior
 audit,

*Antiquaque redit simplicitatis amor.
 Et Musa fulsere magis. Phabusque lacertos,
 Et sua plus solita brachia mole movet.
 Quo duce formata est jam pridem mobilis ætas,
 Et magis in sacram Pallada crevit amor.
 Quo sapimus cunctis Falsum distinguere Verum,
 Adnatumque animis emaculare nefas.
 Dî tribuant pariter vobis pro Munere, grates,
 Quos nostrum nemo solvere jure potest.*

Sida

*Sideraque in calis sacros testantia motus ,
 Prospera NEUHVSIIO dens bona multa meo.
 Et Tu , JANE Bisfrons , Rerum quiflectis habe-
 nas,
 Omnia fac Illi prosperiora fluant.
 Incolumemque Virum Musis Hunc semper habeto.
 Ut Suis ALMERIÆ ritè perennet Honor.*

JULIVS vander MOERE,

Cal. Jan. cId. Id. CLXXI.

Ad Strenam.

Nobilissimi Juvenis,

JVLII vander MOERE , *Toparcha,*

in Herencarspel.

Discipuli & Convictoris præstantissimi.

FLos Juvenum , Phæbique Decus , mea magna
 voluptas,
 Et verè illustris PATRIS imago tui ,
 Accipe, quæ, Jani Festo redeunte, precamur,
 Pro Te, proque Tux Nobilitate Domus :
 Omnipotens DEUS, è cælo tuâ Vota secundet,
 Quæ modò pro nostrâ Vota Salute facis.
 Resque tuas omnes Venturo prosperet Anno,
 Quas versas Animi sedulitate tui.
 Vivat , & ad Vires MATER Tibi chara revertens
 Præbeat ASCANIIS Oïa longa suis.
 Majorumque magis Meritis , & Honoribus aucta,
 Clareat à serâ posteritate magis !

Ex tempore

Cal. Jan. cId. Id. CLXXI.

ÆTERNÆ MEMORIÆ

*Invictissimi Herois.*GVILIELMI vander SAEN,
GOVDANI,

Hic recubat, Lector, Famâ super æthera notus
 SANIVS. Hoc tanti dignus honore rogi:
 Qui, dum barbariem nostris avertere ten-
 rat

Finibus, Heu! Scythico Victor ab Hoste cadit.
 Jam Libertatem mediis defenderat undis,
 Et Patriæ obtulerat pignora chara sui.
 Illustres Animæ! Quas mors tam pulchra coro-
 nat,

Et Quorum meritis AMSTELA Justa facit.

CIO. DCCLXIX. Non. Julii.

FINIS.

INDEX.

I N D E X

A.

A Therbalis querela de injuriâ Iugurthæ.	<u>51.</u>
Auspicia Academica.	<u>96.</u>
Alloquutio ad promovendos.	<u>100.</u>
Arbitri persona inter Democritum & Heraclitum.	<u>116.</u>
Arbitri oratio inter personas bellum & pacem laudantes.	<u>200.</u>
Arbitri oratio inter personas agentes de Regum & Privatorum statu & Fortunis.	<u>259.</u>
Affectus mali in homine.	<u>268.</u>
Affectus boni homine.	<u>273.</u>
Adulteri.	<u>293.</u>
Auriaci & Nassovii.	<u>339.</u>
Ancus Marcius.	<u>349.</u>
Attius Nujus.	<u>351.</u>
Arnoldus Bornius Redivivus.	<u>380.</u>
Sterna.	<u>377.</u>
Nuptiæ.	<u>384.</u>

B.

Bebius Trib. pl. pro Iugurthâ se gerit, munenerib. corruptus.	<u>62.</u>
Belli calamitates.	<u>143. 144.</u>
Bellum Anglic.	<u>146.</u>
<u>Belli Anglicani causæ.</u>	<u>170.</u>
<u>Belli</u>	<u>Belli</u>

I N D E X.

<i>Belli Belg. cum Brit. pericula.</i>	<u>160.</u>
<i>Belli descriptiones.</i>	<u>167. 170. 183.</u>
<i>Bellorum laudes.</i>	<u>193.</u>
<i>Bartholdi Steenhufii. obitus.</i>	<u>372.</u>

C.

<i>Calamitas nostrorum Temp.</i>	<u>13.</u>
<i>Constantiæ.</i>	<u>304.</u>
<i>Censoriæ gravitatis.</i>	<u>310.</u>
<i>Cammingæ, D. Amelandiæ obitus.</i>	<u>368.</u>

D.

<i>Divitiarum cupiditas.</i>	<u>1.</u>
<i>Dominationis libido ruina imperii.</i>	<u>35.</u>
<i>Democritus ridens.</i>	<u>104. 108.</u>
<i>Doctrinæ laus.</i>	<u>236.</u>
<i>Doctrinæ amantes.</i>	<u>321.</u>
<i>Diligentes.</i>	<u>322.</u>

E.

<i>Exempla vitiorum.</i>	<u>280.</u>
<i>Exempla viri tutum.</i>	<u>288.</u>
<i>Ebriosi.</i>	<u>290.</u>
<i>Eloquentiæ.</i>	<u>323.</u>
<i>Eloquentiæ laudes.</i>	<u>326.</u>

F.

<i>Fides publica.</i>	<u>303.</u>
<i>Fortitudo.</i>	<u>304.</u>

G. Gail-

I N D E X.

G.

<i>Gaudium discipulorum post promotionem scholasticam.</i>	<u>92.</u>
<i>Gratiarum actio discipulorum in promotione publica.</i>	<u>102.</u>
<i>Gulosi.</i>	<u>291.</u>
<i>Gloriæ cupiditas.</i>	<u>309.</u>
<i>Gratitudinē.</i>	<u>317.</u>
<i>Gnilielmus Auriacus.</i>	<u>366.</u>

H.

<i>Honorum cupiditas.</i>	<u>1.</u>
<i>Heraclitus flens.</i>	<u>112.</u>
<i>Herculus bivium poetā.</i>	<u>122.</u>
<i>Humili loco nati.</i>	<u>317.</u>
<i>Historiæ laus.</i>	<u>334.</u>

I.

<i>Imperii cupiditas.</i>	<u>8.</u>
<i>Jugurtha concilium suorum instituit.</i>	<u>44.</u>
<i>Jugurt. hostis pronuntiatur à Cos. Rom.</i>	<u>78.</u>
<i>Jugurthæ avaritia, & ambitio.</i>	<u>80.</u>
<i>Idololatria.</i>	<u>281.</u>
<i>Iustitia.</i>	<u>311.</u>
<i>Jacobi vander Moere, D. in Heren-cas- spel obitus.</i>	<u>370. 383.</u>
<i>Joannis Reccii obitus.</i>	<u>375.</u>
<i>Joanni Neoburgio strena.</i>	<u>377. 381.</u>
	L. Le-

I N D E X.

L.

<i>Legatus jugurthinus Regem suum defendit.</i>	<u>46.</u>
<i>Literarum fata misera.</i>	<u>188.</u>
<i>Lætisia de rumore Pacis Anglic.</i>	<u>205.</u>
<i>Luxuriosi.</i>	<u>295.</u>
<i>Liberalitatis.</i>	<u>318.</u>
<i>Lucretiæ Violatio.</i>	<u>360.</u>

M.

<i>Micipsa Jugurtham cum Atherb. ac Hiempsale adoptat.</i>	<u>40.</u>
<i>Memmii oratio contra Jugurtham.</i>	<u>68. 74.</u>
<i>Mauritii Principis preces & lacrimæ in pugna Flandrica.</i>	<u>121.</u>
<i>Militaris disciplina.</i>	<u>310.</u>

N.

<i>Nulla fides regni sociis.</i>	<u>47.</u>
<i>Numa Pompilius.</i>	<u>348.</u>

O.

<i>Concordiæ partes crescunt.</i>	<u>43.</u>
<i>Oratio ad Regem Britannia.</i>	<u>209.</u>

P.

<i>Præmia Eruditorum.</i>	<u>324.</u>
<i>Præmia Bonorum.</i>	<u>22.</u>
<i>Pænes</i>	

I N D E X.

<i>Pœnæ malorum.</i>	<u>27.</u>
<i>Pax.</i>	140. 142. 167. 176. 215.
<i>Patriæ amantes.</i>	<u>155. 302.</u>
<i>Pax Anglicana.</i>	<u>221. 226.</u>
<i>Pacis commoda.</i>	<u>231.</u>
<i>Pietatis laudes.</i>	<u>240.</u>
<i>Perfidi.</i>	<u>288.</u>
<i>Patriæ proditores.</i>	<u>289.</u>
<i>Pudicitia.</i>	<u>304. 318.</u>
<i>Paupertas Laudata.</i>	<u>315.</u>
<i>Preces.</i>	<u>50. 67.</u>
	<u>100. 122.</u>
	<u>139. 171. 181.</u>
	<u>187. 220.</u>
	<u>210. 243.</u>
	<u>266. 229.</u>
	<u>299. 326.</u>
	<u>341. 362.</u>

R.

<i>Regnorum cupid.</i>	<u>8.</u>
<i>Remedia adversus stud. diff.</i>	<u>88.</u>
<i>Regum infelicitas.</i>	<u>244.</u>
<i>Religionis.</i>	<u>300.</u>
<i>Romuli natales.</i>	<u>343.</u>
<i>Romuli apotheosis.</i>	<u>345.</u>

S.

<i>Scipionis oratio.</i>	<u>55.</u>
<i>Studiorum <u>difficultas.</u></i>	<u>83.</u>
	<i>Superbi</i>

I N D E X.

<i>Superbi.</i>	285.
<i>Sobrietas.</i>	308.
<i>Sab. Virg. raptus.</i>	343.
<i>Servius Tullius.</i>	353.
<i>Stratagema.</i>	358.
<i>Sapientia laus.</i>	363.

T.

<i>Thomæ Nenburgii frena.</i>	377.
<i>Tyranni.</i>	282.
<i>Tullus Hostilius.</i>	348.
<i>Tarquinius Priscus.</i>	351.
<i>Tullia impietas.</i>	356.
<i>Tarquinius Superbus.</i>	377.
<i>Tarquinius scelera.</i>	359.

V.

<i>Voluptatum cupid.</i>	I.
<i>Vanitas rerum hum.</i>	18.
<i>Virtutis oratio ad Hercu.</i>	128.
<i>Volupt. orat. ad Herculem.</i>	130.
<i>Vitæ privatæ laudes.</i>	251.
<i>Verecundia.</i>	304.
<i>Vindicta iusta.</i>	354.

ERRATA

ERRATA EVIDEN- TIORA.

- pag: 31. lin. 29. lege *panis*.
 ibid. pro *memoriam* l. *memorem*.
 p. 34. pro *παῖδες* l. *παῖδες*.
 p. 46. pro *Numidos* l. *as*.
 p. 49. lin. 21. pro *imo*, l. *uno*.
 p. 90. pro *Siron* l. *Siren*.
 p. 110. lin. 22. l. *manutangent*.
 p. 115. lin. 6. l. pro *illum*, *illud*.
 p. 122. lin. 22. l. *prælia signis*.
 p. 123. lin. 17. l. *sedet, & luxuries*.
 p. 124. lin. 23. l. *mentem*, lin. 27. *vires*.
 p. 125. lin. 11. l. *jaçtat*. lin. 21. l. *decus*.
 p. 127. lin. 2. l. *prælia*.
 p. 128. lin. 31. l. *Charis*.
 p. 131. lin. 12. l. *Hew!*
 ibid. lin. 22. l. *non*.
 p. 132. lin. penult. l. *gradiens*.
 p. 133. lin. 5. l. *despicere*.
 Ibid. lin. 20. l. *mutarat*.
 Ibid. lin. ult. l. *subi*.
 p. 134. lin. 11. l. pro *est*, &.
 p. 135. l. 1. l. *te premit*.
 p. 139. l. in carmino 6. lege pro *malis*,
maculis.
 p. 164. lin. 17. lege *varios*.
 p. 175. lin. 5. l. *acies*. lin. 10. l. *Ovantes*.
 p. 177. lin. 17. lege *nutant*.
 p. 179. lin. 1. *flava Ceres*. ibid. lin. penult.
 l. *venâ*.
 p. 185.

p. 185. lin. penul. adde *summo*.
p. 234. lin. 6. l. *pax & seria*.
p. 247. lin. 5. l. *infirmi quoque*.
p. 252. lin. 8. l. *stricturus*.
pag. 253. lin. 6. l. *tristia*.
pag. 257. lin. 20. l. *pro o*.
pag. 257. lin. 23. l. *multitia*.
ibid. lin. 27. l. *redimicula*.

*Cetera benevolus Lector sponte
corriget.*



Ad 1464409





